

CCIÓN

ROUSSEAU

7

HELOISE

2

PA6484


P6

V.1 DE

010720



1080022102



UNIVERSIDAD AUTÓNOMA
DIRECCIÓN GENERAL





EX LIBRIS

HEMETHERIK VALVERDE TELLEZ


Episcopi Leonensis

UANL

UNIVERSIDAD AUTÓNOMA DE NUEVO LEÓN

®

DIRECCIÓN GENERAL DE BIBLIOTECAS



ANTI-LUCRETIUS,

S I V E

DE DEO ET NATURA.

TOMUS PRIMUS.

UNIVERSIDAD AUTÓNOMA DE NUEVO LEÓN
DIRECCIÓN GENERAL DE BIBLIOTECAS ®



Pondera quo^r rerum stupuisti, Europa, gerentem!
Et magni latuit pars tamen ingenu.
Ecce palat: crescit post funera: quoque recedet
Longius; hōz famā judice, major erit.

Peint par Hyacinthe Regaud.

Grave par J. Daulé G^r du R.

CANTI-LUCRETIUS,

SIVE
DE DEO ET NATURA,
LIBRI NOVEM.

EMINENTISSIMI S. R. E. CARDINALIS
MELCHIORIS DE POLIGNAC
OPUS POSTHUMUM;

Illustrissimi Abbatis CAROLI D'ORLEANS DE ROTHELIN
curā & studio editioni mandatum.

TOMUS PRIMUS.



CANTONOMA DE NUEVO LEON
G. Alfonso
Biblioteca Universitaria

PARISIIS,

Apud HIPPOLYTUM-LUDOVICUM GUERIN,
& JACOBUM GUERIN, vià San-Jacobæa, ad insigne
Sanc*t*i Thom*a* Aquinatis.


M. D C C. X L V I I.

CUM APPROBATIONE ET PRIVILEGIO REGIS.

46958

DIRECCION GENERAL DE BIBLIOTECAS
UNIVERSIDAD DE NUEVO LEON
Biblioteca Universitaria y Tolez


PA 6484
P6



FONDO EMETERIO
VALVERDE Y TELLEZ

LANT 1 30000

80000



P. P. Tardieu Sulp.
C. Eisen. Inv.
SUMMO PONTIFICI
BENEDICTO XIV.

BEATISSIME PATER,

QUÆ duo plurimum habent apud Deum hominesque sanctitatis, Religio & amicitia, ea me ad proferendum in lucem sacrum hunc Poëeos factum impulerunt, & cumdem nunc commendant benevolentias

a

010729

Tuæ, Tuæque pietati. Totum hujuscemodi opus Religio concepit ac peperit: hæc amoenissimos splendidi ingenii lepores consecravit supremo Numinis; hæc auctoris peclus inflammavit divino quodam afflatus ardoris, qui, ut in ipsius animo diuturnæ vitæ cursu debilitatus nunquam est, ita in opere vivit flagratque semper, longo tanti laboris tractu nunquam extinctus. Eadem etiam majores milii fecit spiritus, ut natum suis auspiciis Carmen, in quo lineamenta quædam imperfecta reliquerat magni artificis impetus, quasi Apelleam tabulam aliquâ ex parte conformare auderem; eadem nunc jubet munus hoc sibi pretiosissimum ad pedes Tuos deferri. Semper enim Te, SANCTISSIME PATER, Religio tulit in oculis; ipsa Tibi primis ab annis tenerum peclus imbuit amore sui. Te suo statim impositum sinu fingere studuit ad eas artes, quæ supremam hanc, quam nunc obiines, dignitatem decent. Ideo Te collocavit in excelso Sionis monte sublimem, ut omnibus iis, qui pro Israële præstantur, signum exemplumque dares: atque adeò Te ipsius Dei Legatum in terris, Christique Vicarium, ultro sibi patronum depositum liber, in quo Cardinalis, unus ex electis viris strenuis de cuncto Israël,

qui Moysis Christiani vigiliarum laborumque partem in se suscipiant, causam supremi Numinis adversus Atheos tuetur, & ad tuendam adversus Deistas Christi causam se se accingit.

SED & alio jure SANCTITATI TUÆ debetur pium hoc clientelæ vestigal. Quem auctori amorem reverentiae plenum injecerant cognitæ SANCTITATIS TUÆ virtutes, is hujuscemodi frontem operis alio nomine, præter quam Tu, non sineret honestari. Omnia & Naturæ & artis Miraculorum spectator elegans, sagacior etiam animorum æstimator, cum Italianam longo usu perspectam habere studuisse, inter plurima pulcherrimæ Regionis ornamenta, nihil ipsum & amore devinxerat magis, & admiratione commoverat, quam conspicua in Te, excellentis ingenii altitudo, præcæ integritas, bonarum artium studium ingens, subactum litteris ac subtile judicium, tenerrima eadem & amissa pietas, ardor in Religionem generosus, omnes denique egregiæ dotes, quas intelligenti viro in SANTITATE TUA, patefecerat conjuncta Tecum necessitudo: quem sane maximum ex Transalpinis iteribus fructum retulisse sibi videbatur. Me vero quem

*in intimos animi sinus penitus admiserat, hos de Te
sensus inter permultas magnificæ indolis opes, in illo
saepè deprehendisse profiteor. O Virum, & Tibi,
SANCTISSIME PATER, & Ecclesiæ toti, &
Patriæ, & mihi quoque eheu desiderabilem! quorum
omnium gloriæ consulere me arbitror, dum illius consulo
memoriæ. Hoc illustre monumentum ex quo deposituit
in manus meas morientis amici manus, ipsius quidem
animus & in Poëmate spirans, & toto meo pectore
acceptus, meque in opere perpoliendo adjuvans, sian-
dere mihi non desit, ut hunc sui ingenii partum Tu
potissimum patrocinio committerem. Hanc quam ex
ipso mihi videbar audire vocem, secutus sum eo liben-
tius, quod Tuarum ego quoque virtutum testis; &
aliqui Tui benignitate non semel perfusus, summâ erga
SANCTITATEM TUAM observantiâ, ac religio-
fissimâ veneratione cum præstanti Viromaxime conser-
tirem.*

DUM Tu igitur, BEATISSIME PATER, non
moribus solum Tuis as legibus, sed scriptis etiam pu-
rissimo Christianæ eruditionis succo imbutis, Ecclesiam
exornas, accipe testimonium hoc sanctissimæ nostræ

*Religioni redditum ab Eminentissimo Cardinali, quem
amabas, ab eo quem ipse amavit nunc oblatum
TUÆ SANCTITATI, curasque meas velis Aposto-
licâ benedictione consecratas. Hanc unam laborum his
in terris mercedem toto animo concupivit*

SANCTITATIS TUÆ


JAN

UNIVERSIDAD AUTÓNOMA DE NUEVO LEÓN

®

Obsequentissimus, humillimus
& addicissimus servus
CAROLUS D'ORLEANS DE ROTHELIN,
Presbyter & Abbas.


a iij



PRÆFATIO.

TANDEM exit in lucem multis ab annis efflagitatum opus, cuius per totam Litterarum Rempublicam fama latè pervagata est. Quod enim in Principum virorum liberis publica exspectatio facit, ut eos vixdum ex incunabulis egressos multorum aures oculique prosequantur, eorum facta explorent, dicta omnia excipiant, spargantque in vulgus, affingant etiam aliquid aliquando; id in magni Cardinalis Poëmate, ex quo primùm inchoatum est, evenisse mirum videri non debet. Nec sanè obscurum esse poterat, quod in manibus tamdiu versaret Vir in tantâ luce collocatus: ac præterea, cùm id postulabat & ipsius rei natura & diligentia auctoris, ut in consilium adhiberet homines in maximis artibus, de quibus disputatio erat, præstantissimos; tum

a iiiij



UNIVERSIDAD AUTÓNOMA DE NUEVO LEÓN
DIRECCIÓN GENERAL DE BIBLIOTECAS

si quæ fortè carmina recitaverat, eorum vis in audientium animos altius penetrans eos relinquebat aculeos, ut continere ipsi se non possent, quin eadem quoque, quantum memoriā consequi poterant, proponerent aliorum admirationi. Hinc quasi subreptas auctori gemmas, iis ut opera sua distinguerent, multi protulerunt, cùm Anti-Lucretium nosse pars urbanitatis putaretur. Itaque, quod necesse erat, factum est, ut, dum per ora manusque multorum versus illi volverentur, attrita quædam, quædam aucta, alia perturbata aut variè depravata in publicum pervenerint; nonnulla etiam, quæ deinde auctor ipse maturiore judicio per pensa immutavit. Quæ igitur hactenus ex Anti-Lucretio derivata, nec satis sincera, passim emanarunt; ea jam integritati suæ redita, nunc in ipso fonte haurienda proferimus.

Quanquam autem, qui libros alicujus post mortem auctoris edunt, de vitâ ipsius solent aliquid præfari, ut aut ab homine commendationem operi, aut ab opere laudem homini concilient, id nos tamen hoc in loco super-

vacaneum fore duximus. Talis ille Vir fuit, ut tot inter ejus decora vel minimum sit floruisse maximâ gloriâ Poëseos: opus autem est ejusmodi, ut aliorum ejus factorum claritate non indigeat. Neque verò magnarum rerum, quas gessit, memoria unquam intercidet, & gentis Gallicæ consignata fastis, & politissimorum ingeniorum præconio testata.* Nam in utrâque Regiâ & Inscriptionum ac Litterarum & Scientiarum Academiâ vitam ipsius moresque eximiâ dicendi facultate persecuti sunt Viri iidem doctrinarum artibus, quibus ipse præstítit, excellentes Bozius & Mairanius, qui quam laudis mercedem illustribus ingeniis post obitum persolverunt, eâdem sibi mercede præclaram quoque famam paravere.

Ex duabus his laudationibus, quarum altera jam in manibus hominum versatur, altera hactenus audita tantum summum legendi de-

* Eloge de M. le Cardinal DE POLIGNAC, prononcé dans l'Académie Royale des Inscriptions & Belles-Lettres, par M. De Boze.

Eloge de M. le Cardinal DE POLIGNAC, prononcé dans l'Académie Royale des Sciences, par M. De Mairan.

siderium reliquit, petenda est magni Cardinalis virtutum expressa effigies. Ibi octoginta annorum vita sic oculis subjicitur, ut in tam longo curriculo pars omnino nulla sit proprio suo splendore non insignis. Ibi debitam sibi admirationem vindicat ut à primâ statim ætate maturos fructus efferens, sic in extremâ virens adhuc, vigensque ingenium: animus ingens, in maximis negotiis exercitatus, ac variis Europæ gentibus ad patriæ suæ gloriam ostentatus; in prosperis non elatus, non demissus in adversis, sed utrisque altior & par sibi: quanta mentis celeritas! quanta excogitandi vis! quanta facilitas ac mollities ad omnium animos fingendi se se ac flectendi! Nestorea ut senectus, sic ab ipsâ juventute facundia, quæ ad sensus audientium cum suavitate afflueret & illaberetur. Hæc & alia, quæ vel in occulto majora sunt, lenitas, humanitas, natum ad amicitiam pectus, despiciētia divitiarum, quarum pretium nullum noverat nisi quatenus ad largendum suppetarent, studium tuendæ Religionis, quam ex ipsius cogitatione nunquam removit

aut otii voluptas aut tumultus negotiorum, jam disertissimè tractata sunt. Nos quibus tantum hunc Virum, quantus fuit, complecti totum non licet, ea duntaxat quæ ad Anti-Lucretii historiam pertinent, explicanda suscipimus.

Cùm è Poloniâ rediens anno 1697 Abbas Poliniacus in Bataviâ aliquandiu commoraretur, plurimis in colloquiis cum acutissimo viro Petro Baylio, sed qui in causâ Religionis tanquam in Sole caligaret, de iis quæ spectant ad Religionem velitatus est. Igitur incensus studio veritatis atque virtutis, concepit animo magnitudinem hujus operis, quo Lucretium Atheorum antistitem atque oraculum collato pede profligaret. Itaque paulò post in Boni Portûs Abbatiae secessu seclusus à negotiis ac sibi redditus, quinque Anti-Lucretii libros conscripsit. Hoc primum fuit Poëmaticis rudimentum. Post quatuor annos Lutetiam reverfus de iis quæ chartis mandaverat, cum Malebranchio Metaphysicorum principe communicavit. Is & propositum operis, & magis etiam opus ipsum admiratus, quædam tamen

reprehendit: id enim impunè licebat apud eum, qui moneri se quām laudari mallet: & ex perspicacissimi Philosophi monitis nonnulla auctor ipse emendavit.

Vigebat tunc temporis disciplina Cartesii. Hanc Poliniacus, dum primam Philosophiæ navaret operam adolescens, in scholas advenientem viderat; hanc ipse alacriter exceperat sinu, adhuc à plerisque & à magistro etiam suo repudiatam, ac publicâ disputatione fuerat magnâ cum ingenii laude tutatus. Eam igitur quasi filiolam suam amplexabatur: cùmque ex Cartesii sententiâ suam ipse sententiam institueret, celeberrimos ætatis suæ Cartesianos consuluit, quos familiari cum ipso consuetudine junxerat consensio studiorum. Adhibuit etiam Bolæi censoris aures, teretes illas & superbas: is & annotavit quædam; & universum Poëma, quod variis temporibus perlegit, prorsus consonum esse judicavit incorruptæ antiquitati. Denique haud fere quemquam præteriit Poliniacus aut doctrinæ aut ingenii laude cognitum sibi, quin ejus, cùm

facultas tulit, judicium periclitaretur.

Ex privatis doctorum hominum colloquiis in Aulam celeriter Anti-Lucretii fama perlata est. Exarsit repente apud omnes cupiditas ingens audiendi, legendi, exscribendi. Quintetiam eos Principes, quorum oculos & aures vel paulisper detinere magnum erat, tanta ceperat Anti-Lucretii admiratio, ut apud eos ex eleganti oblectatione in studium verteretur. Nám & Cenomanensium Dux primum librum in Gallicum sermonem transtulit; & eamdem operam in plurimis Poëmatis partibus collocavit Serenissimus Dux Burgundiæ; nec puduit natas ad sceptrum manus transferre se ad illud opus, quo pertractando ipsa Religio-nis arma tractari viderentur. Hos sobolis suæ Iusus egregios cognoscere concupivit LUDOVICUS DECIMUS-QUARTUS, qui ut erat inge-nio magno, & acerrimo rerum optimarum sensu excellens, lectione mirum in modum delectatus, plurima memoriter complexus est; & ex iis quædam interdum palam Abbati Poliniaco è re natâ alludens appositè proferebat.

Anno 1706 Romam à Rege missus Poliniacus, ut in Tremolii jam Cardinalis locum Auditor Rotæ succederet, suscepit laboris meditationem trans Alpes secum tulit. Nam ipse sibi Musæum in mentis recessu condiderat omni litterarum elegantiâ cultissimum, quò se se libentissimè proriperet, si nihil officiū moraretur. Itaque in rhedâ, in strepitu, in ipsâ turbâ facile fecum ipse commentabatur.

Postquam ab erudito viro Lancizio medico suo multa de Anti-Lucretio præclara audivisset Clemens Undecimus, ejus ut cognoscendi copiam sibi faceret, ab Abbe Poliniaco postulavit: cui pluribus in colloquiis recitanti, cùm attentas aures præberet, vi Poëeos & Latini eloquii nitore mirificè capiebatur Summus Pontifex, qui maximis virtutibus eximiam litterarum intelligentiam addiderat. Ipsi quidem placebat minus doctrina Cartesii; sed eam tamen quānam arte Religioni quasi ministram ac famulam auctor adjungeret, mirari se fatur.

Nec deinde Ultrajecti, dum gravissimas

totius Europæ curas agitaret Poliniacus, ipsi tamen suscepta ad tuendam Religionem studia exciderunt: quippe & subcisis vis horis sermones eâ de re conferebat cum eruditis Batavis; & primum operis librum recitavit doctissimo Clerico; qui cùm multos versus mirabili memoriæ celeritate arripiisset, eos in menstrua scripta conjectos in publicum effudit: quo facto Poliniacum à pluribus recitandis absterruit.

Crescebat interim opus, cùm quidquid progrederetur auctor, in vastiorem se altitudinem ac velut profundum invehî sentiret. Affluebat enim secundissimum ingenium nacta uberrima materies: dumque cum Epicuro præliabatur, in ceteros etiam Atheos Epicuro velut auxiliares arma convertebat. Spinosam igitur obiter proculcavit: in Hobbesium ex transverso impetum fecit. Quin & in causâ Religionis suspiciosus, atque *omnia tua timens*, Lockium & Neutonum perstrinxit: quamvis hunc maximè ob Mathematicarum artium præstantiam admiraretur, & novam ejus de colo-

ribus opinionem unus omnium maximè approbaret : quam etiam , ubi ea primùm in Galliam appulit , à quibusdam doctis hominibus minus benignè exceptam publicis experimentis confirmavit . Et ipsi quidem gratias egit Neutonus plenâ urbanitatis epistolâ , quâ se affirmabat maximo cum desiderio moritum , si Anti-Lucretium totius Europæ votis tantopere expetitum legere sibi non contigisset .

Comparatâ igitur magnâ sylvâ rerum ac sententiarum , ita decreverat , absolutis adversùs Atheos decem libris , novum adversùs Deistas , quos vocant , certamen instaurare libris duobus , quibus & Religionis ab ipso Deo traditæ necessitatem , & propagatam ad nos à primo parente labem , & Christi divinitatem demonstraret . Id & in hoc ipso Poëmate pollicetur ; & in calce hujus operis ad alterum illud jam flectere currum videtur . Habebat etiam in animo , id declarare fusiùs ; nihil aliud fuisse Idolatriam , nisi quamdam hæresim , quæ à primariâ Religione in pravum deflexerat :

deflexerat : quod paucis delibat , Libro nono vers. 885 .

Has magno Cardinali dignas cogitationes , quas diuturnæ vitæ spatio negotiorum moles non oppresserat , non ultimus etiam morbus & proximæ mortis afflatus excussit . Nec profectò nefas fuit Christiano morienti , respectare paullisper fœtum hunc suum , qui præsertim cœlestium rerum , quibus jam propior erat , imaginem objiceret . Cùm igitur affectum dolore corpus in cubili versans , nihil usquam levamenti inveniret , mente adhuc integer , recordatus est carminum aliquot suorum , quibus Libro primo versu 1047 , ægrotantem animum & rerum terrestrium cupidine jactatum ac nusquam quiescentem cum ægro corpore comparat . Hos scilicet versus , & omnis litteraturæ peritus , & in Italicâ versatissimus , imitatus erat ex his egregii Poëtæ Dantis * Alighieri versibus ,

— Simigliante a quella' nferna ,
Che non può trovar posa in su le piume ,
Ma con dar volta suo dolore scherma.

* Dante , Purgat . Canto 6° .

Hic autem à multo acriore magistro, proprio sensu incitatus, eamdem sententiam versibus cecinit aliquot pulcherrimis, quos à familiaribus quibusdam, qui aderant, exceptos ex eorum memoriâ delevit dolor, præter hunc ultimum Virgiliano affectu imbutum,

ALERE FLAMMAM

Quæsivit strato requiem, ingemuitque negatâ.

Fuit hæc facundi senis, ut Tullii verbis utar, quasi cygnea vox; ac paulò pòst à rerum diuinorum contemplatione ad res ipsas perfruendas evolavit.

Relinquebatur jam celeberrimum Poëma; sed cuius varias partes variis temporibus perpoliendo, dissolutas ac dissipatas in unum corpus revocare nunquam curaverat. Hoc ut ederetur; opus erat amico, qualem Plinius *. Octavio suo contingere exoptat, & fidei, & eruditio, & laborioso, qui tantum curæ intentio- nisque suscipere & posset & vellet. Talem ipsi, blanda amicitiæ conciliatrix, conjunctio voluntatum atque virtutum paraverat illustris-

* Plin. lib. 2º. epist. 10º.

simum Abbatem Rothelinum; quem cùm & ingenio sagaci præditum, & in omni vitæ officio imprimis diligentem longo suavissimæ familiaritatis usu fuerat expertus; tum præterea noverat tam amicum sibi, ut quidquid à se commendatum foret, id ille habiturus esset suis rebus sanctius & antiquius; tam studiosum Religionis, ut ipsius defensionem vel à quolibet alio profectam promovere ac tueri maximè paratus esset.

Huic igitur Cardinalis paucis ante obitum diebus Anti-Lucretium, pretiosissimam hereditatis suæ partem, in manus tradidit; ac sedulò recognitum ederet-ne an supprimeret, liberum ipsi de totâ re arbitrium permisit. Is unus recenti Virgilio pro Tuccâ & Vario fuit. In medio dolore, quem ejusmodi amici funus inusserat, hoc unum solatii nactus est, ut creditum sibi carissimi Viri fœtum omni curâ soveret. Itaque rem vel ipsi Scriptori molestam ac difficilem impigrè statim aggressus est. Quæcumque exemplaria passim abierant, investigare; ea tum inter se, tum cum iis quæ ab

ipso Cardinali acceperat, comparare; locos eosdem saepius ac variè ab auctore retractatos pensitare etiam atque etiam, ut postremam ipsius manum agnosceret; totum Poëma crebrâ lectione concoquere, ac mente & memoriâ comprehendere universum; tum concisa minutatim ac sine ullâ notâ confusa innumera-bilia fere additamenta, quasi disjecta tantæ molis membra, ad quem quodque locum natum esset, in eo sic includere, ut quadrarent: hæc & alia ejusmodi eo plus habuerunt laboris, quo magis tacitum & obscurum. Id autem ut efficeret, induendus illi fuit ipse Scriptoris animus: quod quidem assequi nullo negotio poterat, propter eximiæ indolis cognatiō-nem. Nam germana in utroque ingenii facilitas, elegantia, ubertas: ita ut opus ipsum tractari se non sentiret alienâ manu; nec tam amicus auctoris, quam auctor ipse sibi super-fites edendo Anti-Lucretio incumbere vide-retur.

Nec tamen suo unius arbitrio stetit Rothelinus. Per opportunè in Galliam adduxerat

strenua doctos homines pernoscendi cupiditas illustrissimum Abbatem Cerati, perpetuum Universitatis Pisanae Rectorem; qui cùm plu-rimas Europæ gentes, nobili doctrinæ com-mercio circumiret, quam secum magnam vir-tutis, humanitatis, scientiæ litterarumque fa-mam attulerat, ubique reliquit ampliorem. Hujus limatissimo judicio, quod olim ipse Cardinalis in opere confiendo perspexerat, in eodem digerendo plurimùm usus est Rothelinus. Quinetiam quoscumque noverat, qui aut de rebus ipsis, aut de poëseos præstantiâ judicare possent, eos omnes, quos potuit, modò adire singulos, modò congregare plu-res; recitandoque Poëmate eorum sententiam explorare: quam deinde secum ipse diligen-ter expendebat, ne quid vel pertinaciâ, vel obsequio peccaret. Hos tam multos nominare longum esset, partim aut splendore honorum maximorum, aut litterarum titulis jam insi-gnes; partim eâ modestiâ, ut cum eo qui no-mina eorum efferret, ferè proditionis agerent. Supererant etiam pauci, neque illi quidem

infimi inter eruditos ordinis, quibus Anti-Lucretium recitare in animo habebat: quorum omnium suffragiis, quod amicis saepe testificatus est, ultimum quasi punctum addere decreverat ejus sententiam Viri, quem ut summum juris in Galliâ dicundi moderatorem, ita supremum & severissimarum artium & politioris humanitatis judicem noverat; in quo Viro cum omnia, quæ apud cæteros quos adierat, collecta in unum ingenii ac sapientiae subsidia repertorum se intelligebat, tum amantissimam Cardinalis, quem ille carissimum habuerat, recordationem. Is Anti-Lucretio, quem in ipsis olim auctoris manibus nascen-tem viderat, ipse versaverat, optimis consiliis non semel ornaverat, ultimus arbiter destinabatur; ut quemadmodum hoc Poëma Viros non magis altissimo honoris gradu quam omni doctrinâ eminentes Davias & Passioneos in Italiâ monitores ac patronos habuerat, sic & haberet in Galliâ Daguestæos.

Verum hanc tantam consiliorum opportunitatem Rothelino præripuit immatura mors:

quam cum insanabili pectoris tabe jam proprius obrepere sentiret, ne prius è vitâ discederet, quam debitam amico exsolvisset fidem, conscriptâ ad Summum Pontificem dedicatione, Anti-Lucretium nomine suo vulgandum, authenticâ pactione nobis commisit. Nos aliquot difficultatibus diutiis, quam vellemus, retardati, opus bis posthumum, & parente & tutore orbatum, adoptandum nunc tradimus Religioni & Litteraturæ.

Absolutâ jam Poëmatis historiâ, liceat nobis considere parumper ad tumulum illustrissimi Abbatis; & non sine lacrymis respectare eum, cuius luctuoso interitu Pietas, prisca Fides, Litteræ congreguerunt. Heu lenitas! Heu morum æquabilitas! Quis illo cum vita suavitate severior? Quis cum ingenii venustate sanctior? Quidquid supererat aut Religionis officiis, quæ prima semper apud eum fuerunt, aut temporibus amicorum, id totum concedebat otio erudito. Ut amans litterarum, sic in Litteratos propensus, & sibi & cæteris collegerat cum nummos antiquos, quam multos & elegantes!

tum lautissimam supellectilem librorum , quibus commodandis non minus , quam legendis delectabatur. Inoffenso vitae cursu ad metam , quamvis citò , tamen placidè provectus , in longo mortis segniter adventantis prospectu , nullo suo , magno & illustris familiæ & amicorum gemitu , acerbo quidem fato , at æternitati matus extictus est ; perpetuo virtutum Christianarum tenore , sine ullâ ostentatione , sibi per omnia similis & constans ; cuius supremus dies id unum insigne habuit , quòd ipsi fuerit rectè factorum ultimus. Verum suarum laudum ut intimum testem , sic optimum interpretem habuit clarissimum Virum Freretum * , cuius ille probitatem ac fidem non minus , quam immensam penè eruditio- nem fuerat conjunctissimâ necessitudine prosecutus.

Sed ne tam diuturnæ exspectationi moras etiam addere longior Præfatio videatur , pauca

* Elogie de Monsieur l'Abbé DE ROTHELIN , prononcé dans l'Académie Royale des Inscriptions & Belles-Lettres , par M. Fréret.

tantum subjicientur , quæ nosse operæ pretium est.

I°. Ex Libro nono , ubi Scriptor lampadem , ut ait ipse , præferens , Lectorem in terræ marisque visceribus circumducere in animo habebat , ut ibi quoque summi Artificis manum deprehenderet , nihil exstare repertum est , nisi titulum & viginti quatuor primos versus , in quibus Auctor ad novam hanc viam se accingit. Eos verò versus Lectori invidere religio fuit ; cùmque Libro decimo , quo collectis breviter prioribus fastigium imponebatur universo Poëmati , deesset ipsum caput , ejus quod reliquum erat , noni Libri principio Rothelinus sub alio titulo subjunxit.

II°. Vix necessarium videtur admonere Lectorem , in Lucretio refellendo , cuius in magnâ fœditate rerum sincerum maximè & castum est loquendi genus , ejus etiam verba quædam aliis insolita , veteremque ac singularem dicensi speciem ac figuram sæpe Poliniacum

expressisse. Quòd si videbuntur interdum exprobrari Lucretio absurdā quædam , quæ Lucretius à se deditā operā amolitur , ex attentā lectione patebit ea esse ejusmodi , quæ Poëta sibi minimè constans aliàs rejiciat quidem ; aliàs verò quasi manu rephensa assumat. Et sanè optandum est imprimis , ut postea nunquam Lucretius sine hujuscē Poëmatis antidoto attingatur.

III°. Quanquam Auctor insistit plerumque Cartesii vestigiis , ab eo tamen aliquando discedit. Neutonum de coloribus , de naturâ ignis Boerhaavium , de quibusdam aliis alios audire maluit ; veritati , si satis explorata esset , addictus uni. In ipso tamen hæsisse reperientur opinones quædam , quæ jam ferè obsoleverunt. Hujusmodi sunt cùm alia nonnulla , tum quidquid affert tertio Libro , ut infinitum Atommorum numerum confutet. Resput enim infinitum infinito majus aut minus ; nec stare posse numerum infinitum statuit. Neque tamen erat in rebus Philosophicis ita peregrinus , ut

quænam his de rebus opinio jam invaluisse , ignoraret. Sed ex lectione plurimâ & ex longissimæ ætatis usu satis intellexerat , ut quamlibet liberam civitatem , sic & artium egregiarum Rempublicam multis rerum conversionibus obnoxiam. Multas opiniones emergere viderat , quæ cùm aliquandiu floriissent , ejectæ postea & explosæ fuerant ; quasdam jampridem emortuas ac sepultas renasci & vigere. In eas igitur , quæ animorum potiri viderentur , non se se statim juvenili properatione conjecit. Ita se gessit in rebus Philosophicis , ut in Politicis vir cautus & prudens ; qui quæcumque existunt studia partium , ad ea non vertit se se subito & circumagit , sed eventorum maturitatem opperitur.

IV°. Fortasse severioribus viris arrideant minus , quos ex Mythologiâ colores Poëmati suo , rarò quidem & parcè , at interdum tamen illevit. Eos verò ita inspersos fuisse advertant , ut dum delectationi conducunt , nihil officiant veritati. Mythologiam enim aut Ethnicis lo-

quentibus accommodat, aut ita opponit Epicuri & Lucretii somniis, ut hæc vel ipsis Fabulæ commentis ineptiora esse ostendat. Cùm verò primi Libri statim initio reum peragit Epicurum, qui

*Cæli tonitralia templa lacefens,
Eripuit, fulmenque Jovi Phœboque sagittas,*

hoc ita intelligi debet, non id Epicuro criminari, quòd falsorum Numinum aras everterit; sed quòd, quæ sola tunc in Græciâ religio vigebat, eâ sublatâ, neque ullâ aliâ substitutâ, omnem omnino Divinitatis cultum sustulerit. Hanc esse Auctoris sententiam patet ex his Libri noni versibus :

*Sic totum insulsis deceptum fraudibus Orbem
Stulta Supersticio pro Religione subivit.
Illam, Epicure, tuis merito convellere dictis
Fas erat: illa tuos versus, argue Lucreti,
Promeruit; jam tum poteras praludere Vero.
Sed furor est, Divum impuras dum subruis aras,
Unâ sancta Dei templa involuisse ruinâ.*


V°. Cùmhujuscè Operis utilitas ad universos pertineat, eâ ne fraudarentur, qui Latinè nef-

ciunt, cordi fuit illustriss. Abbatii Rothelino. Itaque operæ pretium fore credidit, si ad id Gallicam in linguam vertendum eum impelleret, quem idoneum sapientiæ cum tantâ venustate conjunctæ interpretem judicabat, clarissimum juvenem De Bougainville, in Regiam Inscriptionum & Litterarum Academiam ob matuorem annis eruditioñem nuper ascitum. Hæc autem interpretatio summo ingenio summoque studio jam concinnata, opus ipsum haud ita multo pòst subsecutra est.

His præmissis, jam audiendus est Vates ingens, dum ingentem causam tuetur, sæpe quidem antea defensam, sed à libidinibus, quæ nunquam silent, semper impugnatam; & quæ nunc primùm Latinæ Poëeos insignibus prodit magnificè decorata. Nam quæ à Paleario, Scipione Capicio & aliis fortasse nonnullis Poëmata de Religione naturali scripta sunt, ea cùm hujuscè argumenti partem tantum attingunt, tum Poëeos nitore quantum distent, ipsâ lectione aperietur. Liceat hîc coronidis loco subjungere versiculos aliquot, quos Ab-

bas Rothelinus ab amico sibi traditos typis
mandari optavit.

*PALLUIT, hec legeret tremulo dum corde Voluptas,
Languidulisque liber decidit è manibus.
Prodimur ; illecebris Veri jam vincimur , inquit ;
Prodimur : heu ! nobis abstulit ille rosas :
Ausus & ablatas Rationi aptare severa ;
Jamque meos lusus perdere, lusus erit.*



UNIVERSIDAD AUTÓNOMA
DIRECCIÓN GENERAL DE

A P P R O B A T I O .

Illusterrimi Galliarum Cancellarii jussu , codicem manuscrip-
tum legi , cui titulus est , *Anti-Lucretius* , &c. carmen , cum
ipso argumento , tum eminentissimi Auctoris nomine commenda-
tum ; & ab omnibus Religionis bonarumque Artium studiosis ,
quanto expectatum cupidius , tanto avidius suscipiendum. Datum
Parisiis die nonâ Martii 1746.

FOUCHER.

P R I V I L E G E D U R O I .


LOUIS , par la grace de Dieu , Roi de France & de Navarre : A nos
amés & fœux Conseillers les gens tenant nos Cours de Parlement ,
Maitres des Requêtes ordinaires de notre Hôtel , Grand-Conseil , Prévôt
de Paris , Baillijs , Sénéchaux , leurs Lieuténans Civils , & autres nos Justi-
ciers qu'il appartiendra : SALUT. Notre bien amé HIPPOLYTE LOUIS
GUERIN , Libraire à Paris , Nous a fait exposer qu'il désireroit faire im-
primer & donner au Public un Ouvrage qui a pour titre , *Anti-Lucretius* ,
& la Traduction Françoise par M. de Bougainville , s'il nous plaïoit lui ac-
corder nos Lettres de Privilege pour ce nécessaires. A ces causes , voulant
favorablement traiter l'Exposant , Nous lui avons permis & permettons par
ces Présentes de faire imprimer ledit Ouvrage en un ou plufieurs volumes ,
& autant de fois que bon lui semblera , & de le vendre , faire vendre &
débitier par tout notre Royaume , pendant le terms de douze années consécu-
tives , à compter du jour de la date desdites Présentes. Faisons défenses à
toutes personnes de quelque qualité & condition qu'elles soient , d'en in-
troduire d'impression étrangère dans aucun lieu de notre obéissance : comme
aussi à tous Libraires & Imprimeurs , d'imprimer , ou faire imprimer , ven-
dre , faire vendre , débitier , ni contrefaire ledit Ouvrage , ni d'en faire aucun
extrait , sous quelque prétexte que ce soit d'augmentation , correction ,
changemens ou autres , sans la permission expresse & par écrit dudit Expos-
ant , ou de ceux qui auront droit de lui , à peine de confiscaſion des exem-
plaires contrefaſts , de trois mille livres d'amende contre chacun des con-
trevénans , dont un tiers à Nous , un tiers à l'Hôtel-Dieu de Paris , & lau-
tre tiers audit Exposant , ou à celui qui aura droit de lui , & de tous dépens ,
dommages & intérêts ; à la charge que ces Présentes seront enregistrées tout
au long sur le Registre de la Communauté des Libraires & Imprimeurs
de Paris , & ce dans trois mois de la date d'icelles ; que l'impression dudit
Ouvrage sera faite dans notre Royaume , & non ailleurs , en bon papier &
beaux caractères , conformément aux Réglemenſ de la Librairie , & no-

tamment à celui du du 10 Avril 1725. qu'avant que de l'exposer en vente, le manuscrit qui aura servi de copie à l'impression dudit Ouvrage, sera remis dans le même état où l'Approbation y aura été donnée, es mains de notre très-cher & fidèle Chevalier le sieur Dagueseau Chancelier de France, Commandeur de nos Ordres ; & qu'il en sera ensuite remis deux Exemplaires dans notre Bibliothèque publique, un dans celle de notre Château du Louvre , & un dans celle de notre très-cher & fidèle Chevalier le Sieur Dagueseau , Chancelier de France , le tout à peine de nullité des Présentes. Du contenu desquelles vous mandons & enjoignons de faire jouir ledit Exposant ou les ayant causé , pleinement & paisiblement , sans souffrir qu'il leur soit fait aucun trouble ou empêchement. Voulons qu'à la copie desdites Présentes qui sera imprimée tout au long au commencement ou à la fin du dit Ouvrage , soi soit ajoutée comme à l'Original : Commandons au premier notre Huissier ou Sergent de faire pour l'exécution d'icelles tous actes requis & nécessaires sans demander autre permission , & nonobstant clamour de Haro , Charte Normande , & Lettres à ce contraires. Car tel est notre plaisir. DONNÉ à Versailles le treizième jour du mois de Mai , l'an de grâce mil sept cens quarante-sept , & de notre Regne le trente-deuxième. Par le Roi en son Conseil.

SAINSON.

Registré sur le Registre XI. de la Chambre Royale des Libraires & Imprimeurs de Paris , N°. 782. fol. 690. conformément aux anciens Règlements , confirmés par celui du 28. Février 1723. à Paris le 15. Mai 1747.

G. CAVELIER, Syndic.



UNIVERSIDAD AUTÓNOMA DE NUEVO LEÓN

DIRECCIÓN GENERAL DE BIBLIOTECAS

ARGUMENTUM

ARGUMENTUM LIBRI PRIMI.

PROPONIT quid hoc opere sit acturus : divinam Sapientiam invocat : à v. 1. ad v. 33.

Quintum , quo nomine quemvis Atheum intellige , hortatur ut depositis præjudiciis , vacuas aures Rationi accommodet : à v. 33. ad v. 81.

Tum patrocinium Religionis adversus Voluptatem aggressus , 1º. ostendit institutum Epicuri de subvertenda Religione , & unicè colendâ Voluptate , esse amicum libidini ac sceleribus ; at moribus , humanæ Societati , Virtuti & Rationi infestum : à v. 81. ad v. 471.

Adversus Epicuri defensores ostendit , eum non in Virtute Voluptatem , sed in Voluptate Virtutem positam velle ; eversaque Religione , eversam simul ab Epicuro esse regulam omnem , non Virtutis solum , sed etiam Veritatis : à v. 471. ad v. 593.

Suffragantem Epicuro Hobbesii de justi origine sententiā obiter refellit : à v. 593. ad v. 647.

Concludit Doctrinam Epicuri de Voluptate exitiosam esse & insanam : à v. 647. ad v. 683.


A

tamment à celui du du 10 Avril 1725. qu'avant que de l'exposer en vente, le manuscrit qui aura servi de copie à l'impression dudit Ouvrage, sera remis dans le même état où l'Approbation y aura été donnée, es mains de notre très-cher & fidèle Chevalier le sieur Dagueseau Chancelier de France, Commandeur de nos Ordres ; & qu'il en sera ensuite remis deux Exemplaires dans notre Bibliothèque publique, un dans celle de notre Château du Louvre , & un dans celle de notre très-cher & fidèle Chevalier le Sieur Dagueseau , Chancelier de France , le tout à peine de nullité des Présentes. Du contenu desquelles vous mandons & enjoignons de faire jouir ledit Exposant ou les ayant causé , pleinement & paisiblement , sans souffrir qu'il leur soit fait aucun trouble ou empêchement. Voulons qu'à la copie desdites Présentes qui sera imprimée tout au long au commencement ou à la fin du dit Ouvrage , soi soit ajoutée comme à l'Original : Commandons au premier notre Huissier ou Sergent de faire pour l'exécution d'icelles tous actes requis & nécessaires sans demander autre permission , & nonobstant clamour de Haro , Charte Normande , & Lettres à ce contraires. Car tel est notre plaisir. DONNÉ à Versailles le treizième jour du mois de Mai , l'an de grâce mil sept cens quarante-sept , & de notre Regne le trente-deuxième. Par le Roi en son Conseil.

SAINSON.

Registré sur le Registre XI. de la Chambre Royale des Libraires & Imprimeurs de Paris , N°. 782. fol. 690. conformément aux anciens Règlements , confirmés par celui du 28. Février 1723. à Paris le 15. Mai 1747.

G. CAVELIER, Syndic.



UNIVERSIDAD AUTÓNOMA DE NUEVO LEÓN

DIRECCIÓN GENERAL DE BIBLIOTECAS

ARGUMENTUM

ARGUMENTUM LIBRI PRIMI.

PROPONIT quid hoc opere sit acturus : divinam Sapientiam invocat : à v. 1. ad v. 33.

Quintum , quo nomine quemvis Atheum intellige , hortatur ut depositis præjudiciis , vacuas aures Rationi accommodet : à v. 33. ad v. 81.

Tum patrocinium Religionis adversus Voluptatem aggressus , 1º. ostendit institutum Epicuri de subvertenda Religione , & unicè colendâ Voluptate , esse amicum libidini ac sceleribus ; at moribus , humanæ Societati , Virtuti & Rationi infestum : à v. 81. ad v. 471.

Adversus Epicuri defensores ostendit , eum non in Virtute Voluptatem , sed in Voluptate Virtutem positam velle ; eversaque Religione , eversam simul ab Epicuro esse regulam omnem , non Virtutis solum , sed etiam Veritatis : à v. 471. ad v. 593.

Suffragantem Epicuro Hobbesii de justi origine sententiā obiter refellit : à v. 593. ad v. 647.

Concludit Doctrinam Epicuri de Voluptate exitiosam esse & insanam : à v. 647. ad v. 683.

A

2º Voluptatem cum Religione comparat, ostenditque
à Religione demum petendam esse veram tum in hac vita,
tum in futurā felicitatem : à v. 683. ad v. 1083.

Victa Voluptate, concludit Athei interesse plurimum,
Deum, an sit, investigare : à v. 1083. ad finem.

ALERE FLAMMAM
VERITATIS



c. Eisen. gravavit.

De Lefevre sculptor.

ANTILUCRETIUS,
S I V E
DE DEO ET NATURA,
LIBRI NOVEM,
AD QUINTIUM.

LIBER PRIMUS.

De Voluptate.

MAGNUM opus aggredior, Quinti, de Numine summo
Dicturus. Quid enim toto præstantius Orbe est
Quam Sator & Princeps Orbis? Quid dignius omni
Et curâ & studio & nostræ conamine mentis?
Quid, si metimur vires, magis arduum & audax,
Quam rem infinitam brevibus comprehenderet chartis?
Rem, causam rerum, veram Rem: quam sua partim
Ostendunt celantque opera; & caligine luci
Permixta, veluti Solem trans nubila monstrant.

10 INDE hominum mentes sæpe in diversa trahuntur,
A ij

UNIVERSIDAD AUTÓNOMA DE MEXICO
DIRECCIÓN GENERAL DE BIBLIOTECAS

Num fati nexus , an positæ vi legis eant res.
 Hinc alios dubitare quidem , at nescire videmus
 Cur dubitent ; optare tamen ne funditus esset
 Arbiter humani generis , Judexque tremendus.
 15 Quin alios pellax Epicuri dogma secutos ,
 Fortunæ arbitrio Mundum permittere , & omnem
 Concilcare metum , vitæ mortisque futuræ
 Securos. Tantum potuit suadere libido !

Hos contra bellum gerimus ; Seßtæque superbæ
 20 Relliquis vanâ pro libertate rebelles ,
 Et celebrem , quo se jaqtat mala turba , Poëtam
 Obruere est animus , Musasque ad vera vocare.
 Sed quid ego hic Musas ? Te Causa & Regula Mundi
 Omnipotens , æterna Dei Sapientia , Virtus ,
 25 Et Mens , & Ratio , vitæ Dux optima nostræ ,
 Ipsaque Lux animi , Te solam in vota vocabo.
 Huc ades , & Vati longum da ferre laborem.
 Per Te cuncta suo stant ordine , cuncta videri
 Tandem , & nativis possunt emergere ab umbris.
 30 In Te discendi nobis innata voluntas
 Pascitur , & veri nunquam satiata cupido.
 Incute vim dictis , propriamque ulciscere causam.

Tu verò , Quinti , præceps quem fortè juventus
 Incautum abripuit , legique inimica Voluptas ;
 35 Aut acris vigor ingenii , plerumque recusans
 Cum populo sentire , jugo subduxit , & ævi
 Impulit æterni magnum tentare periculum ;
 Pone modum , quæso. Ne te auferat ebrius ardor ,
 Neu clausos radius oculos opponat apertis.

40 Indociles animi primùm compesce tumultus.
 Utte mente tuâ . Procul anticipata repelle
 Judicia ; & recto librans examine lances ,
 Hanc demum , auditâ causâ , complectere partem ,
 Quam mens , & ratio veri studioſa probabit.

45 O utinam , dum te regionibus infero sacris ,
 Arentem in campum liceat deducere fontes
 Caſtalios , versis læta in viridaria dumis ,
 Ac totam in nostros Aganippida fundere versus !
 Non mihi , quæ vestro quandam facundia vati ,
 50 Nec tam dulce melos , nec par est gratia cantûs .
 Reddidit ille suâ Graiorum somnia linguâ ;
 Noſtra peregrinæ mandamus ſacra loquelæ.
 Ille Voluptatem & Veneres , Charitumque choreas
 Carmine concelebrat : nos Veri dogma ſeverum :
 55 Trifte ſonant pulſæ noſtrâ teſtudine chordæ .
 Olli ſuppeditat dives natura lepôris
 Quidquid habet , lætos ſummittens prodiga flores .
 Illius ad plectrum ſuſpirant molliūs auræ ;
 Gratior & cœlo radius deſcendit ab alto .

60 Si terram aſpicias , nemorum tibi porrigit umbram ;
 Garrula per clivos elabitur unda virentes ;
 Laſtea fertilibus decurrunt flumina campis ;
 Suave canunt piæ volucres ; perque humida prata
 Nil niſi ſecundosque greges , armentaque monſtrat
 65 Læta boūm ; ſaltant pecudes , pecudumque magiſtri .
 Æneadūm genitrix felicibus imperat arvis ,
 Aëriasque plagas recreat , pelagusque profundum .

Sic rident Muſarum hilari fucata colore ,

A iij

Quæ de Cecropio mendacia fonte propinat;
 70 Talia & hospitibus præbebat pocula Circe
 Littore in Ausonio, fugit quæ cautus Ulysses.
 Cujus ad exemplum potiori jure monemus,
 Quem tenet illecebris captum sapientia mendax;
 Soligenæ spernat fallacia munera Nymphæ;
 75 Ne rudat in stabulis, demens, sub pelle ferinâ:
 Hortamur, fugiat Circen, ac se sibi reddat.
 Numinis hic laudes, hic Numinis omnia plena,
 Pieridum si forte lepos austera canentes
 Deficit; eloquio victi, re vincimus ipsâ.
 80 Tu modò non surdam nostris da cantibus aurem;

Quid strueret, Divos olim qui finxit inertes,
 Ac similes nullis; confertaque semina rerum,
 Et casu cæcis inter se nexa catenis;
 Æternas atomos quibus omnia nata gerantur;
 85 Atque animos hominum pereuentes mortis ab iictu;
 Ipse libens aperit confidentissimus almæ
 Præco Voluptatis, nulloque pudore fatetur.
 Nempe gravi populos sub Religione jacentes,
 Conimoda cùm fugere ac votis pugnare videret;
 90 Noctis ob horrorem Stygiæ, strepitumque Acherontis;
 Aut ævum infelix corde inter gaudia moesto
 Ægre agitare metu Superum; & peccare trementes;
 Continuò, fortem gentis miseratus acerbam,
 Numinis & famam & cultum convellere primus
 95 Instituit; Cœli & tonitralia templa lacefens,
 Eripuit fulmenque Jovi Phœboque sagittas;
 Et mortale manumittens genus, omnia jussit
 Audere, ac leti pulso terrore beavit,

Ipse quidem veritus sectam infamare recentem,
 100 Jure dato sceleri cunctis si cuncta licerent,
 Haud nullo voluit cohiberi pectora freno:
 Quin, duce Naturâ, certum moderamen in ipsis
 Deliciis, sic fama refert, servare solebat.
 Non odio Vitii tamen, aut Virtutis amore,
 105 Cui Vitium Virtusque nihil nisi somnia; tantum
 Ne dolor immodi ci comes, aut extrema capessens
 Lætitiae, placidam temeraret fortè quietem:
 Aut æstus irarum ex ambitione suborti,
 Lictorumve metus, vel pro lictoribus ultrix
 110 Cura secuta nefas, macularent præmia vitæ.

Sed non effusos valuit componere motus;
 Nec rexit, quas ipse semel laxarat, habenas.
 Quippe gubernator, dum perflant æquora venti;
 Nutantem imprudens clavum si quando remisit,
 115 Nequicquam hortatur nautas, ut turgida vela
 Colligere, ac tensos properent solvisse rudentes;
 Quò venti fluctusque ferunt, volat avia puppis.
 Aut ubi saxifrago longum obstitit ardua moles
 Torrenti, subito, si prima repagula frangas,
 120 Cetera, quæ data porta, furens perrumpet aquæ vis.
 Ergo stravit iter vitiis, spe lusus inani,
 Cùm semel exegit moderantes omnia Divos.
 Nec generi nostro libertas redditæ; verum
 Mutati Domini: regnumque infrena cupido
 125 Invasit, quod erat Divum legisque supremæ.

Nam quis Justitiae locus, aut quæ regula morum
 Esse potest, dum nil præerit quod legibus æquis

Contineat mortale genus , doceatque vel intus
 Congenito splendore animos , vel vocibus aures
 130 Personet , ac posit certis ostendere signis
 Fasque nefasque ? Boni siquidem jam nulla futura est ,
 Nulla mali ratio ; sed pessima & optimia quæque
 Vanus opinandi mos arguet . Omnia porro
 Facta hominum in sece , conspectaque mente sagaci ,
 135 Laudis & opprobrii vacua invenientur ; idemque
 Prorsus erit facinus , leto eripuisse parentem ,
 Aut ferro , amplexus inter , jugulasse cruento .
 Nam quod in his rebus genitrix Natura ministrat
 Humano generi lumen , te judice vanum est ;
 140 Ipsa tibi cùm lucis inops & cæca putetur .
 Hinc scelus in tenebris admissum , obscuraque virtus
 In pari erunt pretio ; pendebit utrumque vagantis
 Arbitrio vulgi , nec erit nisi nomen inane ,

Quæ simul ebiberit vestro de fonte venena
 145 Quilibet , in vetitum per se jam pronus & ardens ,
 Cui Natura ferox , cui sanguis pectora fervet ,
 Quique Deos temnens omnique timore solutus ,
 Crediderit sibi nil melius quam vivere lautè ,
 Optatisque frui ; post funera quemque futurum ,
 150 Qualis erat nondum genitus ; casu omnia nasci ,
 Omnia dissolvi ; nec formidabile nobis ,
 Dum sumus atque brevi mortales vescimur aurâ ,
 Esse aliquid præter luctum infestosque dolores ;
 Ecquid eum petulantem avidumque morabitur ultrâ ,
 155 Si modò conspectus hominum fugisse licebit ,
 Quin stupret , rapiat , jugulet , perimatque veneno ,
 Dum jubet ingenitus furor , & Regina Voluptas ?

Nam quæcumque animi protrusèrèt impetus atrox ,
 (Quidquid in his rebus caveas , Epicure , monendo)
 160 Illic votorum finis , supremaque meta est .
 Nec Superis video demitis , quæ causa superfit ,
 Quæ ratio , cur à placitis sibi temperet unquam
 Ille miser , tantos & frustra comprimat aestus .

FORTÈ pudor , proprioque latens in pectore testis ?
 165 At , si nil peccasse putat , quî poenitet ipsum ?
 Qui pudefit ? Iste dolor sceleris sibi conscientia tantum
 Pectora sollicitat , non est ea cura quietis :
 Obtudit internos secura licentia morsus .
 Nonne tuæ fuit artis eam obmutescere vocem ,
 170 Et sacra congenitæ legis monumenta refigi ;
 Ne qua Voluptatis liquidos ærumna lepôres
 Inficeret , neu quis veniens temerarius angor
 Rumperet alterius jucunda oblivia vitæ ?
 Si tales acuunt igitur mihi pectora sensus ,
 175 Ut me peccandi vehementius urgeat ardor ,
 Quam pudor aut metus ; & nil me jam continet ultrâ ;
 Non modò fas fuerit cunctas infringere leges ,
 Peccare officium est , unum scelus esse pudentem .

HÆC in Aristippum convicia fortè refundis :
 180 Sed nec Aristippi fuerat sententia pejor ;
 Solùm è doctrinâ quæcumque horrenda sequuntur
 Democriti atque tuâ , veracior ille professus .
 Quippe ubi pro summa rerum , pro fine supremo est
 Quod me delectat , cùmque id mihi dulce videri
 185 Non possit , quo comprimitur succensa libido ,
 Quin ego damnatam Venerem , quin furtæ maritis

ANTI-LUCRETIUS;

Detestata sequor, fraudes artemque Sinonum,
 Et rabidos Bromii patris Evantumque furores?
 Nam defraudari genium vetat alma Voluptas:
 190 Ni potiar votis, mihi tunc dolor ingruit ingens;
 Et nequeo, si me dolor afficit, esse beatus.
 Quid me hominum leges, quid famæ cultus inanis?
 Quid mala me tardæ revocent prævisa senectæ,
 Forsitan & nunquam venturi incommoda morbi,
 195 Censorisve supercilium, quem sibilat omni
 Læta joco, plaudensque suo sibi flore Juventus?
 Quin urbem exuro patriam, si pascere flammis
 Crudeles oculos juvat, & superare Neronem?
 Namque Voluptatem sequitur germana Tyrannis.
 200 Ille Voluptatis læsæ reus, ille virenti
 Pungendus thyrso, sibimet qui infensus & hostis
 Abstinuit Venere & vino, graviora secutus
 Consilia; atque sui domitor sudavit & alit.

HINC tua non mirum si te schola prodidit olim,
 205 Præceptisque tuis tua per præcepta rebellans,
 Se Cyrenæis gregibus commiscuit ultro.
 Nam cùm crediderit demens, quæcunque doceres,
 Quo potuit vitare modo, quæcunque vetabas?
 Non suasi ut facerent, ais, imò vivere jussi
 210 Pacatos, omnemque animo secludere motum.
 Vivere jussisti pacatos! Qui bene nati,
 Hoc sine te faciunt; & qui malè, si bene vivant,
 Torquentur. Porro jussisti vivere lætos:
 Cùmque laborando, corpusque animumque domando,
 215 Lætitiam non inveniant, huc sponte feruntur,
 Est ubi lætitiae seges, & fuga certa doloris:

LIBER PRIMUS.

Edoñi per te sibi nil post fata timendum,
 Quidquid agant; sibi nil sperandum, quidquid omittant.

SÆPE Voluptatis causâ mittenda Voluptas,
 220 Adjicis; interdum juvat abstinuisse cupito.
 Vera canis, fateor: contrarius at tibi pugnas.
 Nam tu, namque tui similes clamare soletis,
Letitiâ melius nihil est, pejusque dolore.
 Nonne Dionæi resonant his vocibus horti?
 225 Nonne, & jucundi cùm fit jactura, dolori est?
 Ergò, ne doleas, quodcunque placebit habendum
 Jure tuo; nec honos, nec fas obsistere possunt:
 Atque Voluptati laxæ immittuntur habenæ.
 Sin autem abstinuisse bonum est, illudque fateris;
 230 Cur me infelicem, si Religionis amore
 Abstineam, vocitas? Te sum felicior ipso.
 Nam tu, si vincis, tua te victoria torquet,
 Me mea delectat: si mavis denique vinci,
 Quàm sic torqueri, confessus es: en data porta
 235 Flagitio, vitiis retinacula nulla supersunt.

IMÒ, inquis, superant; poenæ metus atque malorum
 Quæ scelus & tandem patitur peccare libido.
 At semel amotâ metuendi Numinis irâ,
Cur levior multo turbaret pectora terror?
 240 An contemptor ego Superum legisque supremæ,
 Humanas leges & judicis ora timerem?
 Aut si me cupidum poenæ brevis alligat horror,
 Heu! miser in laqueos recido, quos te duce fidens
 Rumpere sperabam: jam me dolor & metus angit,
 245 Jam moveor, curâ sed deteriore subactus;

Et gravis ipse mihi censor, vix liber ab omni
Relligione, novas subeo similesque catenas;
Atque minus dignâ crucior formidine mentem.
Ah! meliora precor. Si cui mactanda Voluptas,
250 Est mactanda Deo. Neque enim peritura merentur
Sic aliis præponi alia, ut præsentia cedant
Venturis. Igitur tibi nunc hodierna libido
Imperet; aut ratio si qua est permissa futuri,
Sic caveas, ut sit melius præsente futurum:
255 Non, ut momentis redimas momenta, sed omne
Lucreris, parvi jacturâ temporis, ævum.
Nullus enim prudens terram versabit arator,
Si quantum illa sinu bis terque inversa recepit
Frumenti, tantum posthac sine fœnore reddat;
260 Omnis quippe leves labor irritus iret in auras:
Sed versabit, uti modico de semine largas
Eliciat segetes, ac messibus horrea rumpat.

A ST Epicureus quamvis timor ille satis sit
Nonnullis, qui se ad tempus fortassis & ægre-
265 Contineant; haud propterea virtutis amantes
Efficere, atque animis vitium restinguere posset.
Nam virtutis amor multum formidine distat
Carnificis, vel rumorum, vel carceris atri.
Plus vitii poenâ, vitium execratur honestas:
270 Illo eti possit felix evadere, nolit.
Nec tantum refugit maculari crimine dextram,
Aut complere nefas; etiam voluisse recusat:
Et merito: quid enim prodest absistere factis,
Si factorum alitur radix & causa cupido?

275 PLURIMA præterea non ulli obnoxia legum
Crimina patrari certum est, quæ tu quoque damnes;
Nam faciunt hominem nequam, tortoribus eti
Non tradunt. Super his non currit calculus ater:
Nec reus arbitrium trabeati Judicis horret.
280 Immemor ut si quis benefacti damna rependat;
Si fremat invidiâ, cum fert sua præmia virtus;
Non stet promissis; arcana recludat; avarus,
Mendax, consilii malefani subdolus auctor;
Aut fidei sine teste suæ concredita tollat;
285 Ambitione tumens & honorum sedulus auceps,
Contendat maculis alienam aspergere famam;
Annonæ gravitatem, ex quâ ditescere possit,
Aut patriæ cladem exoptet, funusque parentum;
Deneget auxilium roganti; prægravet omnes
290 Infra se positos, inopem viduamque gementem
Obterat; insontem Judex pervertat iniquus
Venali trutinâ, & Dominæ suffragia donet;
Interea, quæ summa mali est, simulator honesti.
Hæc, si aberit Deus ulti, in omnia proruet audax
295 Crimina, quem fallax trahit in tua castra Voluptas.
Et quidni faciat, quando nil sanctius illi est?

Quòd si talis erit, magis illum ut mitia facta
Delectent, nec tam violento ferreat æstu,
Ut desiderio potundi victus & exlex,
300 Humani turbare velit consortia coetus;
Non ea doctrinæ laus est, quæ gaudia tantum
Imperat, ac suadet genio indulgere procaci;
Naturæ potius placidæ & tranquilla petentis,
Quam fortuna dedit, non ars formavit; & unus

14 ANTI-LUCRETIUS;

- 305 Materiae parit occursum sine lege vagantis.
 Sic mansueta bidens, lætis quæ montibus herbam
 Aut fruticum teneros apices innoxia carpit,
 Non habet unde lupo se præferat, atque leonis
 Carnivoram rabiem & truculentas arguat iras:
 310 Scilicet hanc mitem, hos fecit natura rapaces.
 Credo equidem à placidis dirum nil posse timeri:
 Sed quoniam se more gerent, quos tetra libido
 Protrahit in vetitum, magis ex obstantibus ardens?
 Ceu violenta sitis fervore accensa febrili,
 315 Quam decumbentis nunquam patientia vincet
 Improba, sed lymphæ solo placaveris haustu.

NULLA quies animo Thesei, dum Phædra forore
 Gratior incestum venis instillat amorem,
 Ni Phædram abducat tacitus, pactosque hymenæos
 320 Deserat. Infelix Ariadne! Nil tibi filo
 Direxisse vias per inextricabile textum
 Proderit, ac vitam immemori servasse marito!
 Nec jurata fides, meritis nec præmia tantis
 Debita, nascentem poterunt extinguere flamمام!
 325 Uritur interea culpæ sibi conscius heros:
 Quid faciet? Placitone furens pugnabit amori?
 Sedatur citius viatrix, quam vista cupido:
 Hinc animo pax alma reddit; pax ista, Voluptas.
 Hæc, Epicure tibi præludens, cogitat: ergo
 330 Exsolvit nexus omnes, jura omnia rumpit
 Perfidus; ignotis moribundam linquit in oris,
 Ac duplices frustra tendentem è littore palmas.

NULLA quies animo Phædræ cùm vidi agrestem

LIBER PRIMUS.

15

- Hippolytum, nulla esse potest, ni vicerit acre
 335 Pectus, & in thalamos persuaserit ire paternos.
 Usque adeò infanit, tam diro carpitur igni
 Filia Pasiphaës! Ergo contemta peribit,
 Cogeturque mori! Sed non morietur inulta:
 Privignum infontem perdet. Quot crimine ab uno
 340 Crimina? Quot pravo cumulati in corde furores?

NATU ad arma furit Macedo; ni perdomet Orbem;
 Ipse suī est impos; dominus nec sufficit Orbis.
 Dic age, dic Pellâ cesset regnator in urbe,
 Ac dominos Asiac Persas patiatur & Indos;
 345 Quòd tibi deterior tranquillâ pace videtur
 Gloria, tot curis, tam multo sanguine parta;
 Nonne vides, magni quid Cæsaris una cupido
 Turbarum excivit populis, quot in Orbe tumultus?
 Quot nutu quassata viri sunt moenia, gentes
 350 Eversæ, quantis fluxit crux undique rivis;
 Cùm de Pompeio ac cæsis de civibus egit
 Et patriæ priscâ de libertate triumphum?
 Dic, ut consistat potius Rubiconis in orâ;
 Et Romæ, cives inter gentemque togatam,
 355 Securè vivat privatâ sorte beatus:
 Respondent ambo: sedeas tu, quando federe
 Tanta tibi; nobis est belligerare Voluptas.

DICERE non prodest igitur: mihi sola cupido
 In rebus servare modum; infestare quietem
 360 Alterius fugio, mea ne infestetur; honestis
 Artibus exornare animum, & virtute bearri
 Maluerim, quam deliciis, quæ corpora mulcent:

Talis erat quondam nostræ dux ille cohortis.
 Esto : etenim tecum super his contendere nolim.
 365 At cunctos homines agitat non una cupido.
 Illa tibi fortè est : aliis diversa probatur.
 Porro quemque trahit sua, non aliena Voluptas.
 Quam si quisque sequi, ne sit miser, absque futuri
 Debeat intuitu, fas est quodcunque lubet:
 370 Et quo jure bonas tua te direxit ad artes,
 Non alio impulsu, nisi quem dabit ipsa voluntas,
 Te quia progenuit casu Natura modestum;
 Hoc ipso pariter mea me in seculis omne vocabit,
 Non alio impulsu, nisi quem dabit ipsa libido,
 375 Si pravum casu Natura creârit eodem.
 Et floccifaciam quidquid suadebis honesti,
 Si bona nulla mihi, nisi quæ jucunda videntur,
 Aut nihil hâc vitâ melius proponere possis.
 Nam jucunda meis hæc tantùm sensibus esse,
 380 Quæ desiderio sunt convenientia, novi.
 At desiderium in nobis ex indole nostrâ
 Nascitur, ut certis veniunt sua semina terris.
 En tua lex igitur facit ut mihi, non tibi credam.

POSTREMÒ dices, si non formidine, saltem

385 Componi rectâ poterit Ratione Voluptas;
 Quam non insanam, non rerum extrema petentem,
 Sed medio volumus contentam, ut leniter illâ
 Gens humana frui valeat mortale per ævum:
 Quo se more gerunt etiam sine Numine gentes.
 390 Verùm quæ nobis Ratio est, quam dicere rectam
 Jure tibi liceat; nostræ qui munia mentis
 Omnia, quin ipsas & mentes turpiter uni

Fortunæ

Fortunæ tribuis? Quæ certâ lege reguntur,
 Hæc recta esse queunt; sed in his quæ fortè cadentes
 395 Progenerant atomi, nil certum, nil quoque rectum est.
 Nativam qui legem internaque dogmata nescit,
 Seque putat casu factum, nihil ille profectò
 Cum rectâ commune sibi Ratione fatetur.
 Nam quod percipimus, fortuna est; atque ita quondam
 400 Formari poterant homines, ut falsa putarent
 Quæ nunc certa putant, & bis duo quinque viderent;
 Pravum etiam & stultum, quod nunc laudabile ducunt.
 Tale Voluptati frenum injecisse quid ergò
 Te jaegas, quod inane jubes vanumque putari?

405 NAM quod apud Sinas, ubi Solis prima renati
 Tela micant, studio celebres, legumque peritos
 Fama refert quosdam nullo mercedis amore
 Virtutem colere, ac Vitium formidine nullâ
 Poenarum toto certatim excludere regno;
 410 Non tamen est aliquâ sine Religione, nec omni
 Speque metuque vacat speciosa hæc Regula morum,
 Et componendæ lex ferme Stoica vitæ.
 Æternam saltē normam, Verique Bonique
 Nativum exemplar non inficiantur, & Orbis

415 Nescio quam veluti Rationem immotaque jura;
 Quorum à legitimo minimum desciscere cultu
 Non modò grande nefas, sed & irreparabile damnum.
 At quæ jura tibi, quæ lex, quæ norma, quis ordo
 Quem non intulerit casus, mensve edita casu?
 420 Nil solidum tibi, nil verum, nisi sola Voluptas.
 Unde Voluptatem penes est adscribere rebus
 Justitiae scelerisque notam, & jus dicere menti:

B

18 ANTI-LUCRETIUS,

Ut sua cuique Deus jam fiat dira cupido.
 Sic & Junones proprias, Geniosque Deosque
 425 Restituis, casu nobiscum & sorte creatos.
 Propria nam quidquid Natura requirit ab uno
 Quoque hominum, hæc ipsi Venus est, Venus omnia subdens,
 Hoc cohibenda minùs, quo quid vehementius ardet.
 Non aliter quam si patulo Neptunus hiatu
 430 Aggeribus ruptis Batavos exundet in agros,
 Claustraque diffilant valido concussa Tridenti:
 Mergitur omnis humus: quæcumque ferocibus undis
 Objicies frustra, Neptuni tetra vorabit
 Ingluvies: rabido satius parere furori;
 435 Donec sponte suâ refluat, Corisque remissis,
 Ingentes demum liceat sarcire ruinas.

Quòd si permittam rectæ Rationis ut usum
 Agnoscas, atque id nusquam variabile lumen
 Præficias & judiciis & moribus, ut sint
 440 Ad normam; nobis ergo simul esse fateris
 Non nihil ingenitum, quo libera facta regantur,
 Ante Voluptatem; nec princeps amplius illa
 Censeri poterit, nec vitæ regula nostræ:
 Imò pernicies hominum tabesque nefanda,
 445 Illius indomitos Ratio ni temperet æstus.
 Talis ad humanos usus convertitur ignis;
 Optimus ingratum membris depellere frigus;
 Extinctamque diem noctis reparare per umbram;
 Et mollire cibum, & succos extrudere plantis,
 450 In calcem, in vitrum lapides mutare penitus,
 Et ferrum coquere & nigris fornacibus aurum:
 Quem si incauta manus tractaverit, ecce cremantur

LIBER PRIMUS.

19

Tigna trabesque domûs; teftis fuit excita vento
 Flamma vorax; trepidi fugiunt per compita cives;
 455 Fit clamor gemitusque; volant contagia pestis
 Horrida, quæ nullis poterunt succumbere lymphis;
 Templa ruunt; omni de culmine depluit imber
 Torridus; eversæ fumant super ædibus ædes;
 Urbs ubi magna fuit, cinerum tolluntur acervi.
 460 Fervida sic toto bacchatur in Orbe Voluptas,
 Ac genus humanum vitiis grassantibus implet.
 Hanc si fortè jugo subigas Rationis amaræ,
 En subversa tibi ruit à fundamine moles;
 Nilque novi profers, quod non Academia pleno
 465 Dixerit ore tonans & Porticus atque Lyceum.
 Quòd si debuerit Rationem anteire Voluptas,
 Ipsa suâ & nostrâ domina est, frenumque recusat.
 Tum Ratio genitrix virtutum & regula vitæ,
 Serva Voluptatis tibi, non Regina videtur.
 470 I nunc, & vitium verbis obvolve modestis.

SUNT qui Gassendo freti duce, sic Epicurum
 Defendant, nullum ut ja&tent genus huicce petitum
 Esse Voluptatis, nisi quod Virtute paratur.
 Hi fraudem ignorant Virtutis nomine teftam;
 475 Fallacieque viro nimium patienter adhærent.
 Nempe quid est Virtus, quid Honestas, judice Graio,
 Quem verbis lusi tanto dignantur honore,
 Tantis immeritum scribendo laudibus ornant?
 An Recti constans atque obsfimata cupidus,
 480 Contra delicias, & cuncta pericula contra,
 Propositique tenax, vel cum malesuada Voluptas
 Obstiterit, terrorve minantiaque ora Tyranni?

B ij

Non ita ; sed placiti , quodcunque sit , integer usus ,
Absque dolore , metu , vel sollicitudinis umbrâ.

- 485 Illa supercilie rigidi sit digna Catonis ;
Est , Epicure , tibi ridens & blandula virtus ,
Carpere delicias cautè , vitâque fruisci.
Non quod honestum in se pulchrumque est , hoc tibi gratum :
Nam si esset , quid Socratico , quid Pythagoreo
490 Tramite distares , quid Relligione severâ ?
Sed tibi quod gratum , sejunctâ labe timoris
Et curæ , subitò culpâ vacat , atque decorum est.
Abs te non igitur posita in Virtute Voluptas ,
Ait in eâ Virtus ; tantum ars est rite fruendi
495 Naturâ , non Naturam Ratione domandi.
Sed Virtus nulla est , nisi cùm frenata Voluntas
Subditur imperio rectæ Rationis , & omnes
Continet affectus , nostro qui pectore surgunt ,
Edomitosque jugo reprimit , si quando rebellant.
500 Et quo maiores poscit victoria curas ,
Tanto nobilior , tanto magis inclyta Virtus.

Quorsum ergò tot consiliis monitisque salubres
Se primum docuisse vias Epicurus Athenis
Jaçtat , & ad mores totum applicuisse regendos
505 Ingenium , veræ ante alios Virtutis amicus ;
Si , quam voce tenus laudat , re interficit ipsâ ?
Demsit ubi , quidquid moderatur gaudia mentis ,
Invitat cunctas moderanda ad gaudia mentes.
Non scelus , at sceleri subjunctum sœpe dolorem
510 Detestatur : id est , scelus ipsum diligit , imò
Commendat , si fortè metu aut mœrore vacabit :
Et stimulos acres jam sponte ruentibus addit.

Est-ne igitur toties hominum instiganda libido ,
Invisis abscedat uti , vel amata sequatur ?

- 515 Quam si præceptis arcendam à crimine censes ;
Ne vaga prorumpat ; cur hæc evertere tentas ,
Quæ vestris longè momento & robore præstant ?
Nam si , dum Superos tremimus , dum fulmen Olympi ,
Terribilesque minas iramque Tonantis , & Orci
520 Supplicia , æternosque Erebi exhorrescimus ignes ,
Peccamus tamen , ac terras sclera omnia mergunt ;
Quid , si vindictæ nullus timor ? Undique cædes ,
Undique flagitia ; atque hominem natum esse pigeret .

S i Virtutis eras avidus , rectique bonique

- 525 Tam sitiens , quid Relligio tibi sancta nocebat ?
Aspera quippe nimis visa est ? Asperrima certè
Gaudenti vitiis , sed non Virtutis amanti .
Ergò perfugium culpæ , solisque benignus
Perjuris ac foedifragis , Epicure , parabas .

530 Solam hominum fæcem poteras devotaque furcis
Devincire tibi capita , indignæque patronus
Nequitiæ tantum scelerisque assertor haberi ;
Cui tales animos viresque atque arma ministras .
Degener ille Bonis etenim non ingruit horror .

- 535 Quem perimis : sibi nec restinguiri Tartara poscunt ,
Quos bene gesta satis tranquillant ; ipsaque morum
Integritas , & parta quies moderamine casto
Vindicat à miserâ longæ formidine poenæ .
His procul anguicomæ strident crepitantque flagellis

540 Eumenides ; procul his æterna incendia fumant .

DECLAMATOREM , Quinti , me fortè vocabis ,
B iii

Quòd Justum Rectumque Epicuri à mente recidam ;
 Illum nec patiar titulo Virtutis abuti ;
 Atque hilarem Sectam probrorum aspergine tantâ
 545 Commaculem. Verùm hancce notam sibi solus inussit
 Ipse lubens , Mundo cùm legem , ac legis abegit
 Latorēm ; & nostræ lumen Rationis oriri
 Ex atomis voluit cæcis , ac forte coactis.
 Rectum nempe quid est ? Illud quod regula firmat :
 550 Et Justum ? Quod lex faciendum præcipit : ergò
 Lex ubi nulla , nihil justum est ; ubi regula nulla ,
 Nil rectum esse potest. Ratio Virtusque peribunt ;
 Numine sublato , neque lex , neque regula perstant :
 Ergò nil justi , nil recti permanet usquam :
 555 Filia Fortunæ Ratio est , fictitia virtus.
 Incipe nunc adeò , fallax Epicure , videri
 Qualis es ; ac tandem mentitos exue vultus.

AT non attendis , Ratio dum innata fugatur
 Moribus ex hominum , atque animis proscribere Justum
 560 Conaris , pariter Verum simul omne fugari.
 Nam Ratio nostros non tantùm dirigit actus ,
 Ast etiam quæ sunt nobis extraria cernit
 Intuitu fimo : nec falli cauta veretur ;
 Nam silet in dubiis , donec lux clarior umbras
 565 Dispulerit : cùm splendor adest , testatur adesse ,
 Judicii tum certa sui ; & quod judicat , hoc est .
 Nam si res aliter quām clare conspicit , essent ,
 Mentem perfida lux & non mage tuta tenebris
 Falleret æternū ; nil certi affulgeret unquam :
 570 Quin & vis animi foedè omnis vana jaceret ;
 Et nunc inter nos quæ verba cupidine Veri

Conserimus , sonitu in ventos ferrentur inani .
 Certum igitur nobis & ineluctabile , quidquid
 Perspicuè vivâ Rationis luce videmus .
 575 Verùm ex fortuito concursu principiorum
 Si mentes nostras & lucem effinxeris illam ,
 Quo pacto , tibi quod certum est , verum esse probabis ?
 Casus erit quòd jam tibi sic appareat. Imò
 Sic potuere tuæ conjungi semina mentis ,
 580 Ut se aliter , quām sit , res omnis præbeat ipsi ;
 Et quæcunque tibi jam nunc manifesta videntur ,
 Quo manifesta magis , magis hoc contraria Vero
 Sint in se : quod si acciderit , temere omnia dicis .
 Majus parte suâ totum nunc credimus omnes ;
 585 Est fortasse minus : duplicatis quatuor , octo
 Confieri ; fortasse novem gignuntur. At illud
 Haud quisquam dubitat se se , dum cogitat , esse :
 Quidni etiam hoc falsum ? Rationis lege peremptâ ,
 Et lucem extinguis. Tua si doctrina manebit ,
 590 Ut Justum nihil est , Verum nihil esse necesse est .
 Et quo Pyrrhonem gladio jugulare solebas ,
 Hoc temet jugulas , hoc tu procumbis eodem .

SED novus auxilio venit exspirantis amici

Defensor , Justum nativâ lege doceri

595 Qui negat , Hobbesius : nam prædicat arte repertum .
 Cùm cœpere homines ad propria commoda nati ,
 Atque sui tantùm reverâ semper amantes ,
 Alternis certare odiis , ac vivere rapto ;
 Tunc , inquit , ne vis latè daret omnia pessum ,
 600 Ut pater & natus germanique , ut vir & uxor ,
 Ejusdemque loci possent convivere cives ,

24 ANTI-LUCRETIUS,

In cœtus hominum quasdam Prudentia leges
Intulit ad commune bonum ; queis publica sensim
Utilitas , longique mali experientia , quanquam
605 Invitos , timor imprimis parere coagit.
Hæc est , Hobbesium si consulis aut Epicurum ,
Justitiæ , nec non & Religionis origo.

Qui de Justitiâ , de Religione profanus
Hæc sine teste refert , liquido se prodit utriusque
610 Infensum ; sed nil aliud probat. Haud ego gratis
Fingere vana sinam. Vilescit origine tali ,
Nec vera est Virtus , quam sola creasse putatur
Utilitas. Tamen hoc ipso victoria quædam
Obtigerit nobis , omen pignusque triumphi.
615 Cùm sine Justitiâ , sine Religione fatetur
Non potuisse hominum genus à feritate nefandâ
Primitus averti , sequitur , si neutra manebit ,
Pristina continuò reddituram ad criminâ vitam.

PROTINUS hic possem , ni quem sequor ordo vetaret ,
620 Pectoribus nostris inscriptam ostendere legem ,
Et Fas conspicuum Rationis lumine puro ,
Ante etiam Plebiscita aut consulta Senatûs ;
Et Naturam æquè Justi Verique magistrum :
At ne digrediar , præsens in tempus omitto.
625 Hoc tantum dicam : si nulla Bonique Malique
Stet natura priùs , legum quām edicta ferantur ,
Jus nil juris habet ; sed leges cæca libido
Condidit , & fluxo posuit fundamine : vano
Juri servire , injusto est servire Tyranno.
630 Nam cùm ex arbitrio jus pendeat omne , juberî

LIBER PRIMUS.

25

Id pariter potuit , positâ quod lege vetatur ;
Quodque jubetur , idem potuit quoque lege vetari.
Jam verò commune bonum , quo nititur uno
Hobbesius , ridenda viri commenta refellit ,
635 Et sua eum discors ludit Sententia : quippe
Si leges commune bonum genuisse putatur ,
Ergò aliquid , nondum prognatâ lege , fatendum est
Esse boni : sua sunt igitur discrimina rebus.
Quin etiam , quò recordem malè protrahit error
640 Hobbesium ! Solis si justa injustaque dicat
Legibus enasci , sequitur , minùs esse nefandum ,
Infantis letale viri in præcordia ferrum
Ultero demersisse , fidem quām solvere paſtam :
Cùm tunc demum hominem crudeli perdere dextrâ
645 Cœperit esse nefas , ubi paſto foedere fe fe
Libera gens voluit prohibenti subdere legi.

SED qui concedunt Jus Fasque fuisse necessum ,
Ne propriis rueret vitiis humana propago ,
Neve suī malefanus amor corrumperet Orbem ,
650 Declarant quām sit per se exitiosa Voluptas ,
Quā scelerum inventrix alitur crescitque cupido .
At quid suscepimus fuerat mihi nempe probandum ,
O Quinti ? Positâ semel impietate Lucreti ,
Exundare nefas. Ut apertis Æolus antris
655 Cùm subitò celeres emisit carcere ventos ,
Illi obluctantes immensa per aequora currunt ;
Spumosisque crient horrendo murmure fluctus ,
Terrorem , exitium , noctemque & fulmina portant ,
Ac Cœlum & terras confertaque nubila miscent :
660 Sic vitia invadunt Orbem resoluta catenis ,

Dum regnat Stygis atque Dei secura Voluptas.

Dic age : si qua foret regio sine legibus ullis ,
Ac sine consilio , sine Principe , libera qualem
Absque Deo Terram esse jubes ; ubi præmia nulla

665 Virtutem , nullæ sequerentur crima poenæ ;
Sed neque Virtutis nomen , neque criminis esset ;
Verum quisque sibi Deus & Rex ; hanc-ne libenter
Incoleres ? In eâ velles traducere vitam ?
Spinosæ teneant illam , teneant Epicuri.

670 Attamen hocce boni genus est , quod lege solutâ
Relligionis , homo Graius provexit in Orbem :
Hoc populis donum , hanc pacem promisit habendam.
Letiferum certè munus dedit. Hæc cine tantis
Laudibus & famæ lituo modulisque Camœnæ
675 Decantata viri Sapientia : quem neque magnus
Amphitryoniades , et si tot monstra peremit ,
Nec Dea quæ glandem similâ mutavit eduli ,
Vitisatorque pater , flavo nec Apolline natus
Morborum domitor , Sectæ si credimus isti ,
680 Humanam in gentem meritis æquare valebant ?
Scilicet egregium specimen bonitatis , iniquos
Solarî , mercede suâ fraudare merentes !

Cætibus humanis ergò damnoſa nocensque
Disciplina viri : sed enim bona nulla , neque ipsa

685 Quæ cupidis mendax tanto promisit hiatu ,
In mortale genus confert ; ea gaudia præter ,
Quæ sine doctoris monitu sat cognita cunctis .
Nugaces velut aurifices pro divite venâ
Fumum dant avidis , & spem sine messe perennem :

690 Credulus interea , pascit quem vana cupido ,
Dum falsis inhiat , veras deceptus in ignem
Fundit opes , & avaritiâ rem decoquit ipsâ .
Tales , qui fidunt Epicuro , crede futuros :
Ornatus animi virtutes , intima Reſti

695 Semina , divitias humanæ gentis , amorem
Numinis & fratribus disperdunt futilis ergo
Lætitiae ; quam si reverâ quisque sequatur ,
Ipse parum sibi , nil reliquis conferre valebit .
Nam te ſæpe monet Lucretius , ut tibi tantum

700 Provideas faciasque ſatis , nec cetera cures .
Sic & Graius homo prius hortabatur amicos ,
Ne quis ab ingenti studio , variisque moleſtum
Redderet officiis hoc tempus labile vitæ ;
Indueretque graves collo ſubeunte catenas ,

705 Aut aliena gerens , Populive negotia tractans ,
Aut miserans inopem , aut lacrymans in funus amici .
Sic animum Sapientis in omnibus eſſe volebat
Lentum , & vitandi cauſâ moeroris inertem ,
Ut domui , patriæ , toti eſſet inutilis Orbi ;

710 Nescius impensè quidquam ſibi velle ſuisque ;
Frigidus in cunctos & plumbeus , inque parentes ;
Præcipue memor intactam ſervare quietem ,
Deque ſodalitio tantum decerpere , quantum
Hinc propriæ augerentur opes artesve fruendi ;

715 Uno contentus ſe ſe , ſibi deditus uni .
Ipsa nec eximitur tali de lege Voluptas .
Sic etenim conſtant in libertate tuendâ ,
Quâ ſine nil ſuave eſt , lepidum nihil atque venustum ,
Atticus hic vester , multo ut ſermone ſequaces

720 Edoceat , qui ſit mediis in floribus angor .

Spinarumque metus , nimio si ardore legantur.
Propterea nexus animorum & vincla perhorrens ,
Volgivagam Venerem præfert unius amori :
Proh pudor ! En igitur pigræ sapientia Sectæ !

- 725 Quos verò tenet assiduus flagransque gubernat
Relligionis amor , non detrectare laborem ,
Non studii animum certant exsolvere rectis ,
Non & pervigiles in publica commoda curas
Abjicere ; at consanguineis , patriæque libentes
730 Impendunt operam ; solis nec semper amicis ,
Ast etiam ignotis. Nec tantum pectore mœsto
Cum lugente dolent , sed re solantur egenos ,
Atque favent miseris : neque enim pretiosa recusant
Vincula , queis hominum coetus Natura ligavit.
735 Quin etiam bello , causisque forensibus adsunt ;
Solliciti , cùm res humeris commissa requirit ;
Tranquilli tamen interiùs , quòd inqua perosi ,
Nil faciant , nisi quæ Ratio finit , imperat , urget ;
Nilque boni linquunt ; quoniam pietate docentur ,
740 Quid Deus imprimis , quid mens sibi proxima testis ,
Foederis humani quid jura gradusque reposcant.
Si nescis , habet ipsa suos Heroas , alitque
Rellgio ; sed enim stimulis melioribus illos
Exacuit , quā spes incertæ laudis , & auri
745 Exitiosa fames , ac turbidus ardor honorum ,
Quæ lacerant animos cuppedine cuncta vorantes ,
Et suadent plerumque nefas. Mortalibus autem
Nil suadet pietas , quod Recto abscedere possit ;
Cùm nil respiciat , praeter jus fasque severum .
750 Dic ab utro melius fuerit cultoribus Orbis

Consultum , Graione viro , cui sola Voluptas
Et lex & Deus est ; an eo qui Numen adorat ?

- S E D quoniam non vi , non assuetudine morum ,
Non casu incerto , non scriptâ lege , sed ipso
755 Ducimur instinctu Naturæ , ut quisque putemus
Amplectendum illud quod nobis utile summè est :
(Hoc innatum homini saltem non esse negabis)
Hinc sequitur , quo quid plus utilitatis habebit ,
Per se naturamque suam , durumve placensve
760 Id fuerit , reliquis esse omnibus anteferendum :
Ergò paciferæ si Relligionis amore
Nil erit utilius , si pestiferis Epicuri
Commentis nil pejus erit , quod utrumque probatum est ;
Rellgio vincat , nostræ sit regula vitæ .
765 Ex illâ siquidem venit observantia natis
In patres , famulis in heros , & civibus omnes
In rerum dominos : dominis venit ille vicissim
In cives amor ; unde quies ac firma potestas .
Quisquis enim verè Supremum Numen adorat ,
770 Sentit se partem populi per mutua vincti
Officia ; hinc alias proprium si vertat in usum ,
Se deberi aliis. Vestro sed dogmate contrà
Nil tutum superest ; regnat pro jure libido ;
Ridetur pietas , puerilis dicitur error ;
775 Ipsa cadit Virtus , nativaque destruitur Lex ;
Quam qui non audit , se tigribus atque leænis
Æquat , & humani coetus convincit hostis .
Omnia namque ad se referens , se cogitat unum
Vivere , cùm vivat multis è millibus unus :
780 Centrum se mundi , rerum caput , atque Tyrannum

30 ANTI-LUCRETIUS,

Fingit; & ipse suo, quæ non sunt subdita, subdit
Imperio; pariterque volens & peccat & errat.

Hinc natæ, Stygio tanquam de gurgite, voces,
Non dicto, non officio, pactisve ligari

785 Prudentem, sed temporibus servire paratum:
Regnandi causâ violari posse sacrum jus:
Nec parcendum illi quem læseris. Impia sanè
Dogmata, corruptæ præcepta nefaria Sectæ!
Hæc Epicureis aconita oriuntur in hortis.

790 Indomitus veluti quadrupes ubi frena momordit,
Par levibus ventis rapitur celerique sagittæ;
Exspatiatur agris, & fossas transfilii audax;
Tum si forte tubam, aut equitis crepitantia flagra
Audierit, cursum ingeminat, fugit ocior Euro,

795 Inque leves nebulas volucri pede spargit arenam:
Jussus restrictis tandem subsistere loris,
Non equitem sentit, non lora; sed impete cæco
Fertur, anhelantem donec fessumque relinquat
Spiritus, ac tumidos vincat labor ipse furores.

800 Haud secus illecebris dirâque cupidine raptus,
Pectore sacrilego qui Sanctum Numen abegit,
Dissimulat quidquid verax & conscientia Recti
Alto corde monet Natura, neque audit habenas:
Exhaustus tandem jactante libidinis æstu
805 Concidit, incassum suspirans viribus ægris.

Et certè cum nullus homo sit solus in Orbe,
Qui datus est cunctis æquali jure fruendus;
Publica priuatis præferri commoda debent:
Namque homines præstat simul omnes esse beatos,
810 Quam de'ctari, reliquis moerentibus, unum.

LIBER PRIMUS.

31

Sic quivis aliena examine ponderat æquo.

At quoties res nostra agitur, censere quod æquum est,
Haud minus ac si res aliena ageretur, & ipso
Naturæ ductu, & rectâ Ratione jubemur;

815 Nec monitore opus est, qui suadeat ista docendo:
Ecce ego sum & vivo; nil me mihi carius ipso est;
Hinc vitam servare mihi, & servare beatam
Debo, quantum in me fuerit: si debo, justum est.
Ast alii vivunt; his se nil carius ipsi;

820 Vitam adeò servare sibi, & servare beatam
Jure pari debent: quod si fecere, probandi:
Si damnes, eadem faciens, injustus es. Ergò
Quisquis justitiam sequitur, si judicat inter
Seque aliumque, hoc præstet idem discrimine nullo,

825 Quod duo disceptans inter, neque nomine notos.
Quid faceret Justo insistens & iniqua recusans?
Haud dubiè neutri permitteret alterius rem
Aut vitam eripere. Hoc igitur sibi sentit & ipsi
Non licitum. Sentit partem se totius Orbis:

830 Quoque modo partem toto videt esse minorem,
Hoc etiam humano generi plus, quam sibi certè
Deberi. Lux est eadem quæ pandit utrumque.
(Hæc libasse fatis; dicentur pluribus olim.)

EFFERA tantum igitur potuit suadere malorum

835 Impietas, non Religio; quæ prava coercens
Corda metu, spe recta fovet; cunctisque suum jus
Spondet, & humanas vetat obbrutescere mentes.
Quod si ductores Danaum, Calchante magistro,
Tentarunt fato lacrymabilis Iphianassæ

840 (Grande nefas) classi celeres arcessere ventos,

Ac læsum ultricis Numen placare Dianæ,
 Non hæc vera Dei fecit reverentia; fecit
 Cæca superstition & vani fallacia Vatis.
 Sed talis nunquam immites cecidisset ad aras
 845 Hostia, vesani dirâ ambitione parentis
 Jussa mori, ni causa mali damnoſa Voluptas
 Sacrilego Paridem prius inflammasset amore;
 Ut jure hospitiū violato, turpis adulter,
 Raptam Helenam, bellique faces in Pergama ferret.

850 VERUM, ne speres arte hac te posse bearī,
 Quæ lœtis æternū inhians & amara repellens,
 Libera jucundo tentat præcordia sensu,
 Dic mihi: num tibi res succedunt, optime Quinti,
 Ex animo semper, respondentque omnia votis?
 855 Nam, si respondent, felix sane unus in Orbe es;
 Concessoque hominum nulli te munere jactas.
 Quanquam haud adscribes proprio bona tanta labori,
 Aut Sophiae: neque enim rerum creat illa futuros
 Eventus, at ferre monet quicunque creatur;
 860 Nec dat Fortunæ legem, sed dogmata menti.
 Sin tibi difficilem vitam fors dura paravit,
 Continuò jam te miserum nimis esse necesse est;
 Qui lenociniis rerum ac dulcedine captus,
 Mœroremque soles & quæque molesta vereri.
 865 Namque parem ærumnis mala inexpectata ferendis
 Te non invenient: fracto, luxuque fluenti
 Non aderit, quæ præstet opem, constantia firma
 Pectoris adversum casus quoscunque parati,
 Prorsus ut impavidum feriant stantemque ruinæ.
 870 Nec solamen erit, Superum tibi nota voluntas.

Pluribus

Pluribus ille malis obnoxius esse videtur,
 Qui mala perpetuò formidat, avensque bonorum
 Non didicit curis animum durare ferendo.
 Ceu tener arboribus cùm flos adolescere cœpit,
 875 Quem verni humectant rores, ac sole tepenti
 Mollibus in ramis pubescens educat annus:
 Ah! si post Zephyri flatus aurasque salubres,
 Intempestivo noctes Aquilone rigescunt,
 Uritur, & foliis inimico frigore læsis,
 880 Tabescit moriens, ac foedo vulnere languet.

AT me non animi fallit quid ad ista reponas.
 Pauca peto, dicis; non me tenet ardor habendi;
 Non ego divitias, non vastas Regibus ædes
 Invideo, nec quos miratur vulgus honores:

885 Non mihi regna velim curis mordacibus emta;
 Non celebres magno mercari angore triumphos.
 Sed, quæ justa sinu fundit Natura venusto,
 His fruor; abstineo nullis; nec me pudet usquam
 Sugere mellitos genitricis ab ubere succos,
 890 Obvia cùm steterit coram; quosque ipsa benignè
 Porrigit invitans, teneros decerpere fructus.
 Non me gesta movent aliena, nec anxius error
 Humani generis, cùm se desævit in ipsum
 Omnia percipiens avidè, metuensque vicissim.
 895 Desipiant alii; caput objectare periclis
 Non dubitent, atque innumeros ambire labores;
 Et pretiosa terant operosis tempora nugis:
 Ipse meâ me involvo satis virtute beatus;
 Et mihi vivere amo, donec breve transeat ævum,
 900 Innocuam & facilem, sine luctu & crimine vitam.

C

Sic ais: at mecum, quæ sint ea dicta, revolve;
 Si vacat. Hoc primùm: non te talem esse negabo
 Qualem te perhibes, feliciter hactenus usum
 Sorte tuâ; scopulos vitali, non tamen omnes:
 905 Longum fortè tibi supererit maris æquor arandum:
 Sunt & adhuc nimbi, Scyllæ sunt atque Charybdes,
 Esto; viam institeris quæ sit tutissima vitæ,
 Multa quidem effugies aliis funesta pericla;
 Sed tibi quæ impendent non declinabis, & unâ
 910 Elapsus, confestim aliâ mergere procellâ.
 Nusquam certa quies. Inviti, quot sumus, alto
 Volvimus Oceano; & cunctis suis imminet imber.

NEMPE fames auri quæ turpes urit avaros,
 Et quæ tecta solet Regales ire per aulas
 915 Ambitio, famaeque sitis, per tela, per ignes
 Heroum stimulus, nullo te vulnere pungunt.
 Nobile servitium sic te, nec dives egestas
 Turbabunt: neque te miserum illâ ex parte putabo.
 Sed si, quâ frueris jam nunc, formosa juventus,
 920 Firma valetudo, tranquillaque otia vitæ,
 Et quæ sufficient genio non multa petenti,
 Protinus avellentur, uti fuit alea rerum;
 Florida nam sunt hæc, & florum more labascunt;
 Si te desuetumque pati, & nil tale timentem
 925 Corripiant morbi, lites, incendia, bella;
 Aut subito vinclis oneratum in carcere tetro
 Includet sœvi lex imperiosa Tyranni,
 Si, cui fidebas, nequam te prodet amicus;
 Sive placens uxor misero abducetur amanti;
 930 Immatura tibi rapient seu funera natos;

Si premet infontem grassata calumnia vitam;
 Morsuque invidiæ si ægrefset fama vacillans:
 Quid facies? Quid tunc nunquam luxisse juvabit?
 O Quinti! Quid aget tecum Natura? Novercam
 935 Certè, non matrem dices; frustraque vocabis
 Multa gemens. Aderunt elapsæ gaudia vitæ
 Ante oculos; memoremque animum, ceu spicula figent.
 Tumque recrudescens oppresso in pectore vulnus
 Dejicit tandem invitum, cogetque dolere.
 940 Et desiderio quis erit modus, atque pudori?
 Ab vobis equidem didici finem esse malorum,
 Spes ubi tota fugit, laqueum, tristemve cicutam:
 Pulchra Voluptatis sanè solatia raptæ,
 Praclarum auxilium, dolor additus ipse dolori!
 945 Sic miser Assyriûm Regnator Sardanapalus
 Post epulas, Venerem, levium & genus omne bonorum,
 Languentis vitæ impatiens ac fortis iniquæ,
 Struxit in urbe rogum, seque & sua tradidit igni.
 En Epicureæ dignissima meta palæstræ.

950 Non ita, qui firmâ nixi morumque magistrâ
 Relligione super. Nam prætereuntia rerum,
 Jam quasi præterita hesternoque simillima somno,
 Despiciunt: æquo pede calcant & bona vitæ,
 Et mala, Fortunæque vices utriusque caducas.
 955 Nil breve, nil vacuum, nil quod marcescere possit
 Illos mente quatit solidâ: non aspera frangunt,
 Dulcia quos primùm non emollire valeant.
 Communi quamvis hominum jacentur in undâ
 Mortales, propriis quoque tempestatibus aeti,
 960 Stant contrâ; medioque tenent vel in æquore portum,

Præfigi vitæ potioris: emuntque libentes
Immensam æternamque brevi sudore coronam;
Et scitè cupidi æternis fugientia mutant.

Nec tamen est, illos adeò ut virtutis avaræ
965 Insimules, tanquam spes esset sordida lucri,
Et quasi damnosæ fuga mercenaria culpæ.
Namque hominis natura bonum sibi semper & ultro
Prosequitur, quoque instinctu desiderat esse,
Hoc etiam esse bene. Id fateor, summamque bonorum
970 Esse Voluptatem; modò scilicet inde petatur,
Unde petenda venit; sitque inconcussa Voluptas,
Sincera & vera, & nullis obnoxia damnis.
Nam quid velle potest homo, ni vult esse beatus?
Aut quid amat, nisi quo sperat se posse bearri?
975 Hoc unum variis quærunt in moribus omnes:
Vos per delicias, & lenimenta dolorum;
In quibus, ut vento, fluiisque fugacibus undis,
Ut molli pelagus quam sëpe volutat arenâ,
Ut fumo stipulis qui se flammantibus effert,
980 Nil stabile est; ubi se Veri spes conscia fundet.
Illi, aspernantes ævi quæ falce metuntur,
Quodque Deo minus est, non famam extendere pulchro
Contemtu rerum, atque oculos percellere plebis,
Ut Cynici, cupiunt; non, ut Zenonis alumni,
985 Se torvis onerant virtutibus, unde superbi
Incedant, & se tacitâ venerentur acerrâ:
In Virtute Deum, atque Deum in mercede requirunt.

Ac velut integras fontes ducturus in hortum
Nequaquam fodies puteos in valle palustri,

990 Limus ubi, stagnansque lutum, graveolensque bitumen;
Sed potius rupem herbiferam, seu frigida collis
Viscera tentabis ferro, quâ parte latenter
Juncus, & adnascens venam signabit arundo;
Limpida tunc demum quærenti se exerit unda:
995 Sic ad sinceros tantæ mercedis amantes
Pura venit, frustraque aliis quæsita Voluptas;
Quam violare dolor nequit, aut corrumpere luctus:
Constantisque boni tot sunt in amore sapores,
Illecebæque, tuis ut Bacchanalibus (etsi
1000 Vel centum vigeas juvenisque valensque per annos)
Illò pervenias nunquam aut accedere possis,
Nendum æquare piæ momenta brevissima vitæ.
Nam quod amant, & semper habent, & semper habebunt;
Quoque magis redamant, magis & redamantur ab illo:
1005 Nec finis metus est: neque quidquam surgit amari
Floribus ex istis, atque hoc de fonte lepôrum,
Conscius unde animus se se ipse remordeat unquam:
Verùm ut crescit amor, jus causaque crescit amandi.

Si tibi præterea non formidanda videtur
1010 Mors, hominum terror, quanto hanc animosiùs illi
Expectant? Vitæ illa tibi, postremaque rerum
Meta est; his vitæ poterunt quam saecula nulla
Claudere, principium. Tua spes, nil funditus ut sis,
Atque omnis moriare: Fovet spes lætior illos,
1015 Mercedem meritis amplam post fata parari.
Hæc spes ipsa sibi merces, certumque salutis
Augurium, æternique boni præcepta Voluptas.
Ut videoas, vel dum in terris hoc ducitur ævum,

Naturæ donis potiora occurrere dona ;
1020 Cultoresque Dei jam te magis esse beatos.

Q U I D si autem invenies quod credimus , ultima cùm te
Sustulerit tenebrisque perennibus obruerit nox ,
Nempe Deum ultorem , quem non cognoveris antè ,
Vel potius notum famâ neglexeris ? Eheu !
1025 Horresco reputans : tibi luditur alea , Quinti ,
Magna nimis. Quoquò te vertas , fit tua pejor
Conditio nostrâ. Neque enim , si fallimur , hujus
Erroris dabimus poenas : fors æqua manebit
Nos omnes ; uno simul involvemur inani :
1030 Tu , si deciperis , contrà ; sine fine futurus
Infelix. Cur tanta igitur disermina tentas ?

I N J U C U N D A hæc sunt tamen atque obscura ; reponis :
Nec patior dictis me duci , ut gaudia certa
Quæ me circumstant , & qualiacumque satis sunt ,
1035 Posthabeam dubiis ; amensque horrore futuri
Obvia dimittam ; jussus quodcumque dierum est
Projicere , incerti spe foenoris , & mihi longam
Accelerare necem , vivusque intrare sepulchrum.
Nec sum is , cui sapient peregrinæ , quas mihi jaçtas ,
1040 Deliciæ ; non me pulcherrima somnia tangunt.

E T quid suademus dimittas ? Vincula , Quinti ,
Vincula ; quæ non res tibi , sed te rebus amatis
Subjugunt. Quid projicias ? Quæ tu ipse potitus
Fastidis plerumque , novis in rebus idipsum
1045 Perpetuò captans , quod te jam sæpe fefellit


Expertum , liquitque avidum , & meliora volentem .
Ceu lectum peragrat membris languentibus æger ,
In latus alternis lœvum dextrumque recumbens :
Nec juvat : inde oculos tollit resupinus in altum :
1050 Nusquam inventa quies ; semper quæsita : quod illi
Primùm in deliciis fuerat , mox torquet & angit ;
Nec morbum sanat , nec fallit tædia morbi :
Sic tibi spem elusam irritat , non corrigit error .
Hydropi ut misero sitis arida postulat undam ,
1055 Et vocat unda sitim. Sic perdita defluit ætas :
Et vacuus rerum excedis , pertusaque semper
Dolia nequicquam vexas fugientibus undis .
Tormenti genus , omnis amor : si fervidus optes ,
Emoreris ; vel si tepidus , nil carpis amoeni .
1060 Quid memorem curas , ipsoque in lacte venenum ;
Quod mixtum illecebris dolet , invitusque fateri
Cogitur , ac tantâ deflet Lucretius arte ?
Curam horrescenti non est querenda Voluptas :
Ambarum genitrix , ambarum causa cupido
1065 Dulcibus illiciis captos ad tristia ducit .
Sæpe bitumineis per stagna vaporibus ignes
Accensi noctu volitant , oculosque videntum
Allicitunt : captus malefudâ luce viator
It quò flamma vocat , villam ratus ; inque paludem
1070 Præcipitans , altâ miser irretitur in ulvâ .

H o s igitur laqueos fugiens , quo denique damno
Justus eris , prudens , castus , fortisque , piusque ?
Tanti-ne esse hominem constat ? vel , si illa probari
Non possent , quæ certa voco , quæ somnia dicas ;

1075 Nonne bonum immensum, purum, immutable, præsens
 Quærere pulchrius est, quàm turbida, parva, caduca.
 Sectari? Certum sibi finem in rebus agendis
 Proposuisse Deum, cuius de fonte benigno
 Nil non sperare est, quàm casu semper agentem
 1080 Fortunam, & cæcas atomos hinc inde volantes,
 Atque Voluptatem fragili fundamine nixam,
 Adduxit quam hesterna dies, quam crastina tollet?

DURUM opus est, ais. At gratis bona nulla parantur:
 Nonne etiam ipsa tibi venit emta labore Voluptas?
 1085 Ignotus Deus est, inquis. Sed noscere quanti est!
 Cujus res agitur, lite hac pendente? Dei-ne;
 An tua? Si obscurum est vitam post fata futuram,
 Clarius est-ne tibi penitus nihil esse futurum?
 Si liquet, ostendas; etenim vulgata neganti
 1090 Hoc incumbit onus: si non liquet, inde timendum:
 Nil metuis; certique loco tibi flare videtur
 Quod dubium est; sequeris dulces pro luce tenebras;
 Nempe placent: placet exitium: nox te illa necabit;
 Et consanguineus leti sopor iste profecto est.
 1095 Una salus hanc mortiferam turbare quietem,
 Et malè torpentes animi compungere sensus.
 Alterutrum quin sit, non, ut confido, negabis:
 In dubiis porro, quæ pars est tutior, illam
 Recta sequi suadet Ratio. Si fama referret
 1100 Grassari sylvâ in magnâ tectisque viarum
 Flexibus, hostiles turmas agmenve latronum;
 Auderes, vel in ambiguo, tentare minaces
 Insidias, atque infami te credere sylvæ?

Rem tibi, ni fallor, priùs inclarescere velles.
 1105 Hic major metui locus est. Saltem hoc ego dicitis,
 Dum caligantes discussero pleniùs umbras,
 Evicisse putem; quàm sit sententia fallax
 Et damnosa, Deum nostris quæ mentibus aufert;
 Quàm variis intexta dolis, quàm plena pericli:
 1110 At contrà; quàm sint solatia firma piorum,
 Quos bona nulla movent, nisi quæ infinita putentur.



ARGUMENTUM LIBRI SECUNDI.

Quid priore Libro effectum sit, quid deinde efficere sibi proponat, indicat : à v. 1. ad v. 24.


Totum Epicuri Philosophiae corpus breviter exponens, Vacuum & Atomos ex Epicuro explicat. Hæc refellere aggreditur ; ac primò artem Epicuri in Diis convellendis perstringit : à v. 24. ad v. 200.

Tum in hoc Libro sibi assunit Vacui refutationem. Hoc aut Deum, aut corpus, aut nihil esse ostendit : à v. 200 ad v. 329.

Spatium cum Numero ac Tempore comparat ; probatque tria hæc pariter meros esse rerum aspectus, non res, neque quidquam à rebus ipsis diversum. Spatium nihil esse, nisi mensuram ipsam corporis ; Inane, omnis omnino corporis absentiam : à v. 329. ad v. 600.

Epicuri discipulis, qui tamen Deum esse agnoscunt, aperit Magistri fraudem Vacuum astruentis, ut Deum destruat. Retorquet adversus eos objectionem ex hypothesi destructorum repente in aliquo loco Corporum petitam : à v. 600. ad v. 650.

Moveri Corpora posse sine Inani demonstrat : à v. 650. ad v. 719.



UNIVERSIDAD AUTÓNOMA DE NUEVO LEÓN
DIRECCIÓN GENERAL DE BIBLIOTECAS

ARGUMENTUM.

*Explicat fluidam ac fusilem naturam Ætheris, qui Vacui
vicem peragit in movendis Corporibus: à v. 719. ad
v. 812.*

Omnia plena esse probat: à v. 812. ad v. 865.

Newtoni Vacuum refellit: à v. 865. ad v. 992.

*Redit ad probandum nihil non in Mundo pressum esse;
quod ostendit variis experimentis: à v. 992. ad v. 1072.*


*Varios Corporum affectus, qui Vacuo tribuuntur, per-
luciditatem, mollitatem, fluorem ac raritatem à Vacuo non
oriri ostendit: à v. 1072. ad v. 1158.*

*Concludit Vacuum illud Epicureum meram fabulam
esse: à v. 1158. ad finem.*



UNIVERSIDAD AUTÓNOMA DE MÉXICO

DIRECCIÓN GENERAL DE BIBLIOTECAS



ANTI-LUCRETIUS,

S I V E

DE DEO ET NATURA,

LIBRI NOVEM,

AD QUINTIUM.

LIBER SECUNDUS.

De Inani.

NE vitio vertas, quòd eos tibi fortè timores
Reddiderim, quos abstulerat facundia Vatis
Romani, potumque in dulci nectare virus.
Non ego te miserum volo, Quinti, sed sine fisco
Felicem; in tuto positum, expertemque pericli,
Non incautum, & per jucunda in tristia euntem.
Propterea primo rerum ne crede colori.

Sæpe venenatus latuit sub floribus anguis:
Sæpe salutiferos habuit gravis herba sapore.

10 Alternant humana vicesque à tempore sumunt:
Hærent perpetuo mœrorque & gaudia nexu.

46 ANTÍ-LUCRETIUS,

Vidi ego, nimbosum stringentibus aëra ventis,
Nudatos tristi fentes horrere pruinâ;
Vere, coronari fertis ac fronde virenti.
15 Vidi etiam Zephyris turgentia vela secundis
Exultare salo, & plaudentes ire per undas;
Mox ruere in scopulos, & cæco vortice mergi.

NEC fuit hæc mihi mens, ut pronâ credulus aure
Acciperes, tibi quæ nondum perpensa paterent.
20 Hoc unum volui primùm & contendere pergo,
Ne votis blandita tuis doctrina Lucreti
Fascinet ingenuam, magico ceu carmine, mentem;
Quin priùs experiare quibus sit fulta columnis.

PRINCIPIO geminas, exploso numine Divûm,
25 Æternas, per se stantes Epicurus in Orbe
Constituit rerum causas: corpuscula prima
Materiæ; spatiisque, in quo moveantur, inane.
Namque locus nisi sit vacuus, quo pulsa recedant
Corpora, res, inquit, posset non ulla moveri:
30 Sed quantum premeret veniens, tantum altera, plenis
Omnibus, officeret venienti, & cedere nolle.
Hinc toto gravis Orbe sopor, sterilisque veternus.
Inde patet solidis quâ re liquentia distent:
Pluribus hæc loculis conspersa vacantibus; illa
35 Perpaucis. Et densa pari discriminè pugnant
Cum rarís. Vacuum magis aut minùs omnia replet.
Præterea nullo finitum tempore, nullo
Limite vallatum, nullâ mutabile causâ,
Immotum & constans, longè latéque profundum est,
40 Quanquam incorporeum, penitusque intactile; mentem

LIBER PRIMUS.

47

Ut si tantùm habeat, jam sit Deus. Errat in illo
Profluus ac volucris minimorum exercitus, æquè
Fine carens, numeroque; ac frontibus undique pugnat
Adversis: qui jure pari, nisi mente careret,
45 Vota hominum accipere, & posset Deus alter haberî.

SCILICET æternas, immortalesque docebat
Esse Atomos: quarum conventu cuncta repente
Surgere; discessuque eadem resoluta perire:
Cùm nihil ex nihilo fiat, possitve relabi
50 In nihilum. Solidâ quoque eas pollere volebat
Simplicitate; suis quòd nexibus omnia fundent
Corpora: sed simplex nisi sit quo singula fiunt,
Principium assignari aliud, semperque necesse est
Ipsí principio; donec veniatur ad unum,
55 Cui tandem primæva rei tribuatur origo.

UNDE Atomos ut principio sic fine carentes,
Mortisque expertes, individuasque, perennesque
Esse jubet: venit omnis enim mors corporis uno
Particularum ex discidio, queis constitit antè.
60 Pars itaque est Atomus, non Totum; at tota sine ullis
Partibus, aut Vacuo. Quare impenetrabilis esse
Ponitur; atque ad eam ventum est cùm fortè secando,
Tum cessare labor, præcidendique potestas.
Et minima est porrò: nam si paulo amplior, esset
65 Non sine particulis, ac simplicitate careret.
Quapropter tactus hominum fugit; ac bene multas
Unum in concilium congregatas esse necessum est,
Ut feriant nostros facto velut agmine sensus.

Hæc sunt, si qua fides Epicuro, exordia rerum;
 70 Semina Materiæ, quibus est natura creata
 Omnis, & assiduâ renovari prole videtur.
 Sic semel orta manet, superæ nihil indiga Mentis:
 Donec, uti certam casu concreta figuram
 Induit, hanc olim casu disjecta relinquat.
 75 Semina nil præter motum formasque requirunt.
 Namque per immensi dum cæca vagantur Inanis
 Imperium, ac celeri tranant spatha omnia cursu;
 Accidit ut, variis cùm sint affecta figuris,
 Perpetuò varias inter se concita plagas
 80 Accipiant, reddantque; ex quo pars juncta cohærent,
 Et pars dissiliunt; prout ipso verberis ictu,
 Formarumque modis potuit contingere. Sicut,
 Sole per angustum radios mittente fenestram,
 Pulveris emoti ramenta minuta videmus
 85 Ire, redire, levesque diu volitare per auras,
 Alternis certare occursibus, & quasi ludum
 Sparsim agere inter se; donec vi denique motûs,
 Cuncta solo depresso cadant, aliisque locum dent.

Nec tamen innumeræ his omnibus esse figuræ

90 Credideris; finita etenim sunt limite quodam
 Formarum genera: at finitur limite nullo
 Seminiūm cuiusque typi, cuiusque figuræ.
 Nam, verbi causâ, sunt infinita rotunda,
 Innumerique cubi, infinita triangula, quadra,
 95 Ceteraque id genus; at solùm bis mille figuræ;
 Ter-ve, quater-ve: nihil nam refert quantus earum
 Sit numerus, numero finitas esse satis sit.
 Qualia sunt variis herbarum semina formis

Prædicta;

Prædicta; si singas esse infinita per Orbem
 100 Laetucæ, foeni, viciæ, lentisque, thymique,
 Et quot alunt horti, montes, ac florida prata:
 Nec tamen herbarum toto visuntur in Orbe
 Innumeræ species, quibus exornata nitescit,
 Temporibusque suis vestit se dædala tellus.
 105 Perpaucis ut verba sónis diversa creantur
 Per cœtus populorum, & possunt plura creari
 Ac prodire novis hominum sermonibus, et si
 Necdum sunt, nec forsitan erunt. Sic tibia cantus
 Omnigenos tibi parva dabit: sic fistula Fauni,
 110 Disparibus tantum septem compacta cicutis.
 Sic, dum pressa gravi signatur pagina prælo,
 Qui foliis inventa suis aliena propagant,
 Bis duodena sibi scripturæ elementa legendæ
 Usurpare solent, totidem distincta per arcas,
 115 Quadratis donec veniant digesta tabellis,
 Unde leves atrata bibunt vestigia chartæ.
 Ut variis repetita modis, ac sæpe recurrens
 Innumeræ eadem componit littera voces;
 Concentus sic per varios, nexusque jugales,
 120 Paucæ perficiunt opera infinita figuræ.

Quod si ita dissultant Atomi aversæque recedunt;
 Ut nihil arripiant, & vincla injecta recusent
 Discordes, nullum inde potest coalescere corpus.
 Hinc odia & lites; hinc rixæ & jurgia. Verum
 125 Si faciles primo contactu foedera jungunt,
 Nascitur extemplo nova res, & in Orbe renidet;
 Ac specimen certum concordis habetur amoris.
 Jam si dissiliunt partim, partimque cohærent,

D.

50 ANTI-LUCRETIUS,

Atque intercepti connexæ fortè relinquunt
 130 Plusve minusve loci, mollis vel dura oritur res,
 Aut levis aut gravis, aut liquens aut mole suâ stans.
 Ramosis è principiis quæ corpora casus
 Texuerit, si sint arctè compacta, rigescunt;
 Si laxè, minimo videas lentescere motu.
 135 Sic ex hamatis fieri contingit acerba;
 Dulcia sed fiunt ex levibus atque rotundis.

Nec prætermittam quo motu hæc omnia fiant.
 Nempe graves Atomos ferri omnes sponte deorsum
 Edocuit, celeresque pari descendere lapfu:
 140 Cùm gravium casus intersita sola morentur;
 Nil autem occurrat medium, per Inane, quod obsit.
 Ergò Atomus præceps venit è regionibus altis;
 Cùmque in dissimilem ruit offenditque cadendo;
 Si renuat jungi, subito resilire coacta
 145 Tollitur in superas, unde illuc venerat, oras:
 Altera donec ei se tandem adjungere possit.
 Sic Solem, Lunam, & quæ pascit vividus æther
 Sidera, sive suis radiis immota coruscant,
 Sive repercuesso palantia sole refulgent,
 150 Partus fortunæ varios, ludibria casus,
 Strenuus inventor, nata & concreta ferebat:
 Sic terras etiam, sic undas, aëra & ignem,
 Fructus omnigenos, hominesque ferasque Deosque:
 (Nam sinit ille Deos, pecus immortale, putari,
 155 Dummodo posse nihil, nihil & curare potentur)
 Hinc animos hominum, ceu corpora cætera nasci
 Atque mori; nec Materiæ, nec motibus ullum
 Esse genus causæ, possit quæ jure timeri.

LIBER SECUNDUS.

51

Est operæ pretium, Quinti, mysteria tanta
 160 Scrutari pedetentim; illasque evolvere causas,
 Quæ per se stantes, Epicuro judice, Numen
 Funditus excludunt. Etenim si vera profatur,
 Non est ut trepides vano terrore Tonantis;
 At si falsa, Deum credas timeasque necesse est.

165 PRIMÙM oro obtestorque velis advertere mentem,
 Quanta Neoclidæ sapientis, quo duce pugnas,
 In detrectandis fuerit fallacia Divis.
 Proh dolor! Hoc cives potuit deludere fuco!
 Scilicet ille Deos non ausus pellere Athenis
 170 (Socratis injustâ nece, Protagoræque recenti
 Territus exilio) tamen ut re tolleret ipsâ,
 Ridiculos fecit; rerum quæcunque geruntur
 Immunes, etiam ignaros; procul omnibus Orbis
 Partibus extorres; tantum intermundia quædam
 175 Incolere, atque illic æterna per otia lætos
 Vivere permisit, regionis inanis inanes
 Indigenas. Verùm ne quis cum plebe putaret
 Hæc illi persuasa animo, prout ore sonabant,
 His super exilibus quæ non pugnantia dixit?
 180 Mitto desidiam & languens sine viribus ævum.
 Sed nihil esse potest in Toto præter Inane,
 Atque Atomos. Atomis & Inani singula constant.
 Singula propterea fiunt pereunteque vicissim,
 Quòd veniant Atomi semper, semperque recedant.
 185 Dic, Epicure, mihi; qualis natura Deorum est?
 Ex Atomis? Ergò non immortalis. Inanes
 Te voluisse Deos igitur fatearis oportet.
 Cùmque dares illis non corpus, sed quasi corpus;

D ij

Et plenas humore sacro , quasi sanguine , venas ;
 190 Et formam humanæ similem , sublestaque membra ;
 Has te non puduit populis obtrudere nugas ?
 Porro utcunque Deos Epicurus noverit , esto :
 Saltem divinæ vel sunt sine corpore mentes ;
 Nostraque mens adeò sine corpore stare valebit :
 195 Vel sunt corporeæ , tamen immortale per ævum
 Duraturæ ; igitur mens immortalis & esse
 Nostra potest , quamvis constaret corpore . Cernis
 Quàm male Graius homo doctrinæ arcana nefandæ
 Dissimulet , propriique operis fundamina solvat.

200 JAM verò hoc Spatium quod , eodem judice , per se est ,
 Hoc Vacuum sine quo suasit nil posse moveri ,
 In quo Materies , inquit , facienda fuisset ,
 Si posset fieri quandam , nec staret ab ævo ;
 Istud Inane quid est ? Si per se corporis expers ,
 205 Tempore si nullo finitum , limite nullo
 Vallatum , nullis variabile motibus , ac si
 Esse suum è propriis Naturæ viribus haurit ;
 Aut Deus , aut nihil est . Etenim cùm maxima certè
 Argumenta Dei jam confitearis in illo ,
 210 Et solæ defint ipsi mens atque potestas ,
 Cur defint , ego nec video , nec dicere possis .
 Quidquid enim per se est , quale est , tale esse necessum est ;
 Atque adeò sic est , quia sic non esse repugnat .
 Ergò si Spatium per se se dixeris esse ,
 215 Per se infinitum , per se immutabile dicis ,
 Per se mente carens , ac per se viribus orbum .
 Esse igitur debet ratio certissima quædam ,
 Cur infinitum , immensum , immortale , quiescens ,

Dotibus haud valeat tantis conjungere mentem ,
 220 Atque potestatem ; per seque quod obtinet ut sit ,
 Per se animâ careat , nec vi quoque polleat ullâ ;
 Sic , ut mentem illi , vel vires esse repugnet .

Quæ tantum , ni fallor , abest ut juncta repugnant ,
 Ut potius rear inter se non posse revelli .
 225 Nam quidquid per se est , infinitum esse necesse est
 Omni parte suî penitus , nec tempore tantum
 Atque loco , sed & omnimodis ; cunctasque profecto
 Quotquot sunt , aut esse queunt , comprehendere dotes .
 Illius est natura ut sit ; quodcumque per Orbem
 230 Esse potest , ipsum est , aut derivatur ab ipso .
 Quænam erit hæc igitur peregrina , vel intima causa ,
 Quæ rem infinitam restringat finibus ullis ?
 Nonne homini mens est aliqua , & vis insita quædam ?
 Ast homo non per se est : & quod per se esse fateris
 235 Atque infinitum , sine vi , sine mente putetur ?
 Elige . Si Spatium per se est , Deus ipse profecto est .
 Si Deus esse nequit , nihil est , aut corpus idipsum est .
 Esse negas corpus ; nihil est . Quodcumque lubebit
 De nihilo dicas , hoc de ipso dicere Inani .
 240 In promptu est : Atomos tollas ac restet Inane ,
 Restabit nihil . Ex Atomis quodcumque lubebit .
 In vacuo facias , fiet quoque semper idipsum
 In nihilo . Vacuum fateor non esse creatum ;
 Quidquid enim nihil est , per se nihil esse necesse est .
 245 Immotum & cunctis æquè est penetrabile rebus ;
 Namque repugnaret , quod non est , posse moveri ,
 Aut motis obstare . Etiam immortale fatebor ;
 Nam qui desineret , quod nunquam cooperit esse ?

Immensum hoc sensu; mensurâ nam caret omni ,
 250 Quod nihil est. At tu pugnas tecum ipse , Lucreti ,
 Cùm statuis magni tenebroso in gurgite Inanis
 Currere præcipites Atomos atque ima petentes.
 Nam spatii immensi quænam sint ima ? Repulsam
 Deinde pati , & revocare gradum , atque ad summa reverti:
 255 Nam spatii immensi quænam sint summa ? Negasti
 Quodlibet in Vacuo centrum , dextram atque sinistram ,
 Et rideas qui dant finem & quasi moenia Mundo :
 Nonne meo potius digna est sententia risu ,
 Quæ superas partes Immenso singit & imas ?
 260 Dicere nec poteris fundi seu culminis expers ,
 Cui fundum , culmenque , & tot tabulata dedisti .
 Ni fallor sunt hæc urgentia tela ; sed istud ,
 Si potes , inflexo declina corpore telum .
 Ecce Atomus venit è regionibus infinitis ;
 265 Hanc intercipias , quæso , jubeasque reverti
 Unde venit : quanto intervallo temporis illuc
 Perveniet ? nunquam , dices , quia tempore nullo
 Exsuperare potest spatia infinita viarum .
 Non superare potest ? ergo nunquam exsuperavit ;
 270 Cùmque huc appulerit , spatia hæc finita fuerunt.

A t verò locus ille vacans , quem semina rerum
 Haud bene juncta simul , velut arcto in carcere claudunt
 Captivumque tenent , pars est totius Inanis ;
 Aëris ut pars est aër conclusus in antro .
 275 Pars ea secreta est aliis , penitusque remota ,
 Quas aliae claudunt Atomis : ergo partibus extra
 Se positis constat Vacuum ; ergo corporis instar
 Omnino est : imò si res est , corpus id ipsum est .

Quidquid enim è multis constabit partibus , illud
 280 Corpus erit. Quòd si Vacuum sine partibus esse
 Dixeris , haud spatum est ; spatii nam segmina plura
 Tota Geometrice distinguit , & id studet unum ,
 Mensuram ut spatio , & respectus mille figuris
 Inveniat , scindens partes & partibus æquans ;
 285 Quas tu , si Vacuo tollas , nihil esse fateris :
 Et , si concedas , etiam fatearis oportet
 Ordine distingui & cunctas constare seorum .
 Nam quæ Solis habet corpus , non est ea certè
 Quæ Terras , aut Lunam , aliud vel continet astrum :
 290 Et quæ laeva mihi , non est ea quæ mihi nunc est
 Dextera . Cuique sua est statio & stationis origo ,
 Atque loci causam proprii locus ipse requirit .
 Quapropter vellem adstrueres , quæ causa tot inter
 Discretas spatii partes , elegerit uni
 295 Cuique locum : ut variis variae regionibus omnes
 Considant ; & finitimis jungantur , & absint
 Longinquis . In Materiâ par cernitur ordo ;
 Cujus ego pariter causam abs te aliquando requiram .

Quòd si naturâ talem contendis ubique

300 Partibus esse situm ; situs ergo (cerne quid ausis)
 Non jam ex eventis rerum , natura sed ipsa est :
 Nec magis à rebus , quæ natura ipsa revelli
 Usque potest . Falsum hoc demonstrant omnia passim
 Corpora ; demonstrant Atomis , quibus hæcce vel illa
 305 Nil quod naturæ est adimit positura vel addit .
 At si materiæ per se pars nulla reposcit
 Hunc aliumve situm , nativo cur sibi jure
 Hunc & non alium spatii pars obtinet omnis ?

Immotas, equidem novi, tuus ille magister
 310 Vult Spatii, non Materiæ, consistere partes.
 Vult Spatium per se quale est; at corpora casu
 Condita per motum, quo semina juncta cohærent;
 At verò gratis hæc, & sine vindice, dixit,
 Ut permulta, vafer; quæ nec ratione probavit,
 315 Nec sine doctrinæ potuisset omittere damno.
 Tantus eum tenuit delendi Numinis ardor!
 At Spatium hoc ipso per se non esse revici,
 Quòd per se non sit quale est: ac proinde roganti
 Danda mihi ratio est, cur sic ab origine primâ
 320 Dispositæ fuerint partes illius, ut esse
 Dispositas nunc vis; cur quæ mihi dextera nunc est,
 Non sit læva. Deum facto qui denegat Orbi,
 Non habet unde rei possit depromere causam.
 Quippe aliter poterant Spatii consistere partes,
 325 Incolumi Spatio. Modus est: ubicunque fateris
 Esse modum, certè moderantem hic esse fatendum est.
 Hinc sequitur Spatium, si quidquam est, esse creatum;
 Et causæ majoris opus, causæ omnipotentis.

VERUM, ais, ut Numeri sunt fixa elementa, neque ullum

330 Expungi valet, aut innatâ sede moyeri;
 Sed cui nomen erit septem, sex inter & octo
 Ex se naturâque suâ perstare necesse est:
 Temporis ut per se suus est quoque partibus ordo;
 Nec lux hesternam prævertere crastina lucem,
 335 Aut hodiernâ potest: Vacuum sic omne quiescit;
 Naturâque suâ tale est, quale esse videmus.

RECTE cum Numero Spatium & cum Tempore consens;

Sunt etenim, veluti visum est mihi semper, eodem
 De genere; aspectus rerum, & mera nomina, non res.
 340 At Spatium, tu rem per se stantem esse volebas,
 Et diversam à Materiâ penitusque solutam,
 Immotam, æternam, cuius penetralia corpus
 Occupet, atque omni valeat pervadere motu.
 Quin hæc de Numero, quin hæc de Tempore dicis?

345 SED Numerus nihil est in se nisi copia rerum,
 Cui partes individuas, atque ordine certo
 Compositas damus; ut cernendi regula vera
 Sit nobis, quoties unum addere sæpius uni,
 Et summas placuit collectas addere summis.
 350 At quoniam ille modus res æquè adhibetur ad omnes,
 Sive ortæ jam sint, seu quondam sint orituræ;
 Creditur esse aliquid, quamvis re sit nihil ipsâ.
 Ingenium huc etenim nostrum delabitur ultro,
 Communis rerum ut ratio, res esse putetur.
 355 Hocce modo Spatium tu rem veram esse putas,
 Quinimo rem magnam, infinitique patentem;
 Corporibus cunctis Spatium quod inesse videres.

SIC fugiens ac perpetuò reparabile Tempus,
 Quo non visa prius veniunt ad luminis auras,
 360 Quo monumenta ruunt, populi labuntur & urbes,
 Dum seipsum renovat, nullâque ætate senescit,
 Falcigerum fecere Patres, ac prolis edacem
 Saturnum. Hoc autem rebus distinguere ab ipsis
 Si cupias, nihil invenies; quanquam omne per horas;
 365 Perque dies, annosque & sæclis addita sæcla
 Metimur tempus; nam res distinguimus ipsas.

58 ANTI-LUCRETIUS,

Dum servant illæ motum placidamve quietem,
 Ac non deficiunt. Cùm verò semper eandem
 Participant massam redivivi temporis omnes,
 370 Id quod participant, sive unà sive seorsum,
 Æternum immensumque aliquid per se esse videtur:
 Ceu grandis rota volvendo quæ plurima sursum
 Extrahit, ac deorsum volvendo plurima trudit:
 Aut ingens fluvius quo partim littora circùm
 375 Fecundata nitent, partim corrofa fatiscunt.
 At si res esset, quando fluxæ illius omnes
 Particulæ pereunt simul ac venère, nec unà
 Stant unquam, ast abigunt se se excluduntque vicissim;
 Certè, quod refugis, semper res illa veniret
 380 Ex nihilo; in nihilum semper collapsa rediret.
 Quod nimis à rectâ quoniam ratione vagatur,
 Hoc etiam atque etiam teneas, nihil esse reapse
 Temporis atque Loci spatium quodcumque vocamus;
 Sed tantum in nostrâ consistere mente, merosque
 385 Ingenii, quorum Natura est inscia, partus.
 Si res nulla foret, nec tempus, nec locus esset.
 Tempus uti mutabilium constantia rerum est;
 Impenetrabilium locus est distantia rerum.
 Sed nihil à rebus differt distantia rerum;
 390 Ut nihil à rebus rerum constantia differt.

AT cujusque rei locus à re discrepat ipsâ,
 Continuò dices: nam corpus tollere promptum est
 Interea remanente loco qui corpus habebat.
 Nequaquam. Verùm idcirco remanere videtur
 395 Corporis ablati locus is, quia quæ priùs illud
 Cingebant, illo non sunt abeunte remota.

LIBER SECUNDUS.

39

Verus at ipse locus, spatiū seu corporis ipsum
 Non mansit, fugiente simul cum corpore fugit.
 Si locus interdum re sumitur absque locatâ,
 400 Tunc intelligitur tantum vicinia rerum,
 Quæ perstant in circuitu: ceu fluminis alveus
 Decurrentis agros inter ripasque manentes.
 Sic vagina locus gladii, craterque liquoris
 Dicitur. Atque adeò vox est, quâ nempe solemus
 405 Declarare situs rerum; atque ubi quæque sit, illic
 Non simul esse aliam. Sed frustra quæritur, an sit
 Ambitus ipsarum rerum locus; an cava forsan
 Illa superficies, quæ corporis extima tangit;
 Aut intermedium quiddam sine nomine vanum:
 410 Res est ipsa, suâ quæ circumscripta figurâ est.

SED quoties Vacuum à naturâ corporis omnî
 Secernis, corpus pariter facis; addere possem
 Et solidum, quamvis vanum ac penetrabile dicas.
 Nam tibi sexcentas Atomos aut collige plures,
 415 Quas ita disponas ut conglomerentur in Orbem,
 Atque locum in medio vacuum teretemque relinquant;
 Quales, conflictu pluviae labentis in undam,
 Cernimus attolli tenues super æquore bullas:
 Cùm sphæræ in faciem clausum hoc consistat Inane,
 420 Quolibet à puncto deduci linea recta
 E regione potest ad punctum quodlibet; ergò
 Per centrum toties transfibit, & angulus inde
 Plurimus existet. Metiri sic licet unà
 Cum solido vacuum; longè, latè atque profundè
 425 Extensem invenies, propriâque insigne figurâ,
 Qualem Atomi dederint quibus est circum undique cinctum:

60 ANTI-LUCRETIUS,

Area quadrati velut est quadrata; rotundus
Ut quoque fit positus liquor in cratero rotundo:
Ergo corpus erit. Nam quoquoversus habebit
430 Dividui naturam, & corporis appendices.
Nempe tibi radios in eo signare licebit
Atque superficies, & sphæram æquare cylindro.
Quidquid Cartesius, Bernulli, Leibnitiusque
Tradiderint, post Hippocratem Euclidemque magistros;
435 Quæque Syracosia sunt demonstrata Mathesi;
Hæc eadem ostendes illic, & certa probabis.
Ac velut innumeras condenso in marmore constat,
Permixtasque simul rerum omnium inesse figuræ,
Quæ scalpro educi possunt oculisque videri,
440 Saxeа sustulerit quoties velamina ferro
Docta secare manus lapidem ac rescindere gibbos:
Haud aliter Spatii moles, quam dicas inanem,
Continet in gremio rerum simulachra, tametsi
Tantum oculis animi, non corporis innotescant.

445 Imò, particulas ut Materiæ esse probabo
Dividuas, Spatii tales fatearis oportet.
In Spatio pars nulla potest sic parvula fangi,
Quæ non vicinas, quibus undique cingitur, omnes
Contingat: dextram tangit simul atque sinistram;
450 Inter utramque jacet media, & discludit utramque.
Ergo ni cunctas libeat confundere, duplex
Præbet utrique latus, superis quoque præbet & imis:
Quotque in circuitu socias habet, ecce tot illi
Sunt latera. Hoc verò stupeas: quot inesse minutæ
455 Particulæ Spatii partes tibi fortè videntur?
Innumeræ, Centro fingas Telluris ab imo

LIBER SECUNDUS.

61

Filum ære aut ferro directum ad sidera duci
Per medium Solis corpus, paulumque moveri
Sic, ut summus apex Atomo non amplius unâ
460 Excurrat: (Spatii minimas hoc nomine dicam
Particulas) motu hoc pars omnis concita fili
Quam longè extensum est, at non æqualibus ibit
Momentis; etenim velox minus inde futura est,
Quo magis est centro Terræ motuque propinqua;
465 Et multo breviora quidem sub corpore Solis,
Quam supra Solem spatia explebuntur, & infrâ
Decrescent semper, fientque minora gradatim:
Et tandem minima in Telluris partibus imis.
En tot habet partes Atomus peragrata supernè,
470 Quot sunt illa viæ toto discrimina filo.
Quid? si nullus erit finis, tantumque minutam
Produces fili seriem, quantam esse putabis
Vim Spatii; qui limes erit, quæ pausa secandi?
Materiem à Spatio quis jam discernere possit?

475 IMPENETRABILITAS, inquis, quam corpora servant,
In Vacuo non est. Imò est; eademque profecto.
Confundi partes Vacui non posse fateris;
Nam si confundas, punctum redigentur in unum,
Extensaque nihil, spatii nihil inde futurum est:
480 Non possunt igitur se se penetrare vicissim.
Corporibus penetrantur, ais. Penetrantur Inani
Corpora; num dices ideo penetrabile corpus?
Quidquid habet certo sejunctas ordine partes,
Quarum aliæ distent aliis, quantumlibet illud
485 Alterius res naturæ pervadere possit,
Impenetrabilibus compingitur ex elementis,

Quare pro nihilo Spatium, aut pro corpore sumas.

Et certè Spatium nihil est, nisi corporis ipsa
Mensura. In rebus quamvis nullum esset Inane,
490 Materies constare tamen, te judge, posset:
Nam sunt naturæ duplices, quarum utraque per se est:
At spatio sine Materies constare nequit:
Per se se quia Materies extenditur omnis;
Et spatium res omnis habet, quæ extenditur. Illud
495 Non habet à Vacuo, quod constet partibus æquè
Impenetrabilibus: spatium ergò possidet in se
Materies aliud Vacuo; quodque ipsa teneret
Per se, vique suā, sublato prorsus Inani.
Si verò præter spatium, quo prædicta semper
500 Materia est, aliud jungas quod Inane vocabis;
Jam duo sunt spatia. Alterutrum excludatur oportet:
Nam frustra venit, & res est temere addita rebus;
Ex qua Materiem si quis tibi diceret ortam,
Protinus, è nihilo quia tunc foret orta, negares.

505 Si vis exemplo dignoscere quid sit Inane,
Aspice mensuram fugitiui temporis albo
Pariete signatam; pictis ubi ductibus horæ
Nigrescunt, & justa per intervalla notantur.
Cernis ut adverso conspersam lumine Solis
510 Planitiem gradiens porrectæ cuspidis umbra
Percurrat: credas ferro descendere opaco
Fusci aliquid ferro simile, obscurumque colorem.
Umbra tamen nihil est, mera tantum absentia lucis,
Quam rectâ venientem illas acus obvia partes
515 Parietis illustrare yetat, quibus imminent: unde

Parva fit eclipsis, motūs nota certa diurni.

SED nisi sit Spatium & distinctum à corpore, dices,
Regula mensuræ nulla est; neque corporis unquam
Indubitata potest moles alicujus haberri:
520 Et, si revera fixum atque immobile non est,
Exemplar veræ jam deficit omne quietis,
Quicun collatus queat innotescere motus.
Nulla capi poterit distantia certa locorum:
Mutabuntur enim semper; nec terminus ille
525 A quo discedunt quæ corpora cunque moventur,
Certò apparebit, veluti nec terminus alter
Ad quem perveniunt. Id ineluctabile ducis,
O Quinti, vanum tamen est, paucisque refellam.
Corporibus cunctis tu certam adscribere molem
530 Tentares frustra. Quæ nobis parva videntur,
Convexo transpecta vitro majora patescunt;
Visa Microscopio crescunt iterumque iterumque:
Linea fit digitus, vel pes, prout vitra secantur.
Unum etiam in Cœlo sidus persæpe videre est,
535 Quod Telescopio duplex reperitur: & ambo
Sidera cæruleus distinctè segregat æther.
Miscuerat Stellas distantia corpus in unum,
Miscuerat pariter spatium. Prospectus ut omnes
Contrahit effigies rerum aut producit, eodem
540 Omnino ritu spati simulachra. Quid ergò
Mensuram Spatio tentas adscribere certam,
Quæ nec Materiæ est? Metiri sensile corpus
Per spatium, res est insulsi plena laboris.
Qui magnum in sece aut parvum quæsiverit, errat;
545 Inveniat certè nusquam, nisi conferat una

Cum spatio spatium , corpus cum corpore ; majus
 Tunc dènum atque minus liquidò reperire licebit.
 Haud aliter varii per concita corpora motus
 Ut dignoscantur , nullâ ratione necesse est
 550 Fixas in Mundo & stabiles consistere metas ;
 At satis est poni solâ vi mentis , & illa
 Non mutare locum inter se , quæ proxima circùm
 Versantur ; licet ipsa locum simul omnia mutent.
 Ambulat in navi puppim proramque vicissim
 555 Nauta petens ; gressus totidem similesque profecto
 Sunt , seu navis eat propulsa faventibus austris ,
 Seu maneat defes , seu convertatur in orbem.
 Ad navim referas gressus ; sunt unius omnes
 Mensuræ , pariter procedunt ordine recto :
 560 Ad pelagus referas ; nunc recti , nunc quoque curvi ,
 Nunc & producti , nunc retrogradi esse videntur.
 Quòd si præterea Terram tu rere moveri ,
 Tunc alias illis mensuras atque figuræ
 Attribues. Verùm sine tot respectibus , illos ,
 565 Quales nauta creat , tales cognoscere promptum est.
 Nil igitur spatium refert immobile ponî.

J A M tibi compertum est , quid Inanis nomine tandem
 Signetur : nempe est absentia corporis omnis ,
 Quam sibi Phantasia fingit fallacia nostræ ;
 570 Mens quoties non rem , sed rerum prorsus inanes
 Contemplata modos , tunâ in ratione moratur
 Extensi ; non extensum considerat ipsum :
 Haud secus ac numeros , & sensim labile tempus ;
 Queis non ulla viget natura , nec ulla subest res.
 575 Inde receptaculum cunctis existimat ultro

Corporibus

Corporibus commune dari , quia perspicit , illuc
 Nunc ubi corpus adest , aliud potuisse reponi.
 Nimirum illud ubi secretum à corpore quovis
 Immotumque putat , dum corpora cuncta moventur :
 580 Tanquam debuerit Fabricator strenuus Orbis
 Quærere ponendis loca primum commoda rebus ,
 Et statuenda priùs fuerit rerum area , quām res.
 Hoc molitur opus sibi mens , hoc astruit Orbi :
 Nec rerum locus à rebus mage discrepat , ipsa
 585 Quām moles . Suis ergò sibi sunt corpora fundus :
 Respectus non res Spatium est. Sic annulus omnis
 Possidet in medio proprium atque immobile centrum ,
 Semper idem , semper medium , quōcunque feratur.
 Quid verò est centrum hoc ? An res est priva , quiescens ;
 590 Per se stans ? Minimè. Locus est , quo ducere ab orâ
 Si lubeat radios , æquales esse videbis.
 Talibus è loculis Spatium immortale , quietum
 Conflatur. Sunt hæc Vacui fictitia membra.
 Commentum est igitur , quod tanti ducis , Inane ,
 595 Magnificumque nihil : quo dum sua corpora doctor
 Atticus infercit , fieri qui posse negabat
 Ex nihilo quidquam , nihilis nugacibus implet
 Omnia : dumque Atomis Vacuum immiscere laborat ,
 Immiscet nihil , ac nolens facit omnia plena.
 600 S U N T qui Materiâ Spatium discludere certant ,
 Quanquam utriusque Deum ingenuè causam esse fatentur. ®
 Miror ego illusos Epicuri fraude , dolosus
 Qui Vacuum instituit , Vacuo ne causa daretur ;
 Et , quibus esse probat Spatium , probat esse necessum.
 605 Dicit enim : Spatiū omne Deus si quando creasset

E

- E nihilo , partem in nihilum dimittere posset ,
 Stantibus interea reliquis ; hoc denique facto ,
 Accidet in Vacuo Vacuum , & fodietur Inane.
 At verò Spatii quæ pars destructa putatur ,
 610 Non periiit : siquidem planè una eademque remansit
 Servatas inter Spatii distantia partes
 Quæ prius , atque ideò Spatium : quod proinde reverti
 Si nequit in nihilum , è nihilo prodire nequivit.
 Sic dum tu Vacuum , pellax Epicure , tueris ,
 615 Esse negas Vacuo causam ; gaudesque malignus ,
 Omnem operam Divis adimendo , tollere Divos.
 Tun' adeò dignus quem tantum Numinis hostem
 Gassendi ingenium solers , multique recentes ,
 Pectore qui casto Numen coluere , sequantur ?
- 620 ATTAMEN objiciunt : Si jam Deus aëra vellet
 (Velle potest) hujus cellæ evanescere totum
 Protinus , ac nihilo , cellâ sed sospite , reddi ;
 Nonne locus cellæ interior , supereret inanis ?
 Nequaquam . Spatii nam si penetrabilis æquè
 625 Ac pleni Deus est opifex , disperdere corpus
 Ut potis est , potis est etiam disperdere Inane.
 Destruat : en vobis vestra hæc objecta repono :
 Quid de parietibus fiet ? quodcunque futurum est
 Aëre sublato , id sublato fiet Inani.
- 630 Propterea , qui nunc aër distinguit oras ,
 Si totus pereat suffecto corpore nullo ,
 Tunc Spatium quod erat jam non erit amplius , et si
 Fingitis esse super ; sed cum pereunte peribit
 Corpore consumptum ; ut consumptâ re numeratâ ,
 635 Nemo est qui numerum dicat superesse . Quid ergò

- Oras inter erit ? Nihil , inquam ; atque hoc Nihil ipsum
 Quod foret , absumente Deo Spatium illud inane.
 Verùm oræ non se tangent , hic Lockius instat ;
 Dividet oppositas eadem distantia moles
 640 Quæ prius : immotas etenim persistere dictum est.
 Ast etiam id dederat , Spatium ipsum posse revelli :
 Si Spatium non intererit , nihil amplius ergò
 Intererit . Dices ; nihil hoc Vacuum esse futurum.
 Aut igitur Vacuum penitus nihil esse fateris ;
 645 Aut si vis aliquid , simul & dabis esse necessum .
 Ergò vel Spatium tolli non posse Supremi
 Numinis arbitrio vult Lockius , atque Epicuro
 Consentit , paribusque volens prosternitur armis ;
 Vel , si consentit nobis , temere ista docebat .
- 650 Nec tibi propterea , vano hoe phantasmate pulsò
 Funditus , hinc ægre videantur posse moveri
 Corpora . Nam liquidi semel , in quo cuncta moventur
 Si bene naturam perspiceris , ilicet omnis
 Ante oculos motus ratio manifesta patebit .
- 655 Quippe volubilibus liquentia corpora constant
 Partibus , ac tersâ circumtundique fronte politis .
 Nullaque , vel certè minima est , quæ vinciat illas ,
 Copula ; sed leves præterlabuntur eundo :
 Lubrica quandoquidem latera , ac detrita volutant .
- 660 Altera Materies liquidis subtilior ipsis
 Intervalla tenet , citus ac diffusilis æther .
 Sit nunc tē monstrare satis ; celebrabere quondam
 Fusilis , ô nostrâ toties dicenda Camoenâ ,
 Vivida Materies ; quâ permanente geruntur ,
 665 Latè convexo quæ fiunt omnia Mundo .

- Hac perfusa, simul magis ac magis undique fluxa
 Corpora redduntur, flectique & cedere promta;
 Cùm levibus primùm fuerint exercita plagis.
 Illinc mobilitas in partibus. Ast ubi mersum
 670 Quodlibet in fluido corpus transfertur ab unâ
 Sede aliam versùs, simul hanc ut deserit, illam
 Occupat; & puncto fit utrumque in temporis uno.

R E M res dum pellit, quæris quò pulsâ recedat:
 Huc ubi erant aliæ quas expulit ipsa vicissim:
 675 Hæ quoque propulsant alias, istæque recedunt
 Huc ubi erat pellens, aut illi proxima. Qualis
 Dum stabilem circum rota fervida volvitur axem,
 Trochlea seu fluxos effundit stridula funes,
 Pars partem sequitur Vacuo sine; nec prior ulla est,
 680 Quam non posterior junctim premat, inque sequatur.
 Non alia est liquidis ratio, seriesque movendis.
 Nam licet haud ea sit constantia partibus, atque
 Intestina quies, duro quæ corpore perstat;
 Nulla tamen sine finitimâ tangente profectò est,
 685 Aut hac, aut illâ, quâ prætereunte teratur.
 Nec cessant in perpetuo contagia motu.
 Principiis quippe in solido situs unus & idem
 Permanet; in fluido mutabilis & vagus errat:
 Hæc genera inter se haud alio discrimine pugnant;

690 **A S P I C E**, ut erecto stet lymphâ inclusa canali,
 Quam subtus retinent postes. Si quando reclusis
 Laxetur valvis, subito fluit acta suopte
 Pondere præcipitans. At non erumpit ab imo,
 Quin delapsa simul tantum decrescat ab alto

- 695 Vertice, descendatque humentis massa cylindri.
 Aëris huic autem propriis conjuncta columnâ,
 Quam sibi cedentem proporro sublevat humor,
 Tollitur ascendens juxta, seque ipsa relicta
 Deprimit in Spatiū, quo decidit unda residens;
 700 Non intermissō contactu: seque vicissim
 Et latices infrâ supplent, & desuper auræ.

S I C pulso semper locus est, Spatiūque liquori;
 Quò se se, priscâ ejectus statione, receptet.
 Nec momentum horæ est, quo non sit tota relicti
 705 Area plena loci: quia non succedere cessant
 Contiguæ partes, quas corpus mobile trudit.
 Hoc pacto baculum si propulsaveris unâ
 Parte movens, ibit simili pars altera gressu.
 Haud aliter funis longè porrectus, ab uno
 710 Si capite excutitur, paulatim subsilit omnis,
 Et flexu curvos imitatur mobilis angues.
 Contortusque chalybs jugi vertigine thecam
 Exagitat; duplice suspensam cardine cogit
 Circumagi presso latere intus, & omnia junctim
 715 Instrumenta movet; quia strictè cuncta cohaerent;
 Unde fit impulsus nunquam discissa propago.
 Jam quæ de toto liquidorum corpore dixi,
 Hæc de principiis liquidorum intellige & ipsis.

N O V I equidem, quicunque volunt (in verba magistrî)

720 Nam jurant) primas per se consistere partes
 Materiæ solidas, immortalisque figuræ,
 Et tamen absimiles, velut ipse Lucretius, illos
 Nec solidi motum in fluido, nec particularum

70 ANTI-LUCRETIUS,

Inter se fluidi, quamvis tenuissima quæque
 725 Ponatur, quovis animi comprehendere nisu ;
 Ni Vacuum fingant. Namque omnia corpora condunt
 Talibus ex Atomis, quæ, dum in diversa vagantur,
 Destitui Spatio nequeant; semperque necesse est,
 Ut variæ linquunt varia intervalla figuræ,
 730 Corpus ubi nullum est, aiunt. Quod linquitur ergo
 Et vacat, hoc nihilum dici, Spatiūmve, locumve
 Non refert; satis est linqui, penitusque vacare.

HAUD mirum, è falso si plurima falsa sequantur,
 Sed, quod Materiæ naturam hanc, sive figuræ
 735 Attinet (in quo uno totum fundatur Inane)
 Id non rejicio tantum, ingeniique dolosi
 Commentum affirmo; faciam, convictus ut ipse
 Rejicias: ubi nempe Atomos, & corporis ortum
 Exsequar. Interea, quid sit purissimus æther,
 740 Quoque modo partes liquidorum interfluat, audi,
 Hujus particulæ non simplicitate rigentes
 Æternâ, non duritie, velut antè putabas,
 Unius aut formæ semper molisque tenaces;
 At levitate suâ, motûsque labore perennis
 745 Dividuæ, frangi faciles, iterumque coire,
 Et quocunque loco quamcunque capessere formam;
 Non ullo quamvis interpungantur Inani,
 Usquæ valent omnes penetrando implere lacunas;
 Quinimo impedient ne possint esse lacunæ.

750 Cœu globulos unâ si quis congescit eburnos,
 Semina triticea, aut chalybis ramenta vel æris,
 Interjecta videt loca passim tenuia, quò non

LIBER SECUNDUS.

71

Est rigidis aditus; verùm facilè influet omnis
 Injectus liquor, atque sinus penetrabit hiantes.
 755 Ast horum angellis non se insinuaret acutis,
 Si formam globuli servarent prima liquoris
 Semina; sed jaculi sese in pungentis acumen
 Producunt, modulos & componuntur ad omnes:
 Flexibilis quasi cera cavo compressa sigillo.
 760 Sic ubi Grajugenū vestigia docta secuti
 Sculptores altis excudunt aenea signa
 Porticibus, simulacra solent effingere primū
 In gypso, cerâque linunt; hinc tota madentis
 Argillæ massâ tumulant; sparsimque relicto
 765 Tramite perfundunt liquefacti fonte metalli:
 Cera fluit; sequitur fugientem torridus humor;
 Et frontem Alcidæ, nervosaque membra capessit.

ERGÒ vices Vacui peragit subtilis abunde
 Materies; quæ dum spatiis se accommodat æquis
 770 Aspera particularum inter, facilique recessu
 Pulsanti minùs obstat, idem est ac si nihil obstet:
 Quidquid enim minimum est, nihil tandem instar habetur.
 Illapsis adeò axis licet unda resistat,
 Attamen illa cadunt; quoniam minùs unda resistit,
 775 Quàm premitur. Sic cedit aquis labentibus aër,
 Quas paulum repulit. Sic nunquam præpedit æther
 Aëra, quin deorsum tendat, ventisque feratur.

AT si totum, inquis, plenum est & Inane negatur,
 In cubico pede Materiæ subtilis erit vis
 780 Non minor obsistens fodienti sive fecanti,
 (Omnis Materies propriâ nam mole resistit)

E. iiiij

72 ANTI-LUCRETIUS,

In pede quām cubico lapidis, plumbive, vel aurī.
 Falleris, ô Quinti : neque enim, quod fortè putabas ;
 Per vim Materiæ propriam memorata resistunt ;
 785 S d per contextum, qui partes jungit in illis.
 Materies, ut iners, haud per se motibus obstat :
 Tantū ex affictu & vinclis plexuque tenaci,
 Aut contrā posito motu in diversa ferente.
 Nimirum vim vi potis est opponere nullam :
 790 Motibus apta quidem sumendis, apta quieti ;
 Sed nec sponte petens motum, nec sponte quietem.

PERVIA sint igitur quòd quædam corpora, vel non,
 Quòd suffurentur motum, sensimque retardent,
 Aut citò restinguant absorptum, ac denique tollant,
 795 Hoc elementorum non vis, non summa, sed unus
 Efficit ille modus, quo sunt elementa soluta,
 Vel connexa simul ; quo sunt abrafa, vel hirta.
 Est in aquā plus materiæ quām in corpore ligni ;
 At digito penetrabis aquam, non ligna : Metallis
 800 Est aditus facilis, quando sunt igne liquata.
 Demonstrat pondus propriæ quantum insit in illis
 Materiæ : sic Mercurio subtilior aër,
 Aëriis æther longè subtilior auris ;
 Nec moles constans elementorum æthere in ipso,
 805 Cujus particulæ magis ac magis attenuantur.
 Hoc unum teneas animo, passim esse liquores
 Immersos aliis alias, unāque fluentes ;
 Atque alias aliis textos subtilius ; & qui
 Prae cunctis longè tenuissimus esse videtur,
 810 Posse iterum minimo causæ advenientis ab iactu
 Comminui magis atque magis, semperque resolvi.

LIBER SECUNDUS. 73

PLENUM igitur motus rapidos aliquando morari
 Et variare potest, & detorquere refractos,
 Dividere, inque aliam ex aliâ transfundere partem,
 815 Non penitus prohibere : imò per corpora servat,
 Et regit, ut socio coalescant plurima nexu ;
 Quod puro in Vacuo nunquam sperare liceret.
 Corporum enim partes medium per Inane solutæ
 Nescirent servare fidem, jamque agmine rupto
 820 Diversæ hanc illac fugient, & in ordia prima
 Dilabentur, uti pulvis projectus in auras.
 Nam nisi corporibus stipentur corpora, eorum
 Partibus haud teneant nexus sua vincula partes,
 Singula laxa fluant. Quòd sint plena omnia, rebus
 825 Hinc sua durities : durâ quæ mole cohærent,
 Undique, ceu pleno Mundi craterem, premuntur.
 Hoc adeò certis promtum est deprendere signis.
 Dimidios pulchrè levati marmoris orbes
 Si lapsu opposito, ne furtim interfluat aër,
 830 Aptè inter se se jungas, jam nulla virūm vis
 Diverso poterit junctos divellere nisu :
 Hos etenim pressu valido densata coercet
 Materies, firmisque tenet complexa catenis.
 Hinc quoque difficiili discinditur unda natatu,
 835 Atque obluctantes vix vi propulsa lacertos
 Certatim reprimit, peccusque fatigat anhelum,
 Et, quasi discidium metuens, findentibus obstat.
 Vimineam pariter virgam si fortè coruscas,
 Illam incurvari modò lentarique videbis,
 840 Tum strident auræ tenues, tum sibilat aës ;
 Unde repulsari pleno liquet aëre virgam.
 Sic etiam, tonitru nubes quatiente fragosas,

74 ANTI-LUCRETIUS;

Prævertit fulgur strepitum; quia pervolat ignis
Ocius, aëriæ sed nostris auribus undæ

845 Tardos important loca per conferta sonores.

DENIQUE cur se se parvo clinamine flectit;
Quæ venit ætherias à sidere missa per auras
Lux oculis, et si, quantum in se est, recta feratur?
Nempe abrumpit iter, radiosque intrata refringit
850 Quæ medio cœlum terrasque interluit æstu
Materies diversa, magisque minùsque resistens;
Ac lucem exiguis amfractibus ire parumper
Detortam cogit: sed non detorta meatus
Per vacuos, nihil est ubi quod detorqueat, iret.
855 Quippe moras neunt, quamvis liqueantia, passim
Corpora, circuitum propter quo mutua se se
Excipiunt, fedes & commutare jubentur:
Quod non accideret, si quovis impete fractus,
Et quâ percutitur liquor, illâ parte dehiscens,
860 Objicibusque vacans, venas aperiret inanes.
Ergo stant pleno, sunt quanquam libera, Mundo
Corpora; quæ laxè in vacuo si sparsa natarent,
Diffuerent passim; nec certo foedere possent
Accipere, acceptosque aliis transmittere motus.

865 PROPTERA miror tam docto, tamque sagaci
Neutono Vacuum placuisse, ut motibus aptum
Sidereis. Etenim, dum certos atque perennes
Astrorum cursus, cum vi obstante fluenti
Conciliare nequit, discordantesque Planetis
870 Ducere transversim per conica segmina curat
Communi ingenitæ gravitatis lege Cometas,

LIBER SECUNDUS.

75

Nil reperit melius, quàm si tollatur ab omni
Æthere materies agitanda; globique ferantur
Attractu vario rapti per Inania. Dicam
875 Tanti pace viri, quo non solertia alter
Naturam rerum ad leges componere motūs,
Ac Mundi partes justā perpendere librā,
Et radium solis transverso prismate fractum
Septem in primigenos permanurosque colores
880 Solvere; quî potuit Spatium sibi singere vanum,
Quod nihil est, multisque priùs nihil esse probatum est?
Quâ ratione valent in eo densissima volvi,
Et servare suam volvendo corpora molem?
Attractus mitto varios, & pondera nullis
885 Exponenda modis, nisi motūs vera propago
Contactu fiat, pulsumque à corpore corpus
Tendat eò semper, quò vis direxerit illud:
Quippe suis deinceps erit his locus. Attamen urget
Me studium Veri: metuo, ne furculus ille
890 Letiferi erroris, Gassendo nuper amatus,
Defensore novo speret se posse tueri;
Atque hominis magni famâ titulisque resurgat.
Huic ergo liceat physicas opponere causas.

CONSTAT enim corpus quocunque movetur in orbem,

895 Aufugere à motū centro, sibi cùm nihil obstat;
Molirique fugam assidue, si forte quid obstat.
Cœlestes igitur sphæræ, cùm semper in orbem
Et proprio super axe, & circum immobile centrum
Volvantur, Vacuo si currant undique cinctæ,
900 Scilicet à statione procul, rectaque recedent,
Et centri immemores & cursus antè peracti,

Ceu validâ emissus fundâ lapis exit in auras,
Et metam assequitur subitò, & prævertitur Euros:
Fortior à gyro est illi, & directior ictus:
905 At lapis erumpat, distento fune per orbem
Ut primum actus erit, si non retinacula fundæ
Præpediant. Ergò fugient vaga sidera, vasti
Perque vias Nihili faciles, per aperta locorum;
Impete servato, penetrabunt futile regnum;
910 Donec in objectam, quæ motus fortè retundat,
Materiem inciderint, aut tangant mœnia Mundi.

PRÆTEREA cujusque brevi resoluta peribit
Massa globi: quoniam partes hinc inde rotatu
Disjiciet latè sparsas per Inane quietum;
915 Ut rota curriculo collectas vibrat arenas.
In tenues Atomos primùm Atmosphærion ibit;
Inde superficies; dehinc interiora sequentur.
In subiecta sibi radios malè prodigus astra
Disperget nunquam reddituros Delius ignis.
920 Corporibus densis gravitas quoque nulla futura est.
Quin levitatis erunt majoris, & ocios ibunt
A centro: si quidem plus, quam rarissima, motûs
Accipient. Qui posse trahi per centripetam vim
Respondebit, eum quæ sit vis illa rogabo.
925 Namque manus fundam exagitans, hoc missile saxum
Centripetâ non vi, sed fundâ continet ipsâ.
Pulsantes equidem vires intelligo, nusquam
Occultas magicisque pares, tantumque valentes;
Ut non centrifugæ possint obsistere contrâ,
930 Sed gravitas etiam crescat, dum corpora centro
Accedunt propriis. Videor mihi cernere terrâ

Emergens, quidquid caliginis ac tenebrarum.
Pellæi Juvenis doct̄or conjecerat olim
In Physicæ studium; solitus dare nomina rebus
935 Pro causis, unoque secans problemata verbo.

Vis ea, quæ centro promanans corpora cogit
Ad centrum, ac toto circùm diffunditur Orbe,
Aut nihil est, aut Materiem toto Orbe requirit
Diffusam, quâ vis à centro ad corpora tendat.
940 Sphærarum centris igitur nunc præfice mentes,
Quæ cum centrifugis decertent viribus, imò
Viætrices propriis circumundique corpora frenis
Contineant, retrahant fugitiva, elapsa reducant.
Ellipsesque creent, non veros motibus orbes;
945 Atque ideo, quoties tentat describere corpus
Tangentem (quoniam perimetri linea curva
Ex infinitè parvis tangentibus extat
Innumeris) toties restringant atque recurvent,
Interdum laxare velint, ac lora remittant.
950 Ceu puer intextam chartis & vimine lento
Alitis effigiem credit levioribus auris
Fune regens: aut in triviis multiplice filo
Ludicrorum hominum jocularia membra moventur.

SIMPLICE nec filo Neutoni fabula pendet,
955 Texentis varias vario pro tempore leges:
Hoc vel tota potest uno convicta refelli.
Nam si Materiæ venis Attractus inhæret,
Ac sine pernicie nequit interituque revelli;
Vis ea per cunctas fluit undique prædicta partes
960 Ingenio simili: simili regit omnia ritu:

Insita nam toti, membris lex omnibus una est.
 Ergò cuncta pari ratione trahentque trahenturque,
 Et leges omnis Natura sequetur easdem.
 At neque corruptis turbatæ moribus urbes
 965 Diffona tot decreta, & tot discrimina legum
 Effudere unquam; tua quot doctrina profudit.
 Nam, Neutone, tibi quoties vasto æquore ferum
 Resnova se se aperit; toties convertere vela
 Cogeris, atque alias Attractus fingere formas.
 970 Ecce alio se more regunt per Inane Planetæ,
 More alio Magnes, alioque Electrica virtus.
 Sic tua circumagit quâvis versatilis aurâ,
 Et vaga per varios errat sententia flexus:
 Atque adeò rudibus non discrepat instrumentis;
 975 Uno quæ positū dant unum stridula carmen:
 Sed quoties juvat inde novos extundere cantus
 Et variare melos, toties mutare necesse est
 Effoetam compagem & pauperis organa Musæ.

QUOD si ridiculum est tales configere causas,
 980 Et vires intermedio quounque carentes,
 In vi centripetâ nil non è viribus ortum
 Centrifugis agnosce lubens. Quapropter Inanis
 Abjice commentum, quo Mundi tota periret
 Machina, nec possent ulli consistere motus.
 985 Verùm corporibus quæ sit gravitatis origo,
 Hæc, ubi labentes Atomos per Inane refellam.
 Materiæ demum quî possit summa fluentis
 Et volvi pulsu assiduo, & parere moventi,
 Sic, ut nulla tamen fiant dispendia motûs;
 990 Quæque peregrinos adducat norma Cometas;

Hæc, ubi cœlestes fluxus & sidera dicam.

NIL igitur vasto in Mundo non undique pressum est.
 Inversis hærent ideo suspensa lagenis
 Vina, cadoque negant se effundere subitus aperto,
 995 Si non immissus laticem depresso aëri.
 Sed mirere magis: rapido cùm turbine venti
 Infixere salo nubes, ac fervidus hausit
 Inter aquas nimbosque interceptum aëra vortex,
 Tortilis actutum pelagi de fluctibus unda
 1000 Tollitur, & cœlo caput inter nubila condit:
 Cursitat erectum commota per æquora flumen,
 Deprensis misere nautis, ac navibus ingens
 Exitium; ni quâ perrumpant arte columnam,
 Et seriem undarum, jugi quas antlia ductu
 1005 Extrahit, aura levis propere intromissa recidat.
 Tum cadit horrendo præcepis cum murmure gurges.

HINC etiam totis licet instes viribus, unda
 Comprimitur nihil aut paulum: ac si plumbeus undæ
 Plenus uter multo validè quassabitur istu,
 1010 Aut nihil offendit contusum malleus utrem,
 Verberibus cassis innoxius usquè resultans;
 Aut, si percutias iterum vehementior, exit
 Guttatim, & solidi per cæca foramina plumbi
 Exsudat potius quâm condenserit aquæ vis,
 1015 Ac seipsum adstringat spatio contenta minori.
 Cur tamen in vacuas non se corpuscula sedes
 Conjiciunt, si perfugis, quot credis, abundant?
 Protinus absimilem dices obstare figuram.
 Irrita sunt igitur spatia hæc, & inepta juvandis

1020 Motibus, ingressum illa negant si partibus undæ.

No n̄ sic aériæ partes, cùm fortè premuntur.
Constringi patiuntur enim, & subsidere norunt,
Et coacervari, donec vi denique magnâ
Dissiliant, rumpantque moras, & vincula solvant;
1025 Cuncta repentinis lacerantes obvia rimis;
Ac sonitu horribili fugiant per aperta viarum;
Si modò cooperunt aliquâ fervescere flammâ.
Sulphureas veluti nubes, cinerumque procellas
Undique visceribus calidis Atnæa vorago,
1030 Saxaque tosta vomit, nigrâ fuligine cœlum
Suffundens, aperitque novis latera ampla ruinis;
Et ferrugineos eructat fauibus ignes.

DISCRIMEN tantum vacuis ne per aëra crebris;
Et per aquas paucis tribus? Facit ætheris ardor,
1035 Quo scatet aërius, sed parcius humor aquosus
Conseritur; fluit unde minus, minus unde liqueficit.
Sic, ubi vallatas exercitus obsidet arces,
Ignivomum spirant fabrefacta tonitrua Martem,
Fulmineosque globos immani pondere torquent,
1040 Pulveris accensi tanta est violentia! Turres
Præcipitant, murosque & propugnacula frangunt:
Pulsa tremit reboatque procu conterrita tellus.
At si tam multis terebratur inanibus aér,
Non est, offensus cur tam gravis intonet; ibunt
1045 Pervia particulæ per spiramenta silentes:
Impetus elusi vanescet flaccidus ignis,
Et fumum imbellem jaciet per inania cœli.
Unde ciet tantos igitur vis flammæ motus?

Nempe

Nempe quòd implexum priùs, adstrictumque catenâ
1050 Solvat, & abruptis jam liberet aëra vinclis;
Cui via turgendi nulla est, ni corpora vibret
Cuncta procul nisu, quo dilatatur, eodem.

TUNC fit in aëri lento subtemine textûs,
Quod fieri planè sinuato cernis in arcu,
1055 Miles ubi torquet nervo pulsante sagittam.
Nervus enim intensus curvati cornua ligni
Contrahit; hinc adeò patulos convexa meatus
Pars aperit, strictis obturat concava fibris:
Verùm æther de more vias ingressus hiantes
1060 Non habet, intercluso abitu, quò tendere possit.
Ergò premens valido contortas impete fibras,
Corrigere & pressu assiduo producere certat.
Nervus obest: nervum sedenim simul atque remisit
Arcitenens, laxante manu, retinacula cessant.
1065 Propterea tum liberior se se explicat arcus,
Et resilit nervus partes distractus in ambas:
Quà vi pulsa repente fugit, rapiturque sagitta.
Sic ventosa ferit tenui catapulta fragore;
Sic tacitas vibrat pyrio sine pulvere glandes.

1070 Compressi ferreâ quot sunt in arundine flocci
Aëris, en tot habes arcus resilire paratos.

Nec proprius vero est quod ais, perlucida quando
Corpora sunt quædam, tenero seu mollia textu,
Aut fluida, id totum vacuis compluribus inter
1075 Conjunctiones Atomos tribui, acceptumque referri.
Nam si res, Quinti, sic se se, ut dicis, haberet,
Quæ perlucida sunt, quæ molliæ, quæque liqueficiunt,

F

Hæc leviora forent, quām quæ transmittere lucem
Densa negant, solidaque & durā mole cohærent.
1080 Quod tamen in molli secus evenit atque fluenti
Mercurio. Certè is non mobilitatis honore
Cedit aquæ; quin se se etiam calefactus in auras
Evehit, insinuatque poris; nam cuncta minutim
Scrutator penetrat volucri corpuscula fumo:
1085 Tantum humectando non est, neque tactus adhæret.
Multæ tamen vincit, solido quæ corpore constant,
Mercurii gravitas. Auri rigor omne metallum
Vincere duritie, lapidesque, ut pondere, cunctos
Debuerat; quām molle tamen, quām ductile nosti.
1090 Dura natat glacies; levior pars dura metalli
Partibus ejusdem liquefactis, ut probat usus.
Cera natat lymphis; ceram omnis sorbeat humor,
Si perluciditas à multo oriatur Inani;
Non oleum nitidâ veheretur opacius undâ,
1095 Non rigidus pumex, non lento cortice suber.
Fossilium quoque rex adamas, quem parturit una
Dives opum & Phœbi radiis melioribus ardens
India, non durus simul ac perlucidus esset.
Perlucere etenim multis ab Inanibus ortum,
1100 Duritiem excludit paucis ab Inanibus ortam.

AT verò quæ sunt directæ pervia luci
Corpora, clathrorum ritu compacta videntur,
Ac strue multiplici foliorum reticulata.
Mollia si fuerint, laqueos imitantur Arachnes;
1105 Ut rivi labentis aquæ, seu limpidus aër.
Si prædura, silex velut est crystallina, crates
Ferratas referunt, queis pervia saepe domorum

Claudimus, ut facilis detur transpectus in hortos.
Permeat exiles aditus pars altera lucis,
1110 Altera cancellis offensa retunditur; unde
Resplendent erates partim, partimque videri
Ulteriora sinunt, ac si nihil inter aedesset:
Interea caulas purissimus occupat aether.
Hinc si pronus aquam spectes in margine ponti,
1115 Protinus illa soli tenuem declivis arenam
Exhibit, ac nitidis conchylia mixta lapillis:
At mare si magnum prospectas littore ab alto,
Luminis ingentem transversa per æquora tractum
Aspicies; Phœbi nam se radiantis imago
1120 Projicit in planum, tremulisque reflectitur undis.

PRÆTEREA vitrum candens, atque ipsa, rigore
Deposito, cernis mollescere cocta metalla;
Non interjectu Vacui diffusilis, imo
Corporis advectu, quo vincula cæca repente
1125 Dissiliunt, fitque ex geminis mixtura liquefens:
Quando volatilibus jaculis per sulphura serpit,
Et salium frangit nexus, partesque solutas
Dissipat irriguus, variéque interfecat ignis.
Sæpe nec ipsa operi vis ignea sufficit: addi
1130 Nempe solent nitrum solvendo & alumina ferro,
Quæ reserent, obelisque viam rimentur acutis.
Quin etiam ipse adamas ferrum qui spernit & ignes,
Ære percussa excipiat si spicula Solis,
Traditur humescens fluere accidente sinarago.

1135 Huc accedit, uti, quoties rarescere corpus
Contigit, admissæ veniant in viscera partes,

Quarum abitu densum, ejecto velut hospite, fiet.
 Sic aqua conceptis ebullit fervida flammis,
 Pellitque in teretes dilatatum aëra bullas:
 1140 In glaciem concreta riget, simul avolat ignis
 Exiguus, qui particulas agitare solebat.
 Ast hujus miranda quidem natura videtur,
 Quod salis haud æquo plus unquam sorbeat; omne
 Quod supereft, fundo intactum satiata remittat:
 1145 Nec minus interea fucum, variosque colores
 Ebibit: & quoties vim certam ardoris adepta est,
 Sic stat, & adjunctis nihilo magis ignibus ardet.
 Quare dissimiles in eâ, multosque meatus
 Absit ut esse negem; solum nego profus inanes:
 1150 Aëre nam foetos, & partibus ætheris aio,
 Quæ non effugient semper; nam crescere lympham
 Cernimus adjectis salibus, quos lympha resolvit.
 Ligna quoque in spatium, si quando irrepserit humor,
 Amplius evadunt; contracta humore fugato
 1155 Arescunt, rimisque brevi finduntur hiulcis.
 Tantum profus abeat, ut corpora vana tumescant,
 Atque incremento cava dilatentur inani.

Quos igitur Vacui tractus toto Orbe putabas
 Hactenus immensos, & non auctoris egentes,
 1160 Ut foret absque Deo quiddam, saltemque creata
 Non essent spatia, & velut incunabula Mundi;
 Ociùs abjicias animo; loculosque vacantes
 Corporis in medio cuiusque; hæc omnia temnas,
 Delirantis uti lusus & somnia sectæ.
 1165 Ecce vides, ut sit fragili male credita fundo
 Machina, quam falsa deceptus imagine rerum,
 Extruis in Vacuo, penetrabilibusque lacunis.

ARGUMENTUM LIBRI TERTII.

QUINTIUM ad capessendam Virtutem hortatur.
 Tum hoc Libro de Atomis quærendum proponit: à v. 1.
 ad v. 63.

Exponit Epicuri consilium in fingendis Atomis. Deinde
 quæstionis hujus hanc distributionem instituit: 1º. Per se
 non esse Atomos. 2º. Non esse numero infinitas. 3º. Non in-
 dividuas, ac proinde non immortales. 4º. Non propriæ
 gravitate præditas. 5º. Non eo, quo donantur motu, posse
 inter se coalescere. Hoc Libro tres primas partes exsequitur,
 postremæ duæ, quæ motum Atomorum spectant, ad sequen-
 tem Librum pertinent: à v. 63. ad v. 111.

1º. Atomos per se non esse ostendit, quia non omni dote
 ac facultate pollent; quia singulæ possunt non esse; quia
 Inane sine Atomis esse potest: à v. 111. ad v. 182.

2º. Innumeræ esse non posse probat, quod majore Inani
 circumscriptæ sint; quod earum numerus & augeri & inco-
 lumi Mundo imminui possit; quod quidquid à Numero in-
 cipit, in Numerum definat; quod ut Spatio, sic Numero
 finitas esse oporteat. Ostendit quād absurdum sit illud Epicuri
 commentum, in Atomorum classibus numero finitis Atomos
 numero infinitas collocasse: à v. 182. ad v. 510.

Quarum abitu densum, ejecto velut hospite, fiet.
 Sic aqua conceptis ebullit fervida flammis,
 Pellitque in teretes dilatatum aëra bullas:
 1140 In glaciem concreta riget, simul avolat ignis
 Exiguus, qui particulas agitare solebat.
 Ast hujus miranda quidem natura videtur,
 Quod salis haud æquo plus unquam sorbeat; omne
 Quod supereft, fundo intactum satiata remittat:
 1145 Nec minus interea fucum, variosque colores
 Ebibit: & quoties vim certam ardoris adepta est,
 Sic stat, & adjunctis nihilo magis ignibus ardet.
 Quare dissimiles in eâ, multosque meatus
 Absit ut esse negem; solum nego profus inanes:
 1150 Aëre nam foetos, & partibus ætheris aio,
 Quæ non effugient semper; nam crescere lympham
 Cernimus adjectis salibus, quos lympha resolvit.
 Ligna quoque in spatium, si quando irrepserit humor,
 Amplius evadunt; contracta humore fugato
 1155 Arescunt, rimisque brevi finduntur hiulcis.
 Tantum profus abeat, ut corpora vana tumescant,
 Atque incremento cava dilatentur inani.

Quos igitur Vacui tractus toto Orbe putabas
 Hactenus immensos, & non auctoris egentes,
 1160 Ut foret absque Deo quiddam, saltemque creata
 Non essent spatia, & velut incunabula Mundi;
 Ociùs abjicias animo; loculosque vacantes
 Corporis in medio cuiusque; hæc omnia temnas,
 Delirantis uti lusus & somnia sectæ.
 1165 Ecce vides, ut sit fragili male credita fundo
 Machina, quam falsa deceptus imagine rerum,
 Extruis in Vacuo, penetrabilibusque lacunis.

ARGUMENTUM LIBRI TERTII.

QUINTIUM ad capessendam Virtutem hortatur.
 Tum hoc Libro de Atomis quærendum proponit: à v. 1.
 ad v. 63.

Exponit Epicuri consilium in fingendis Atomis. Deinde
 quæstionis hujus hanc distributionem instituit: 1º. Per se
 non esse Atomos. 2º. Non esse numero infinitas. 3º. Non in-
 dividuas, ac proinde non immortales. 4º. Non propriæ
 gravitate præditas. 5º. Non eo, quo donantur motu, posse
 inter se coalescere. Hoc Libro tres primas partes exsequitur,
 postremæ duæ, quæ motum Atomorum spectant, ad sequen-
 tem Librum pertinent: à v. 63. ad v. 111.

1º. Atomos per se non esse ostendit, quia non omni dote
 ac facultate pollent; quia singulæ possunt non esse; quia
 Inane sine Atomis esse potest: à v. 111. ad v. 182.

2º. Innumeræ esse non posse probat, quod majore Inani
 circumscriptæ sint; quod earum numerus & augeri & inco-
 lumi Mundo imminui possit; quod quidquid à Numero in-
 cipit, in Numerum definat; quod ut Spatio, sic Numero
 finitas esse oporteat. Ostendit quād absurdum sit illud Epicuri
 commentum, in Atomorum classibus numero finitis Atomos
 numero infinitas collocasse: à v. 182. ad v. 510.


3º. Negat immortales esse Atomos, & individuas; easque dividi posse confirmat ex eo quod sint figuratae. Hic assert argumenta præcipua quibus probatur Materiam infinitum dividii posse; solvitque Epicureorum eam de re objectiones: à v. 510. ad v. 803.

Absurdam esse ostendit Spinozæ unitatem: à v. 803. ad v. 873.

Ex eo quod dividuae sint Atomis, concludit eas ex natura suâ solidas non esse, ac proinde fabro indiguisse ut coalescent; quod consequi quoque demonstrat, ex eo quod necessariæ non sint Atomorum figuræ: à v. 873. ad v. 1018.

Anaxagoræ homœomeriam confert cum Atomis, nec magis absurdam probat: à v. 1018. ad v. 1047.

Concludit Materiam è nihilo factam; Deum non constare è Materiâ; quod Epicurus querit in Atomis, id in solo Deo inesse: à v. 1047. ad finem.



ANTI-LUCRETIUS,

S I V E

DE DEO ET NATURA,

LIBRI NOVEM,

AD QUINTIUM.

LIBER TERTIUS.

De Atomis.

FELIX qui veras avidus cognoscere causas,
Sensus assurgit supra, nullumque secutus
Ductorem, præter lumen Rationis amicum
Vimque animi, reliquis mortalibus invia tentat
Ipse loca, explorat rerum caput, atque per omnes
Naturæ latebras ire imperterritus audet.
Illum non anceps Regum favor, aut levis aura
Fortunæ, miserisque bonis contenta Voluptas
Dimoveant, Veri sanctum ut deponat amorem.
Scilicet haud satis est rivos spectare fluentes,
Aut herbâ in molli patulæque sub arboris umbrâ

F iiiij

Prostratum, nitido radiantes rore lapillos
 Mirari, ac tremulo labentes murmure lymphas,
 Et flores quos nutrit aquarum lacteus humor,
 15 Ac bibulo semper viridantem cespite ripam :
 Fontem ipsum indagare juvat, penitusque latentes
 Rimari venas laticumque exordia prima.
 Quorsum igitur nos corporibus circumundique septi,
 Materiae decus ac formam externumque nitorem
 20 Miramur tantum, summoque in cortice rerum
 Ludimus ? Internam cur non penetramus in ædem
 Naturæ, atque adytis immitti poscimus ipsis ?
 Quàm pulchrum est in principiis, in origine rerum
 Desixisse oculos & nobile mentis acumen !
 25 Pervolat huc Sapiens; nugæ sunt cætera Vulgi.
 Hinc nullus digno Vates extollere versu
 Pythagoræ magni poterit, magnique Platonis
 Illustres animas : ingens quibus inflitit ardor,
 Se primum, auctoremque sui & primordia cuncta
 30 Quærere contemplando. Hos non tenuere paterni
 Deliciæ moresque soli, quin protinus omnem
 Aegyptum & Syrii lustrarent littora ponti;
 Incoluit primùm quas alma Scientia sedes :
 Atque viros ibi consulerent sapientipotentes
 35 Longævosque, & doctrinæ monumenta vetustæ :
 Civibus ut tandem non vellera murice tintæ,
 Non aurum aut gemmas, ast aurea dicta ferentes,
 Ditarent patriam nova per commercia Veri.
 Hoc animo, Quinti, Naturam invisere tecum
 40 Dulce mihi : dulce est altos intrare recessus,
 Et præferre facem, & gressus firmare labantes.

Ne te, quæso, viæ capiant mala tædia longæ.
 Sunt rigidi, fateor, trito sine tramite montes,
 Sunt duræ cautes, ac spinis horrida passim
 45 Virgulta, & fossæ juga per salebrosa profundæ :
 Maëste animo tamen interea dum alludere conor,
 Defessamque tibi rerum asperitate molestâ,
 Non injucundo solari carmine mentem.
 Haud secus in sylvis, ac frondes inter opacas
 50 Ingenitum carmen modulatur musicus ales,
 Dum fovet implumes foetus placidissima conjux :
 Nam ramo nunc ille sedens, nunc præpete pennâ
 Huc illuc circumvolitans, noctesque diesque
 Invigilat custos; liquidâ tum voce canorus
 55 Personat omne nemus : molli hæc abscondita nido
 Suaves aure bibit numeros, oblita laboris ;
 Et vix assidue sentit fastidia curæ.

N U N C superest Atomos ut perspiciamus in ipsas :
 Altera nam sectæ basis est. An firmior hæc sit,
 60 Cognoscet : vix crediderim, quia non sibi constat
 Ipse parens Atomorum ; & tanquam erroris amore
 Ebrius, interdum proprio se confudit ense.

P R I M Ú M infinitas, infinitoque natantes
 In Nihilo posuit. Nimirum utrumque volebat
 65 Æterno è folio pellendi Numinis audax
 Conatus. Nam si per se se, ac semper ab ævo
 Stant omnes, numero quis eas includere certo,
 Utque tot, haud plures essent decernere quivit ?
 Tum si, ut progenerent aliquid, temerarius illis
 70 Accideret occursus debet, quo plurima, casu

90 ANTI-LUCRETIUS,

Conciliante, cohors glomeretur corpus in unum;
Infinita foret sparsæ nisi materiæ vis,
Fortunæ credenda joco, & concrescere promta,
Rarò vel nunquam potuissent corpora gigni.

75 Quinimo si magnum adeò superesset Inane,
Undique diffugerent, ac per deserta locorum
Usquè vagarentur Naturæ elementa; nec esset,
Cogere qui tandem ac dispersa reducere posset.
Sic Spatium immensum Minima infinita poposcit.

80 Nec tamen hîc aliquâ sine libertate locari
Fas erat, ut quodam possent coalescere motu.
Nam si densa nimis, nimis & stipata fuissent,
Non aliunde impulsa quidem & motoris egena,
Torpebant, somnoque gravi infecunda jacebant.
85 Unde soluta eadem simul atque frequentia fingi
Par fuit, & proprio gravitatis percita nisu,
Quando hic præ cunctis ultroneus esse videtur.

INGENIOSA quidem hæc; verùm ratione sagaci
Si fuerint excussa, ruunt fundamine nullo.
90 Ac veluti scenis agitur dum fabula nostris,
Ludificant oculos spectacula vana tuentes,
Et mentitarum capiunt dulcedine rerum:
Ut modò porticibus longis simulacra Deorum
Aurea marmoreas inter mirere columnas;
95 Et modò præcessas turres, arcusque superbos;
Aut classem in portu ventis dare vela parantem,
Exstantesque mari scopulos, incurvaque longè
Littora fluctifrago pelagi spumantia rore;
Nunc impendentes sylvarum cautibus umbras;
100 Inde vorax Erebi barathrum, & Plutonia regna,

LIBER TERTIUS.

91

Hinc placidum nemus Elysii sedesque beatas:
At pulchrum aspicias posticâ parte theatrum,
Nil præter telasque leves leviterque perunctas
Cernis, & avulso ruit omnis machina clavo.
105 Sic introspectum fallacis dogma Epicuri
Concidet, inque suum evanescens ibit Inane;
Quando nec innumeræ, nec progenitore carentes,
Non individuas, immortalesve, nec ultro
Labentes Atomos, nec eo concrescere motu
110 Quo dicuntur agi, mox ipse fatebere victus.

PROTINUS in mentem revoces quod dicere nuper
Me memini, cùm de Vacuo lis orta vigeret;
Rem prorsus nullam per se constare potesse,
Quæ simul haud esset genere omni prædicta dotum.
115 Deficiente aliquâ, rem cernimus esse creatam;
Et majorem illi causam præcellere. Quidquid
Ex alio non est, nequit ullo limite claudi.
Et cur, quod per se est, non dotibus affluet illis
Cætera quas habeant queis per se stare negatum est?
120 Dii vestri, quos in latebras Epicurus adegit,
Ut mollem ducant secura per otia vitam,
Dii vestri, quos fortuito corpuscula nexu
Compegere, velut tibi res compingitur omnis,
Per se se non sunt; felices attamen illic
125 Æternū vivunt, ac lœtâ pace fruuntur:
Et felix, Atomus quæ per se est, esse nequibit?
Multa valent homines membrorum robore partim,
Et partim ingenio; per se non esse fateris:
Si per se est Atomus, cur ipsi nulla potestas?
130 Te malè naturam rerum docuere magistri,

Quæ tenet æternum propriis à viribus ævum,
Atque est idcirco, quia per se debuit esse,
Et non esse nequit; res illa, utcunque vocetur,
In se habeat totum esse, ac totum posse, necesse est.

- 135 Numen habes, Numen tibi nescius adstruis ipse.
Cur Epicurus enim numero docet innumerari
Esse Atomos? Quia ponit eas auctore carentes.
At si auctore carent, cur illas non quoque dixit
Ut numero, sic mente, ac viribus infinitas?
140 Cur non esse Deos voluit? Nam nomine tanto
Dignior est Atomus, quæ per se stare putatur,
Quam Divi ex Atomis temere incurrentibus orti.
Hanc tamen invalidam facit & Rationis egenem;
Hos ratione animi donat, vitâque beatâ.
145 Naturæ nihil æternæ concedit avarus,
Omnia fortuitæ. Quam sint hæc diffusa, sentis?

T A N D E M igitur falsi vestigia blanda sequuntur
Ductoris te poeniteat, dulcissime Quinti.
Divinos pudeat tam parvis rebus honores
150 Decrevisse. Leves micas, tenuissima segnis
Materiæ ramenta, meri ludibria casus,
Per se naturamque suam constare putabas!
At certè quidquid per se est, sic esse necessum est,
Ut cum percipitur, simul ipsum eluceat esse;
155 Et, si ponatur penitus non esse, repugnet.
Hæc Atomis tribui nequeunt. Vis, ordine dicam?
Scilicet hæc Atomus, quæ nunc mihi jungitur, esse
Ut sine me poterat, poteram sic esse sine illâ.
Æternum in Vacuo potuit disjuncta vagari,
160 Æternum poterit. Cùm ergo sit inutilis Orbi,

Ponamus non esse: ruent num cætera rerum?
Nequaquam. Non hanc igitur perfidare necessum est;
Illiisque loco, satis est si perfidet Inane.
Unius hinc Atomî ratio non postulat, ut sit.

- 165 Quod si unam è rerum naturâ expungere possim,
Expungam geminas, expungam quatuor, omnes
Denique. Namque omnes nihil excellentius in se,
Naturam quod spectat, habent, quam parvula quidquid
Ac simplex Atomus reverâ possidet omnis.
170 Nulla igitur per se, si per se non fuit una.

I M M E N S U M qui præterea sibi singit Inane,
Rem quasi perpetuam, certè ut rem cogitet, ipsi
Nil atomis opus est: intelligit esse reapse
Magnum aliquid, quod Materiæ fecernit ab omni.

- 175 Ergo Materiæ molem totam esse suâ vi
Non modò non vincit, fieri sed posse fatetur
Ut nil Materiæ sit funditus omne per ævum.
Olli Materies est adventitia Mundo.
Quare igitur per se, quare infinita putatur?
180 Sed faciam, ut verum noscas; utcunque Lucreti
Obstrepat, & contrâ decantet garrula Siren.

I N N U M E R A S vis esse Atomos, sed majus Inane
Innumeris Atomis. Quanam compingitur arte
Infinitum illud male parcum, & parte recisum,

- 185 Quod jam stare nequit, quoniam pede claudicat uno?
Nempe infinitum infinito posse putas?
Esse minus? Nonne hoc ipso, quod crescere possit,
Mancum ac finitum est? Quod majus, nonne minori
Semper limes erit? Porro non æquat Inane

- 190 Materies, quia non explet; sed libera fertur
Per medium, vacuos & paucim linquit hiatus;
Major, si nullum supereffet Inane, futura.
Quapropter quemcunque locum deprendis inanem,
Ilic Materiae finem simul esse fateris.
- 195 Nam si pertendam infinitas æquoris undas,
Littora tu digito monstrans ubi definit æquor,
Me subito falsi convinces: haud secus & te
Convincam, ostendens vacuum sine corpore purum.
Aspice ut ambo sibi noceant obstantque vicissim,
- 200 Quæ tu fraterno nexo conjuncta putabas;
Et median regni partem infinita gemella
Subripiant, lacerentque immani vulnere totum.
Elige; nam regno alterutrum decedat, oportet.
Sed caveas; quia Materiem si tollere mavis,
- 205 In nihilum jam cuncta ruent; si tollis Inane,
Non est, Materia ut possit stipata moveri.

QUID vetat, objicies, ne sursum linea duplex
Ducatur sine fine quidem, tamen una profundo
Exeat à centro Telluris, & altera tantum
210 A facie? Tunc sunt expertes limitis ambæ,
Nec tamen æquales. Vanos imitare Sophistas,
O Quinti! Geminis habet utraque linea partes:
Hac sunt æquales, quæ sunt sine limite; sed quæ
Ponis inæquales, finitas esse fateris:
215 Limes enim est illis, ubi primùm exordia sumunt.
At tua Materies nusquam est sine limite, quando
Mergitur in Vacuo quod ab omni parte redundat.

ERGÒ dormitat præclarì dogmatis auctor,

- Innumeræ cùm vult Atomos, quibus addere possem
220 Vel plures; nondum ut penitus repleatur Inane.
Nam locus est cunctis. Fingamus millia centum
Adjungi: num propterea complebitur? Eset
Finitum, posset si centum millibus olim
Compleri. Porro non tantum hæc millia fas est
225 Adjungi, verùm bis, ter, quater, amplius, imò
Millia mille modis iterum repetita. Profectò
Crassior esse potest globus hic Telluris & Undæ,
Quàm nunc est; paulo fieri quoque densior Aër;
Partibus & cunctis Vacui succedere corpus;
- 230 Nil etenim prohibet, quod nunc sit inane repleti.
Ergò Materiae tumefactam crescere molem,
Perque novas Atomos augeri posse fatendum.
Crescere si possit, nunc finitam esse necesse est.

AUGERI ut poterit, poterit quoque, sospite Mundo

- 235 Imminui: demtis siquidem succedere Inane
Corporibus promptum est; Vacuumque ut corpora supplent,
Sic Vacuum, nullâ jacturâ, corpora supplet.
Nunc porro demas Atomorum, nam licet, unam;
En, quam jactabas immensam, summa repente
240 Fit minor: at centum si demferis; ecce minorem
Semper habes. Immensum ergò majusve minusve
Esse potest, quàm nunc revera est. Perge, Poëta,
Quid stas? Æternum pariter dic posse putari
Longius aut brevius. Risum teneatis, amici!
245 Confutare pudet, liquidò quæ falsa videntur.
Partibus adjectis veluti res crescere nunquam
Infinita potest, nequit & decrescere demtis.

PRÆTEREA cùm quæque Atomus finita sit in se,
 Quotquot erunt, vel si plures quām intelligis, essent,
 250 Haud unquam in numerum poterunt coalescere tantum,
 Qui non descriptos habeat circūm undique fines.
 Nempe sat est numeri primordia ducere ab uno.
 Namque hæc dividuis natura est insita rebus,
 Ut quæ principium, finem quoque norit: utrāque
 255 Parte nihil: rerum hæc extrema; fugāque perenni
 Exit in hoc tandem, quidquid promanat ab illo.
 Quare infiniti finitas dicere partes
 Quæ stent unā omnes, numerumque suāpte putari
 Naturā plenum, qui non augescere possit,
 260 Absurdum est. Vel enim quiddam potes addere summæ;
 Atque ita limes erat: vel non potes addere quidquam;
 Exhausta est igitur numeri & præclusa potestas:
 Unde infinitus simul ac finitus habetur:
 Quod pugnans rectā procul à Ratione recedit.
 265 Quidquid habet numerum, per se innumerabile non est.
 Quidquid & extensum est, mensuram admittat oportet.

Quòd si autem numeros vulgò sine fine patentes
 Dicimus, idcirco quia possunt crescere semper,
 Nilque vetat summæ superaddi cuilibet unum;
 270 Observa numeros, ut fusiùs antè probavi,
 Re nihil esse quidem, mera sed phantasmata rerum,
 Solius ingenii fætus prolemque caducam.
 Scilicet hoc ipso quod possimus addere summæ,
 Summam infinitam re ipsa nullam esse fatendum est.
 275 Ergò cùm liqueat, quidquid numeratur, id esse
 Finitum, & partes numerari posse minutias,
 Quarum conflatur denso è glomeramine totum;

Hinc

Hinc sequitur, quidquid multis coalescere ponas
 Partibus aggestis & consistentibus unā,
 280 Haud infinitum posse, immensumve putari:
 Atque ita Materiæ summam, quæ in semina parva
 Dividitur, certos intra consistere fines:
 Quodque infinitum est, unum simul esse reapse;
 Cui nullæ partes adimi aut accedere possint.
 285 CERTE Materies, quocunque extensa patescat,
 Infinita nequit, si non immensa, putari.
 Porro Materies nequaquam immensa videtur
 Hoc ipso quòd sit variis affecta figuris,
 Atque in multigenas classes, te auctore, tributa.
 290 Hoc etiam, Quinti, tua per documenta probabo.
 Qui Spatium putat immensum, velut antè docebas,
 Hæc immensa vocet, spatium quibus omne tenetur;
 Ut vocat æternum, quod nullo tempore non est.
 Pars etenim Spatiī quæcunque relicta supersit,
 295 Res ibi deficiens non est immensa profecto.
 Multimodis igitur cùm sit distincta figuris,
 Atque ideo in multas Atomorum summa cohortes
 Sit divisa, tuo præceptorisque Poëtæ
 Judicio, quæcumque cohors immensa pütetur,
 300 Hac opus est unā Spatium simul omne repleri.
 Terminus est illi, quod non penetratur ab ipsa.
 Porro, dic fodes, gens infinita cuborum
 An toto, quantum est, Spatio protenditur una?
 Haud certè: siquidem globulis jam non locus esset,
 305 Nec spiris, triquetris, rhombis, mucronibus, hamis.
 Conica gens totum sola exæquarit Inane:
 Quò nunc Pyramides, quò disci, quóve cylindri

G

98 ANTI-LUCRETIUS,

Migrabunt; juvat his Spatium ultra quærere sedes.

Nulla igitur Spatium immensum sola occupat. Ergò

310 Nulla immensa potest, nulla infinita vocari.

Dant aliis aliæ finem accipiuntque vicissim.

Sed quæ sunt finita loco, finita necesse est

Sint etiam numero; quare sub quâque figurâ

Innumeræ Atomos consistere posse negandum.

315 Porro finitas Atomorum dicere formas,

Atque ideo classes, queis dant sua nomina formæ;

Cogeris. Hinc sequitur conclusam limite certo

Materiæ summam: cùm non coalescere possit

Undique finitis è partibus infinitum.

320 Sed quoniam Spatii quodcumque relinquis inane,

Æquè infinitum est atque id quod corpore complex,

Inde liquet Spatii summam non posse repleri,

Ni nova Materiæ summa infinita creetur.

Quæ nunc sparsa natat Vacuo, quâm curta brevisque est!

325 Ampla videre mihi videor quæ dolia vulgo

Asservant inter cava fundamenta domorum

Teutones, aut cryptis gelidoque in monte recisis

Porticibus, veteri sacrata palatia Baccho:

In quæ si jaceres quantùm capit amphora vini,

330 Hospitibus, pro! quanta mihi vindemia! dicens;

Imò quâm tenuis, dicam, si dolia cernas.

ET cur, si numero sunt infinita, volebas

Semina Materiæ Spatium quæcumque pererrant,

Finitis tamen inter se distare figuris?

335 Haud equidem ignoro quid ad hæc contraria forsitan

Invitum te compulerit. Cùm nempe videres

Non infinitas passim confusurgere rerum

LIBER TERTIUS.

99

In mundo species, at finibus esse coactam

Quamque suis, nullamque novâ splendescere formâ,

340 Intellexisti, quamvis agnoscere nolles

Quid foret, esse aliquid certâ quod lege domaret

Effusam vim Materiæ, frenoque protervam

Luxuriem & rapidos posset compescere motus.

Mens erat; at tibi Mens fabricâ procul exulat omni:

345 Ergò Materiæ potius resecanda potestas,

Ipsaque per certas formarum, sub duce nullo,

Distribuenda fuit legiones atque catervas:

Ut responderi posset quærentibus, inter

Quadrupedes quare nil grandius est Elephanto?

350 Cur non centimanos Briarei de stirpe Gigantes,

Centauros, Scyllas, aut qualis fingitur Argus,

Semibovesque viros edit Natura creatrix,

Et Satyros; at se generatim secla propagant;

Nec surgunt nova monstra, sed omni gente parentum

355 Nascuntur similes atque omni tempore foetus?

Scilicet innumeræ Atomos in quâque reposas

Classe quidem, at non innumeræ occurrere classes.

O miserum effugium! Tua si corpuscula per se

Consistunt, dominoque carent, ac sponte regunt se;

360 Dic mihi, quæ virtus, quæ causa potentior ipsâ

Materiâ, paucas ad classes illa rededit

Semina, quæ nobis æterna, immensaque jactas?

Dic age, nam debes: factique ediffere causam,

Si potes; aut gratis hæc omnia ficta fatere,

365 Nempe tuis aptas Naturæ gesta repertis,

Qui tua Naturæ gestis aptare reperta

Debueras: nec te tamen extricas labyrintho.

G ij

Nam si Atomi sunt innumeræ sub quâque figurâ,
Saltem infinitæ generis cujusque creati
 370 Res fierent; passimque Lupi, passimque Leones,
Et pecudes passim, lapides, plantæ exorerentur,
Atque homines; omnis semper daret omnia tellus:
Nec volucres aër, nec pisces unda teneret.
Quæ via nascendi cunctis animantibus una est,
 375 Infinita foret. Nullo de sanguine patrum
Improvisus adesset equus, bos, ales & anguis;
Non sensim vires, non augmen adeptus ab annis,
At vegetus grandisque, & jam perfectus adulto
Corpore; feminibus confestim ac sponte coactis.
 380 Nam quæ facta semel, fieri cur posse negares?
Poma sine arboribus, sine terrâ & semine fruges
Affluerent; interdum alieno tempore messis
Cresceret; inque mari medio consurgeret arbos.
Omni luce novi soles, nova sidera cunctis
 385 Noctibus; innumeri diverso crine Cometæ
Nunc pervulgarent peregrino lumine cœlum,
Nunc levitate pari fugerent, oculisque videntum
Eriperentur, & immenso haurirentur Inani.
Namque infinitis debent concurrere semper
 390 Infinita modis, ullo nec limite sisti;
Quando infinitum numero non clauditur ullo.

ASPICE tesserulas, queis ludicra bella geruntur
In tabulâ, vario quam segmina picta colore
Distinguunt. Primâ pedites in fronte locati,
 395 Regem & Reginam, famulos equitesque tuentur,
Nec positæ gemino defunt in margine turres:
Quisque suâ solet ire viâ, miscentur & intrant

Alternis inimicam aciem; fit plurima cædes
Hinc atque hinc, donec cedat Rex undique captus.
 400 Interea quoties pugnæ variatur imago!
Quàm diversâ etiam, quàm multiplici positurâ,
Objicibusque novis pugnantum invertitur ordo,
Invertique potest! Non sunt tot in æquore fluctus,
Nec tot habent sylvæ frondes, aut gramina campi.
 405 Quid, si infinitis ageretur ludus utrinque
Tesserulis; an summa foret finita modorum?

NEC juvat innumeros alibi configere Mundos
In quibus omnigenum scateat sine limite rerum
Copia, quæ nostro parcè conceditur Orbi.
 410 Nam si reverâ starent, quos exstruis, Orbes,
Quâ ratione probas nostratisbus esse replendos
Corporibus; nec posse novis coalescere formis
Tot concurrentes Atomos, nova semper ut illic
Ac penitus nobis incognita corpora gignant?
 415 Namque modi quibus hæ partes concrescere possunt,
Non tantum multo sunt plures partibus ipsis,
Verum infinitè plures. Quæ nexibus ergo
Diversis poterunt diversè corpora gigni,
Sunt infinitè magis infinita. Quis autem
 420 Tantum infinitum tantâ virtute coercet,
Ne, sibi permisum atque omni variabile casu,
Det species aliquando novas, veteresque vicissim
Diffingat? Fixa est adeò si norma creandis
Corporibus, qualem servat Natura perennem;
 425 Si rerum genera & certa & finita videntur;
Esse modum finemque Atomis frenumque necesse est.

NATURAS porro similes non sola figura
Principiorum, ut fortè putas, at certus eorum
Nexus & ad leges quidam status efficit ordo.
 430 Quin aliam speciem referentia prorsus ab iisdem
Principiis aliter digestis corpora fient.
Ut nive candidior limus, quem Serica regna
Finixerunt dudum, quique his jam singitur oris,
Pistus utrāque manu figuli, cedensque moventis
 435 Arbitrio, currente rotâ, dat monstra Deorum
Omnigenasque feras & Eoi munera ponti:
Ex illo nunc forma viri, nunc urceus exit.
Qui cibus in nostros facilis convertitur artus,
In cane fit canis; atque leo, si fortè leonis
 440 Venerit in stomachum. Ros idem grama campi,
Hortorum flores, frumentaque nutrit in arvis.
Phocarum veluti rector, quem fabula narrat
Multimodis oculos hominum elusisse figuris.
Nam villosus aper, durum atque immobile saxum,
 445 Flamma vorax, fluviusque liquens erat, ac ferus anguis;
Mille novas iterum species iterumque datus,
Arcto ni premerent fugitivum vincula nexus:
Humanos donec repararet denique vultus.
Unde licet paucæ varient elementa figuræ,
 450 Res tamen innumeræ & qualiacunque creabunt
Corpora, non specie tantum, ceu reris, in unâ;
At multas itidem species, quot cedere possunt
Innumerabilium nexus, quos esse probavi
Prosum infinitos. Unde infinita videres
 455 Et rerum genera, & generis cuiuscumque creatæ
Corpora, si verè sub qualicunque figurâ
Innumeræ Atomos totus comprehendaret Orbis:

Ergò quadrupedes immani maximitate,
Aut formâ horribiles; Polyphemos, atque Chimæras,
 460 Gorgonas, Harpyasque, ac septem faucibus Hydros.
E quadris, duplii tantum quæ picta colore,
Sic incredibilis formarum copia prodit,
Mutatis sœpè ordinibus, textuque quadrorum;
Unde pavimentis veniat decor atque venustas.
 465 ÆMULA Naturæ (quanto minor inferiorque)
Mens humana, tamen vi freta laboris & arte,
Quam Ratio solers parit, experientia firmat,
Mixturis elementorum, quæ paucula novit,
Spe lucri proprios nova corpora finxit in usus,
 470 Et species, quibus abstinuit Natura, creatis
Addidit; igne coquens, unguenta & pharmaca fecit,
Granaque sulphurea, & vitrum, urentesque lapillos;
Insitione dedit priscis nova germina truncis;
Jussit & ignotos animalia prodere foetus,
 475 Robustumque genus mulos invexit in Orbem.
Et tuus ille opifex Mundi, rerum unicus auctor,
Omniparens casus fundo tam divite pollens,
Non facit hæc! Brevis huic virtus, aut curta supellex.
Esse Atomis fines igitur frenumque necesse est.
 480 Verùm, quod per se est, frenum finesque recusat:
Ergò stare suis non possunt viribus unquam,
Et causam agnoscunt Atomî, Numenque supremum.
Hic Deus, hic certè est, frustraque, Epicure, reclamas.

UNIVERSITATIS AUTONOMAE DILETIONE
GENERALIS DE DIRIGENDIS
R

Nunc igitur spatio immenso finita vagari
 485 Si dederis, nullo coalescent semina nexu.
Nempe mari magno si longè dissipata venti

Navigia impellent aliquot rectoris egena,
Nunquid fortunâ tandem fore credis , ut usquam
In classem coëant , & confociata ferantur
490 Fluëtibus Oceani , quantos tegit orbita solis ,
Quantum & transversus Mundi protenditur axis ?
Disgregat in Vacuo certe distantia major
Finitas Atomos : per inania magna solutæ
Convenient nunquam ; spatia infinita vagando
495 Non tranare nisi infinito tempore possunt.
Pro ! Quàm operis disjecta tui malè membra cohærent !

AT si Materiam claudunt circumundique fines ,
Illam ultrà , quæris , quò sit ventura sagitta
Quam bonus arcitenens valido contorserit arcu ,
500 Ex errore tuo dubium tibi nascitur illud.
Ultra Materiem nihil est ; mittes ne sagittam
In nihilum ? Nihilo non est locus : ergò resistet ,
Nec poterit telum vetitos erumpere fines ,
Et vires frustra effusas mirabitur arcus .
505 Nec sine corporibus locus est , nec mobile quidquam
Absque loco : Spatiū si funditus omne revellas ,
Mors erit hæc motūs ; alisque repente recisis
Missile , jam nullo in directum tramite abibit
Injussum per iter raptantibus ætheris undis .
510 ÈTERNA s finxitse Atomos totius ut Orbis
Principium foret absque Deo , nusquamve creatum ,
Atque infinitas , quod utrumque probata refellunt ,
Haud satis est visum implacato Numinis hosti :
Verùm immortales etiam affirmare necessum
515 Huic fuit ; ut cunctis etsi non dotibus , ævo

Mentiri Numen saltem , ac supplere valerent .
Et quia corporibus mors est , elementa resolvit
Cùm coepere , suos ac tandem rumpere nexus ,
Idcircò nullis compactas ex elementis ,
520 Verùm perfectâ pollentes simplicitate ,
Ac solidas Atomos , minimasque & vulnere nullo
Dividuas fecit ; ne morti occumbere possent .

N U N C , individuas igitur non esse , probandum .
Res acta est : etenim variis existare figuris
525 Dixisti : possunt sine partibus esse figuræ ?
Fac tibi quadratas , teretes , triquetrasve , licebit ;
Plurimus extremas exasperet angulus oras ;
Sint aliæ cuneis similes , aliæque cylindris ;
Spirales aliis flexus , vel acumina fingas ;
530 Per multis hamus , mucro , vel adunca proboscis ,
Cornua , vel dentes , rami , perplexaque fila
Promineant ; quasdam speculo magis effice planas :
Denique ad arbitrium forma , prout est opus , omni
Ut possint hærere modo , facilique coire
535 Congressu : da quoque sinus , da quilibet ansas ,
Tu pater , ac figulus : tandem nocte , assue , texe ;
Sed mihi ne minimas , sic ut minus esse queat nil ,
Neve haud compositas , immortalesque profecto
Dixeris , ut pote quæ non constent partibus ullis ;
540 Et cùm principiis careant ipsissima rerum
Principia , haud unquam in res illas posse resolvi .
Nam circumcidì possunt , fierique minora ,
Atque in perpetuum frangi , quæcunque figuris
Prædicta sunt . Ita quadratis mutare rotunda
545 Cædendo promptum est ; iterum quadrata rotundis .

106 ANTI-LUCRETIUS;

Quámque diu supereft hamus, vel mucro, vel uncus,
Vel quæcunque potest Atomum signare figura,
Semper ibi supereft aliquid quod radere possis.

A U T illis igitur formam concedere nullam
550 Cogeris, atque ansas abradere funditus omnes;
Jamque adeò nullius erunt primordia molis:
Aut si vis illas aliquâ irretire catenâ,
Quo melius possint nexus sociare maritos;
Jam tibi principiis Atomi, eeu cætera constent
555 Corpora. Nec dicas quid primum in rebus inesse
Perpetuum, simplex, solidum, immortale, necessum;
Corporeumque simul: quoniam non amplius ista
Conciliare potes; tibi nec jam impune licebit
Dividuas Atomis auferre ac reddere partes.

560 Q UIN etiam, ut velles omni spoliare figurâ
Quæ tibi Naturæ corpuscula prima videntur;
Discrepat id quanquam Vero placitisque repugnat;
Ne spoliata quidem, penitus sine partibus essent.
Namque ubi necuntur (ponamus talia neci)
565 Totane cum sociis conjungi dixeris? An non?
Si tota; est igitur penetrabile corpus, & unum
Ex dupli fiet semper, nec mille decemve
Millia vel minimam poterunt extollere molem,
Totaque Materies Atomum redigetur in unam:
570 Quo quid ineptius est? At si non tota cohærent;
Ergo per partem. Sic nunquam est partibus orba
Materies. Ab eâ partes si demseris, aufers
Naturam, & nihilo reddit: nil possidet unum
Et simplex; menti laudem hanc permittit habendam:

LIBER TERTIUS.

107

575 Ipsa sed extensa est; atque hujus particula omnis,
Ut pars totius, in partes ita sectile Totum est.

T R E S itaque annexas, ut fundamenta futuri
Corporis, in medio positam simul utraque tanget;
Altera sed lævum tanget latus, altera dextrum.
580 Adjicias aliam subtûisque superque, videbis
Quatuor in mediâ partes. Nunc autè retroque
Des alias, iterum medium quæ tangere possint,
Sex numeras. Restant spatia interjecta, novisque
Seminibus possunt impleri, quæ simul istam,
585 Diversâ at facie, tangent: tot partibus ergo
Hæc Atomus constat, quot habet circumundique parvas
Ac sibi contiguas Atomos; & partibus illis
Omnibus est etiam centrum commune, quod ipsum
Particulas alias complectitur, atque ita semper;
590 Ut nequeas unquam finem reperire secandi.
Quem si invenissem, extrema secutus, haberet
Rem non extensam, sine centro & partibus; hoc est,
Materiem, quæ Materies non amplius esset.
Quòd si tam parvâ terrentur imagine sensus,
595 Nec fugitiva sequi conspectu segmina possunt,
Aspice quâm latè se parvula ductilis aurum
Lamina protendat, repetito saepius iectu:
Flammante è stipulâ quâm immensa volumina fumi
Exsurgant, densâ & subtexant cærula nocte;
600 Quâm levis inficiat quantos tinctura liquores;
Quâm tenui demum inflammati sulphuris aurum
Ingratus vini odor & sapor inditus adsit.
Multa quidem, sed crassa tibi corpuscula sensum
Quæ feriunt; quot non feriant vix credere possis:

605 Subtili nimirū quia sunt hæc prædicta filo.

A d perpendiculum si linea recta jacenti
Incedit, punto resupinam figet in uno.
Si cadet obliquè, paulo teget amplius illam;
Nec punctis tanget, licet inclinata, duobus,
610 Plūsve minūsve tamen, clivo prout illa minore
Vel majore cubat. Sic plūsve minūsve gradatim
Taetile fit punctum, prout angulus inde remansit
Obtusus vel acutus. Item si jungimus ambas,
Sic tamen ut punto siet altera longior uno,
615 Nec magis exsuperet dextrâ quam parte sinistrâ,
En tibi dimidias Atomos queis linea major
Prominet. Hoc etiam te Pyramis ipsa docebit.
Quatuor huic facies Atomum ducuntur in unam;
Quatuor huic Atomo partes ergò esse necesse est.
620 Nam sit apex Atomus; quæ linea proxima, binis
Est Atomis, tribus est quæ tertia, sic quoque deinceps.
Una duas igitur liquidò premit, atque duæ tres,
Verùm non totas; cùm semper linea crescat
Inferior, donec supereret basis infima cunctas.

625 CUR diagonalem lateri commensus, inanes
Deprendis curas, teque hic spes irrita fallit?
Si tamen ex Atomis est omnis linea quadri,
Protinus obliquæ non est componere rectam
Cur nequeas; Atomis paribus nam si utraque constet,
630 Jam facilè inventu est quanto hæc numerosior, illam
Exsuperet: sed cùm hoc frustra in molimine sudas,
Majores Atomis Atomos agnoscere debes.
Fortè ideo nullâ quadrari circulus arte,

Nullâ vi potuit nostræ per secula mentis:
635 Tentatum multis opus infelibus exit
Auspiciis; vanum risit Natura laborem.
Nulla Geometrices tibi non arcana repugnant.
Quilibet innumeros in se implicat orbibus orbes
Circulus: at totidem centrum qui proximus ambit,
640 Orbis habet partes, quot qui tenet ultimus oram.
Namque intermediis tot in Orbibus, ordine certo,
Quo proprius centrum est, majoribus usquè minora
Respondent spatia, & decrescit particularum
Mensura, haud numerus. Quin & si simplice punto
645 Centrum stare putas, centro quoque cæcus in ipso es.
Nam quâ parte sui latus unum respicit oræ,
Hac latus adversum non respicit: unde tot illi
Sunt minimæ partes, quot eâ numerantur in orâ,
Etsi quæque minor. Centrum ipsum est circulus alter,
650 Qui rursus innumeros in se complectitur orbes.

E R GÒ Materies, ut pondera, tempora, motus,
Dividitur semper; nunquam horum extrema secando
Assequeris. Veluti motûs pars nulla quies est;
Temporis ut partes minimæ sunt tempora quædam;
655 Ponderis ut partes sunt pondera; sic quoque nulla
Corporis extensi pars non extensa profectò est.
Quod si individuum nonnunquam in corpore punctum
Fingimus, hoc fit uti centri ratio ipsa notetur:
Linea sic spatio sine lato fingitur, imò
660 Lata superficies solido sine; corporis etsi
Naturam longè, latè, solidèque profundam
Noverimus, nec posse aliter consistere corpus.

At demonstratur, dices, cum sphæra jacenti
Ponitur in plano, punctum quo jungitur illi
665 Esse individuum. Sedenim qui talia monstrant,
Effingunt animo sphæram planumque minutis
E punctis; uni quæ sunt bene nota Mathesi,
Dum spatii rationem à corpore segregat ipso;
Non physicæ, corpus quæ semper conspicit ipsum.
670 Ergò, si punctum verè perpendimus illud
Contactus, veram solidi partem esse videmus,
Atque parem reliquis quas scindi posse probatum est.
Haud etenim plani faciem contingere solū
Cernitur, ast etiam sphæræ cui firmiter hæret,
675 Partes vicinis contingit partibus: ergò
Dividuum est, & particulis è pluribus in se
Conflatum; quamvis hac tantum parte videri
Posit nonnunquam, quā plano contiguum fit.

DIVIDUAS Atomos igitur fatearis oportet:
680 Undemori possunt. Nam rei quæ fuit antè,
Continuò mors est cùm solvi coepit, & illas
Diffluere in partes quarum agmine constitit olim.
Nec dicas, plenæ cùm sint, quod laedere possit
Non admissuras, & ab omni vulnere prorsus
685 Immunes, nullum quia celant intus inane.
Præterquam quòd enim vacuum non esse revici
Corporibus cunctis, quæ constat morte resolvi;
Si nequeunt Atomī, quia plenæ, occumbere leto,
Non ergò has sua simplicitas à morte tuerit,
690 Insita durities hoc tantum munere donat:
Sed neque durities; etenim coëuntibus illis
Inter se, vacuum non est quā parte cohærent,

Et tamen avelli vel te ipso judice possunt.
Sic immortales Atomī non esse probantur.
695 Et quia quidquid habet finem moriturque peritque,
Hoc sine principio non est, at coepit oriri;
Æternas Atomos igitur non esse memento.
Omnia nativo mortalia corpore constant:
Quæque aliquā possunt labi & tabescere causā,
700 Nulla forent penitus, nisi quis foret auctor ut essent:
Est Atomis ideo, verè mortalibus, auctor.

At quanquam in partes scindi queat infinitas
Materies, tamen haud dicas æqualia magnis
Corpora parva fore, ac nullo discrimine moles;
705 Ex infinitis quasi singula partibus æquè
Constarent. Quamvis etenim sint corpora nulla,
Quæ non dimidiā semper decrescere possint
Parte sui, moles tamen haud scinduntur in æquas;
Parva sed in parvas, in magnas magna: resectis
710 Partibus ut maneant eadem discrimina semper,
Quæ totis fuerant: nam semipede amplior ulna
Semiputata manet, veluti pede grandior ulna est.

SED quā fronte mihi hæc Epicurus? Nonne sub unā
Semina Materiæ locat infinita figurā?
715 Dicam igitur. Tot sunt Atomī cujusque figuræ,
Summa figurarum quot circumpletebitur omnis.
Insuper, hic numerus speciem qui continet unam,
Æquatur numero species qui continet omnes.
Totum adeò per te non majus parte videtur.
720 Si capis hæc absurdā, profarisque ore sereno,
Cur ea non capies quæ demonstrata reliqui?

Non enim in æquales, ut sunt tua semina, verū
In decrescentes abeunt mihi corpora partes;
Et sint dividuæ quamvis, re non tamen ipsâ
725 Divisæ, semperque aliquo clauduntur acervo
Conjunctæ. Sic Materiam, qualem esse docemus,
Haud infinitam quovis in corpore dices.
Nam semel adscriptâ communī mole per omnes
Particulas, quamcunque tuo adscriptissime libebit
730 Arbitrio, certè paucas in corpore parvo,
Multas in magno numerabis corpore moles:
Quamvis sic minimam nequeas assumere partem,
Ut non sint partes, constat quibus ipsa, minores.
Infinitum ergò est, non quod sine fine secando
735 Fit minus, at nulli quod fines undique claudunt.
Infinitum etenim, atque immensum nomine distant;
Re sunt unum & idem, atque eadem de utroque feruntur:
Materies porro, qualem describimus, et si
Decrescit semper, non est immensa. Quid ergò est?
740 Congeries rerum, quæ possunt usquè secari.
Res illæ seorsum, ac proprio sub limite pertant:
Atqui ex finitis coēuntibus & cumulatis
Summam infinitam conflari haud posse probatum est.

VERUM quocunque est, simplex sit oportet & unum,
745 Objicis; at simplex nunquam dicetur & unum,
Quidquid dividitur: sunt ergò corpora quædam
Quæ prorsus non ulla queunt in frusta secari.
Quod si non esset, jam certè nulla darentur
Principia, & corpus nullum quod partibus esset
750 Compactum veris; in eis quia nil foret unum:
Atqui hoc à verâ procul est ratione repulsum.

Namque

Namque ut principium Numeri, quicunque sit, unum est;
Atque omnis constat numerus compluribus unis;
Sic & principium compacti corporis unum est,
755 Atque adeò corpus multis compingitur unis.
Quòd si per se se forsitan nequit una vocari
Materies, at saltem unis confletur oportet:
Ergò individuis illam constare fatendum.

NIL melius, Quinti, nil ipse Epicurus, & ille
760 Qui Latio captas delusit carmine mentes
Dixerit. Illa tamen mirâ quæ congeris arte,
Disjicere haud magnum est, tenuique evertere flatu.
Quocumque est, unum est, fateor: sed dicitur unum
Haud ratione pari. Quod simplex intus & omni
765 Parte caret, verè hoc unum est. Ante omnia Numen,
Quod modò tu, licet invitus frustraque reluctans
Agnosces, unum est. Etiam mens nostra, supremi
Numinis effigies, una est ac nescia scindi.
At quæ solius natura est propria Mentis,
770 Hanc cave Materiæ tribuas. Discrimine quanto
Mentem & Materiæ par sit secernere textum,
Accipies posthac. Sed corpus non magis unum
Esse potest, quâMens in partes una secari.
Nempe quod est, dupli distinguitur ordine rerum:
775 Quod non extensum neque constat partibus illis,
Simplice donatur naturâ, & dicitur unum:
At secus extensum, quia constat partibus: ergò
Non individuum, non simplex esse, nec unum
Ipse vides. A se sic longè diffita pugnant
780 Unum & Materies, nec eâdem in sede morantur:
Nulla potest adeò verè pars una vocari

114 ANTI-LUCRETIUS,

Materiæ; quamvis hoc nomine cuncta vocentur
 Corpora, quod multas habeant cùm singula partes,
 Molem aliquam reliquis sejunctam molibus in se
 785 Contineant: nam sic lapis unus dicitur, unum
 Flumen, & una domus; sic omnis Materiæ pars,
 Circuitu proprio, propriâ finita figurâ.

PRINCIPIUM verò Numeri sic dicimus unum,
 Ut tamen interdum Mens illud frangere possit,
 790 Atque infinitè subducere: quod nisi fiat,
 In partes æquas numerus non scinditur impar;
 Nec septem vel centum æqualiter in tria solves
 Segmina. Dividuum sic nostrâ mente fit unum.
 Ast ubi Materiam metimur, singula puncta
 795 Dividimus re non animo. Nam linea nulla est
 Materiæ, partes quæ non scindatur in æquas.
 At secus accideret, si verè, ut tu tibi suades,
 Ex individuis constaret linea punctis.
 Nam si punctorum numerus queis linea constat,
 800 Est impar, nunquam paria in duo segmina scindes.
 Sunt igitur puncta hæc fictitia, ludicra, vana;
 Materies nec seminibus compingitur unis.

NOVERAT id certè (reliquos nam Numinis hostes
 Confutare juvat) qui nunc Sinensis partim
 805 Dogmata complexus, partim vesana Stratonis
 Restituit commenta, suisque erroribus auxit
 Omnigeni SPINOSA Dei fabricator, & Orbem
 Appellare Deum, ne quis Deus imperet orbi,
 Tanquam esset domus ipsa domum qui condidit, ausus.
 810 Sic rediviva novo se se munimine cinxit

LIBER TERTIUS.

115

Impietas, tumidumque altâ caput extulit arce.
 Scilicet ex toto rerum glomeramine Numen
 Construxit, cui sint pro corpore corpora cuncta,
 Et cunctæ mentes pro mente, simulque perenni
 815 Pro vitâ atque ævo, fuga temporis ipsa caduci,
 Et qui seclorum jugis devolvitur ordo.
 Pana putes; non Arcadicis in montibus illum
 Capripedem, cui sylvicolæ pecus omne sacrabant,
 Septiforo solitum calamo Syringa vocare,
 820 Sectarique leves inter nemora avia Nymphas,
 Cornutumque caput lentâ præcingere pinu,
 Mittere & insanos per agrestum corda timores;
 Sed qui magnifico referebat nomine Mundum.
 Quidquid enim est, ipsi Deus est, idem unus & omnia.
 825 At quia quod per se est, infinitum esse necesse est,
 Nec tamen id rerum in numero, velut antè docebam,
 Fas reperire fuit; monstro nil territus, omnem
 Abjecit numerum; nec multis partibus auctam
 Materiæ summam voluit SPINOSA, sed unam
 830 Atque individuam verè sine partibus ullis,
 Immensamque Atomum. Demens qui se ipse, Deumque
 Confudit ranis ac muribus; & proprium nil
 Sensit inesse sibi, vel cùm se scire videret
 Ignorante alio, atque alio lœtante doleret.
 835 Egregium Numen cultro quod scindere possis!
 Non scindetur, ait, quamvis quæ membra videntur
 Corporis immensi fortè in diversa locorum
 Transtulerim; quod scindit enim, & quod scinditur, unum est.
 Infulse: si carnificem, gladiumque necato
 840 Distingui nolit, nec progenitore creatum,
 Nec pastore lupos, nec vivis luce carentes.

H ij

NAM varios res una modos assumere quamvis
Temporibus possit variis, pugnantia nunquam,
Ut mortem vitamque, assumet tempore in uno;
845 Nec simul esse potest quadrata, simulque rotunda,
Et capere aduersas cum simplicitate figuras.
Vel si quadratur partim, partimque rotunda est,
Non jam individua, aut simplex, aut una putetur.
Unius multis generis res esse fatebor;
850 At rem unam dici, quæ res complectitur omnes
Non modo distinctas, sed tot rationibus in se
Diversas, quarum semper negat hæcce quod illa
Adstruit, ac Totum sine partibus esse, repugnat.

VERUM instat; Res esse duas, quarum altera fines
855 Angustos habeat, cùm nesciat altera finem,
Haud minus à Vero forsan distare videtur.
Si fuerint etenim diversæ, stentque seorsum;
Hæc, immensa licet, licet infinita vocetur,
Non totum esse tenet, quod participatur ab illâ:
860 Unde immensa nequit, nequit infinita vocari.
Egregie dicit, si per se stare putemus
Res ambas: siquidem cum Numine Mundus haberet
Divisum imperium; Deus & minor, at Deus esset.
Verum infinitæ si Totum hoc debeat ut sit
865 Finita; haud certè natura precaria, pendens,
Ex nihilo ducta, in nihilum per se apta revolvi,
Subdita, egena, recens atque adventitia finit
Naturam per se stantem, & quam stare necesse est.
Huic adjuncta nihil tribuit, nil demit ademta.
870 Scilicet est in eâ, non ut pars cernitur esse
In Toto; sed ut in causis effecta videntur.

Unde novum astutæ ruit Impietatis asylum.

Hæc in Spinosam. Te nunc, Epicure, lacesso.
Sunt igitur partes Atomis, frustraque negares.
875 At partes Atomorum illas quæ copula junxit?
Quæ causa arcet ab his vacuum? Quo glutine constant?
Nam quâ tu ratione Atomos sociare laboras,
Corpus ut illarum nexus vinclisque creetur;
Hac ipsâ ratione, Atomos ut fingere possis,
880 Cogeris assutas Atomorum nectere partes.
Cùmque suas habeat pars intima quæque figuras,
Multimodis inerunt spatia interjecta figuris:
Et sic nil solidi facies; Atomosque caducas,
Hoc ipso quia dividuas, cogere fateri,
885 Atque ita mutari faciles, ac proinde resolvi.
Quod mutatur enim dissolvitur, interit ergo.
Nec status esse potest disjunctis unus & idem:
Præcipue si motus erit per se insitus omni
Materiæ. In motu mutabilitatis origo est.
890 Quod si compactæ tantâ simul arte locantur
Particulæ, minimâ ne possint hincere rimâ,
Et solidam efficiant Atomum, simulentve; profectò
Solertem agnoscis fabrum qui talia fecit;
Et fundamentum cunctis ut poneret unum
895 Corporibus, tam concinnè tot sparsa coëgit
Semina, confociansque Atomorum elementa ligavit,
Quæ poterant aliâ, atque aliâ ratione ligari.

NAM cùm Atomos constet multis è partibus una,
Pars ea quæ parti nunc jungitur ordine certo,
900 Ut totam conflent Atomum, faciantque quadratam,

Per se, naturamque suam non postulat, ut sit
Huic uni conjuncta: pari ratione, modoque,
Alterius poterat fieri comes, atque locari
Desuper aut infrà, dextro latere atque sinistro,
905 Et quævis pars esse Atomì cujuslibet. Ergò
Cur isti addicta est? In eâ cur hæc loca servat?
Si rogitem, an poterit ratio dissolvere causam?
Unde necesse fuit dextram priùs esse fabrilem,
Quæ partes Atomo tali, prout ordo deceret,
910 Distribuens tales, totum formaret ubique
Seminum, & rebus cunctis daret esse velut sunt.
Qualis mulivà qui strenuus arte laborat,
Cùm libet aut vestes hominum aut effingere vultus,
Ac permanuros intermiscere colores,
915 Eligit è multis, quos destinat ipse lapillos,
Ut species varias operosâ in imagine reddant;
Defigens cunctos intrito, ac sedibus aptans,
Compositosque manu addenset juncitumque coarctat.

PROPTEREATales Atomì sunt, qualia quæque
920 Corpora; connexis conflantur partibus. Ergò
Sic omnes Atomi sunt factæ, ut corpora fiunt;
Scilicet ex Atomis, quæ compinguntur & ipsæ.
Nec primam invenies non ex brevioribus ortam,
Aut sine principio, aut aliquâ non arte locatam.
925 Ecce vides ut, cùm cecidit nix plurima cœlo,
Ludentes pueri soleant compingere massam
Cuncta pilæ similem, & telis certare jocosis:
In manibus teneris concresevit mollis acervus
Qui fuit antè liquor: concretum sëpe volant,
930 Et nivis aggrestu repetitis motibus augent

In montem: hinc vastos immani mole Dracones,
Hinc templo, hinc arces, & propugnacula fingunt.
Corpora sic motu, sic tempore cuncta creantur
Ex Atomis: sic ipsæ Atomi, partesque Atomorum.
935 Illæ congeriem sensim cumulantur in unam;
Donec eas tandem circumcæsura coërcens
Terminet, ac certo involvat sub limite molem.

Quis demum proprias Atomis & partibus ipsis,
Quarum Atomi coetu constant, dedit esse figuræ;
940 Ut similes partim inter se, partimque tot essent
Dissimiles? Quis eas studuit sic ducere torno,
Nunc fodiens, nunc exacuens? Quæ lima terendo
Sæpius, effecit leves? Quæ dextera finxit
Tam variè comtas? Quâ sunt incide politæ?
945 Nam variae aut similes aliquâ sunt non sine causâ.

Quidni? Naturâ tales sunt, inquis, ab ævo;
Corpora quandoquidem sunt prima, neque indiga fabri:
Quæ, numero cùm sint prorsum infinita, repugnat
Cuncta pari filo atque pari cuncta esse figurâ.
950 Falleris, ô Quinti: neque enim tibi corpora prima,
Corporibus quæ sunt conflata prioribus. Illud
Jam demonstratum est; quia constant partibus. Atqui
Si conflata femel fatearis, nata fateris.
Ergò quidquid habent in se vel habere putantur,
955 Id causæ debent. Fecit casusve Deusve
Singula. Sed casus primordia nulla creavit,
Nulla creare potest: ergò Deus. Undique Numen
Conspicuum: vires ac mentem agnosce creantis.

120 ANTI-LUCRETIUS,

Esse potest Atomis nil per se ac semper ab ævo,
 960 Materiæ nisi quod per se natura requirit.
 Quapropter si corporibus nativa figura est,
 Ac per se talis, talem fuit esse necessum.
 Est igitur quadrata Atomus, quoniam esse rotunda
 Non potuit. Sed nil Atomum vetat esse rotundam;
 965 Cùm sint innumeræ passim, te judice, tales.
 Ergo Materiæ nullam natura figuram
 Privatum exposcit, cunctas amplectitur æquè.
 Quòd si quadratam ambiret, nihil esse rotundum,
 Nil & quadratum posset, si forte rotundam.
 970 Attamen ex Atomis quot quadratæ atque rotundæ?
 Quadratas adeò per se, per seque rotundas,
 Aut aliâ insignes formâ qui dicit ab ævo
 Naturâque suâ, haud secus hic pugnantia dicit,
 Ac si homines per se nigros, aut diceret albos,
 975 Aut grandes, aut exiguos; cùm ostenderet ipse
 Gallos, Æthiopas, Pygmæos, atque Gigantes.

NIMIRUM comperta tibi est natura modorum,
 Rebus inesse quidem possunt & abesse, tametsi
 Res maneant. Ceram invertas utcunque libebit;
 980 Cera manet. Glaciem concretam respicis; unda est,
 Nix cadit è cœlo, quâ terram albescere cernis;
 Unda est. Olla fremit, fumusque assurgit in auras;
 Unda est: mille modis variatam detegis undam.
 Si nativus erit modus hic, sive ille, nequibit
 985 Auferri: si per se se est, alium esse repugnat.
 Quòd si translatis, sive auctis, sive resectis
 Partibus hic poterit modus exul abire, vel ille;
 Non est nativus. Sed corpore cernis in omni

LIBER TERTIUS.

121

Quilibet attritu mutari posse figuræ,
 990 Formarique novas. Ergò adventitia res est
 Materiæ quicunque modus, quæcunque figura.

Hoc tuus ipse quidem satis intellexerat auctor,
 Nec dubitat Vero cedens persæpe fateri:
 Cur nunc, eversa subito ratione modorum,
 995 Æternas Atomis dat moles atque figuræ,
 Immemor ipse sui? Quidnam inconstantia tanta
 Portendit? Jamne ipse capis quâ foeda magistro
 Inde tuo nota, quæve fides sit habenda bilingui?
 Hæc conjuncta solet, cùm de primis elementis,
 1000 At cùm de mixtis sermo est, evenita vocare:
 Sed nova non rerum naturam nomina mutant.
 Nonne Atomos mixtas, ut corpora cuncta, probavi?
 Nil igitur conjunctum Atomis adscribere par est,
 Quod mixtis pariter conjunctum non sit, & ipsi
 1005 Materiæ, sic, ut nequeat perstare sine illo
 Materies. Quocunque potest orbata videri
 Integra & incolmis, conjunctum hoc scilicet ipsi
 Appellare nefas: interque evenita locandum est.
 Haud ullum corpus sine qualicunque figurâ
 1010 Unquam stare potest; igitur conjuncta reapse,
 Corporibus cunctis, est qualiscunque figura,
 Ut pote finitis ac certo limite clausis.
 Corpus at omne potest sine tali stare figurâ:
 Ergò non talis conjungitur, evenit ipsi.
 1015 Ut sine qualicunque situ consistere corpus
 Non poterit; poterit sine tali, vel sine tali:
 Nec refert ubi sit, modo quâdam sede locetur.

H A U D certè ingenio totas Epicurus habenas
Immisit, paucis ornans sua semina formis.
1020 Fingere cùm sciret, quidni ausus fingere plures?
Cur & Anaxagoræ contempsit Homœomeriam?
Non Epicureis audacior illa repertis;
Satque videbatur vestris accommoda rebus:
Omni structa modo consertim semina præbens,
1025 Quæ sibi congeneres adeant, passimque sequantur
Particulas, coëant illis, aliasque recusent;
Seque oculi jungant oculis, atque auribus aures,
Argentum argento, flori flos, ignis & igni.
Sed fallax tuus ille Dei contemtor & hostis,
1030 Prævidit nunquam posse hæc infecta putari
Corpora, quæ signum tanti specimenque laboris,
Et manifesta suæ ferrent vestigia causæ.
Ergò Atomis artem nimiam detraxit; & illas
Simpliciore dedit cultu, primisque figuris
1035 Tantum exornatas: fortunæ cætera credens,
Quæ concurrentes parerent eventa figuræ.

V E R Ú M & commentis quid parcere profuit? Æquè
Absurdum est, Atomos si per se dixeris esse,
Plûsve minûsve rudes, plus aut minus esse politas.
1040 Tam nempe artificis manus est adhibenda, ligonem
Aut rastrum ut facias, quibus agrum exercet arator,
Quàm clypeum quo flava Thetis donavit Achillem,
Pacis ubi Ignipotens bellique insculperat artes;
Et Stygiis intinctum undis Thoraca Minervæ,
1045 In quo stant geminæ Sphinges, torvumque renidet
Gorgonis horrendæ facies redimita colubris.


F I X U M igitur teneas animo certumque fugaces
Esse modos, & in his penitus nihil esse necessum.
Materies porro, seu massam intelligis omnem,
1050 Seu varias ejus partes, consistere nunquam
Absque modis potuit: non hunc aliumve requirens
Per se naturamque suam (quia quos semel olim
Per se naturamque suam tenuisset ab ævo,
Nunquam hos ex ullâ posset deponere causâ)
1055 Ast aliquem semper, nempe hunc aliumve, perinde est.
Ergò quos habuit primos, servatque tenaces,
Vel quos deponit semper, semperque resumit;
Hos cùm non habeat perse se, habuisse necesse est
Ex alio. Et quoniam reverâ tempore nullo
1060 Stare potest informis & omni castâ figurâ
Materies, sequitur per se consistere nullam
Materiem: atque ab eo totum hoc sumississe quod esset,
A quo etiam hoc sumisit talis vel talis ut esset.
Propterea quidquid per se est variabile, non est
1065 Æternum: at pendere aliquo ex moderante necesse est.
Talis Materies; nequit ergò æterna vocari.
At si Materies non est æterna, creari
Debuit è nihilo: per se se non fuit unquam,
Est tamen; è nihilo semel ergò existere coepit.
1070 At qui Materiam fecit, non ille profectò
Materiâ constat. Nam si constaret & ipse
Partibus advectis per motum ac tempora quædam,
Prævius huic esset motus. Simul altera causa
Inquirenda foret, quæ motum partibus illis,
1075 Atque situm nutu proprio, formamque dedisset.
Per se, aut æternus minimè foret ille, sed alter.

Atqui Principium, quo corpora cuncta creantur,
Æternum planè ac per se est, velut esse fateris:
Unde incorporeum, Quinti, simul esse necesse est.
1080 Ergò Materiæ Deus & moderator & auctor,
Materiâ ipse caret, perituri est corporis expers.

A t nihil è nihilo, exclamas: Epicurus id olim
Exclamabat: idem respondet Musa Lucreti;
Non secus ac resonans curvis in vallibus Echo
1085 Pastorum liquidas voces & carmina reddit.
Sed nihil è nihilo fieri dum posse tuentur,
Ecquid contendunt? Terrasne ac Sidera Cœli,
Oceanumque è particulis constare coactis?
Singula quæque suo vegetantia semine nasci;
1090 Ac foetus animantūm è progenitoribus antè
Formati? Haud inficior. Sed copia rerum,
Ipsaque Materies, ex quā sunt omnia facta,
Unde sit, hoc opus est. Per se non esse probavi;
Est igitur causâ ex aliquâ: quæ causa profecto
1095 Non est Materies, sed quiddam antiquius illâ.
Ergò Materies omni ævo non fuit. Inde
Dicimus è nihilo factam, quia facta reapse est.

Quid rerum indagas exordia rebus in ipsis;
Simplicitatem in compositis; formasque perennes
1100 In mixtis resolubilibus; primumque vel unum,
Hic ubi nec primum quidquam simplexve, nec unum est?
Scilicet est aliquid per se immortale, necessum,
Æternum, immensum, primum, immutabile, simplex,
Atque infinitum infinitè. Nempe quid hoc est,
1105 Ni Deus est? In eo Mundi primordia quæras.

ABSTRUSUM per iter gradimur, Quinti. Arida latè
Lustramus loca, præruptis quæ cautibus horrent.
Præmonui, durumque fore ingratumque laborem.
Hic animos reparare velis: hic siste parumper.
1110 Quippe voluptati est labor intermissus, & ultiro
Ad nova collapsas reficit molimina vires.



C. Eisen inv.

P. Tardieu Sculp.

UNIVERSIDAD AUTÓNOMA DE NUEVO LEÓN
GENERAL DE BIBLIOTECAS



ARGUMENTUM LIBRI QUARTI.

IRRIS A Lucretianæ doctrinæ arrogantiâ & absurditate, de Motu hoc Libro quærendum proponit, exponitque insitam Atomis ab Epicuro gravitatem & declinationem: à v. 1. ad v. 103.

1º. Declinationem refutat variis argumentis: à v. 103. ad v. 237.

Ex declinatione Atomorum non posse, ut censet Epicurus, explicari mentis humanæ libertatem: à v. 237. ad v. 323.

Gassendi commentum de diversâ Atomorum velocitate confutat: à v. 323. ad v. 402.

2º. Gravitatem Atomorum impugnat: à v. 402. ad v. 541.

Gravitatis causam enuntiare aggreditur, quam repetit ab æthere terram ambiente. Admonet hypothesim suam à se non pro certissimâ adduci, sed tanquam Epicureâ saniorum: à v. 541. ad v. 581.

Divisâ subtili, quæ terram circumfluit, materiâ in plures Pyramides, ex earum vi centrifugâ oriri putat corporum gravitatem, ac præterea ex æquali terreni vorticis pressurâ: à v. 581. ad v. 695.



UNIVERSIDAD AUTÓNOMA DE NUEVO LEÓN
DIRECCIÓN GENERAL DE BIBLIOTECAS

®

Corpus nullum per se aut grave aut leve esse probat variis exemplis : à v. 695. ad v. 933.

Gravitatem Newtonianam in attractu positam refellit, ac Cartesii sententiam cum Neutoni sententiâ comparat : à v. 933. ad v. 1125.

Redit ad Motum Epicureum, ostenditque, neque connecti, neque resilire Atomos potuisse : à v. 1125. ad v. 1295.

Spinosæ sententiam de Motu æterno & in ipsâ Materiæ naturâ inhærente evertit, concluditque Motum ab auctore aliquo à Materiâ diverso afflari Materiæ debere : à v. 1295. ad finem.



ANTI-LUCRETIUS,

SIVE

DE DEO ET NATURA,

LIBRI NOVEM,

AD QUINTIUM.

LIBER QUARTUS.

De Motu.

A C veluti medio jam fessus monte viator,
Saxosum per iter postquam erexit, in altâ
Tandem rupe sedens vultum sudore madentem
§ Tergit, & ascensu labefactos recreat artus:

Tum rigidas cautes & quæ juga vicit anhelans
Cernere amat, re legitque oculis vestigia lætis:
Surgit mox, avidus summum exsuperare cacumen,
Quique viæ supèrest labor, hunc animosior implet,
10 Abdita Materiæ sic nos penetralia tandem
Emensos, juvat ire, novosque accingier ausus.

I

Dum gradimur, sensim tenebras lux orta resolvit :
 Et malè fucati decrescit gloria vatis.
 Numine calcato sedenim spoliisque superbus,
 Quām plenis cantabat ovans sua semina buccis !
 15 Quām tumidē magni celebrabat Inanis honorem !
 Jamque immortales Epicuri ad templa ferebat
 Exuvias, viridi redimitus tempora lauro
 Victor; ob erectum Superis & Manibus Orbem,
 Atque incantatas p̄æclaro carmine gentes.
 20 Moesta sequebatur manibus post terga revinctis
 Rellgio, stipata choro lugente piorum ;
 Victima sacrilegūm cultro mactanda profano.
 Tum saltu atque jocis pubes insana micare,
 Spargere purpureos flores myrtumque virentem.
 25 Nec deerant, Veneris lectissima turba, puellæ,
 Quæ calathis ferrent uvas & Adonidis hortos.
 Jam duce tu gradiens Ratione, quid ille creparet
 Vidisti; fragiles nugas & vana tropæa,
 Non sine despectu quodam tacitoque pudore
 30 Miratus tenues dilabi prorsus in auras :
 Nec personatae steterunt mendacia Musæ.

UNDE putas, Quinti, Vero tam dissita rerum
 Principia, æternūmque sibi pugnantia, tantam
 Invenisse fidem ? Quæ vis arcana sequaces
 35 Traxit, & assuetis homines absterruit aris ?
 Namque ciere feras nunquam felicior Orpheus
 E syllvis, quā Threicius fluit amnis in æquor ;
 Aut exultantes pelago Delphinas Arion :
 Auritos lapides citharā nec blandior olim
 40 Ducere, Cadmæas plectro qui condidit arces.

Quæ nubes animos adeò caligine tetrâ
 Obduxit, lucem ingénitam ut restinguere posset;
 Ipsiisque nitens Veri jubar abderet umbrâ ?
 Sensuum adulatrix, & falsi lena Cupido.

45 Des, inquit, spatium cunctis penetrabile rebus,
 Ac sine fine patens; quod partes attamen imas,
 Et superas habeat; quod stet vigeatque suâ vi;
 Cætera par nihilo: des largam Materiæ vim,
 Æquè infinitam; sed quæ non impleat illud:
 50 Congeneres Atomos, varias tamen; atque figuris
 Omnibus insignes, cum simplicitatis honore;
 Extensas, non dividuas; sine partibus, & cum
 Partibus. Adjicias Totum non amplius esse
 Unâ parte suâ; atque modos non esse modorum
 55 De genere: exemplo Mundum sine Numine condam.
 Credo equidem. Verùm qui tot tibi monstra dedisset,
 Huic tres Anticyræ sanando non satis essent.

AT quia corporibus non sufficit una creandas
 Materies, aliquis ni jungat semina motus,
 60 Re super hac si non meliora Lucretius edet,
 Bilem grandiloquus doctor, risumve movebit.
 Ergò, ne partem hanc leviter censoria virga
 Prætereat, quæ p̄æcipua est, minus ardua quamvis,
 Nunc inquirendum de Motibus. Hic Epicurum
 65 Cernimus erroris scopulo allisisse volentem.
 Namque animi dubius, cùm naturale movendi
 Principium causamque Atomis quæsisset in ipsis,
 Optaretque, ut multimodas dedit esse figuræ,
 Sic quoque multimodis Atomos impulsibus omnes

70 Urgeri; quo commodius transversa vagatæ
Obventare sibi ac cœtus celebrare frequentes
Inter se possent; solam, quæ munus obiret,
Invenit gravitatem. Et eam sic nexibus artis
Omni Materiæ conjunctam edixit, ab illâ
75 Nunquam ut divelli quovis molimine posset;
Propria ceu reji natura atque intima virtus.

VERUM Democrito quandam hæc elementa docenti,
Quæ vetus ante omnes Leucippus tradidit auctor,
Si non & primùm Phœnici debita Moscho,
80 Responsum fuerat, tali haud primordia motu
Miceri, nedum regredi, aut incurrere possent.
Namque parallelis æternūm ductibus ibunt;
Nec prior unquam Atomus potis expectare sequentem est.
Unde simul nullis poterunt coalescere vinclis.
85 Riserat objectum fortè, ut ridere solebat
Omnia Democritus; sedenim non solverat unquam;
Et qui solvisset, manifesto lumine victus?
Pondere cuncta suo quoniam directa feruntur
Ad perpendiculum, ni causa suborta vetabit.
90 At puro in Vacuo quæ causa suborta vetaret?
Nam placidus ventis cùm cœlo decidit imber,
Gutta nequit superas præcurrrens sistere guttas,
Aut quatere à tergo, pulsâve reflectere sursum.
Sed neque transversas unâ secum ima petentes,
95 Ordine quo primùm liquidis sunt nubibus actæ,
Ulla ferire potest, aliisve per aëra nesti.
Hæc reputans & mente cavens Epicurus acutâ,
Declinare Atomos ait, & descendere motu
Obliquo. Sic fortuitis occurribus ansam

100 Præbuit; optatisque ratus nil defore tandem,
Et patre Democrito longè solertia, ire
Detortas Atomos jussit, quò pondera ferrent.

EXPROBRARE viro nolim, quod & ipse libenter
Confessus vitium proprio emendare reperto
105 Nititur: haud illi probro est quòd desipit alter.
Culpam igitur veterem fileo; sed in hocce repertum
Invehor, & quām sit fallax & inutile, dicam.
Nam vel cuncta simul corpuscula sponte cadendo
Declinant simili descensu, & passibus æquis,
110 Atque parallelo motu sunt percita; tumque
Nil agit, ast eadem redeant incommoda semper;
Semina quandoquidem disjunctim, ut diximus, ibunt,
Nec se unquam attingent: vel quædam obliqua moventur,
Quædam non; & sic, ut distant plurima formis,
115 Distabunt pariter motu: provincia cuique
Jam dabitur: bifidumque Atomi scindentur in agmen,
Tramite currentūm obliquo, rectoque cadentūm.
Unde ergò accipiunt proprii divortia lapsūs;
Etsi naturæ paris, etsi nescia causæ?
120 Nam quæcumque pari sunt mobilitate, parique
Prædicta naturâ, nulloque auctore moventur,
Non est ut motûs in se discrimina gignant.

O Epicure pater! Vellit si talia credi
Relligio, quantis eadem commenta cachinnis
125 Exciperet! Matrem dixisti sœpe malorum,
Ast errorum etiam & potiori jure vocares.
Materiæ sic ipsa tuæ primordia vertis
Ad libitum! Quidni, quoniam te sculpere multas

134 - ANTI-LUCRETIUS,

Non puduit primis individuisque figuras
 130 Princiis, totidem simul ausis indere motus ?
 Namque rotare alia , atque alia intorquere per omnes
 Curvarum amfractus , per qualescunque figuras ,
 A moto quotquot describi corpore possunt ,
 Per spiras , rhombos , & flexus atque reflexus
 135 Fulgoris in morem , aut colubri repentis in herbâ ,
 Nunc & reticuli , telæ nunc textilis instar ,
 Ducere sic poteras , velut inclinare parumper .
 Quandoquidem Natura , Deo quam subtrahis omnem ,
 Nutibus ipsa tuis famulatur , pronaque servit .
 140 Ponere vis Mundo leges , at ponere nescis .
 Qui regnum affectas , quin firmius utere regno ?
 Sobrius imperii , saltem hac in parte , videris
 Atque verecundus ; neque opes impendis abunde ,
 Omnipotens Epicure . Atomî , tua maxima cura ,
 145 Parcè congenitas per te accepere figuras ;
 Parciūs & motum . Tamen hunc variare decebat
 Pluribus innumerisque modis : ut nempe tot inter
 Dissimiles , imò adversos , cùm deforet unus ,
 Alter opem subitò ferret ; casuque venirent
 150 Quidam opportuni , per quos occurrere tandem
 Agmina pugnantûm , simul & concrescere possent ,
 Nam licet inumeras miro trahat ordine turmas
 Impiger , & variis fulgens exercitus armis
 Spiret bella ferox , seu fortis ille maniplos
 155 Explicat in campo , seu cogitur ire viritim ;
 Ac per pontis iter deducitur agmine longo ;
 Prælia non miscet , si non erit obvius hostis ;
 Nec stagnat , nullo qui defluit objice , rivus .

LIBER QUARTUS. 135

CONTINUÒ obtrudes , id per me non stetit unquam :
 160 At similes Atomî naturâ , & sponte cadentes ,
 Per se non poterant sic in diversa vagari .
 Certè non poterant . Sed cur potuere cadendo ,
 Partim flectere iter , partim procedere rectâ ?
 Non minor est ratio (si pro ratione voluntas)
 165 Cur varie exagites , quâm cur deflectere cogas .
 Utilior tibi , cùm strueres vice Numinis Orbem ,
 Fabula , sed Vero magis haud aliena fuisset .
 Cur tua tam discors pugnat sententia secum ?
 Usque adeò in laqueos ultro se se induit error !
 170 Nempe negas alio impulsu per Inane quietum
 Veloces Atomos , proprio quâm pondere , ferri ;
 Et perpendiculari ad normam simul omne fateris
 Delabi , substrata vetant nisi corpora , corpus :
 Ast idem (quis crediderit) legum ipse tuarum
 175 Immemor , has Atomos labentes , objice nullo ,
 Declinare jubes . Et sunt qui nomen adorent ,
 O fallax Epicure , tuum ! Quibus esse videris
 Naturæ solus Mystes , Verique sacerdos !
 Quorsum igitur delira tua hæc corpuscula tendunt ?
 180 An sic ire volunt ? Invitane torquet Inane ;
 Aut ventus quidam Æolio fugitus ab antro ?
 Nonne vides , ut jam in formis ostendimus antehac ,
 Posse nihil reji , per se se quæ stat , adesse
 Coniunctum , nisi quod cum illâ non esse repugnet .
 185 Ergò si quasdam per se procedere rectâ
 Vis Atomos , omnes per se sic ire necesse est :
 Si quasdam inflectas , inflectere cogeris omnes .
 Atque ideo , cùm quæque Atomus , te judice , ferri
 Possit utroque modo , per se neutrum esse fateris .

190 Alterutrum, quasi congenitum affirmare, prosectò
Despere est; utrumque simul, quo nomine dicam?

ADDE quòd obliquè soleat res mota vocari,
Cùm locus unde venit nobis haud esse videtur
E regione; licet verè directa sit in se.

195 Quadrati latus aspicio; quodcunque per illud
Venerit, hoc ad me rectà procedere dicam:
Per diagonalem verò si venerit, et si
Tramite directo, quia non convertor ad illam
Unde venit partem, subitò procedere dicam

200 Corpus id obliquè. Secus autem dejnde futurum est,
Si diagonalem, quà nascitur aut cadit, illuc
Translato percurram oculo; tunc namque vicissim
Ibit in obliquum quadri latus omne videnti;
Quæque erat obliquo traçtu via, recta futura est.

205 Sic Æquatori inclinata est orbita Solis,
Olli dum Æquator simul inclinatur & ipse.
Obliquas igitur, quarum te nomine jaçtas
Inventor, rectasque vias quod discrepat inter,
Hoc totum inde oritur quòd sint data puncta secundùm

210 Aspectus varios. At Inanis gurgite vasto,
Immensisque locis, age, dic, ubi terminus à quo
Discedant Atomi celeres; ubi terminus ad quem
Perveniant? Quo respectu, quà parte locorum
Obliquè potius, quàm directè; aut vice versa
215 Pergere dicamus? Quæ te dementia cepit,
Ut, quæ prima jacis veluti fundamina sectæ,
In te versa ruant, proprio & te pondere frangant?

Ex infinito veniunt mea semina, dices;

Ac Terræ centrum versùs gravitate feruntur.

220 Infinitum ergò tibi circulus esse videtur,
In quo Terra locum centri tenet. Ast ego nuper
Jam satis ostendi, quàm sit contraria Vero,
Quamque pudenda tuæ super hoc sententia mentis.
Verùm esto: neque enim hoc, si dem, tua dicta juvabit.

225 Scilicet ad centrum quæ linea tendit ab oris,
Recta venit breviore viâ: si torta veniret,
Prorsus aberraret centro. Si proinde cadentes
Tempore ab æterno, perque infinita locorum
Deflectes Atomos, arcùs describere chordam

230 Cogentur, minimè radium: gravitate remotâ
Ad centrum non pervenient: clinamine tanto
Extrà delatæ, procul à regione viarum

Excedent. Res mira, locum, quò semina mittis,
Declinare jubes! Obstas, ne jussa facessant!

235 Siccine Democriti mendum sarcire putabas?
Ipse tegis vitium vitio, frustraque bis erras.

F U T I L I O R A quidem petis argumenta, repertum
Hunc motum ut statuas, è nostrâ in rebus agendis
Libertate. Novum Logicæ genus! Est homo liber,

240 Inquis: agit quæ vult; quæ non vult, sponte relinquit:
Ergò declinant Atomi; fit serva Voluntas,
Si non declinant. At ridiculum esse probavi
Clinamen. Quod si facilis concedere vellem,
Hinc libertatis nunquam peteretur origo.

245 Singula ponamus deflecti semina. Quid tum?
Hinc homo liber erit, dicis. Quæ copula necit
Hæc effata? Nihil video, quod suadeat unum
Ex alio nasci: quin & contraria cerno.

Nam si declinent Atomī per Inane vagantes,
 250 Naturā, propriis & viribus, ac sine causā
 Declinant ideo, quia declinare necesse est.
 Aut si, dum currunt ita, libertate fruuntur,
 Quam dare corporibus possint exinde creatis,
 Tunc non solus homo tali potietur honore,
 255 Qui proprius mentis tamen est, velut ipse fateris;
 Libera erunt pariter quae corpora cunque videmus.
 Unda per acclives proprio non pondere ripas
 Curret, at interdum stagnans resupina sedebit.
 Non nunquam errabit stipulis innoxia flamma,
 260 Invisisque domos tantum, vel ligna cremabit,
 Si volet. Iste lapis quem immotum mille per annos
 Sæcla vident hominum, summo de culmine turris
 Sponte cadet, cum stare loco fastidet alto.
 Si libeat Soli, Sol non orietur; & umbras
 265 Pellere nocturnas Luna indignata negabit.
 Quidquid in Orbe vides, ne jam contingere casu
 Ne vi Naturæ, ne motu denique dicas,
 Verum ex arbitrio, propriaque libidine rerum;
 Si dotem eximiam, quæ gens humana potitur,
 270 Omnibus ex æquo rebus Natura creatrix
 Indulxit, proprio neque nos hoc munere donat.

SED libertatem cunctis dum prodigus æquè
 Corporibus tribuis, cur nobis invidus ausers?
 Nam, bene si memini sectæ documenta profanæ,
 275 Quidquid agas, licet ipse putas te posse reapse
 Non agere id quod agis, solius Materiæ vi,
 Atque ignoratis impulsibus illud agetur;
 Nec poterit non esse quod est: quia sive movetur

Obliquè, seu recta meat, non libera currit
 280 Materies, æquè nobis causa unica motū,
 Ac Soli & Luhæ, lapidi, fluvioque, vel igni.
 Propterea nobis indeclinabile Fatum
 Incumbet: Fatum omniparens, cui tanta potestas
 In Superos ipsumque Jovem celebrata Poëtis,
 285 Quanta Jovi Superisque in nos olim esse putata est.
 Hoc detestatus simul adstruis, omnia motu
 Materiæ dum vis fieri & clinamine cæco;
 Ac solas Atomos interno pondere pressas
 Instituis rerum causas, quæcunque genuntur.

290 Q U I N etiam nil fortuitò contingere posset.
 Unde ruit Casus Divum pater atque hominum rex
 Ille tuus. Neque enim casu est quod jam esse necesse est.
 Nempe improviso concursu & viribus æquis,
 Dum tibi nunc temerè & nullo cogente videntur
 295 Innefti, quæ sponte moves primordia Mundi
 Per vacuum; tamen est, quare innectantur, in illis
 Causa latens & certa; nequit quâ stante volando
 Quæque Atomus non huic jungi, cui jungitur: idque
 Lex quasi lata foret: quia tali concita nisu
 300 Non vitare potest aliam, quæ pondere tali
 Labitur: & tali decurrent tempore, eodem
 Tempore decurrentem offendat oportet, eodem
 Inque loco. Tali si sit demum utraque formâ,
 Ut coëant; certè nequeunt utrinque revelli:
 305 Si secus; haud illo poterunt concrescere nexu.
 Et quoniam inde oritur quidquid, sic fiat oportet
 Ut mixtura dedit, manifestum linquitur ex te,
 Naturæ legem cunctis incumbere rebus;

Et legem invictam, cui nil obsistere possit ;
 310 Fortunæque locum non jam superesse : neque ullam
 Libertatem homini mansuram ; si nihil ipsi
 Præter adhærentes Atomos concederis. Ergò
 Cùm Regina sui & proprii sibi conscia juris,
 Frenum indignetur fatis avulsa Voluntas,
 315 Arguit in se se quiddam præstantius omni
 Materiâ, & punctis alienum prorsus ab istis.
 Illa sed uberior, cùm Mens tractanda redibit.
 Nunc satis est monstrasse tuis nil posse creari
 Motibus : idcirco quia, seu directa movebis
 320 Ad perpendiculum, seu flecti semina finges,
 Haud ullis poterunt unquam coalescere vinclis.
 Ergò nil, etiam posito clinamine, vinces.

VERUM alias aliis Atomos velocius ire
 Si donetur, ais, quidni concrescere possint
 325 Nexibus innumeris ? Gassendus quippe volebat
 Naturâ similes, non mobilitate : quod unum
 Addere qui velit inventis utriusque magistri,
 Congressus faciles Atomis utcunque parabit.
 Nam fieri poterit solâ ratione cadendi,
 330 Ut quæ posterior fuit, accelerata priorem
 Occupet, ac secum vinclis abducat ; & ambæ
 Arripiant alias, aut arripiantur ab illis.
 Lux ea Democrito cur non affulserat ? Eheu !
 Non opus illapsas Vacui de culmine summo
 335 Atque parallelas Epicuro deinde fuisset
 Inclinare Atomos, tantamque incurrere labem.
 Nam veluti cursu dum fervet odora canum vis
 Per nemus & salebras, clangore accensa tubarum

Et clamore virûm, ac fugientis oalentia cervi
 340 Nare sagax longo sequitur vestigia tractu,
 Etsi omnes ardore pari, tamen unus & alter
 Antevolant, sternuntque feram, lacerantque jacentem
 Dentibus : approparet non æquis passibus agmen.
 Aut ubi prædator descendit ab æthere Milvus
 345 Perdicem in timidam, contractis quæ fugit alis,
 Præcipitans in humum simul ingruit ocior ille,
 Unguis illaqueans prædam, raptatque cadentem :
 Sic possunt Atomî quædam, et si ponè sequentes,
 Maturare gradum ; ac sensim, quia pondere præstant,
 350 In præcedentes ruere & concrescere lapsu.

CALLIDUS effugium tentat Gassendus inane,
 Nec quidquam auxilii convicto fert Epicuro,
 Qui per se constare Atomos, per seque moveri
 Dixerat, & variis tantum distare figuris.

355 Ocio has inter nam si, vel tardior una est,
 Naturâ similes Atomî non amplius ergò
 Dicentur. Quæ causa novi discriminis illa
 Esse potest ? Quænam velocibus addidit alas,
 Ut caderent multo citius, pigrisque negavit ?

360 Plûsve minûsve graves, inquis, configere possum.
 Sic variis dederas consistere posse figuris,
 Quod falsum ostendi, nullo si auctore creatur :
 Nec minûs à rectâ, quod ais ratione recedit.
 Corporibus cunctis gravitas pro mole profecto est,
 365 Mole ergò distant Atomî, si pondere distent.
 Et quia particulis constant, levis altera paucas
 Particulas sortita fuit, gravis altera plures.
 Inter eas Natura parens divisi iniquè

Materiem, exiguis parcissima, prodiga crassis.

370 Si causam agnoscunt, varias sic esse fatebor;
Talia sunt etenim quæ corpora cunque videntur:
Si non agnoscunt, varias sic esse repugnat.

ADDE quòd in Vacuo caderent si corpora prima,
Quanquam impar illis gravitas fortasse daretur,
375 Undique deciderent simul omnia tempore in uno.
Includas vitro plumam lapidemque canali,
Aëre subtracto; plumam, lapidemque videbis
Protinus æquato pariter descendere lapsu.
Causa priùs fuerat discriminis obvius aér,
380 Qui findendus utrique venit, plumæque cadenti,
Quàm lapidi certè magis atque diutiùs obstat.
Sed nihil in Vacuo fungetur munere tali:
Perpetuò penetratur enim, dum nempe solutus
Ac rorem simulans Atomorum decidit imber.
385 Quin etiam æterno si præcipitantur ab ævo,
Ac simul immensos percurrunt semina tractus,
Nullum posterius, nullum priùs ire licebit.
Nam quæ causa moram faceret per Inane quietum
Postremò lapsis? Regio fortasse remota est
390 E quâ proveniunt, longéque remotior illâ
Unde priora cadunt? Vel sunt dimissa profundo
Tardius è vacuo? Mensuras quis ferat autem
Immenso in Spatio, atque æterno in tempore tales
Quæ rem finitam signant? Quis proxima centro,
395 Sive remota loca, aut centrum quis totius ipsum?
Dædale, eur proprio vagus erras in labyrintho?
Hic tibimet via cæca, & inextricabilis error.
Dicis in immenso nullum consistere centrum,

Et meritò: nunc ut prægrandia corpora formes,

400 In centrum attractas Atomos concurrere dicis:
Centrum est, & non est. Pugnas tecum ipse, Lucreti.

PRÆTEREA, vel si diverso tempore labi
Aut similes aut dissimiles gravitate, figurâ,
Mole, graduque Atomos punctum in commune daretur,
405 In quo, ceu motûs possent requiescere centro,
Non tam efficerent Mundum, qualem esse videmus.
Dic ubi enimvero centrum id commune reponas?
In medio Terræ; si quidem, te judice, Mundi
Nucleus est, in quo subsedit funditus, ut fœx,
410 Materies crassa? Illuc ergò confluit omne
Seminum, & Vacui regiones deserit altas:
Illud præcipue quod aculeis constat & hamis,
Unde metalla doces & arenam & faxa creari;
Quodque fluit globulis quies manat liquor aquarum:
415 Nec cessare potest; quia nunquam cessat origo
Præcipitis motûs, immensaque copia rerum.
Sic aliis alias cumulari semper oportet,
Ac superaddi Atomos æterno pondere pressas.
Crescere in immensum Tellus glomeramine tanto
420 Debuit, & vastam ferre ultra sidera molem.
Cur fines intra certos se tota coërcet?
Cur alibi passa est simili ratione modoque
Solis & astrorum prægrandia corpora cœlo
Formari? Nam illic amplissima principiorum
425 Congeries aptanda fuit. Cur Luna, perinde
Ac Tellus, Atomis etiam concrevit aduncis?
Cur & Saturnus cum lucifero comitatu;
Magnus & ipse suâ stipatus Jupiter aulâ;

Mars & Mercuritis; nec non, gens rara, Cometae?
 430 Sunt igitur Mundi tot centra, quot astra videntur?
 Quam distracta fuit gravitas; quam scissa tot inter
 Immensi partes Vacui? Quot Somnia singulis!
 Centrum ubi non fuerit, gravitas ibi nulla profecta.
 At non esse potest aliquo sine vortice centrum:
 435 Et pariter nullus fluido sine corpore vortex.
 Unde necesse foret, caderent si pondere quodam
 Semina, vorticibus multis in plurima centra
 Detrudi, variae facerent ut molis acervos:
 Quod placido in vacuo nunquam sperare licebit.

440 CORPORA jam formata etenim posuisse necesse est,
 Et fluida, & motu circum exagitata perenni,
 Ante graves Atomii quam sint ac centra petentes.
 At quoniam ex Atomis corpus per inania lapsis
 Conflatur, motus Atomorum anteire nequivit:
 445 Nam tunc non essent, ut ais, primordia rerum.
 Ergo per medium si delabuntur Inane,
 Nec reperire queunt, immo nec querere centrum.
 Huc etiam accedit, quod fusiis ante docebamus
 Cum de infinito canerem; & revocasse juvabit,
 450 Ne cadat ex animo quidquid jam rite probatum est:
 Vidimus in Spatio, nullus quod terminus ambit,
 Ponderibus non esse locum: quia scilicet, unde
 Et quo descendant, non est; supera, infima defunt;
 Nec sursum idcirco, nec deorsum tendere quovis

455 Posse modo factas Atomos, quemque darentur.
 Spes Atomis igitur gravitatis nulla futura est.
 Si nulla est gravitas, ergo vis nulla movendi:
 Causam etenim motus unum in gravitate locabas.

Unde

Unde vides Atomos nequaquam posse moveri;
 460 Vel si motus inest, nullo coalescere nexu.
 Egregium nunc dogma boni mirare Lucreti!
 Quae manifesta putat, manifestè falsa probantur:
 Et si vera forent, quod colligit esse nequiret.

S E P E fit, oblatâ rerum ut dulcedine capti
 465 Miremur faciles, plausuque sequamur amico
 Qui nos decipiunt. Quales jocularia mimi
 Prodigia exercent: digitis hi namque micantes
 Attentos fallunt oculos, dum vascula tractant
 Aptâ dolis: fraudem velatam præpete gestu,
 470 Virgâ & voce juvant; & ubi posuere lapillum,
 Ostendunt volucrem. Stupet ore ignarus hianti
 Spectator: temnat, si quando noverit artem.
 Haud aliter solers oculos auferre Poëta,
 Excusso tibi debebit ludibria fuso.
 475 Quid sit enim gravitas quovis in corpore, nondum
 Perspexti: nam corporibus malè credis inesse
 Materiæ certam ut comitem; exemplumque creatis
 A rebus stolidè rerum ad primordia ducis.
 Corpora quod videas in terram plurima labi,
 480 Dumque immota jacent, ad centrum vergere, eoque
 Donec perveniant molimine tendere certo,
 Corporis idcirco genus omne gravescere censes
 Per se ipsum, atque illuc innato pondere ferri.
 Tanta fides oculis, ac diffidentia menti est!
 485 Ast etiam, si sola tibi sit regula sensus,
 Cur non Materiæ levitas innata videtur,
 Corpora cum cernas nonnunquam ascendere sursum?
 Nonne leves flamas, levia hæc simulacra putasti,

K

Quas veluti rerum exuvias, & limpida vela
 490 Audieras fluctu passim volitare perenni,
 Ut veniant oculis formæ rerum atque colores,
 Ac visæ somno in medio sine more figuræ?
 Namque hoc te, quanquam falsum est, docuere magistri.
 Quin age, nonne leves Atomorum dicis acervos,
 495 Naribus unde tuis volucres nascuntur odores,
 Uvida quos florum jacunt pigmenta, vel herbæ
 Fragrantes; qui-ve arboribus Nabathæa per arva
 Destillant succi, nardusque & pocula myrræ?
 Aurea lux pariter, quam sol circumundique vibrat,
 500 Nec terris tantum, ast omni latè ingerit Orbi,
 Et quam debilius nostri dant attamen ignes,
 Mentitæque faces nocturno tempore solem;
 Cùm superas æquè in partes mittatur & imas,
 Nonne tibi levis atque gravis simul esse videtur?
 505 Judicio lux nempe tuo, vibrata perenni
 Sideris effluvio manat, ceu flammea quedam
 Progenies. Nativa quidem & validissima longè
 Vis illa est, quâ se tot lucida tela diei
 Diffundunt circùm, nec se diffundere cessant;
 510 Et vastum rapido pervadunt æthera motu.
 Insita materiæ gravitas si causa perennis
 Est motûs, ergò radii gravitate feruntur.
 Aspice, ut hi motus ambo in contraria vergant.
 Extremis gravitas ad centrum tendit ab oris;
 515 Lux autem extremas à centro tendit ad oras.
 At nullum per se corpus grave, seu leve credas.
 Neutrum etenim Ratio, neutrum Experientia firmat.

MATERIES omnis, quaquà spectare lubebit,

Mobilis est per se, non per se mota: neque ullam
 520 Affectat Mundi partem, superamve vel imam,
 Aut laevum dextrumve latus; quocunque cietur,
 Huc properat; nec motum ambit placidamve quietem;
 Neutrum præponit, sed idonea semper utriusque est.
 Quidquid enim vel stare potest, vel quoslibet æquè
 525 Suscipere impressos motus, lentosve citosve,
 Atque huc atque illuc ferri discrimine nullo;
 Dum manet incolume & naturam servat eandem,
 Non habet unde modum magis hunc quam felicitat illum;
 Sed qualis accepit retinet: nil se movet unquam,
 530 Ni quoddam in se se lumen Rationis & artem
 Discernendi habeat, quam destituuntur inertis
 Semina Materiæ, sensu pollutia nullo.
 Cùm videoas igitur certâ ratione moveri
 Corpora, continuò motricem intellige causam.
 535 Nam mutare situm, sine causâ, qui sibi primùm
 Contigerit, res nulla potest. Quæ causa cadendi
 Est Atomis igitur, vexant quas nulla profecto
 Corpora, nec circùm tangunt, nec desuper urgent?
 In quoconque situ fuerint, ubicunque locorum,
 540 Et quoconque modo; sic & perficere necesse est.

NUNCAUTOMAESTRUEÓN
 NUNC autem cum Materiæ sint omnia plena,
 Idcirco Terram versus properare videmus
 Corpora. Nam præter, quæ nos circumfluit, auram,
 Aura fluit longè subtilior, incita miris
 545 Et tenuata modis, velut aëris ipsius aér.

SALVE Elementorum pars subtilissima, summæ
 Dexteritatis opus, summi simul instrumentum

- Artificis; gaudens humanos fallere sensus,
Ut fabri manus ipsa, & solâ mente videri:
 550 Materiae flos & sanguis, diffusus in omnes
Corporis immensi venas: Tu filia primûm,
Nunc genitrix motûs: Tu cunctis didita membris
Vasto vivere das, animalis spiritus, Orbi.
Te sine nullus honos rebus: procul iret in auras
 555 Dissiliens Tellus: firmâ tu mole revinctam
Comprimis; ac si quo terrestria corpora nisu
Desertâ sursum effugiant statione, retundis,
Et pulsata suo festinas reddere centro:
A te pondus habent; à te gravitatis origo est.
- 560 A M B I T enim Terram & pigrâ se mole moventem
Abripit incipitans valido tenuissima pulsu
Materies; circaque suum torquerier axem
Dum jubet, ac celeri correptam turbine volvit,
Volvitur ipsa comes, gyroque rotatur eodem.
- 565 N o n tamen ex illo gravitatem accedere motu
Crediderim; nam cùm Terram liquor ille volutans
Usquè parallelis nostros premat orbibus orbes,
Communemque habeat cum Terrâ turbinis axem,
Cuncta parallelo caderent tibi corpora lapsu.
 570 In Tropicis igitur, Tropicorum pondera centrum
Non Terræ appeterent; nullo discrimine, rectus,
Quàcumque incidenter, semper foret angulus axi.
Nec tamen id fieri certâ ratione patescit.
Causa ergò gravium casûs aliunde petenda est.
- 575 A B D I T A Naturæ penetralia, viscera rerum

- Ingradimur, Quinti; dictu res ardua, cunctis
Unde hæc corporibus veniat propensio. Quòd si
Hæc tibi non firmo stabit Sententia gressu,
Ast opifex motûs solertior, aspice, quanto est
 580 Nostra hæc materies, Atomis & certior istis.

P R I N C I P I O Terram liquido qui vortice cingit,
Ætheris oceanum in multas fac mente secari
Pyramidum formas; quarum pars latior altè
Surgit, ad extremas pertendens vorticis oras;
 585 At centro collecti apices junguntur in imo.
Illæ omnes se se invicto certamine librant,
Centrifugâ virtute pares; quia materiæ vis
Omnibus est eadem: quòd si qua est viribus impar,
Protinus exsuperant alia, & subsidere cogunt,
 590 Dum suspensa suas æquarint singula vires.
Ast ubi Pyramidem penetravit corpus in unam,
Mole suâ quantum est, tantum de centrifugâ vi
Detrahit; ingenitâ nam formâ particularum
Æquare ætherios tardo nequit agmine cursus.
 595 Ergò deprimitur, quæ molem includit inertem,
Pyramis; incumbunt vicinæ adiunguntque deorsum;
Undique enim à centro nisu majore recedunt.
Hæc depressa pigrum tuditando corpus adurget,
Castigatque moras, repetito verbere retro
 600 Præcipitans; versisque apicem propellere certat,
Qui Terræ tenui contingit acumine centrum.

P R A E T E R E A rapido Tellurem turbine vortex
Circumagens, pariter latere undique pressus ab omni;
In sphæram, aut sphæræ similem glomeratur in orbem.

605 Nam quā fortē minūs premeretur, scilicet illac
Efflueret, Terramque ignotis traderet undis.
At quoties latere ex omni pariterque, rotunda
Comprimitur moles, vis undique facta per omnes
Ad centrum radios concordi tramite tendit.
610 Sic grave Pyramidi immiscens se corpus, abire
Cogitur ad centrum Terræ, quòd pertinet omnis
Pressuræ radius; quāque ipsa urgetur & urget
Pyramis, hāc debet iusso decurrere lapsu.
Sic lapis ut valido jactu vibratur in auras,
615 Et fecat aérios violento vulnere fluctus,
Nititur hunc contra incumbens sublimis ab alto
Materies, talique incussa reverberat iactu,
Ut centrum versùs labi cogatur, humoque
Restitui: non ingenito, quod fingere gaudes,
620 Pondere; non vano centri communis amore,
Ut singunt aliqui; proprio non denique motu;
Sed bis vim passus, primùm à vibrante lacerto,
Mox à cœlestis pressurâ & robore molis.

N E C minūs in lymphis hujus gravitatis imago
625 Et fida & constans reperitur: scilicet unda
Nititur in fundum; inque pares divisa columnas,
Has inter se omnes libramine sustinet æquo:
Inde superficies patet uno æquata tenore.
Injice suber aquis immergens, injice ligna;
630 Ligna petent summum valido connisa natatu,
Profiliet superas celeri impete suber ad undas.
Causa rei quænam est? Nimirum liquor aqua!
Fertur in ima magis, quām lignum aut futile suber;
Libramen simul omne perit; depulsaque quantum

635 Unda suā superat gravitate hæc corpora, tantum
Debilitant liquidam, cui sunt commissa, columnam.
Ergo vicinæ vincunt, & cedere jussam
Protollunt certatim, & in altum assurgere cogunt.
Illa fugit sursum, propellens frivola, donec
640 Respat in cœlum, & reddat natalibus auris.

H I N C quæcumque latent lymphis circumdata, tantum
Ponderis amittunt, quanto se pondere librat
Par fluidi moles: tantâ nam parte levantur.
Id sentire solent, pelago qui sœpe profundo
645 Funibus extractas merces ad summa tulerunt
Æquoris, & validi, cùm solvitur anchora, nautæ.
Nam facilis primùm ascensus; juvat unda laborem:
Cùm verò aérias grave onus pervenit ad auras,
Tum labor ingeminat, contorquendoque rudenti
650 Sudans turba virûm duplicatis viribus instat.

N U N C in aquis fieri quæ diximus, omnia, Quinti,
Ætheris in pelago ratione geruntur eadem.
Hic tantum fines rerum convertito: metas
Vorticis ætherii supremas fundus habeto;
655 Esto Pyramis hic, illic quæcumque columna est.
Ut surgunt per aquas, sic lapsa per æthera cernes.
Corpora detrudi, & simili propellier æstu
Illic versum auras, hic versum concita terras.

H o c unum discrimin erit, quòd corpora quædam
660 Ima petunt liquidi, & fundo graviora residunt.
At quæ terrenâ latè ditione tenentur,
Omnia centrifugis cùm vincat viribus æther,

- Nulla queunt ullo capere ultima vorticis ausu.
Terram cuncta suam repetunt; & adacta deorsum
665 Quo mage descendunt, casu citiore feruntur.
Instat enim aura sequax, nec desinit ictibus ictus
Congeminare, fugamque fugâ premit usque fatigans.

AT cùm librantur magis aut minùs inde gravescunt
Corpora, particulis quòd sint minùs aut mage mixtis
670 Æthere: non quòd eas vacuum per frusta recisum
Segreget, ac nihilo saturas rarescere cogat:
Sed quia quidquid habent propriæ terrestria molis,
Hoc toto ad centrum pelluntur; at ætheris illa
Si quid habent, toto hoc supera ad laquearia tendunt.

675 JAM folia & stipulas, pappos, plumasque videmus
Antè quidem volitare diu, quàm lapsa quiescant;
Nam vix truduntur satis, ut diffundere possint
Æera suppositum, levibus ludibria ventis.
Sed condensa poros tenues, paucasque lacunas
680 Intus habent; facilemque aditum luctantibus auris
Dura negant; quare nequeunt eludere plagas
Ætheris obnixi contrà, sed tota resistunt;
Ut pariter totis contendens viribus æther
Ingruit, assiduo detrudens corpora pulsu.
685 Hinc ferri massæ præponderat aurea massa,
Et ferrum faxo, saxum ossibus, ossa liquori;
Tum varii inter se distant gravitate liquores,

ERGÒ corporibus stat pondus ab æthere summo
Cuique suum: hic centrum glomeratis partibus implet,
690 Continuisse premit jaculis: huc omnia trudit

Centrifugâ virtute valens: totum Aëra Terris
Incurit, immersæ quo stant; simul Aëre tectos
Continet Oceani latices, vastoque fluento
Incurvam faciem, convexumque efficit æquor.

- 695 INDE coarctatæ punctum vertuntur in unum
Omnes usquè globi partes: & si qua resultat,
Pellitur in medium subitò; magis aut minùs acri
Impete, pro vario textu, quo prædicta quæque est.
Hinc adeò quæ pressa magis, cùm fortè movendo
700 Fit vicina minùs pressæ, librantur; & illa
Defluit, hæc surgit. Non quòd levis hæc propriâ vi,
Aut gravis illa suo sit pondere: sed quia centrum
Versùs, inæquali pulsu ac ratione feruntur.
Haud secus ac geminas triplicato stamine lances
705 Cernis in ambiguo suspendi, ac vincere neutram,
Aut vinci; donec posito, si fortè lubebit,
Alterutram digito depresso, aut onus ipsi
Injicies aliquod; nam tunc onerata repente
Præcipitat, filumque trahens assurgere cogit
710 Adversam. Parit oppositos causa unica motus.
Quantumvis grave sit corpus, graviore propinquo
Fit leve: vanescit majori pondere pondus.
Quàm grave sit lignum, quanto cadat impetu, nosti;
Cùm ruit in sylvis ventorum turbine magno
715 Fraxinus, aut crebrâ truncum percussa securi:
Hanc tamen in fluvium mittas, ecce ima relinquet
Ociùs, ac totis sursum revometur ab undis:
Ære quòd lignum grave sit magis, at minùs undâ.

NAM levis est aér, si pleraque corpora cernas;

- 720 Ipse gravis : viden' è puteis ut ab aëre jussas
 Antlia tollat aquas ? Et hydrargyrus ipse , metallis
 Post aurum cunctis gravior , si clauseris illum
 In vitro , paulum subsidat lentus & ægrè ,
 Descensu dubio , ac demitti sponte recusat
- 725 Magnâ parte suâ ; tubulo cùm subtus aperto
 Funditur in lancem : suspensus denique restet ,
 Et maneat propriæ oblitus gravitatis in alto ;
 Ventorumque vices illic , & amabile sudum
 Mobilitate suâ , & certos prænuntiet imbres ?
- 730 Exteriùs viget aëriæ pressura columnæ ;
 Interiùs nulla omnino quæ deprimat aura est.
 Tum pleno si fortè cado siphona videbis
 Immersum , assiduo vix haustu educitur aër ,
 Cùm simul ascendunt latices ; fundoque relitto
- 735 Alta petunt , recidunt ; surguntque , caduntque vicissim ;
 Mæandrique cavi sinuosa volumina tandem
 Percurrunt faciles , atque uno & simplice motu.
 Haud secus , extremâ pannum si tinxeris orâ ,
 Paulatim è vasis fundo levis unda feretur ,
- 740 Et pannum latè diffusilis imbuet omnem ;
 Donec summa petens labro destillet ab alto.

ERGÒ aër levis aut gravis est ratione propinqui
 Corporis ; & quanquam currentis ab aetheris orbe
 Centrifugo semper leviorē fuscipit iustum
 745 Quam liquor omnis aquæ , tamen illum deprimit ignis ;
 Ipsaque in exiguo rarescens unda vapores .
 Haud aliter sensim tollunt se nubila cœlo ;
 Quæ matutinis vespertinisque videntur
 Temporibus , fumi in morem , consurgere terrâ ,

- 750 Sæpius è pelago , fluvii lacibusque , vel udis
 Vallibus & pratis , ubi largius incubat humor .
 Partibus aëriis quia tunc fit rarer unda ,
 Et minus ætherii persentit verberis iustum ;
 Erigitur super , atque loco sibi cedere cogens
- 755 Paulatim it sursum , cœloque potitur aperto .
 Tum solito gravior nobis ostenditur aér
 In tubulis , quos hunc ars mira paravit ad usum .
 Mercurii molem quia tum , quâ parte patescunt ,
 Opprimit incumbens ; & quâ clauduntur inanes
- 760 Aëris , urget in hanc , sursumque ascendere cogit .
 Particulæ verò surgant cùm semper aquosæ ,
 Quas magis atque magis Phœbi rarefacit æstus
 Fervidior ; tantum in numerum regionibus altis
 Conveniunt , ut jam nequeant consistere seorsum :
- 765 Frigus ibi sedenim , ne pergent altius , obstat .
 Ergò se tandem per mutua vincula necunt :
 Et sic in guttas parili magis aëre densas
 Cùm rediere , cadunt . Simul aér ipse resurgit ;
 Inferiora tenet quoniam liquor . Ociùs imbres
- 770 Labentur cœlo . Sed Mercurium antè videbis
 Ejusdem in longo tubuli descendere ramo :
 Exterior siquidem minus illum jam premit aér
 Parte ex oppositâ . Quin ipse metallicus humor
 Mercurii coctus graviorem decutit auram ,
- 775 Ac sensus hominum fugiens ascendere discit ;
 Cùm fuerint ejus sic attenuata calore
 Semina , ut aëriis gracili subtemine præstent .
- Sic ubi Vere novo squalens ager omnis in hortum
 Vertitur , & frondes meditatur sylva tenellas ,

780 Haud mora prægnanti consurgit in arbore succus
E terrâ veniens, atque ab radicibus imis.
Namque ut collectus longæ per frigora brumæ,
Ac cæcis Terræ latebris absconditus humor
Incipit afflato radiorum agitante moveri,
785 Exhalat nebulas tenues, udumque vaporem
Sulphure diluto fœtum, salibusque solutis:
Unde mador terris & fertilitatis honores.
Sic adeò per particulas attollitur omnis;
Et passim offendens in humo nutritia plantæ
790 Stamina, reptantes fibras similesque capillis,
Ingreditur tubulos facile intromissus hiantes,
Angustasque vias alimentis pinguibus implet.
Dant facilē scandenti aditum, clausoque recursum
Calle negant tenues suspenso cardine valvæ.
795 At calor interea reserat turgentia ramis
Germina, præteritus quæ sensim foverat annus.
Jamque laborati duro sub cortice succi
Erumpunt; frondemque & flores ordine miro
Implicitos, unctæ monstrant in acumine gemmæ.
800 Hæc autem ut primis valeant se efferre diebus,
Ille potest satis esse latex, quem continet arbos
Autumni memorem, & cui bruma geluque pepercit:
Verùm ut serventur posthac crescantque, necesse est
Auxilium adventare novum, succosque recentes.
805 Quâ ratione igitur suprà liquor intimus exit,
Hac etiam noyus adveniens ascendit ab imo.
Arbore sic totâ nusquam intermissa liquorum
Fit series, & qui sequitur propulsat euntem:
Utque dies crescunt, crescit quoque motus; & ingens
810 Undique productis radicibus influit unda.

Nam verni accedunt hybernis imbribus imbres:
Et jam sublimis dominatur in æthere Phœbus;
Quo calefit Terræ facies, auræque tepescunt.
Ergò tunc fibris humor venit ubere pleno.

815 Tot fontes rivis formant coëntibus amnem,
Qui truncum invadens, tenero sub cortice lignum
Irrigat, ac læto perfundit rore canales
Transversos; & alit genitalia claustra medullæ.
Nam vestas deponit opes, pariterque repertis
820 Imbuitur: formas hinc se convertit in omnes,
Dum varios penetrat longè latéque meatus;
Passim & fermento veteri commixtus oberrat,
Partibus adjiciens partes, nova tegmina priscis
Tegminibus. Sed cùm jam exuberet, omne foramen
825 Intrat, ubi resident ramorum exordia prima:
Hæc aperit, pulsatque foras, ramosque valentes,
Ac bifidos trifidosque simul producit in auras.
Ast ubi poma latent incepta, suisque referta
Seminibus, liquidam tubulis huc invehit escam.
830 Poma tument, flores cùm deposuere caducos;
Et formam accipiunt sensim, propriumque saporem:
Ac se se expandunt, pomis umbracula, frondes.
Sic uno ascensu conditi sæpe liquoris,
Qui pulsus venit è gremio telluris opimæ,
835 Et primum nata est, & mox adolescere cœpit;
Et parte ex omni crevit renovata quotannis,
Quæ nunc præcelsis è montibus eminet arbos;
Ventoque ferens nemorosa cacumina cœlo,
Radicum sylvâ terras exhaustit aentes.

840 CONTEMPLATOR item, qui fons deveyctus in hortum

Vertice ab excenso montis, reserata sepulcri
Ostia cum fuerint, plumbique solitus opaco
Carcere, deductos jaculetur ad aethera fluctus:
Atque ibi se se ipsum conspergens rore reflexo
845 Dissipet in gemmas; factusque argenteus imber,
Cum sonitu tremulo stagnans diverberet aequor.
Scilicet impulsu saliens effertur eodem,
Quo summâ praeceps ab origine venerat illuc
Declivis: fecitque levem, modo cum gravis esset,
850 Continui series tantum inclinata canalis.
Ceu duo cum surgunt adversâ fronte supini
Contiguis montes radicibus: ecce revulsus
Vortice ventorum, aut tacitis suffossus ab annis
Fortè filex, summo alterius de culmine praeceps
855 Si ruat, immanni lapsu petit ima resultans
Improbis; angustâ sed non in valle quiescit;
Verum ipsâ gravitate levis, jam surgere montem
Audet in adversum, atque animoso proxima saltu
Appetit; exhausto donec latera ardua motu
860 Deserit æger, inersisque relapsâ mole recumbit.

POSTREMÒ coelum observes. Ibi nare Planetas
Telluri non absimiles, & corpore crassio,
Æthera per liquidum, ac volvi constanter in orbem
Cernimus; enormes quasi sint sine pondere massæ:
865 Quandoquidem fluidis, æquè ac nos, undique cincti,
In nullam possunt Mundi subsidere partem:
Sed, quo sunt positi semel, illo deinde moveri
Curriculo debent: ut non mutabilis unquam
Orbita sit, nullisque forinsecus obvia plagis.
870 Sol illis verè centrum est: nec definit illos

Incutere in Solem, quoad in se est, concitus æther.
Sed quia substrato pariter sunt aethere fulti,
Et vim centrifugam jugi obtinuere rotatu,
Propterea servare locum coguntur eundem;
875 Viribus hinc atque hinc libratis; ordine miro
Quem tua gens vel nescivit, vel scire refutit,
Scilicet invisum metuens ibi cernere Numen.
Sed quamvis omni cassus gravitate Planeta,
Suspensusque suo videatur currere coelo;
880 Non ita, quæ vasto complexu corpora portans
Circumagit secum, & privato turbine versat.
Namque his officiunt fluida, & suus ingruit æther,
Ne proprium linquant, cui sunt addicta, Planetam.
Unde, brevi ad massam redeant projecta, necesse est:
885 Quo fit, ut is molem servet constanter eandem.

Ho c igitur teneas animo seruesque fidelis,
Quod Ratio docuit, quod & Experientia monstrat:
Nil grave per se se est; gravitatis plurima quamvis
Nomine donentur, tanquam foret indita virtus.

890 ET verò videas naturæ multa referri,
Quæ tamen in dubio est an primitus insita verè,
An magis ex alio veniant superaddita rebus.
Credis aquam ex se se, naturâ & sponte liquentem?
Aspice concretam. Vi frigoris algida, dices,
895 Vertitur in glaciem: quin vi liquefacta caloris
Difflit, urgebo. Scytha judicet; ille rigenti
Sub coelo natus, totum qui penè per annum
Venatur niveos solidis in fluctibus ursos;
Aut Magellanæ vix cognitus incola terræ;

900 Perspicuum lapidem & crystalli fusilis instar
 Credet aquas, æstu faciles quoquaque resolvi,
 Naturâ duras, alieno ardore fluentes:
 Ceu gummi nobis, & pix & cera videntur:
 Et qualem fore credis aquam, si Phœbus abesset
 905 Annos tres, & continuâ sub nocte jacerent
 Stagna, lacus, fontes, & mobilis æqua ponti.
 Ut rem quisque videre solet, sic æstimat ejus
 Naturam, & proprium statuit, quod moris apud se est.
 Porro neuter aquis status est, quem dicere possis
 910 Innatum: namque unda fluit, motantibus intus
 Partibus ignitis; glacie constricta rigescit,
 Partibus ignitis illinc abeuntibus. Unde
 Corpus idem atque unum lapis est, humorque vicissim.
 Ecquid durius est, rigidi quam robora ferri?
 915 Dura tamen ferri solvuntur robora flammâ.
 Igne volatilius toto quid in Orbe videtur?
 At silice in durâ vincitus desesque maneret
 Semper & ignotus, tandem ni claustra paterent
 Conflictu chalybis, quo percutiente solutus
 920 Emicat; attriti mordet fragmenta metalli,
 Et jacit in teretes penitus liquefacta favillas.
 Usque adeò nec tam fluitantia corpora cernes,
 Quæ non sistantur; nec sic adamantina, quæ non
 Evadant fluida, atque aliquo solvente liquefiant.
 Sic etiam constare gravi quæ mole feruntur,
 925 Hæc levia esse queunt: gravitas in corpore nulla,
 Nullus & in centrum nifus: quoquaque videtur
 Pondus ab impulsu venit, alteriusque prementis
 Est opus. At nihil est Atomos per Iuane quietum
 930 Quod feriat, pulsetque: Igitur fatearis oportet,

Principium

Principium fore tunc nullum gravitatis in illis;
 Ac nullò quatiente hæsuras omnè per ævum.

Fis a suis numeris Neutonia Secta, reciso
 Impulsu, magicis totum dedit artibus Orbem.
 935 Sol trahit errantes Sphaeras, trahiturque vicissim;
 Prævalet ingenti massâ, centroque potenti,
 Nec tamen adducit; nam tramite pergere recto
 Impetus est ollis, jam primo impressus ab ævo.
 Mutua vis etiam rapit, atque hinc inde trahuntur
 940 Conatu sociarum, & centro abscedere tentant.
 Nascitur è tanto mediis certamine motus:
 Unde per ovatas simul unusquisque Planeta
 Cogitur ire vias, Kepleri dogma fecutus.
 Ingeniosa quidem, certisque accommoda cœli
 945 Motibus, hæc solido staret si machina fundo.
 Accipimus numeros, quia rem describere possunt;
 Respuimus causam, gratis quia facta videtur.

PRINCIPIO quæram, quid sit vis illa trahendi?
 Respóndent; vis est, per quam in statione quiescens
 950 Corpus agit tamen in distans, atque imprimis olli
 Motum ad se directum, & iners accedere cogit;
 Inter utrumque licet nil sit quo tangere possit
 Aut tangi, sed solum occulta & mutua virtus.
 Ostensum est corpus non ullum posse moveri,
 955 Id nisi Mens regat imperitans, quæ vertere malit
 Quam servare situm; quia corpus utrique paratum est:
 Præterea, si maluerit, quæ feligat unum
 Ex infinitis & circumstantibus (æquè
 Quos & inire potest) radiis, aliosque relinquat:

L

960 Tum citò, seu lentè, prout ipsi nempe libebit.
Hæc Mens una potest; nequit his sine motus oriri:
Ergò mentis inops, per se est immobile corpus.

A ST ubi mens motum impressit, jam corpora certum est
Nunquam posse trahi, serie nisi juncta fluentis
965 Aut solidæ, per quam se motus utrinque propaget,
Materiæ: quoniam fit per contagia motus
Corporis in corpus. Quodcumque movetur, oportet
Impelli, & tangi quodcumque impellitur. Ergò
Conjungi tractum atque trahens per vincla necesse est.
970 Haud aliter currum rapiunt per aperta quadrigæ
Alipedes, stadiumque vorant. Sic æquore in alto
Malus agit navim, cui strictè insertus adhæret,
Et malum antennæ, atque antennas turgida vela,
Velaque ventorum flatus, sive incitus aér.

975 QUINTIAM in solis attractibus omne movendi
Ponere principium, varia inter corpora mentis
Indigæ, continuò est agnoscere corpus ineptum
Ad proprios motus, cunctis conatibus impar:
Atque ita mansurum, nisi vis aliunde petatur.
980 Unde autem hæc veniet? simili-ne à corpore, nullis
Viribus instructo, pariter quia mentis egenum est?
Sed res nulla potest quod non habet, hoc dare cuiquam.
Ambo igitur pigro torpēt immota veterno.

HÆC manifesta patent. Quid jam Neutonia proles?
985 Dos ea Materiæ, Natura maxima lex est.
Ergò Naturæ lex est, & Materiæ dos,
Ut fiat si quid fieri nequit. Optima sanè

Regula digna Sophis, & correctoribus Orbis!
Motus causa quies, & opum fit māter egestas!
990 Jam nunc Mechanici taceant, & quærere cessent
In ventis, in aquis, in ponderibus suspēnsis,
In jumentorum nervis, hominumque lacertis
Auxilium impulsūs. Et quid reperire laborant
Organa mille, modosve, quibus transfundere motū
995 Ex uno valeant in cætera corpora, vectes,
Atque rotas, funes, trochleas, & elastica? Quare
Vel minimo metuunt affictu absumere vires,
Arte Geometricâ Naturæ gesta secuti?
Nam sic veliferæ percurrunt æquaora puppēs;
1000 Sic junctis tellurem exerceat bobus arator,
Sic fabricæ surgunt, latices tolluntur in auras,
Sic mola confringit segetes, & vina premuntur;
Ut cor sanguineos vibrat per membra liquores.
Heu miseri! sine tot conflictibus, & sine tantâ
1005 Instrumentorum serie, per Inane quietum
Attractus parit omnipotens miracula Mundi;
Et quanquam nihil est, rerum caput esse jubetur.

SINGULA concordant, inquis, cum attractibus. Esto:
Singula concordant etiam cum impulsibus. Illi
1010 Non intelligimus quid sint: hos cernere promptum est;
Obvia continui sequimur contagia motū
Per mare, per terras omnes, perque aéra passim.
Nunquid Natura est mutabilis & sibi discors?
Hic pellens, alibi traheret? Dum causa vel una
1015 Sufficit, oppositas mallet-ne admittere causas?

VERUM, ais, attractus etiam hic vestigia quædam
Lij

Non desunt. Olea haud multùm distantia se se
Continuò miscent: eadem, cùm lamina duplex,
Quà parte ora patent, recipit, properare videntur
1020 In partem quæ clausa. Tubus tenuissimus altè
Suspensam constringet aquam, labique vetabit.
Quis nescit magnete rapi vix mobile ferrum,
Electris paleas, auri ramenta vel æris;
Viisque hanc funiculo longinqua in corpora duci?
1025 Succus in arboreos posset ne assurgere truncos
Vere novo, seu ramorum in sublimia ferri,
In frondem, in florem vertendus, & in sua poma,
Contra naturam gravitatis, juraque centri,
Ni tacitè sub humo radix crinita latentem
1030 Sugeret, ac fibræ circum supràque vocarent?
Sic paulum immersos aqua percolanda repente
Cernitur insolito cursu transcendere pannos.

H E C tu dum enarras, quod erat dubitabile, ponis;
Scilicet attractu fieri: secus omnia fiunt.

1035 Corpus enim quodvis involvitur atmosphærâ,
Hoc est, effluvio subtili particularum,
Quæ semper magis aut minùs effunduntur in auras,
Unde retorquentur, quoniam illas reprimit aér,
Compulsasque adigit, quantum compellitur ipse.
1040 Quòd si, dum volitant, fortè in corpuscula quedam
Inciderint, ea corripiunt, nisi massa resistat,
Et motûs in centrum abigunt vi simplice pulsûs.
Sic gutta è ramis pendens, cùm decidit imber,
Orbe suos tenui sustentat gemmea casus;
1045 Sic cohabetur aqua in tubulis constricta minutis;
Sic interceptus gemina inter vitra, recessus

Nititur in cæcos, tardus licet, humor olivæ:
Partibus ex aliis validè quia pressus, ab illâ
Non itidem, certè concedere debet in illam.
1050 Ast olea inter se quando aspirare videntur
Cominus, injiciunt sibi vincula; dum fugit aér
Qui mediùs, verùm qui suprà, incumbit & urget:
Quid mirum, citius quòd se per mutua jungant?
Magnetem qui spectat, habet clarissima pulsûs
1055 Argumenta. Vide, chartam si texeris albam
Pulvere quem ferro detraxit lima minutum,
Affinis quantum valeat præsentia faxi.
Undique Materies cœstro quasi percita currit,
Vorticis in morem, formans concentrica circùm
1060 Agmina, demonstratque vias quibus intrat, & exit
Effluvium, geminosque polos: tum pendula ferri
Massa triplo gravior lapidi se se applicat ultro.
Cætera quæ cumulas, suprà jam evicta patescunt.
Ergò tuum ingenio *systema* superbit inani.

1065 H A U D ego (Neutonus clamat) *systemata* fingo.
Ille quidem haud fingit, sed dudum ficta coaptat.
Virtutem occultam, & cæcos in corpore sensus
Debet Aristoteli; Vacuum tulit ex Epicuro;
Ast utrumque logi: proprium tamen ille duobus
1070 E nihilis Totum conflat, mirabile dictu!
Cartesio bellum indicens, qui cuncta volebat
Mechanicè fieri, pulsuque à Mente profecto.
Hic aliis nonnulla quidem emendanda reliquit;
Idque lubens fateor, non omnes omnia possunt.
1075 Erudit ipsa dies, ætatem corrigit ætas;
Et nova monstrantur studio quæsita per annos.

Sol patitur maculas, Lunâ occultatur opacâ
 Interdum, sœpe & velatur nubibus atris:
 Usquè tamen lucis pater est, manet interea Sol.
 Ergò Cartesium temerè insectantur & urgent,
 Qui nihil obtrudunt nisi somnia Fatidicarum.
 Nec redimit genus hoc vitii perfecta Mathesis.
 Scilicet illa modos tantùm describit agendi,
 Naturam verò non investigat agentis.
 Cùm fieri possit numeros det ut Algebra rectos,
 Absurdo ad libitum posito quasi certius esset.
 At Sophiæ est causas, non tantùm effecta notare:
 Dux Veri Sophia est; Sophiæ germana Mathesis;
 Ambæ concordem gaudent impendere curam;
 Utraque naturam complectitur, altera manca est.
 Motum hunc si casu fieri, vel amore docerem,
 (Hæc habuere suos etenim commenta patronos)
 Turbinis aut instar crepitantibus ire flagellis
 Sidera percussa, & variâ vertigine volvi;
 Si canerem aurigas illis assistere Divos,
 Credidit ut cœli plerumque ignara Vetustas,
 Et cursum inter se pactum servare regendo;
 Si fretus Ptolemæo, operosos orbibus orbes
 Adjicerem, usquè novis cœlum intricans Epicyclis;
 Legitimos possem numeros implere: quid inde?
 Veraces numeri, mendax at causa subesset.
 Talis erat Physicæ facies, cùm obscura perosus
 Cartesius lucem induxit, larvasque fugavit,
 Ipse Geometriæ princeps, at subditus illi;
 Atque viam Veri munivit ad ardua templa.
 Ast ubi vorticibus totum serviscere cœlum
 Edocuit centrum fugientibus, unde repulsa

In Solem sphæræ, rectâ tamen ire vetantur,
 Flumine centrifugo quoniam rapiuntur & ipsæ;
 Nil dixit quod non probet experientia motûs
 In gyrum, certæque super libramine leges;
 Quod non sit facile intellectu, quodve repugnet.
 Tu, Neutone, secus; dum vim per inania inanem
 Pro radice locas. Numera, metire, reforma,
 Nam quis te meliùs possit? Verum adjice Vero;
 Plaudemus, justumque tibi Pæana canemus.
 Duri-ne, an molles, quibus omnis conditur æther,
 Sint globuli, possint servatâ lege Kepleri,
 Ovatâ circa Solem vertigine volvi,
 Vorticulosque suos agitare in vortice magno,
 Contemplare; tuo pendemus ab ore docentis.
 Thessala sed nusquam per te commenta resurgent.
 Namque Deus, non Materies, par esse movendo
 Cernitur; hanc legi Mentis parere necessum est.
 Si nunc, rite memor, quæ sunt evicta remensuſ,
 Omnia colligere, inque unum componere fascem
 Non refugis, Quinti; quām longè dissita Vero
 Sint Epicurei vatis mendacia, nosces.
 Tot talesque Atomos quas stare haud posse probatum est,
 Effingit: motum his, quem funditus esse repugnat,
 Esse jubet. Quid respondes, facunde Lucreti?
 Ecce immota tibi pendent exordia rerum
 In Vacuo. Quām vasta quidem, sed quām irrita languet
 Materies! Quis habet sopor, aut lethargus inertem?
 Libera sunt spatia, & certè non obstat Inane.
 Torporem in pleno timuisti; nec minùs illum
 In Vacuo reperis. Verùm si montibus ornos

- Carmina, si possunt cœlo deducere Lunam,
Deduces Atomos, et si gravitatis egenas.
 1140 Dic, age, descendant: ut solem & sidera fingas;
Ut circumfusus Tellurem investiat aér;
Ut magnam Oceanus partem Telluris inundet;
Ut se se attollant montes; ut gramina campis,
Ac sylvæ crescant; habitentque animalia Terras.
 1145 Nil agis: ecce sedent Atomī, semperque sedebunt.

FINGITUR Alcides, Lernæ dum vinceret Hydram
Multiplicem, clavā & ferro metuendus & igni,
Vix unum exsecuisse caput, cùm sanguine ab ipso
Ecce novum linguisque minax & dentibus uncis
 1150 Prodierat subito: nec jam spes certa triumphi:
Nil cædes, ictusque juvant. Stetit acrior Heros
In redivivam hostem; secundaque vulnera flammis
Exurens, tandem oppressit reparabile monstrum.
Haud secus Impietas, quamvis ad prælia Numen
 1155 Usquè vocet, semperque novos exasperet angues,
Unius cadet ætherio rationis ab igni.

JAM verò censes Atomos resilire coactas
Continuò sursum attolli, cùm fortè cadendo
Perculerint alias discordes, ac minus aptas
 1160 Nexibus. Hæc autem Vero sententia pugnat
Multimodis. Primò sequitur nullum esse liquorem,
Ac nihil in Mundo fluidum potuisse creari.
Scilicet è globulis fluidi genus omne liquoris
Levibus ac prorsum terris existare, docebas;
 1165 Particularum etenim de mobilitate fluorem
Totius nasci constat. Tollatur ab illis

- Mobilitas, ecce incipiet concrescere totum.
Ni terfae fuerint, ni leves atque rotundæ,
Perpetuo inter se vix possunt fervere motu.
 1170 Sed ni compositæ pariter glomeramen in unum
Et coacervatæ, corpus formare nequibunt
Quale est ætherium, qualis quo vescimur aér;
Qualia sunt omnes maria involventia terras,
Ac super atque intus nostrum diffusa per Orbem.
 1175 Verum age, tot globuli magnum per Inane vagantes
Quo jungi potuere modo, ut coalescere in unum,
Ac seorsum tantas possent compingere moles?
Nam neque sunt furcis instructi, hamisque recurvis;
Quales vis Atomos alias per mutua nefti,
 1180 Quarum è conventu condensa vel aspera surgant.
Plana superficies globulis: quacunque prehensos
Dixeris, effugient; neque carpi aut carpere possunt:
Est ea nam tereti sua dos innata figuræ.
Ergò cùm globulus globulum percussit, ab illo
 1185 Protinus exiliens Vacui suprema petivit.
Discordes igitur cunctos fateare necesse est;
Quoque magis similes, minus hoc compingier aptos:
Hinc ideo nullum fieri potuisse liquorem.
Si propriâ dicas tandem gravitate relabi,
 1190 Quanquam per Vacuum cogi renuere cadendo,
Et sic in centro feliciter esse coactos,
Extemplo regeram: nostris hæc fabula telis
Profligata jacet, toties cur victa resurgat?
Non hic res, ut sunt modò, sed primordia rerum
 1195 Quærimus, & motum qui primitus illa coëgit.
Non erat in vacuo gravitas, hoc rite probavi.
Jamque probo globulos nullis coalescere posse

Motibus; idcirco quia si motore carentes
Vi propriâ & quoque modo per Inane feruntur,
1200 Protinus aversi, cùm se tetigere, recedunt.

VERUM, quod mirere magis, dulcissime Quinti,
Quem perhibes ille ipse nequit globuli esse resultus.
Hic te etiam demens Epicuri inscitia fallit;
Omnia qui sensu, nihil autem lumine mentis
1205 Æstimat, erroresque novos erroribus addit.
Parietis offensu pila viribus acta resultat,
Contorsit quam reticulo circumundique tenso
Strenuus in nigrâ Juvenis validusque palæstrâ;
Eque solo, cùm lapsa fuit, sursum incita fertur.
1210 Quapropter? Quoniam stratum pariesque resistunt,
Acceptâ motû aliquantâ parte; pilamque
Nonnil flexibilem (quo constat elastica virtus)
Paulum complanant, ac firmâ mole retundunt.
Hoc pila non faciet, si fluxa in retia forte
1215 Inciderit; motum quia sorbent protinus omnem:
Non faciet, vel si lapidem glans plumbea tundat;
Dilatatur enim, quia mollior: hujus & omnes
Particulæ nimio quassæ violenter ab iactu,
Mutavere situm. Nec verò ferrea valde
1220 Glans resilit, quoniam nimio durata rigore est.
Hinc duo junge simul, vera ut sit causa repulsûs,
Quo corpus remeare eadem vestigia retro
Cogitur, obliquum vel saepe refringere cursum:
Scilicet, ut partim sit durum, & flexible partim,
1225 Atque ita confictu paulum mollescat in ipso.

His animadversis, jam res tibi clara patebit.

Si per Inane cadens Atomus contundere posset
Præcurrentem Atomum, quî posse resistere credis
Offensam? Certè statio nec firmior illi est,
1230 Nec robur majus: descendunt viribus æquis,
Æquali sunt mole, viam sectantur eandem.
Si staret, minimè illapsam reflectere posset;
Ergò, cùm fugiat, multo minùs ista resistit.
Per motûs igitur leges quid fiet utrinque?
1235 Aut necti poterunt faciles; ac tum simul ibunt:
Aut minimè poterunt necti; tumque impete facto
Labentur seorsum. Veluti de nubibus atris
Undique præcipitans ruit arvis noxia grando,
Et vitem ferit ac segetes & testa domorum.

1240 PRÆTEREA, Virtus non est ut elastica possit
Alterutram sursum, verso in contraria motu,
Pellere. Ponis enim naturæ infelixis omnes,
Ac summè duras Atomos, suminéque rigentes.
Ergò, ut se feriant, nunquam resilire valebunt.
1245 Nunc autem, quia vorticulos in vortice magno
Ponimus innumeros, qui semper aguntur in orbem,
Expositu facile est, cur corpora saepe resultent;
Qualis humum repetens, pueris jastantibus, altè
Tollitur, atque iterum pulsatur in aëra follis:
1250 Cur etiam tractus validè, ac molimine magno
Tellurem versum, nec ruptus in arbore ramus,
Tum sibi permisus propriâ virtute resurgat:
Cur contorta suis conetur lamina vinclis
Exsolvi; ac subito, si tandem libera, nisu
1255 Consuetam in formam redeat: Cur milite Partho
Mendacem simulante fugam, & vibrante sagittas,

- Contractum primò , & laxatum denique funem
 Ligneus extendat, se se dum corrigit, arcus :
 Cur sclopum explodas compresso, deinde remisso
 1260 Aëre , namque modum nosti : Cur denique pulvis
 Martius (humani dirum, at mirabile semper
 Ingenii , possent animum si nota movere ,
 Portentum) prunis, & nitro & sulphure mixtis
 Conflagret subitò , frangatque potentiùs igni
 1265 Fulmineo rupes , & propugnacula vertat :
 Aëris interius pressi cùm flamma suborta
 Explicit minimas & solvit carcere partes.
 Omnibus his etenim celer ac circumfluus æther
 Insolitum tradit privato ex impete motum ;
 1270 Ociùs ingrediens occlusos antè meatus ,
 Et laxata novis agitans corpuscula plagiis.
 At certè in medio nullum æthera ponis Inani :
 Exulat hinc adeò , per quam congressa resulant
 Semina, vel retro pulsantur, elastica causa.
 1275 I C T I B U S hisce tui nunc tandem eversa Lucreti
 Fundamenta reor : siquidem gravitate negatâ
 Seminibus , torpent æterno languida somno ;
 Et gravitate datâ , nihil est quod gignere possint.
 Nativos igitur motus in Materiæ vi ,
 1280 Fortuitos etiam nexus exclusimus omnes.
 Nec ridenda minùs vani commenta Poëtae ,
 Sive parit , sive ire jubet primordia rerum.
 Ergò nunc sileat tantisper , & ora pudore
 Tincta tegat ; donec revocem ad certamina victum.
 1285 Sed velut obsessæ defensor strenuus urbis ,
 Cùm videt adverso jam plenas milite fossas ,

- Diruta munimenta , ipsumque in moenibus hostem ;
 Non se propterea dedit ; quin acer in arcem
 Confugit , & vallum sudibus prætexit acutis :
 1290 Hinc prorumpit adhuc , hinc tela novissima torquet :
 Sic per inexhaustas accensa cupidinis artes
 Impietas alio renovat sub vindice pugnam.
 Sed , quocunque Deum fugiens penetraverit , audax
 Insequar , ipse manu nova sepimenta revellam.
 1295 E R G ò si spretis tandem castris Epicuri
 Xeinophanemve ducem , aut Spinosam transfuga adires ,
 Perquiren in Materiæ non partibus ipsis
 Divisim sparsis , at summâ & corpore pleno ,
 Principium motûs , tibi non melioribus irent
 1300 Auspiciis nova bella , novus labor. Undique surgent
 Argumenta tuæ penitus contraria menti.
 Quocirca serues animo , monitusque revolvas ,
 Impulsu corpus duntaxat posse moveri ;
 Nec fore , tot calles inter quibus undique cinctum est ,
 1305 Unum ut sponte ineat , par omnibus æquè ineundis.
 Ergò nisi in motum , causâ impellente , feretur ,
 Stabit iners , placidumque suâ in statione manebit.
 E s t o , inquis , pellatur : at est fortassis in omni
 Materiæ textu motûs æterna propago ;
 1310 Quâ fit , ut impulsu vicino à corpore corpus
 Corpora consimili vicina reverberet istu ;
 Detque quod accepit , tali ratione modoque ,
 Ut nec principium , nec finis motibus insit.
 Quàm citò , quàm facile , ô Quinti , lucem effugis ipsam ;
 1315 Et documenta tuo labuntur pectore nostra !

Non potes impulsus illos admittere semper
Acceptos, semperque datos, quin singula ponas
Corpora cum dederint plagam, accepisse priorem;
Nec potuisse dari, quae non accepta fuisset.

- 1320 Propria conditio est igitur naturaque motus,
Traditus ut fuerit. Debet procedere semper
Ex motore aliquo, cœu filius è patre nasci.
Ergo in Materiâ cum sit, transfusus in illam
Advenit causâ ex aliquâ: quæ causa profecto
1325 Non est Materies, non est brutum & rude corpus,
Nam si esset, qui feligeret, rationis egenum?
Materies adeò vel motum extrinsecus hauisit
Ex aliquâ re incorporeâ, mentisque potita;
Vel partem sanè quamdam illius esse necesse est,
1330 Quæ nulli acceptum referens, in cætera motum
Corpora distribuat: sed motum diximus antè
Transfundî; quare hic subito sine patre repertus.
Nonne etiam pars Materiæ, quæcunque sit illa,
Corpus erit rationis egens, ac persimile illi
1335 Quod modò fassus eras per se non posse moveri?
Ergo, ut Materiæ pars nulla est, quæ mera non sit
Materies, nullam omnino sic esse fatendum est,
Quæ propriis unquam se viribus erigat ultra
Vires Materiæ, & valeat traducere motum;
1340 Ni susceptum ab eo, motum qui gignere possit.

CERNIMUS assiduâ Solem vertigine volvi,
Turbinis in morem directi semper ad Euros.
At Sol converti poterat constanter ad Austros.
Quid vetuit rem sic fieri? Solisne voluntas,
1345 An lex Materiæ? Solem si velle putabis,

- Græca supersticio grates tibi læta rependet.
Si lex Materiæ; tali ergò lege necesse est
Impetus ut semper calidis aversus ab Austris,
Omni in Materiâ per se contendat ad Euros.
1350 Hoc, vel si taceam, experientia sola refellit.
Motus enim partes Mundi contendit in omnes.
Materiæ non est igitur convertere motum.
Et quia nullus erit nisi sit conversus in illud
Hocve latus Mundi, victus fatearis oportet,
1355 Ex illo motum accepisse ut funditus esset,
Unde etiam accepit talis vel talis ut esset.

PRÆTEREA, quidquid naturâ tale videtur,
Illiut nequeant esse uno tempore partes,
Ast aliæ veniant semper, semperque creentur
1360 Post alias, æternum illud sibi fingere nemo
Sanâ mente potest. Totum quodcumque vocamus,
Naturâ esse nequit diversum à partibus ipsis.
Nam Totum esse nihil nisi summam particularum,
Cernimus. Hinc motus si per se æternus habetur,
1365 Particulas omnes æternas esse necesse est.
At, quæ, dum loquimur, veniunt, ac temporis omni
Momento natæ, nec heri, nec nuper, ut ipse
Credis, erant: non sunt æternæ; nullaque proinde
Æterna est. Igitur, quod constat partibus illis
1370 Perpetuò genitis, æternum credere noli.
Cur genus humanum jugi reparabile foeti,
Esse novum, recteque putas? Hoc scilicet ipso,
Quod sit perpetuò reparandum; ac filius esse
Debuerit, quicumque pater. Si filius; ergò
1375 Non est æternus: quia patrem, sive priorem

Agnoscit, quo proveniens exivit in auras.
 Semina de arboribus, de semine provenit arbos.
 Nulla arbos igitur, nullum quoque semen ab ævo.
 Sic ortum cepisse diem noctemque necesse est:
 1380 Nempe dies noctem sequitur, sequiturque diem nox.
 Neutra potest ergò per se, aut æterna vocari.
 Utram etenim natam dices, utramve parentem?
 Non æterno etiam tempus prolabitur ævo;
 Quando ex particulis (memini me dicere pridem)
 1385 Semper progenitis constat, semperque caducis.
 Ver, Æstas, Autumnus, Hyems, annum ordine ducunt;
 Inque vicem se se, Mundi argumenta recentis,
 Excipiunt. Inter sibi succendentia nullum est
 Quod non post aliud veniat: nullum ergò suā vi
 1390 Tempus & usquè fuit; nullum consistere posset,
 Ni causæ arbitrio, primum quoddam esse jubentis,
 A quo deinde fluant reliqua, alternisque recurrent.

QUID NI, respondes, nativo jure moveri
 Omnia dicantur? Placeat conjungere motum
 1395 Corporibus, dotem ut propriam, nullius egebunt
 Impulsu: frustra motū quæretetur origo.
 Talia de formis Atomorum Somnia nuper
 Jactantem audivi. Nolebas indiga fabri
 Corpora; motoris pariter non indiga velles.
 1400 Unde ego jam notis sermonibus utar; & illa
 Quo cecidere modo, facili cadet hoc quoque pulsu.
 Si nativus erit per se se in corpore motus
 Ut dos Materiæ; qualis, quantusve, rogabo:
 Quam versus Mundi partem? Lentusne, citusne?
 1405 Rectus, an obliquus? Forsan curvatus in orbem?

Nam

Nam cuncti esse simul nequeunt: unum esse necesse est.
 Si talem aut talem dicas; alium esse repugnat:
 Nam secus esse nequit, natura quod ipsa poposcit.
 Sed motū nullæ species cum corpore pugnant:
 1410 Cur ergò hanc per se præ cunctis corpus habebit;
 Äquo jure aliam per se cùm possit habere?
 Hanc etiam, si per se habeat, variare nequibit:
 Nam quod naturæ est, nullâ est mutabile causâ.
 Sed motum semper variari posse videmus:
 1415 Ergò Materiæ nativum haud esse fatendum est.

NEQUIQUEM objicias: ut qualemcumque figuram
 Certò corpus habet, quamvis nullam sibi certò
 Vindicet ante alias; ita motum corpus habebit
 Qualemcumque, licet valeat sibi sumere nullum:
 1420 Atque hunc externæ variabunt denique causæ:
 Ut rota circumagit directo fluminis ictu;
 Cùm secus haud possit proprio super axe moveri.
 Sic ais? Ecce quies è rebus tollitur omnis;
 Nec motu caruisse, ut non caruisse figurâ,
 1425 Corpora jam possunt: quod nec tu effarier ausis.
 Esse figuratum nam corpus quodque necesse est:
 Rem, positus limes qui terminat, ipse figurat.
 Sed corpus nullâ motum ratione requirit:
 Stare potest; neque naturam, statione quietâ,
 1430 Corporis amittit. Moveatur, sive quiescat,
 Corpus idem remanet, compactum è partibus iisdem.
 Nonne etiam, tibi dum gravitas nativa placebat,
 Collapsas Atomos, in centrum fortè cadendo
 Si tandem veniant, ibi tum cessare putabas?
 1435 Pausam ergò requiemve Atomis aliquando futuram

M

Intellexisti , motum his non esse perennem ;
Nec tibi propterea visæ sunt interituræ.

H u c accedit , uti corpus circumundique pressum
Si fuerit , nullâ possit ratione moveri.

1440 Plenum ideo Spatium tu formidare solebas ,
Corpora ne turpi starent immersa veterno :
Nec peritura tamen , quamvis immota , putasti ,
Tum si mole pari , necnon & viribus æquis
Concurrent adversa duo , evanescere motus
Cernitur , & placide succedunt otia pacis.
Materies igitur motum non sponte requirit ,
Ut sibi conjunctum ; nam corpora saepe quiescunt :
Nec verò requiem ; nam corpora saepe moventur.
Nativus quare non est in corpore motus ;

1450 Nec nativa quies. Jam cernis utrumque modorum
Esse genus : quoniam , Naturâ semper eâdem ,
Corporibus possunt & adesse , & abesse vicissim.
Qualis homo jaceat molli seu lento in herbâ ,
Seu perniciis equi fodiat calcaribus armos ,

1455 Semper homo est. Ita nil proprium sibi comparat aër ,
Amittitve , silet coelo cùm fortè sereno ,
Vel cùm terribili ventorum turbine raptus

Sternit humum fylvis , quassas ruit æquore naves .
Sic Anio , postquam de rupibus orta Sabinis
1460 Flumina tranquillus vexit sub Tiburis arcem ,
Deficiente solo confestim , alveique ruinâ
Præcipitatur , & in barathri prærupta fragosus
Mergitur ; ac niveo despumans imbre resultat ;
Unde levem tollit nebûlam quâ pingitur Iris .

1465 Rursum & vorticibus per concava faxa retortis

Infremit ; & cæcas fluctu subeunte cavernas
Ingressus , vallem crebris mugitibus implet .
Hinc redit ad lucem : dein per juga collis amoeni
Labitur in centum rivos divisus ; & ima
1470 Cùm tetigit , subito dispersas colligit undas ,
Et placido Latios interluit agmine campos .
Sed nihil ipse novi tot motibus accipit usquam ,
Non primùm à lapsu , præceps cùm decidit omnis ;
Nil quoque dum resilit ; nec , dum sorbentibus antris
1475 Ingeritur ; nec dum variis amfractibus exit ;
Aut ubi declivi tacitus prolabitur alveo .
Quid fieri censes , ubi corpus fortè quiescit ?
Nempe situm servat . Vel quid , cùm fortè movetur ?
Nempe situm mutat . Verùm si tempore paulo
1480 Et multùm & crebrò situs hic variabitur , ecce
Motus erit velox : multo si tempore paulum ,
Lentus erit . Quâ parte situs hi deinde novantur ,
Et quam describunt mutati saepe figuram ;
Hinc titulos motus , diversaque nomina sumit .
1485 Ergò continuata rei positura , quies est :
Continuata situs autem mutatio , motus .

O M N I S at ille situs , seu permanet unus & idem ,
Mutaturve , rei modus est , veréque modorum
De genere , in rebus qui sunt aliquando , vel absunt .
1490 Unde patet , quales jam vidimus esse figuræ ,
Tales esse situs . Duplex natura figuræ :
Altera nam fines rectos habet , altera curvos .
Sic etiam positura duplex : quæ permanet , & quæ
Mutatur . Sicut nulli est addicta figuræ
1495 Materies , nulli est posituræ dedita : nullam

180 ANTI-LUCRETIUS, &c.

Affectat, nullam renuit, par omnibus æquè :

Impertire sibi nullam, deponere nullam,

Aut variare potest; & quam tenet, usquè tenebit,

Quandiu ab externo non immutabitur istu.

1500 Esse nequit corpus sine qualicunque figurâ :

Sed curvos habeat fines, rectosve, perinde est.

Absque situ quoconque nequit consistere corpus :

Ast illum servet semper, mutetve, perinde est.


Ergò cùm motus posituræ sit genus unum,

1505 Quo sine Materia est, naturamque integra servat;

Corporibus, si non aliunde afflabitur, absit,

Advena Materiæ toti, peregrinus, & hospes.

Finis Tomi primi.



ANTI-LUCRETIUS

DE DEO ET NATURA

LIBER NOVUS

ANTI-LUCRETIUS,

MELCHIORIS DE POLIGNAC

OPUS POSTHUMUM

SIVE

DE DEO ET NATURA.

TOMUS SECUNDUS.

UNIVERSIDAD AUTÓNOMA DE NUEVO LEÓN

®

DIRECCIÓN GENERAL DE BIBLIOTECAS

M.D.C.C.XLVI

ESTRATIFICADA ET DEDICATA IN ADOPTAM

180 ANTI-LUCRETIUS, &c.

Affectat, nullam renuit, par omnibus æquè :

Impertire sibi nullam, deponere nullam,

Aut variare potest; & quam tenet, usquè tenebit,

Quandiu ab externo non immutabitur istu.

1500 Esse nequit corpus sine qualicunque figurâ :

Sed curvos habeat fines, rectosve, perinde est.

Absque situ quoconque nequit consistere corpus :

Ast illum servet semper, mutetve, perinde est.


Ergò cùm motus posituræ sit genus unum,

1505 Quo sine Materia est, naturamque integra servat;

Corporibus, si non aliunde afflabitur, absit,

Advena Materiæ toti, peregrinus, & hospes.

Finis Tomi primi.



ANTI-LUCRETIUS

DE DEO ET NATURA

LIBER NOVUS

ANTI-LUCRETIUS,

MELCHIORIS DE POLIGNAC

OPUS POSTHUMUM

SIVE

DE DEO ET NATURA.

TOMUS SECUNDUS.


UNIVERSIDAD AUTÓNOMA DE NUEVO LEÓN

®

DIRECCIÓN GENERAL DE BIBLIOTECAS

M.D.C.C.XLVI

ESTRATIFICADA ET DEDICATA IN ADOPT.



UNIVERSIDAD AUTÓNOMA DE NUEVO LEÓN
DIRECCIÓN GENERAL DE BIBLIOTECAS

ANTI-LUCRETIUS,

S I V E

DE DEO ET NATURA,

LIBRI NOVEM.


EMINENTISSIMI S. R. E. CARDINALIS

MELCHIORIS DE POLIGNAC,

OPUS POSTHUMUM;

Illusterrimi Abbatis CAROLI D'ORLEANS DE ROTHELIN,
curâ & studio editioni mandatum.

TOMUS SECUNDUS.



P A R I S I I S,

Apud HIPPOLYTUM-LUDOVICUM GUERIN,
& JACOBUM GUERIN, viâ San-Jacobæ, ad insigne
Sancti Thomæ Aquinatis.

M. D C C. X L V I I.

CUM APPROBATIONE ET PRIVILEGIO REGIS.

ARGUMENTUM LIBRI QUINTI.

COLLECTIS breviter iis, quæ superioribus Libris effecta sunt, laudat Lucretii poesim, vecordiam vituperat : tum ad mentem humanam de qud hoc in Libro agendum est, progreditur : à v. 1. ad v. 89.

Esse aliquas mentes ostendit, & à mente solâ petendam esse causam motûs : à v. 89. ad v. 259.

Mentem non esse corpoream probat ex naturâ Materiæ ; & ex eo quod ex variis Materiæ modis, quales sunt positura, moles, figura, motusque partium, existere mens nequaquam possit ; sed variæ tantum rerum corporearum formæ : quod patefacit exemplo ignis, cuius omnia phænomena explicat : à v. 259. ad v. 609.

Aliis argumentis evincit mentem nihil habere cum materia commune ; & causam exitisse materiâ priorem, quæ hunc illumue motum materiæ daret : à v. 609. ad v. 713.


Objicienti Epicuro mentem affici contagione corporis, ac proinde corpoream esse & mortalem, respondet cum corpore conjunctam quidem, at non eamdem esse. Quod illustrat exemplo citharæ ac citharædi : à v. 713. ad v. 812. R

Distincto triplici genere cogitationis, ex eo quod mens

M iij

UNIVERSIDAD AUTÓNOMA DE NUEVO LEÓN

DIRECCIÓN GENERAL DE BIBLIOTECA



uno tempore & plura sentit, & varios sensus inter se comparat, concludit unam ac simplicem esse ac proinde immortalem. Fædere corporis & mentis fieri, ut à corpore ad mentem varii affectus, habitusque transeant: à v. 812. ad v. 1011.

Objicienti Lockio ignorari materiæ naturam, ac proinde nesciri utrum cogitatio in materiam cadere non possit, respondet, non perspectâ funditus materiæ naturâ, sciri possedentem aliquam non convenire materiæ; cogitationem autem ac voluntatem ab extenso prorsus alienam intelligi: à v. 1011. ad v. 1164.

Ex hominis libertate ostendit & mentem esse & à corpore prorsus diversam: à v. 1164. ad v. 1262.

Motus in corpore voluntarios humanæ mentis quidem iussu fieri; at & eodem & naturales motus divinæ mentis arte procreari: à v. 1262. ad finem.



UNIVERSITATIS AUTONOMAE CASTILLENSIS
DIRECCIÓN GENERAL DE BIBLIOTECA Y SECCIÓN DE ESTUDIOS



ANTI-LUCRETIUS,

SIVE
DE DEO ET NATURA,

LIBRI NOVEM,

AD QUINTUM.

LIBER QUINTUS.

De Mente.

ÆQUUM te, Quinti, rectique unius amantem
Arbitror; haud illis similem, quos dulcia postquam
Sopitos gratis implerunt somnia visis,
Poenit et aspexisse diem: cum lumine primo
Matutina polum spargens Aurora micantem,
Excitat invitatos, & suaves dissipat umbras:
Quippe magis placet error; & ingenuis reperta
Luce solent, per quam redeunt fastidia Veri;
Et blandè mendax frustra revocatur imago.
Si tamen incusso rationum robore pulsum

M iiiij

Errorem extortumque tibi periisse doleres,
Mirarer, quantum posset malefusa Voluptas.
Nam quæcunque suæ posuit fundamina Seftæ
Gens inimica Deo, certè vñtricibus armis
15 Convulsisse mihi videor. Magnum illud Inane,
Atque immortales Atomos, Motumque perennem
Stravi, & Naturâ solum auxiliante peremi.

PERDITA sunt igitur, sunt fracta Cupidinis arma;
Pungere nec poterunt, nisi quos impervia luci
20 Fascia multiplex oculis obducta, volentes
Occæcat, rectâque viâ discedere cogit.
Nunc Epicureos habitare Lucretius hortos,
At nullâ comitum pergit stiptante catervâ.
Hic agitare velit Cytheream inglorius artem:
25 Hic myrtum floresque legat; quos tinxit Adonis
Sanguine, dilectus Veneri puer: aut Heliconem,
Et colles Baccho partim, Phœboque sacratos
Incolat. Hic placidi latebris in mollibus antri
Silenum recubantem, & amico nectare venas
30 Inflatum stupeat titubanti voce canentem:
Quâ vice fortunæ sparsis per Inane quietum
Seminibus, Mundi subitò concreverit Orbis:
Dignaque lascivo tandem doctrina magistro,
Desinat in Satyrûm lusus Dryadumque procaces.
35 Deinde vocet demens, quos tentat perdere, Divos,
Immemor ipse suî; Martis describat amorem;
Et juvenum cæcos ignes ac vulnera dicat;
Et vacuæ, pulsis terroribus, otia vitæ;
Fecundosque greges & amoeni gaudia ruris:
40 Hinc stultas hominum curas, bellique furores;

Ut variè nostros tangant corpuscula sensus;
Tollat inæquales venti ut vis incita fluctus;
Et gremio Terræ missi in sublime vapores
Fulgura dent nigrante polo fulmenque tremendum:
45 Quâ ratione, feras inter nemorumque recessus,
Fluxerit innocuum priscis mortalibus ævum:
Ædificare casas, & aratro findere terram,
Quæ causa impulerit miseros: qui morbus Athenis
Grassando, magnam viduârit civibus urbem.
50 Hæc & plura canens, avidè bibat ore diserto
Pegaseos latices; & nomen grande Poëtæ,
Non Sapientis amet. Lauro insignire Poëtam
Quis dubitet? Primus viridantes ipse coronas
Imponam capiti, & meritas pro carmine laudes
55 Ante alios dicam: dum scilicet ille docendo
Abstineat; nec mortifero, ceu perfida Siren,
Gestiat ignaras cantu male perdere gentes.

ERRARE humanum est. Ereptus navita leto,
Qui freta, qui scopulos, debacchantesque procellas
60 Oceano, & Syrtes atque Acroceraunia vicit,
Et nave incolumi totum audax ambiit Orbem,
Ipso in conspectu patriæ, atque in littore noto
Obruitur, puppimque & merces æquore mergit.
Haud aliter qui Naturam & primordia rerum
65 Indagant animo, durisque laboribus audent
Totius arcanos Mundi tentare recessus,
Nil mirum, si quando viâ tantisper aberrent;
Aut Verum, toties feliciter antè repertum,
Postremò studii quâdam fatiate relinquant.
70 Sed qui non stupeas, hominem explanare professum

Omnia quæ latitant, Verique recludere fontes,
Ne genus humanum sub Religione severâ
Incassum trepidet, seque in mala vincula trudat,
Tam sibi discordem atque adversum, ut Religionem
75 Queis frustra tentat convellere, protegat armis,
Telaque nulla gerat, quibus haud feriatur & ipse:
Tela Gigantum ausus iterum conata superbos.
Humani generis non vindex, ast Epicuri
Atque Voluptatis tubicen, primaria motûs
80 Principia in fictis Atomis promisit habenda.
Quid tanto vanus tulerit promissor hiatu,
Jam sumus experti. Rursum, & Spinoso quid esset
Dicturus, qui vim motricem in viribus ipsis
Materiæ positam simili jactaverat ausu,
85 Investigatum est: tentatus & ille vicissim
Succubuit. Motûs igitur primordia duci
Cùm nequeant è Materiâ, quæ se ipsa movere
Néquaquam potis est, alio de fonte petamus.

SUNT aliquæ Mentes. Nostrûm sibi quemque profecto
90 Id conscire liquet quod cogitat: unde negamus
Falsa; affirmamus nobis quæ vera videntur.
Atque ubi per sensus quædam intromissa fuerunt,
Hæc ratione animi capere, & versare solemus:
Mox conferre simul: Si quid discriminis inter
95 Illa sit, aut habeant si quid commune, notamus:
Tandem observatis compluribus, intima quædam
Prototypa, & rerum formas in mente manentes.
Conficimus nobis; quò deinceps cuncta referri,
Judiciis ut sint librata fidelibus, est mos.
100 Hic ego non agitem, num sint innata sciendi

Principia hæc, an Mentis opus: namque id fatis unum est,
Nostris illa subire animis, utcunque creentur.
Verùm sæpe animus variis rationibus anceps
Distrahitur, querens & fluctuat, ambigit, hæret;
105 Quòd partim ignoret, partim cognoscat: & ultrà
Progrediens è jam notis incognita tentat
Eruere, addendo priscis nova semper, & unum
Colligit ex alio; meditans quid ritè sequatur,
Quid minùs; atque ideis poni quis debeat ordo;
110 Et collatarum quæ sit concordia rerum.
Sic tandem adnitens intelligit, atque reflexus
In se ipsum, proprios considerat ipse labores:
Si rem aliquam nescit, se se nescire, vel hoc scit:
Et se, cùm dubitat, sentit dubitare; negare,
115 Cùm negat; & Verum attingens, se attingere novit.

HINC elementorum mixturis corpora creta
Intuitus, rerum causas ab origine primâ
Deductit: Terræque plagas, cœlique meatus.
Metiri, certisque valet describere signis.

120 Inde tenebrosum sestat in æthere conum,
Corpore quem spizzo Tellus à lumine Solis
Defensat, Cœlique trahit per aperta sequacem:
Prædicens, quâ parte Poli, quâ noctis in horâ,
Et quoties, post mille annos, post saecula mille,
125 Obscurandus è sit Lunæ vultus ab umbrâ:
Quos etiam Terræ Pelagique obnubere tractus
Debeat abscondens fratrum Cynthia lumen,
Convexoque diem interceptam frangere tergo;
Et quota celati percurrere segmina disci.
130 Tum quibus inter se gyris, quæ Sidera magna

Sunt addicta Jovi & cœlo comitantur euntem,
 Sæpius occurrant adversa , sibique vicissim
 Præripiant commune jubar , tenebrasque refundant ;
 Prospicit hæc etiam vasti explorator Olympi ;
 135 Ac monet antè diu , quām sint , certissimus augur :
 Atque Sibyllinis audet conscribere fastis .
 Nec statione suâ motus , prudenter & altè
 Duntaxat meditans ipso sub fornice tefti ,
 Computat hinc verè , quantum plaga distat Eoa
 140 Æquore ab occiduo ; quām regnis dissita regna ,
 Littora littoribus ; quām sejunctæ urbibus urbes .
 Cùmque polos inter , quā fulgens orbita Solis
 Dividit in geminas Coeli discrimina partes ,
 Præfixi defint apices , immotaque puncta ,
 145 Quorum à conspectu distantia certa locorum ,
 Phœbeo quæ sunt sub tramite , possit haberis ;
 Hoc studio supplet , sibi quod Natura negavit .

INDE truci Pelago fragilem committere cymbam
 Non dubitat ; ferturque vadis , & circuit orbem :
 150 Nec timet ignotæ nocturna pericula Terræ ,
 Nec decertantes validis Aquilonibus Austros .
 At magnete regens vestigia cæca per undas ,
 Nunc adit imberbes populos & foeta metallis
 Regna procul ; nunc divitias Orientis & Austri ,
 155 Tellurisque novos alio sub sidere tractus ,
 Oceanique sinus & promontoria quærit ;
 Longo fune solum experiens sub fluctibus altis .
 Nunc & Hyperboreas glacies , nullique repertum
 Tentat iter , ligno & velis confisus , & arti .

160 CONDISCIT multas etiam , aut excogitat artes :
 Semina mixtorum solvit ; sal , sulphur , arenam ,
 Atque intestinos haurit , purgatque liquores ;
 Segregat , aut iterum jungit ; nova mixta recudens ,
 Naturæ mentitur opus , quin corrigere audet .
 165 Necnon & vitræ radios in lente refractos ,
 Aut chalybe in curvo glomerans , convergere cogit
 In punctum , ætherii furatus sideris ignes ;
 Et rapidum jubet in terras descendere Solem ,
 Subreptisque creat miranda incendia flammis .
 170 Felix invento : licet æmulus ire Prometheo
 Audeat , Hyrcanis quem Jupiter invidus olim
 Rupibus affixit , fas est si credere Graiis ,
 Vulturis affidui rostro sine fine vorandum .
 Sæpe repercussam quovis à corpore lucem
 175 Dilatans , visum amplificat ; confusaque primū ,
 Atque nimis contracta rei simulacra videndæ
 Pleniùs expandit ; minimam discernere gaudet ,
 Velatam referat , longinquam accedere cogit ;
 Et priùs ignotas partes , oculisque negatas
 180 Vitri ope convexi penetrat , donatque videri ;
 Et mirabilium stupefactus imagine rerum ,
 Intima corporei retegit miracula textūs .
 Tum varias inter commercia ponere gentes
 Molitus , ne quid lateat pereat , quod extra
 185 Prolatum velit , ac donatum sorte perenni ,
 Sensa animi mandare sono , signare figuris
 Instituit , totam & chartis deponere mentem :
 Discretosque à se populos , & postera sæcla
 Cominus affari ; ceu temporibusque locisque
 190 Præsens ex æquo cunctis orator adesset .

QUINETIAM , cur sint quæ sunt, quo fine regantur
 Detegere aggressus, causas effectaque confert ;
 Concordent-ne simul , tandem re detegit ipsâ :
 Difficilesque vias , omniq[ue] impervia sensu
 195 Naturæ penitus rimans arcana , recludit.
 Disputat occultis de rebus , & alta tuetur ;
 Quo pacto nunc , sit-ne Deus qui fecerit Orbem ,
 An Mundus sit causa sui , perpendimus ambo.
 Præterea mores , normamque , modumque beatè
 200 Vivendi statuit : justum secernit iniquo ,
 Ut verum falso : quid honestis turpia distent ,
 Noxiaque utilibus , pariter quid grata molestis
 Æstimat : odit , amat ; probat , improbat ; optat & horret .
 Tum quod opinatur , quod vult , persæpe retractans ,
 205 Atque animadvertisens propria in decreta , severus
 Errorem ipse suum potis est deprendere censor ;
 Emendatque , minùs quæ circumspicerat antè .

DENIQUE multiplices annexi corporis artus
 Dirigit , arbitrioque potens dominante gubernat .
 210 Nam quocunque jubet , faciles vertuntur ocelli ;
 Pesque manusque volant ; ad nutum inflectitur omnis
 Musculus ; ad nutum fermè omnia membra sequuntur .
 Sic loquimur , gradimurque , & brachia sponte movemus ,
 Impulso nullo , nisi quem dedit ipsa voluntas :
 215 Unde in multa sequax transfertur corpora motus .
 Nam simul atque pedes moveo , fugit ocìus aër
 Aëra vicinum quatiens , ac gyrat in orbem .
 Et tuba si dederit sonitum pulmonibus actæ
 Vocis ab impulsu , longè latèque cidentur ,
 220 Atque repercussæ redeunt à montibus auræ .

Dispositis etiam trochleis ac funibus , imò
 Veçibus atque rotis , ingentia pondera tollit
 Unus homo ; & lapidem sic altis antè fodinis
 Extractum , celsi feret ad fastigia templi .
 225 Necnon adjunctis operi , quibus imperat ipse
 Bobus , equisve , graves adverso flumine cymbas
 Perducens , Rhodanum celerem sibi cedere coget .
 Usque adeò propriæ tantùm moderamine mentis ,
 Et pater & rector motûs princepsque videtur !
 230 ERGÒ animi proprium , ac veluti dos ipsa profectò est ,
 Unus ut invalidæ tradat primordia motûs
 Materiæ ; non hæc aliundè recepta propagans ,
 At primò eliciens , à nutu orientia solo .
 Nos verò plerumque latet , quænam organa motûs
 235 In nobis vigeant , & quâ sint arte regenda :
 Nec rescire juvat : satis est nam velle moveri ,
 Quilibet ut se se moveat , rudis atque peritus .
 Hinc dubium esse potest omnino ; sitne creatæ
 Mentis opus , quòd quisque suum , prout expetit , ultro
 240 Corpus agat ; causæ an potioris : quæ simul omnem
 Materiam noscens , arcana recondita motûs
 Noverit , ac votis indulgens optima nostris ,
 Hoc præstet , quod nos ipsi præstare videmur .
 Verùm seu nostræ mentis partum esse putemus
 245 Hunc motum , cuius faciles moderamur habenas ;
 Seu potius causâ quâdam à meliore profectum ;
 Cujusdam certè mentis partum esse necesse est .
 Et saltem id constans inconcussumque manebit ,
 Principii , quodcumque fuat , motum esse volentis .
 250 Sed nil velle potest nisi primùm intelligat : ergò

Hanc motū causam constat simul esse scientem.
Mens igitur prima est motū atque unica causa.
Ac velut humanum corpus finita regit Mens,
Mentem infinitam sic magno in corpore Mundi,
255 Numine cuncta suo quæ dirigat, esse fatendum est.
Materiæ motrix adeò tibi causa patescit;
Materiâ major, longeque potentior ipsâ,
Mens; quæ materiam fecit, factamque gubernat.

Hoc tibi monstratum firmâ ratione putarim,
260 Anticipata tenet nisi te sententia vincitum,
Corporeis ipsam quoque Mentem partibus esse
Conflatam; quasi nil penitus sit corporis expers.
Sed quoniam ostensum est motu per se ipsa vacare
Segnia Materiæ corpuscula, nec dare posse,
265 Ni prius accipient; hoc jam convincitur ipso,
Quantum à Materiâ Mentis natura recedat:
Quæ non acceptum, at proprio de fonte fluentem
Elicit imperitans motum, generatque volendo.

PRAETER enim partes omni ratione carentes,
270 Extensaque situ certo, certâque figurâ,
Nil tibi Materies, quâcunque inspexeris, offert.
Id per se planum est, & cogeris ipse fateri.
Nam si Materies, naturaque corporis ipsa
Postulat eximios per se se Mentis honores,
275 Quidquid erit corpus, sensuque animoque valebit;
Sensu animoque arbos, & inertius arbore saxum;
Sensu animoque Atomi, vel dum sine more vagantur
Disiectæ: nec jam tibi sunt primordia cæca
Materiæ, sed erit potius pars quæque tibi Mens:

Materiæ

280 Materiæ siquidem pars omnis Materies est.
Ac tot erunt Mentes, quot partes corpore in uno;
Totque immortales: quia per te funeris expers
Est Atomus; nec eam leto dabit addita virtus
Noscendi. Misera aut felix per sœcula cuncta
285 Esse potest. Sic te, Quinti, viciſſe puderet;
Si non unam, aſt innumerās in corpore Mentes
Esse tuo ſolidas, immortalesque fateſer.
Nam rueret tibi Secta pari convulſa ruinâ:
Cui nihil horrendum magis eſt, quâm mole ſepultâ
290 Corporis, æternam post funera ducere vitam.

AT verò si Naturæ vi cogitat & vult
Quæque Atomus; pariter rectoque & idonea pravo,
Virtutem vitiumque ſequi, & præponere poſſit
Alterutrum, ac proprios delectu fingere mores.

295 Imò pars Atomo quæcunque putatur in ipsâ,
Quæque ſuam vitæ rationem priva tenebit;
Quæque ſuos aliquo patietur vindice manes.
Ut pia promeritæ capiet mercedis honorem,
Impia ſic meritas ſolvet pro crime poenas.
300 Hinc Atomos per ſe noſcentes atque volentes,
Ac ſimil æternas fugis affirmare, Lucreti.
Democritus quondam nonnullas ponere tales
Ausus erat, quæ præ reliquis hâc dote superbâ
Pollerent, Mentesque forent à ſimplice vulgo
305 Distinctæ: qualis plebem contemnit agrestem,
Addictam officiis, nataim ſervire patique,
Libera Nobilitas, titulisque ac juribus amplis
Præcellens. Tanto viſa eſt commota periclo,
Quæ ſchola mortales animos contendit & optat:

N

310 Democritumque patrem subitò indignata reliquit.
Reverâ nil ridiculum magis, atque pudendum,
Quàm pariles Atomos in cæcas, inque videntes
Partiri: fictum gratis erat, ac sine causâ.

SED videamus utrùm minùs à ratione recedat,
315 Quod cecinit super his Epicuri serva Camœna.
Materies, inquit, per se nil sentit; & omnes
Æquâ sorte Atomos, cunctarum exordia rerum,
Naturâ cæcas & inertes esse necesse est.
Verùm ubi fortunâ certæ quædam ordine certo
320 Convenere simul, (quamvis nec dicere quales
Omnino valeat, nec quis demum ille sit ordo)
Efficiunt animum. Putat autem è sanguine puro,
Partibus aëriis, subtili denique flammâ,
Posse aliquid nasci quod cogitet ac velit, et si
325 Corporeum; tandemque mori compage solutâ.

ERGÒ Materiæ tantùm mixtura modusque
Efficient Mentem. Sed quid mixtura creabit
Materiæ in latebris, ut Mens ubi nulla fuisset,
Mens ibi continuò existat: vis nempe jubendi;
330 Vis meditans, operumque potens; vis apta movendis
Corporibus; vis percipiens, ac prædicta sensu,
Judiciumque ferens, & agendi robore præstans?
Nam perscrutari, nam prospicere atque movere,
Et præferre, sequi, fugere, impugnare, reniti;
335 Hoc agere est. Mixtura novi nil partibus afferit
Aut afferre potest, nisi quòd vel congreget antè
Divisas, vel eo collectas ordine jungat
Qui priùs absuerit. Quid partibus additur inde?

Nil certè, nisi cuique locus, totique figura
340 Composito. Hæc igitur fuerit si Mentis origo,
Mens aut Materiæ positura, aut certa figura est:
Atque cubus fit uti, vel pyramis atque cylindrus,
Haud aliter fiet miranda potentia Mentis.
Et sic Materiæ per se se Mente carenti
345 Certa figura dabit, dare quod non altera posset;
Certus item locus: ut si dextrâ fortè locantur
Particulæ, subitò cognoscant, hisque volendi
Accedat vis magna; secus, si fortè sinistrâ?
Ergò virtutem insolitam junctura situsque
350 Conferet: ac tantùm poterit contactus, ut omnem
Naturam invertat rerum, & primordia mutet.
Quis probet hæc? Nihil è nihilo vis posse creari,
Et Mentes tamen ipse creas: vis tanta modorum est!

CORPORA sic, fateor, fieri perlucida possunt,
355 Raraque; sic fieri condensa, fluentia, dura,
Mollia, pro varii variâ compagine texti:
Namque situs parit illa. Novi nihil inde creatur
Corporibus: remanent quod sunt. Ut cannabe tortâ
Conficitur funis, contextâ carbasus; et si
360 Nullum incrementum jacturaque nulla sequatur
Naturâ in propriâ: tantùm id, quòd grandia funis
Pondera sustineat, spirantes carbasus Euros.
Hæc diversa quidem, sed non contraria per se
Munia sunt, nec Materiæ superantia vires.
365 Est in utroque statu patiens, nec se exerit ipsa.
Ferri nempe rigor si producatur in ensem,
Corpora transfodiet pungendo; eademque secabit,
Phœnicem in gladium procusus; conteret illa

Si clavæ formam Herculeæ densatus habebit.
 370 Sic radios levis transmittit lamina vitri ;
 Ictibus at crebris contusa & pulveris instar
 Trita, repercutiet : si pulvis mergitur undâ,
 Perlucet rursum. Fluit auri vena liquefrens
 Igne super valido ; frigescens usquè rigebit ;
 375 Solvetur salibus liquidis , ac lumina fallet.
 Tum cibus in nostros qui sensim diditur artus ,
 Sumit multiplices humano in corpore formas ,
 Mutato solum textu , inversisque figuris ;
 Materiâ remanente tamen constanter eâdem :
 380 Quæ quamvis agitata modos vertatur in omnes ,
 Naturæ nunquam propriæ de finibus exit.

Nec verò inde modum potis est acquirere talem ,
 Qui non sit re corporeus ; re corporis inter
 (Ut verbis loquar ipse tuis) evenita locandus ;
 385 Connexamque suî speciem cum corporis ipsâ
 Perpetuò specie referat. Lex quippe modorum
 Illa est , ut nequeant attentâ mente videri ,
 Quin simul & videoas rem cui modus additus hæret .
 Namque modus nihil est , nisi res hac prædicta formâ .
 390 Sic , ubi percipio seu motum , sive quietem ,
 Percipio corpus translatum , sive quiescens ;
 Nempe situm mutans , aut servans quolibet horæ
 Momento. Si percipiam quascunque figuræ ,
 Percipiam corpus finitum limite quodam ,
 395 Ductibus & curvis , aut rectis undique septum ;
 Et longum & latum & solidum , aut æqualiter omni
 Parte suâ , aut variè variis pro partibus : unde
 Cuncta figurarum nasci discrimina possunt.

ATQUE adeò quidquid poterit contingere motu ,
 400 Aut requie , seu Totius , seu particularum ;
 Et quidquid variante situ , variante figurâ ,
 Aut constante ; id corporeum simul esse necesse est .
 Pertinet ad corpus siquidem , ac de corpore solo
 Nascitur. Hinc fieri durissima corpora cerno ,
 405 Cùm cubicæ partes nullo dirimente cohærent ;
 Aut visco saltem & ramoso glutine constant ;
 Aut stratæ ut folia , incumbenti mole premuntur :
 Unde locum servant inter se semper eundem ,
 Donec eas aliquis tandem liquor , aut vapor ignis
 410 Imbuat , ac sensim penetras discedere cogat .
 Distractæ , subitò priscâ de sede moventur :
 Corpora tunc videoas mollescere , sæpe liquari .
 At verò intus habent partes liquidissima fluxas ,
 Et fragiles , ac perpetuâ vertigine motas ;
 415 Quæ teretes cùm sint , nequeunt per mutua nocti ,
 Quamvis contiguæ , semperque teruntur eundo .
 Mollia sed partim sunt dura , liquentia partim :
 Naturæ ambiguæ ; quia mixtas ordine partes
 Ex utroque tenent genere , alternisque locatas ;
 420 Ac duræ fluidis minimèque tenacibus inter
 Texuntur globulis , quorum constante vicissim
 Mobilitate fremunt , motumque quiete retardant .

Hæc ita cùm fuerint , certè nihil esse videtur
 In vi Materiæ , quod non exponere possim
 425 His tantum adductis , positurâ , mole , figurâ ,
 Et motu , & requie. Cur arida concremet ignis :
 Cur lignum in cineres , in calcem faxa resolvat :
 Cur silicem in vitrum vertat ; cur tosta metalla

In liquidum flumen: cur limum induret, abacto
 430 Quidquid erat lymphæ: cur extrahat intima rerum
 Principia; & flammis oleosa micantibus ornnet
 Redendo, interea spargens circumundique lumen;
 Cætera dum cudent ab eo, tantumve rubescunt:
 Cur aliis verò cæcum sine luce calorem
 435 Infundat, mediisque ardores temperet undis:
 Cur & conflictu lapidum ferrique, repente
 Prosiliat; gelidis ac fortè liquoribus una
 Congestis, fumum & flammarum cum murmure prodat:
 Horrifico tandem cur impete fulminis actus,
 440 Tam volucris ruat in terras, fulgore corusco
 Percellens oculos; vehemensque agilisque meatus
 Vi tantâ penetrat, sæpe ut (mirabile dictu)
 Vaginâ totum illæstâ liquefecerit ensem:
 Hæc & plura etiam, quæ cuncta referre pigeret,
 445 Jam video, simul atque obelis pungentibus ignem
 Pyramidi aut cono paribus consistere novi,
 Qui motu rapido longè latèque feruntur.
 Nam quò non penetrant? Quovis in corpore partes
 Exagitant, rumpunt, lacerant, solvuntque, fugantque,
 450 Dispositas prout inveniunt: si fortè quietas,
 Ac pressas, ineunt ægrè, ac molimine longo:
 Quòd si discretas, pervadunt, vixque morantur.
 Mobilibus proprium facili conamine motum
 Contribuunt. In sulphureis cumulantur & hærent;
 455 Donec divisas penitus, circum agmine facto,
 Abstulerint: ac mille modis volitare videntur;
 Quòd fumum undantem & pingui fuligine plenum,
 Quâ sc cunque viâ promoverit ille, secuti,
 Perpetuò spolient; spoliatum deinde relinquant.

460 Interea lucent; rapido quia turbine circùm
 Vibrati, radios constanter in æthera mittunt:
 Quos ubi refractos variè, varièque reflexos
 Rerum objectarum facies transmittit ad imam
 Partem oculi, subito illarum se vivida imago
 465 Pingit ibi, solet ut fieri in nigrante tabellâ:
 Tum variæ apparent formæ, variique colores.

A t verò flammis ubi sulphura nulla ciendis
 Suppeditantur, agit nihilominus intima serpens
 Per loca, sed tacitus, longèque obscurior ignis.
 470 Exiguam reddit lucem, si pauca supersunt.
 Nam fulgere nequit radius nisi rectus ab illo
 Proveniens, intret nostræ subeatque foramen
 Pupillæ. Quoties curvis amfractibus errat,
 Tunc latet. Occulto calefiunt corpora motu,
 475 Posthac frigescunt; vel cùm secessit in auras
 Ignea vis, vel cùm sic partibus implicuit se,
 Ut penitus torpens angusto in carcere cesseret;
 Donec ab injectis rediviva efferveat undis.

E t quia grassatur totum diffusa per Orbem,
 480 Semper adeat, non mota quidem, sed prompta moveri.
 Hinc adeò luctâ solidorum excita resurgit,
 Scintillatque procul, ramenta metallica mordens
 Quæ lapis excusit; nec non & sæpe liquentum,
 Sulphura si pugnant salibus: fremit ipsa tumultu
 485 Protinus, atque rogum mediis accedit in undis,
 Et spumam ingentem dupli de corpore format.
 Sic etiam terræ latebris reperitur in altis,
 Æs aurumque coquens, intestinasque cavernas

Æstu perpetuo complens, quo conditus aér
 490 Rarefit. Verùm hunc si fortè cadentia montis
 Fragmina præpediant quin exhaletur in auras,
 Terrarum hinc subitus tremor horribilesque ruinæ:
 Haud aliter cœli quondam in regione supremâ
 Fit tonitru: dispersa latent nam semina flammæ
 495 Nimbos inter aquâ multoque bitumine fœtos;
 Quæ simul ac mediâ glacies in nube coëgit,
 Aëre densato penitus, vertigine magnâ
 Volvuntur; fervens acceditur igne bitumen;
 Aëra dilatant ignes; hic frigida claustra
 500 Perrumpit strepitu horrendo; simul intonat æther
 Concussus: quâ facta via est, sinuosa sagitta
 Pervolat, & minimos penetrat subtilis hiatus.
 Bellica non aliter Vulcanum industria Marti
 Junxit mille modis; & nunc imitabile fulmen,
 505 Ætnæosque soli subfultus atque ruinas
 Molitur; sive oppugnat, seu protegit urbes.

NIL mirum est igitur quòd alendis ignibus aér
 Conferat, augendisque: ut si vel flammula siccum
 Materiem tetigit, citò maximus ardeat ignis;
 510 Tectaque conflagrent, perdantque incendia sylvas,
 Igniculorum etenim quæ copia magna latebat
 Aëris in gremio stagnans & sparsa per auras,
 Se primùm emotis & jam flagrantibus addit:
 Vicini agglomerant se se, tractimque sequuntur;
 515 Quàm levis esca diu supereft; at sulphura tandem
 Depasti, fugiunt oculos, & fulgere cessant.
 Propterea crescunt ventorum flatibus ignes;
 Et Cyclopeis folles adhibentur in antris;

Ne pausa obrepat flammis inimica citatis.
 520 Nam vis incutitur semper; semperque novato
 Fomite cùm gliscat, nequit elangescere motus.
 Haud secus & nostris auræ pulmonibus haustæ
 Sanguineos animant latices, atque ignibus implent
 Ætherii: quos dum secernit, temperat humor;
 525 Et madidum latè servat per membra calorem.
 Hinc omnis regio cerebri perfunditur udis
 Halitibus. Pars & nervos, pars organa sensûs
 Irrigat, & molles pars, purior ipsa, tabellas:
 In quibus & rerum variè signatur imago,
 530 Et pòst venturos etiam servatur in usus.

EN, Quinti, variis quæ motibus atque figuris
 Exequitur corpus. Mutatas sæpe figuras,
 Mutatos & sæpe situs intelligo: verùm
 Non video Mentes, effectaque Mentis oriri.

535 Quinetiam indignor, cùm sic in corpore Mentem
 Ut cerebrum fingis formari; ex agmine quodam
 Particularum omni per se se mente parentum:
 Indignor; Ratio mecum indignatur & ipsa.
 Mens etenim tua si membrum est, ut cetera membra
 540 Corporis humani, propriam quoque suscipit escam,
 Qualem suscipiunt simul omnes corporis artus.
 Hæc sit nutritæ subitò pars intima Mentis:
 Nutriti pariter ceu fit pars intima memtri.
 Ergò particulæ panis quem fortè voratum,
 545 Digestumque suo suscepit sanguis in alveo,
 Si pedibus cessere tuis, Ratione carebunt;
 Pectoris at medianum regionem si tetigere,
 Quâ nostræ placuit tibi Mentis templâ locari,

Tunc disceptabunt de Mundo & origine rerum,
 550 Ac de sorte suâ; sint corpora dedita leto,
 Necne; quid ad vitam possit conferre beatam:
 Jus populis dicent, ornabunt legibus Orbem:
 Invida quam Natura negat, positura dabit vim.
 Res peregre adveniens id, quo caret ipsa, propinquæ
 555 Tradet; & accipiet quod non habet illa, vicissim.
 Pro pudor! hæc tandem est doctæ sapientia Sectæ!

Si verò non hanc Atomos acquirere dotem
 Credideris, sed quod conflatur corpus ab illis;
 Textu nimirum subtili, & præpete motu:
 560 Protinus elatâ respondens voce rogabo;
 Ecquidnam est aliud corpus, quâm corporis ipsa
 Semina, quæ certâ coëunt ratione locata?
 Quidnam his accedit positurâ, aut ordine quovis,
 Quâm positura ipsa, & quidam novus ordo? Quid ipsum
 565 Acquirit corpus toto glomeramine, præter
 Interius quemdam textum, exteriùsque figuram?
 Sunt illæ cunctis solæ, te judice, dotes
 Corporibus; solæ pariunt discrimina cuncta:
 Hoc est, respectus varios (re semper eâdem)
 570 Corporis ad corpus: nempe ut sint plûsve minûsve
 Stricta aut laxa intus; sint plûsve minûsve rotunda
 Seu quadrata foris. Nihil est discriminis inter
 Corporeas moles, quod non redigatur ad ista.
 Quis Mentem textus formabit, quæve figura?
 575 Res ut nosse queat, satin' est subtilibus illam
 Conflari ex Atomis? sed quid subtilius unâ
 Est Atomo? Tamen haud Atomus tibi cogitat. Adde
 Pernicem motum: sed quid pernicius igni,

Æthere, luce? Tamen neque lux, neque cogitat ignis,
 580 Non æther. Satin' est aliquam illis esse figuram?
 Hoc ais: hanc demum fugis expugnatus in arcem:
 Nam quâ lucifugus se se non subripit error!
 Sed nos errorem quâ se se cunque receptet
 Insequimur, causamque animi non esse figuram
 585 Materiæ, validâ freti ratione probamus.

NAMQUE hoc si fuerit, non omnes, credo, figuræ
 Formabunt animum; sed quædam hoc jure fruetur,
 Seclusis aliis. Ut quæ rutilum efficit ignem,
 Hæc non format aquam; & quæ molles procreat auras,
 590 Hæc non arenâs generat corpuscula terræ.
 Atque ita, per varias ut possunt quæque figuræ
 Corpora describi, flammarum per acumina multa
 Pyramidum; tellus per densos partium acervos;
 Per floccos graciles aër; Neptunius humor
 595 Pertenuentes globulos; sic & prudentia Mentis,
 Et variis sensus, & vis innata volendi,
 Et quæ quisque suo tacitus sub corde voluntat,
 Diversis itidem signari hæc cuncta figuris
 Judice te poterunt, singillatimque notari?
 600 Dic igitur: quâ nempe fides, & opinio formâ,
 Quâ dubitatio, quâ stabilis persuasio distent,
 Invidia, ambitio, spes aut metus. Eia age, Quinti,
 Quid cessas? Hæres? Desunt tibi verba, figuræ
 Quanquam omnes adsunt oculis? Cur nulla roganti
 605 Obvia fit, quæ vel minimum genus exprimat horum?
 Nil quodcumque vides, Quinti, quod corpore tangis,
 Significare valet quod sentis intus; & omnis
 Materiæ tibi deest ratio de Mente loquenti.

Quin, si Materiam omnino superesse negares;
 610 Diffususque tuis hodie, qui saepius errant,
 Sensibus, extensi summam periisse putares;
 Nilque forent aliud, quæ cernis corpora, præter
 Umbram fallacem, simulacraque inania rerum;
 A te non ideo posset Mens ipsa negari.
 615 Namque tuæ Menti semper tibi conscius es.
 Tu tibi proximus es, quâ parte intelligis. Antè
 Corpora quâm scires an sint, jam te esse sciebas.
 Quonam argumento? Quoniam qui cogitat, ille est.
 Nec tamen ulla tibi sensum afficiebat imago.
 620 Nam cùm cœpisti primùm sentire dolorem,
 Nescires licet unde dolor, dolor ipse profectò
 Jam tibi notus erat; quamvis ignota tibi esset
 Undique Materies, & adhuc tiruncula secum
 Mens privatim ageret, sibi conscia & obvia soli.
 625 Porro Materiâ ignotâ cognoscere Mentem
 Si liceat, nil Materiæ Mentem esse liquebit.

Nunc age, Materiæ propriis cum dotibus illa
 Si jam contuleris, quæ Menti munia nostræ
 Plura recensebam, nil consimile, & quod utrique
 630 Competat, ambabus vel sit commune, videbis.
 Nempe ex Materiâ nostros existere visus,
 Ipsoque omnigenos in lumine inesse colores,
 Et varios cerni, prout hunc opposita vel illum
 Corpora personbent radium, aut contacta reflectunt;
 635 Unde oculis hærent certæ vestigia formæ;
 Ceu pes signat humum, speculum ceu signat imago;
 Credo libens. Quod enim dices lucisque colorisque
 Omni de genere, hoc ipsum de corpore dices.

Sic odor atque sapor, sonus & calor undique nostros
 640 Afficiunt per cæca quidem corpuscula sensus:
 Omnia enim hæc motu, positurâ & verbere constant,
 Atque figuratis mucronibus; unde tremiscunt
 Extima nervorum & cerebro transmittitur ictus.

Ast aliud longè est, cùm visa, auditave, sensu
 645 Aut delata alio, interiori lumine cernens
 Percipit, explorat mens nostra; & plurima judex
 Conceptis etiam simulacris insuper addit,
 Ac de fonte suo, nullum spectantia corpus.
 Nam neque crispatas, neque cuspidis instar acutas
 650 Dixeris, aut teretes, aut cujuscunque figuræ,
 Quas homines agitant ideas verique, bonique:
 Nec varios inter motusve, situsve locabis
 Virtutis studium, vel libertatis amorem.
 Sic quoque de nullâ poteris censere figurâ;
 655 Docta ignara-ne sit; justa anne injusta; fidelis
 Perfida-ne; & prudens, inculta, modesta, superba:
 Nec talem, quemcumque situm motumve putabis.
 Quâm sint hæc disjuncta, vides. Tamen hæc tria tantum
 Materiam comitantur, & in diversa tributam
 660 Corpora constituunt: partes agitantur, & inde
 Quælibet exurgens edit positura figuram.
 Ergò figura, situsve aliquis, motusve foret Mens,
 Materiæ si Mens appendix, aut modus esset.
 Noscere nec Mentem posses sine dotibus illis;
 665 Nec rursum sine Mente illas cognoscere dotes:
 Nam talem certè docui legem esse modorum.
 Quæ tibi quandoquidem manifestè falsa videntur,
 Materiæ ac Menti diversas esse profectò

Naturas, atque hanc illi praestare necesse est.

- 670 JAM, per se nullum genus obtinet ipsa modorum
Materies; nec se tali, aut tali ordine format:
Cùm solo fieri possint hæc omnia motu,
Quem sibimet dare nec valuit, nec fingere talem,
Pluribus ut suprà cecini: ast aliunde creatum
675 Suscipit, externo causæ impellentis ab iictu.
Causa igitur primùm impellens, delectus & ipse,
Quo fit ut hæc species motûs, aut altera detur
Materiæ, spretis aliis, prævertere motum
Debuit, ac motu quidquid processit ab illo;
680 Proinde situsque, modosque omnes, omnesque figuræ.
Et quia Materies ne puncto temporis uno
Stare quidem potuit, quin partes ordine saltæ
Dispositas aliquo, aut aliquâ sub imagine haberet,
Vel cùm staret adhuc tetrum chaos omnia miscens;
685 Certè causa movens, quam Mentem ostendimus esse,
Materiam prævertit; & omni corpore differt,
Principium velut effecto differre necessum est.

- ERGÒ supremam inter, quâ Mundi templa reguntur,
Atque hoc inclusam perituro in corpore Mentem,
690 Differitas illa est, quâ sunt æterna creatis
Dissita, summa imis; quâ præstant maxima parvis;
Et quâ finito disjungitur infinitum.
Attamen ex nostrâ, quæ sit natura supremæ,
Perficies: etenim minor est majoris imago.
695 Aspice suspensum sublimi è fornice Solem,
A primâ jussum nascentis origine Mundi,
Ætheris immensi diffusa per æquora, lucem

- Subjectis quoquò versu\$ dispergere terris:
Ille quidem ignivomâ radios fornace liquest
700 Vibrat inexhaustus, vas admirabile: Solis
Se tamen effigies quædam spectantibus offert
Cerea fax, tremulâ quam cernis luce micantem,
Dum lustrat tenui loca circumstantia flammâ.
Sic etiam fugiens per florea grama rivus,
705 Qui vitreo nitidos objurgat rore lapillos,
Quamvis pauper aquæ, magni tamen exhibit instar
Fluminis exiguum: sic largas læta per arva
Volvens flumen aquas, parva est immanis imago
Oceani, vastum qui circumpleteitur Orbem,
710 Limitibus fundoque carens; quò præpete cursu
Fluviorum è variis regionibus agmina mille
Præcipitant, tot aquis nil vctigalibus auctus.

- FORSITAN oppones, in nobis foedere tanto
Et Mentem & corpus jungi, ut non possit utrumque
715 Discerni; proprio nimirum edoctus ab usu
Nil nisi per sensus ad Mentem accedere nostram:
Quos ubi sopivit somnus, vel fervida febris
Invertit, turbari animum, atque errare vagantem;
Sæpe etiam attonitum subito procumbere morbo:
720 Crescere cum membris; pueriles exigere annos
Informem; ætatisque gradus descendere adultæ;
Posthac maturâ viridem florere juventâ;
Tum labefactari senio, & marcescere rugis.
Insuper, orbatos homines Ratione videri,
725 Vel capite offenso, vel sic à matre creatos,
Omnis eos ut deficiat prudentia Mentis,
Partibus in cerebri certus quia deficit ordo;

Imò ad naturam depresso usque ferinam.
 Ut, cùm improviso morsu per sanguinis alveos
 730 Tetra canum rabies hominem pervalet, & imis
 Visceribus medioque infixit corde venenum:
 Quid canē distat homo? Furor ambos abripit unus;
 Mordendique fames, eademque insania vexat.

HIS adeò exemplis rationum pondera, Quinti,
 735 Extenuare soles. At ne penetralia rerum
 Intranem, & causas quarentem in fontibus ipsis
 Prima aditu facies absterreat, aut levis aura
 Deturbet, cœptos prohibens absolvere cursus;
 Observa mecum attentus, meditansque revolve,
 740 Quid valeant, quid non, hæc argumenta Lucreti.
 Ostendunt unā Mentem cum corpore jungi;
 Quis neget? Ast unam Mentisque & corporis esse
 Naturam, non significant. Ita quilibet arte
 Strenuus Aoniā citharam pulsare sonantem
 745 Mobilibus digitis, chordasque animare loquaces,
 Et lenocinio blandi modulaminis aures
 Demulcere tuas, citharā sic pendet ab ipsā,
 Non ullos ut possit eā sine promere cantus.
 Nam si rupta filet, si quā temerata ruinā est;
 750 Si chordæ nimirū tensæ, nimirū remissæ
 Amiserit tonum, vel si una aut altera defit;
 Si caveam implerunt sordes, hebetantque sonorem;
 Ecce manet citharoedus iners, frustraque peritus
 Aut nihil aut pravum canit, & nescire videtur.
 755 Ergo artem Museam ipsā in testudine pones?
 Ac tibi propterea res una putabitur esse
 Organum & organicus? Talis fit copula porro

Corporis

Corporis ac Mentis: nisi quòd deponere non quit
 Adjunctum sibi Mens, nec sponte resumere corpus;
 760 At dum vita manet nobis, hæc semper eidem,
 Cui sociata semel, sociabitur instrumento.
 Cætera consimili penitus ratione geruntur.

NAM velutī quædam citharæ sunt propria, quæ non
 Organicum spectant; ut concamerata tabellis
 765 Per commissuras laterum specus, unde sonando.
 Fit fremitus levis, & responsat textilis Echo;
 Nervorum pariter situs ac mensura, frequentes
 Aut raro, celeres aut tardos, tempore eodem
 Subsultus referunt; ex quo sonus exit acutus,
 770 Aut gravis. Hæc cantor non efficit, utitur illis:
 Necnon ipse quidem tenet in se multa vicissim,
 Quorum ut sit compos, citharā non indiget ullā:
 Nimirum est in eo modulandi parta facultas,
 Atque omnis ratio harmoniæ: nam cuncta per artem
 775 Et quæ consona sunt, & quæ sunt dissona novit:
 Et nihil à citharæ nervis prodibit amoëni,
 Quod non per digitos transmissum emanet ab ipso.
 Atque ita suave melos pariter debetur utriusque:
 Et citharæ; quòd det sonitus, quicunque cidentur;
 780 Et modulatori præsertim; quòd sciat illos
 Elicere, ac mutis animam velut indere chordis.
 Haud fecus in nobis addictam foedere certo
 Mens agitat molem, & moles respondet agenti.
 Quippe suis instructa modis, rituque parata
 785 Organico, non hanc animi de munere formam
 Possidet; innato sed vivit machina motu.
 Sanguis it, atque reddit; sensimque alimenta feruntur;

O.

210 ANTI-LUCRETIUS,

Ceu veget, augescitque arbos, nihil indiga Mentis.
 Sic sua sunt etiam, secluso corpore, Menti
 790 Officia. Ut numeros quando sine fine patentes
 Colligit agglomerans; iterum multiplicat, auget,
 Imparibusque pares confert; mox dividit illos
 Æquas, non æquas in partes; atque secando,
 Ut prius augendo, infinitum attingit utrinque.
 795 At neque corpus habent numeri, nec sensibus ullis
 Obversantur. Item quamvis finita sit ipsa,
 Æternum, immensum, infinitum libera tentat,
 Et perscrutari, & percurrere sæpius audet.
 Sed neque corpus habent, nec sensibus obvia sunt hæc.
 800 Tudem hocce tuum quoties tibi fingis Inane,
 Exuis ignorans quovis à corpore Mentem;
 Dumque negas incorpoream, simul esse fateris.
 Quin ea, per sensus quæ sunt allata, retractans,
 Abstrahit à rebus rerum genera omnia: sentit,
 805 Causa quid effecto, medium quid fine, modusque
 Differat à re ipsâ; quid corpore corporis illa
 Notities, quam sola potest vis edere Mentis.
 Unde, ut corporeæ molis sunt propria quædam
 Officia in nobis, quæ non à Mente profecta
 810 Mechanices tantum normam legesque sequuntur;
 Sic sua sunt Menti, quæ nil à corpore sumunt.

QUANQUAM ergò fateor cognosci plurima sensu,
 Plurima sunt etiam quæ purâ mente videntur,
 Propterea quod nulla sūt simulachra profundant.
 815 Qui pateat vi corporeâ res corporis expers?
 Sensus enim rerum **formas**, molem atque colores
 Percipit, ac sonitus & odores atque sapores,

LIBER QUINTUS.

211

Duritiemque ac mollitem, tum frigora & æstus,
 Levorem, humorem, atque istis contraria: verùm
 820 Quot sunt, quæ retuli, distantia prorsus ab illis?
 Non igitur solo deprendimus omnia sensu.

AT genus est medium quoddam, mixtumque duobus:
 Ut cùm totus homo gustat, videt, ambulat, audit.
 Nam partim hæc animo fiunt, & corpore partim;
 825 Sic tamen ut dominæ tum subsit machina Menti:
 Ceu lyra dulce sonat docto pulsata magistro.
 Foederis argumentum in sensu est. Nam sine Mente
 Nullus adest sensus, neque Mens sine corpore sentit.
 At quidquid sensu deprendimus, organa frustra
 830 Deferrent illud; nisi res quædam intus adesset.
 Percipiens, quocumque foris transmittitur ipsi:
 Organæ quandoquidem sunt omnis inania sensus;
 Ac reddunt externa, velut spiracula ventos,
 Et speculum effigies, & concava rudera vocem.
 835 Non oculi cernunt; verùm res illa paratis
 Adjuta auxiliis, oculorum & freta labore;
 Quæ iubet huc oculos verti, quâ parte videndum
 Est aliquid. Pariter non auris verba loquentum,
 Aut modulus; at res quæ præsidet auribus, audit.
 840 De visis, ac de auditis quæ judicat, illa est;
 Et quæ audire potest sola, & quæ sola videre.
 Articulos adeò tibi dum gravis obstruit humor,
 Calculus obductis habitat seu renibus hærens,
 Non tibi pes, renesve dolent: dolet artubus ægris
 845 Addita Mens. Abscissa perit cui tibia nuper,
 Non minus ille pedem nervo paciente putabit
 Ægrotare, licet jam nullum; ac sæpe doloris

* O ij

In membro notum genus experietur inani.
 Te quoque nunc tacitè meditantem exordia Mundi,
 850 Aut gravibus curis defixum si quis inuret
 Candenti ferro, vel acu pungente laceſſet,
 Ociùs abjiciens animo quæcunque tenebas,
 Totus ad acre malum tu te convertis, & illuc
 Mente ruis; quia res in te quæ cogitat, ipsa est
 855 Quæ ſentit. Dum nauta ferâ quassante procellâ
 Territus, undarum tumidos affurgere montes,
 Et ſpumam ruere, & miſceri turbine pontum,
 Et faciem cœli tenebroſam, & fulgura cernit
 Undique disruptis obliquè percita nimbis,
 860 Et ſubſidere navim, atque atro gurgite volvi;
 Tum vim ventorum rabidam, pelagiique furentis
 Terribilem fremitum, & crepitantes fulminis iictus,
 Vectorum & pavidos clamores auribus haurit;
 Huic ſimul & fauces ingratus torquet amaror;
 865 Et nares vexat ſentinæ tetra mephitis;
 Frigore membra tremunt; mentem horrida mortis imago
 Perturbat; nec ſpes animo tamen excidit omnis;
 Molitur, ſi quis fractâ rate prænatat aſſer
 Obvius, auxilium miſero ſibi; voce precatur
 870 Coelicolas ſupplex, & votis fleſtere tentat;
 Terram, terram orans, mare deteſtatus iniquum:
 Aſpice quot variii rerum uno tempore ſenſus,
 Unam commoveant agitato corpore Mētem.

NAM res perpetuit quæ tot ſimul anxia motus,
 875 Res ea quæ timet atque cupit, gaudetque doletque,
 Quæ ſentit, varios & ſenſus comparat, una eſt
 Ac ſimplex: ideo non conſtat partibus ullis.

Si ſingatur enim multis è partibus eſſe,
 Parvula quantumvis vel ſubtiliſſima fiat,
 880 Officio pars quæque ſuo jam dedita, certè
 Nefciat officium alterius, neque judicet inter
 Senſus diuersos quis ſuavior; hæc neget, illa
 Affirmet diſcors; velit una quod altera nolit:
 Quamque ſuo nam jure frui arbitrioque neceſſe eſt.
 885 Ut partes oculi non uno munere cunctas
 Defungi certum eſt: radios nam colligit una,
 Altera fecernit: Mentis ſic munia partes
 Diverſæ diverſa, imò contraria obirent,
 Libertate ſuā pariter, ſeorsumque potitæ.
 890 Coetus erit: veluti formicarum abdita campo
 Plebs habitat, varium inter ſe partita laborem:
 Aut examen apum. Vel erit Republica diſcors,
 Motibus iſfanis ac ſeditionibus ardens;
 Et confundentur populoſæ munia Mētis.
 895 Vel concors ut ſit, quædam ſelecta tot inter
 Particulas ſibi congeneres operumque minifras,
 Sic princeps erit, ut cunctæ referantur ad illam,
 Conſpirentque ſimul. Sed quæ Regina ſedebit?
 Præter enim quæm quòd prorsus germana videtur
 900 Mētibus hiſ, quas Democrito exprobare solebas,
 Partibus eſt aliis conflata minoribus, æquè
 Ac famulæ, vulgusque Atomorum in corpore degens.
 Quæ pars imperio ſic nata videbitur una?
 Quæ pars Reginæ tandem Regina futura eſt?
 905 Quæ pars Mētis erit verè Mens? Heu, bone Quinti!
 Fingere quæm promtum! Rationem reddere fici
 Pro quæm difficile eſt! Nonne hinc intelligis unum
 Et ſimplex eſſe id quod vult ac percepit? Ergo

Cùm pars Materiæ (meministi) nulla sit una ,
 910 Nulla individua aut simplex ; nullam esse necesse est ;
 Quæ casu quovis in Mentem assurgere possit
 Aut per se sola , aut aliis sibi foedere junctis.

PROPTEREA clarè sensu vel cernis ab ipso
 Mentem incorpoream , seu partibus esse carentem.
 915 Insuper ipse vides à vero quam procul absit ,
 Qui tenuem nostro diffusam corpore censem
 Esse animam , nebulae similem penetrantis in artus ,
 Cui motûs tantum ac sensu provincia detur ,
 At famulantem animo , ceu Regi corporis uni ,
 920 Corporeo tamen , ac variis è partibus orto ,
 Atque gubernaculum regali ex arce tenenti .
 Nempe tuus vates ipse hæc sibi somnia finxit .
 Sunt quibus haud aliud nostræ Mens incola molis
 Visa fuit , nisi membrorum concentus , & ipsa
 925 Corporis harmonie , fibris concordibus apti .
 Sed modus est hæc harmonie ; quæ vita profecto
 Jure potest , at non hominis Mens ipsa vocari .
 Non agit ille modus , non vult , non cogitat usquam .
 Mens ergò res quædam una est , cum corpore juncta
 930 Dividuo , sed quæ sine corpore vivere possit .

QUÆ cùm cuncta tibi fuerint perspecta , repente
 Percipies quid sit , cur Mens sociata caducæ
 Materiæ , in partem veniat persæpe laborum ;
 Corpore & affecto simul afficiatur & ipsa :
 935 Non tamen ex æquo . Siquidem lex foederis illa est ,
 Ut quoties corpus certâ ratione movetur ,
 Tunc quoque certum aliquid Mens cogitet : ac vice versa ,

Ut simul hoc illudve suo Mens cogitat ausu ,
 Continuò quidam succrescat corpore motus .
 940 Ac velut omnimodis credas duo Corpora jungi ,
 Talia cùm fuerint inter se semper , ut horum
 Alterum ab alterius motu moveatur eodem ;
 Atque duas pariter Mentes , si quidquid ab hâcce
 Apprensum est , simul hoc etiam apprendatur ab illâ ;
 945 Sic Mentem & corpus , quanquam est aliena vicissim
 Amborum natura , atque insociabilis omni
 Conjugio (solis nisi legibus Omnipotentis)
 Conciliata putes , hæc saltem ad tempora vitæ ,
 Motibus ut certis terrenâ in mole subortis ,
 950 Certæ respondent ideæ , docilesque sequantur .

PROPTEREA mirum non est , si partibus ægris
 Aut somno pressis , aut quâvis denique causâ
 Turbatis , cerebro præsertim , ubi cuditur ingens
 Agmen spirituum , & quævis celatur imago ,
 955 Sæpe aut nulla intrò rerum simulacra ferantur ;
 Aut veniant lacerata modis , inversaque miris ;
 Aut varia , aut ipsis etiam contraria rebus :
 Unde furor , stupor & deliria prava sequuntur .
 Donec enim premitur cæco Mens carcere clausa ,

960 Carceris has leges , æternaque foedera servat ;
 Et dolet , & gaudet , prout hoc compactile corpus
 Suavia titillant nonnunquam , aut aspera lædunt :
 Sic tamen , ut stupidæ , quæ motus excipit illos ,
 Materiæ , tanquam ligno , silici atque metallo
 965 Lætitiae sensus non sit , sensusve doloris .
 Atque ubi frigida mors extinxit flammea vitæ
 Semina , cœlestisque evanuit halitus auræ ,

Definit hic agere, & surdos Mens exuit artus.
 Ipsa tamen constans manet, irresoluta, superstes:
 970 Cūm nequeat per se, aut Naturæ viribus ullis,
 Quod sine partibus est individuumque, resolvi.

H A U D igitur crescit pueris quibus organa crescunt.
 Nam quanta esse potest, vel primâ ab origine tanta est.
 Quòd si tum vix ulla sùi argumenta videtur
 975 Exerere, ac molli potius torpere veterno,
 Quid faciat ruditus immaturo corpore? Nondum
 Collectæ cerebro species, quæ deinde movebunt
 Nunc inopem: nondum, quod lapsu tempore fiet,
 Rebus ab objectis idearum excita supellex.
 980 Jam tamen affectus quædam vestigia prodit,
 Dum vagit, ridet, quatitur ploratibus infans.
 Cūm fuerit porro perfecta virilibus annis
 Machina; cùm cerebri fibris erit optimus ordo;
 Et memorem gazam rerum experientia tandem
 985 Implērit; subitò noscetur quid valeat Mens
 Talibus auxiliis. Si deficientibus hæret,
 Strenuus ac fortis neque dux sine milite vincat;
 Nec solā pugnet miles virtute sine armis;
 Nec radio sine setigerō depingat Apelles.
 990 At cùm sit paucos instructum corpus ad annos,
 Proiectâ sensim labefactum ætate fatiscit:
 Ut rheda, ut vestis longo corruptitur usu;
 Et ratis assidue casus experta marinos.
 Densior it sanguis, concrescit vappidus humor;
 995 Durescunt fibræ, flaccescunt denique nervi,
 Cor titubat, nec jam radiat vitalibus auris
 Thesaurus capiti concreditus; ossa rigescunt;

Fit pedibus manibusque tremor, grave pectus anhelat,
 Caligant oculi, sonitus malè suscipit auris,
 1000 Deficiunt vires, vox ægre faucibus exit,
 Albescunt crines, rugatur marcida pellis.
 Tunc vitio primæ ceu debilitatis hebescit
 Machina: fitque senex iterum puer. Unde necesse est
 Huic semel addictam rursum puerascere Mentem:
 1005 Non per se; verùm quia paulatim organa cessant.
 At si, ut corporeis rebus tangatur, & extra
 Se positis (quod sola sibi permissa nequirit)
 Indiget adjuncti comitatu corporis; illo
 Non eget, ut se se privataque commoda norit,
 1010 Pertimeatque malum, & semper velit esse beata.

P R O T I N U S hic autem, non est mihi cognita, dices,
 Materiæ natura satis comprehensaque virtus,
 Ut circumscribam verbis, quid possit apisci,
 Quid nequeat. Quis enim tantum sibi sumat, ut ipse
 1015 Cùm se se ignoret, singillatimque per omnia
 Incerto soleat titubans prorepere gressu,
 Anteferatque manum, & baculo quasi singula tangat,
 Collidi in tenebris metuens, aut luce malignâ;
 Fundamenta tamen rerum omnium, & ultima quæque
 1020 Visa sibi velit obtutu penetralia firmo?
 Quidni Materies, cui dotem adscribimus unam,
 Ut triplici protensa modo concreverit, hanc vim
 Possideat quoque, uti velit atque intelligat? Unde
 Corruerent subitò geminæ discrimina partis,
 1025 Quâ compactum hominem facimus, duplaremque putamus.
 Forsan Materiæ ratio primaria non est
 Aut per se extendi, aut per se cognoscere; verùm

His aliquid majus, natura videlicet ipsa
Ex quâ utrumque fluit: cœu bini ex arbore rami
1030 Dispariles, unâ tamen à radice profecti:
Namque hæc Spinosa fuerat sententia nuper.
Quis tunc Materiæ poterit secludere Mente;
Altera dos quamvis à Mente extensio distet?
Nam sonus ac lumen distant; & corporis ambo
1035 Sunt eventa, neque à naturâ corporis absunt.
Haud secus inter se distant color atque figura;
Sed globus esse potest idem niger atque rotundus.
Ergo Materiæ modus excellentior esset
Cognitio: perfecta magis, cùm scilicet illi
1040 Organa suppterent forsan meliora; minùsve,
Organa cùm fabricæ forsan pejoris adessent.

MIRARI satis hîc nequeo, quis tetricus horror,
Despectusque sui, quæ mortis prava libido
Lymphatas hominum mentes incesserit, ut se,
1045 Corpore mortales cùm sint natique sepulcro,
Mortales animo esse velint penitusque caducos.
Tantus amor nihil! Tanta est vecordia! Solum hoc
Permetuunt cæci, ne Mens compage solutâ
Duret adhuc nimis vivax, bustoque superstes
1050 Evolet: hoc cupiunt unum, ut cum corpore vitam
Ponat, & in ventos tenuis velut aura recedat.
Ah! te ne subeat, Quinti, tam dira cupido!
Verùm infixa priùs quia te sententia turbat,
Haud tibi defuero, quin hoc caligine plenum
1055 Abstulerim velum ex oculis noctemque sugarim.
Audi quæ moneo paucis, iterumque resumo.

QUIDQUID Naturæ est, ac verè constituit rem,
Hoc sine res non esse potest, aut Mente videri.
Haud aliter nobis rerum natura patescit.
1060 Quam si non sequimur normam, pervertimus ipsi
Rerum ideas omnes, & aquæ confundimus ignem:
Tum procul est Ratio, & sermonis desinit usus.
Qui verò modus est, ut adesse, ita abesse vicissim
Usquè potest; res esse valet cernique sine illo:
1065 Sed sine re non esse potest, aut Mente videri.
Absque modis intelligitur res ipsa: sine illâ
Non intelligitur modus. Ut si fortè figuram
Contemplere animo, qualis tibi cunque putetur;
Ecce figuratae præbet se molis imago.
1070 Sic non concipitur motus, quin mota repente
Res animo subeat; mixturæ nec genus ullum,
Quin obversentur positæ quodam ordine partes.
Cùmque modos, ut fert hominis persæpe voluntas,
Naturâ rerum abstractâ, discernimus ipsos,
1075 Sic illos Mente abstrahimus, tamen ut simul adsit
Notities manifesta rei, suspensaque tantum,
Cujus hic est modus, & sine quâ modus esse nequiret.

JAM fortasse rogas, quanquam nimis immemor, utrum
Extendi sit Materiæ natura, modusne?
1080 Quid dubitas? Quod queraris habes. Age consule normam.
Scilicet hoc fieri nequaquam posse probatum est,
Ut quis Materiem, quantumvis abstrahere audax,
Ingenii summo pertentet acumine, quin rem
Cogitet extensam, aut constantem partibus extra
1085 Se positis. In eâ priùs est nihil. Inde sequuntur
Qomnia. Materiæ non ergò è dotibus una est,

Non modus aut ramus quidam; natura sed ipsa
Extendi. Atque adeò si Mens dos esse putetur
Materiæ, dos extensi est, ramusque modusque.
1090 Propterea quoties Mentem meditaris, oportet
Se tibi res quædam meditanti extensa repente
Offerat: ut ramus truncum arguit, atque modus rem.
Verùm conscius est hominum unusquisque profecto
Ipse sibi, propriæ dum lustrat singula Mentis
1095 Officia, & quærerit quid sint, quo-ve ordine fiant,
Extensi nihil obversari. Scire labore
Ac meditor tacitus, quænam sit primula rerum
Agnitio; quid judicium; quid roboris insit
Omni argumento, quâ vi pervincere possit,
1100 Ac domitare animum, & trahere in sua jura volentem:
Immemor extensi confessim hæc omnia præsto.
Nunc dubiam certâ, & falsâ discernere veram
Notitiem cupio, quâ se ratione vicissim
Impugnat; quid opinari, quid credere, scire,
1105 Sint in se; quid sint etiam affirmare, negare:
Dividuum procul est à me, penitusque recessit.

P RÆTEREA quid sit, quòd amet se se ipsa voluntas
Præcipue ac semper, quòd se se ante omnia ponat,
Et felix velit esse: quid hoc quoque deinde sit, esse
1110 Felicem aut miserum, & fieri, se judge, talem:
Unde quis invideat; laudem venetur; honores
Ambiat; imperium affectet; parere recuset,
Aut indignetur; contemptum, oblivia, probra,
Morte sibi pejora putet; sine nomine vitam
1115 Vitalem neget esse, auræ captator, & ardens
Sera immortalem jaculari in sœcula famam;

Quid sit ab incœpto nunquam desistere velle;
Judiciis aliena suis postponere; pravum,
Mendacem fieri, deceptorem, atque malignum;
1120 Assentatores præ veris ponere amicis:
Hæc ego dum reputans, & me contractus in ipsum,
Heracliti oculis lugens considero, nulla
Corporis extensi feriunt vestigia mentem.
Scilicet arguitur propriis erroribus ipsa
1125 Nobilitas animi. Cernis, dulcissime Quinti,
Et Mentem nostram, & nostræ molimina Mentis,
Extensi non esse modos; omnique vacare
Materiâ: sine quâ cognoscier illa fatendum.
Ergò Materiæ virtus primaria non est,
1130 Ut simul extendi, simul & cognoscere possit;
Qualem hæc monstra putant, infensa Deoque sibique.
Nec, veluti sonus ac lumen, color atque figura,
Aut gemini ex unâ venientes arbore rami,
Extensi ratio, atque animi vis ipsa putentur;
1135 Sed quasi naturæ duplices pugnare vicissim
Dotibus adversis: quarum altera semper agatur,
Altera semper agat; labentibus altera constet
Particulis, habeat nullas in se altera partes.

S U N T in Materiâ nobis impervia sanè

1140 Plurima, quæque aciem Mentis, quâ cuncta tueri
Conamur, fugiant. Etenim finita potestas
Ingenii, non assequitur quæcumque per omnes
Materiæ nexus & vincula particularum,
Confieri possunt: quare in caligine densâ
1145 Progredimur sæpe, ac veluti nictamur in umbris,
At si, cuique rei quæ dotes funditus insunt,

Haud scimus plerumque, licet cognoscere saltem
Quaeis careat. Nos fortè latent primordia flammæ :
Ast ea compertum est aqueis distare figurâ ;
1150 Inque figurarum solo discrimine poni,
Quidquid aquæ aut ignis proprium est. Miracula nondum
Omnia Magnetis perspeximus : at mihi certum est
Magnetem non esse animal ; nec amoris ab æstu
Ferratas trahere ac secum vincire catenas.
1155 Cur & ab Arctoo declinet cardine Mundi
Solis ad occasum, mox & conversus ad ortum
Paulisper, res est etiamnum ignota ; sed illud
Materiæ subtilis opus toto Orbe fluentis ,
Et non ventorum scimus. Quadrare rotundum
1160 Nemo potest : at quadratum differre rotundo
Id norunt omnes, quidque ex utroque sequatur.
Sic à Materiâ Mentem sejungimus ; etsi
Non omnes liquidò vires utriusque patescant.

ADDE, quòd has etiam discriminem segregat ingens ;
1165 Libertas. Etenim constantes omnia ferri
Corpora per motus, æternū subdita legi
Perpetuæ, propriâ sine cognitione, fatetur
Quilibet. Ast homini nota est sua cuique potestas ,
Aut nihil aut aliquid, sive hoc sive illud agendi.
1170 Ecquis enim quoties secum deliberat anceps
Quid faciat, vel consilium solertis amici
Flagitat, ac tandem quid sit facturus apud se
Decernit; quis dum rogat, aut hortatur & urget ;
Dum laudat bene gesta virûm, malè gesta severus
1175 Arguit, ac meliora jubet ; dum præmia ponit ,
Et poenas meritis ; si quid peccaverit ipse ,

Excusare palam, ne quâ sons audiat, & clam
Emendare parat, quia facti cura remordet ,
Neglecti-ve pudor ; dum cuncta negotia curat ,
1180 Fungitur officiis, morum sibi justa, suisque
Dogmata constituit ; quis demum talia præstans
Non libertatem se persentire, fruique
Jure fui arbitrii, non externâ domitum vi
Testatur, verèque probat ? Nec publicus error
1185 In genere hoc hominum esse potest consensus, & una
Cunctorum vitæ ratio : sed conscientia veri
Lux & Naturæ radius. Quippe omnia frustra
Hæc, atque insulsè fierent, si compede durâ
Vincut homo, ac præceps ageretur : ut acta moveri
1190 Materies, quâ parte impulsa est, cogitur omnis .
Sic neque præclaris formandi legibus essent
Conventus populorum ; aliquâ nec civibus arte
Inspirandus amor Patriæ , flectendaque corda
In commune bonum. Magni gens fluminis instar
1195 Quæque foret ; quod non monitis, precibusve, minisve
Vincitur ; ast humiles insano vortice ripas
Exsuperat, latisque audet se effundere campis ,
Proximaque injectis vastare paludibus arva :
Nequicquam aggeribus tentant frænare rebellem ,
1200 Indocilesque jubent alveo se condere fluctus .
Nec disciplinis etiam exercenda Juventus
Præceptisque bonis ; at vitis more colenda ,
Arboris aut teneræ, paries quam pandit apricus .
Nam lecto plantata solo, tantumque resectâ
1205 Luxurie foliorum, ipsâ vi denique Solis
Ac terræ crescit ; faustique à munere coeli ,
Nescia, progenerat fructus ramosque valentes .

224 ANTI-LUCRETIUS;

Ecquid enim Ratio sine libertate juvaret?
 Cernere quid prodest quæ conueniuntve nocentve,
 1210 Si non illa sequi, non hæc fugitare vicissim
 Nostri juris erit? Tunc in mortalibus ægris
 Mens torperet iners, penderet vana supellex:
 Quippe ubi se multis deprensum quisque periclis
 Senserit, inque suâ positam virtute salutem,
 1215 Anxius inquiret quid agendum, animoque sagaci
 Versabit, quo se molimine protinus illinc
 Eripiat: sed si vis insuperabilis illum
 Præcipitat, vanis genium cruciatibus angit:
 Hoc ipso infelix, quod prudens; atque medelam
 1220 In se putet esse malis, ubi nulla medela est.
 Vana etenim, quæ nil penitus prudentia possit.
 Inde omnis pariter Sapientum gloria falsa,
 Magnanimum Heroum virtus, Regumque bonorum;
 Nec laudabilius, quam corporis inclyta forma,
 1225 Sive decor vultus, aut florens viribus ætas.
 Atque adeò est homini Rationis inutile pondus,
 Imò ærumnosum, atque animis quasi sarcina nostris.

Quia libertatem præcelsaque jura negarit
 Mobilis arbitrii, quo præmia querere factis
 1230 Possit, & hoc ævo quondam felicius ævum;
 Ille sibi anteferat vecors & secla ferarum,
 Quas Natura parens movet ac regit impete cæco;
 Et sua vivendo vincentes tempora plantas,
 Marmoraque & gremio Terræ formata metalla.
 1235 Namque geruntur uti par est, ignara profecto
 Quid sit opus deceative; sū nec habentia curam:
 Irrita dum nobis, & sollicitudinis ægræ

Infelix

LIBER QUINTUS.

225

Infelix mater, Ratio est; dum vita labore
 Perpetuo detrita, heu! paucis occidit annis.

1240 SENSIT, & haud dubitat tuus ipse Poëta fateri
 Libertate animos hominum præcellere; quamvis
 Damnaret leto: quare per Inane cadentes
 Ridiculo demens Atomos clinamine torsit.
 Irrisi satis. At per se cum libera ponit
 1245 Materiæ pars nulla queat, mirabile dictu est,
 Qui Mentes è Materiâ conflaverit unâ,
 Nec, quæ misceret pugnantia, viderit usquam.
 At mirabilius, quod, cum immortale per ævum
 Constantes saceret compacto è corpore Divos,
 1250 Atque hominum formâ sed limpidiore micantes,
 Humanas idem Libitinæ sub juga Mentes
 Misericordia, impatiens propriæ post funera vitæ.
 Sed quanti modico peritum tempore Mentem
 Ille facit? Certè Mens est vilissima rerum,
 1255 Finibus angustis hujus si clauditur ævi,
 Et moritur simul ac renuit decurrere sanguis.
 Nummus Alexandri longè præstantior ipso:
 Ille etenim, ceu flamma volans, conterruit Orbem,
 Ac periit; cineres & nomen inane relinquens:
 1260 Illius effigies etiamnum viva superstata,
 Nec teritur manibus tractantum, & secula vincit.

PROCUMBIS tanto Rationum pondere fractus.
 Gratulor ipse mihi, nec non tibi. Cernere Verum,
 Vicisse est. Atenim queris, Mens corporis expers
 1265 Cum sit per se se, sociali corpore claudi
 Quia valet, extensis & partibus indere motum?

P

Naturas tam dispariles quæ copula jungit?
Nam si corporea est, nequit ipsam apprendere Mentem;
Si secus, haud ipsum potis est apprendere corpus.

- 1270 Huc jam appelle animum, totis huc auribus adsis,
Et faveas: neque vana tibi haec spectacula sunt.
His te adducebam, naturâ ut Mentis apertâ,
In nobis manifesta Dei argumenta videres.
Maxima res agitur. Quæ scilicet antè probavi,
1275 Ni fallor, tria sunt. Et corpora mente moveri,
Hoc primùm. Dein corporeis non partibus esse
Conflatas hominum Mentes; adeoque resolvi
Naturâ non posse suâ, sed vivere semper.
Postremò, quæcunque jubet peragitque voluntas,
1280 Hæc fieri plenâ cum libertate; nec ullo
Materiæ nexu, aut fato impendente coacta
In quod agunt, at sponte suâ prorumpere Mentes.
Propterea, dum corpus habent atque organa sensus,
Mercedem factis, aut pœnam posse mereri;
1285 Et post exactos vitæ hujus labilis annos,
Immortale dari justis ac fontibus ævum.
Nec tamen è dictis solum hæc tria ducere fas est:
At quæ principio tantum libasse decebat,
Illa recognoscas mecum, atque libentiūs audi.

- 1290 SCILICET ignorat mihi Mens, sibi credita qualis
Machina sit; quantâ momentorum arte regatur;
Quàm variè compacta, & miro condita textu:
Attamen impellit cùm vult, agitatque movendo
Compagem; ac subito flebit, prout imperat, artus.
1295 Quòd moveat, planum est causam prodire movendi
Mentis ab imperio: verum id quòd nescia præslet,

- (Nescia non motûs quem præcipit ipsa, sed artis
Quâ fit & elicitur) liquidò demonstrat adesse
Causam quæ regit effectrix; cui singula clarè,
1300 Quæ mihi sunt ignota, patent; cujusque voluntas
Adspirare meæ non definit; & valet illos,
Cùm jubeo, motus quibus est opus, indere membris,
Ecquis enim Orator facturus verba repente
Cogitat, aut quâ vi pulmonibus aëra jactet
1305 Expressum, ut pulso resonantem gutture reddat,
Quem spirare silens, & mutum halare solebat?
Aut quis disponenda modis sit dædala lingua,
Lingua figuratrix verborum, opifexque loquelæ;
Dentibus ut fractam vocem, illisamve palato
1310 Terminet inflexu, ac fingens moderetur euntem;
Naribus & labris formandam sæpe relinquat:
Quosque, id fiat uti, sit opus contendere nervos?
Quin taceat, si tanta prius molimina secum
Debuerit versare animo, quàm tollere vocem.


- 1315 CURRERE fert animus; curro: sed quid sit agendum
Interiùs, velox ut curram, nescio prorsus.
Ait aliâ ratione tamen mihi membra moventur
Currenti, quàm si sedatè incedere vellem:
Sed quæ vis motum acceleret reprimative, neque unquam
1320 Hoc didici, nec me speravi discere posse.
Ignoro penitus, teque ignorare fateris,
Quantum animæ, quot particulas, per quosve canales
Et quibus è cellis, & quo moderamine mitti
Expediat. Satis est ad nutum stare paratam
1325 Materiem; atque suo, quantum in se est, munere fungi.
Cùm volo, cùm jubeo, mihi subdita machina paret:

Nec scit quid jubeam ; neque ego , quā jussa facessat.
 Sic , ubi res aliquas meditari fortè lubebit ,
 Praesto sunt optata mihi simulacra ; videndum
 1330 Se facilis præbet , subitōque arcessitur Orbis .
 Conspicio simul & cœli fulgentia templa ,
 Et maria , & populos , urbesque & viscera Terræ .
 Qualis , uti perhibent , herbis & carmine diro
 Saga potens Erebo pallentes evocat umbras :
 1335 Conveniunt Manes , spectacula vana , rogantis
 Ante oculos ; nec se magicis subducere possunt
 Artibus : usquè adeò jussus venerantur aniles .
 At mihi cùm pariter Mundi totius imago
 Protinus obvia fit , nec quæ sit tanta potestas
 1340 In cerebro , nec quā cerebri regione creentur ,
 Quo-ve modo spectra hæc , novi ; nec pingere possim
 Ipse manu , nec totâ oculis percurrere vitâ
 Tot rerum species , intus quas cernere promtum est .

TU Q U E etiam , cùm te ipse moves , tunc Mentis easdem
 1345 Expertus tenebras ignota jubentis , idemque
 Corporis obsequium , pariter majore juvaris
 A causâ ; quæ suppeditat quod nec dare posses
 Ipse tibi , jussusque tuos , tuaque organa callet ,
 Succurrens inopi ; viresque ac robora præflat .
 1350 Arque ita , cùm magnâ circumspectante corona ,
 Saltando volucresque pedes & brachia jaſtas
 In numerum , ſequerisque modos & plectra canentis ,
 Tunc tua multivagos motus , agilesque choreas
 Attentè moderans multâ mens arte gubernat :
 1355 Quod tamen interiū geritur , dum dirigis artus ,
 Et lusus arcana tui miracula nescis :

Exerces summo domitum tibi Numine corpus .

M E N S igitur cunctis præsit communis oportet ;
 Corporis arcanos quæ possit adire recessus ,
 1360 Et latebras animæ , facilique impellere nisu
 Quidquid erit promtum ad nutus , & rite paratum ;
 Ut simul optati possint erumpere motus .
 Illius efficere est , noſtra eſt optare facultas .
 Talia ſi verò præſensque potensque requirunt
 1365 Numinis auxilium , credes nil Numine egere ,
 Quæ nobis etiam nec percipientibus , imò
 Sæpius invitis , hoc noſtro in corpore fiunt ;
 Queis tamen & finis ſuus eſt & provida cauſa ?
 Hoc Numen , Quinti , Mentem cum corpore junxit ;
 Quæ nullâ per ſe poterant ratione ligari :
 Foederis & sequimur leges , quas foederis auctor
 Instituit ; geminis hominem conſtarē jubendo
 Naturis : ut Mens per ſe diſcernere Verum ,
 Per ſenſus reſ corporeas apprendere poſſet ,
 1375 Et capite ex utroque ſuum Mundique parentem .
 Nam quis non videat , finitæ ſi breve corpus
 Subjicitur Menti , Mens quanta ſit illa , ſupremo
 Quæ regit arbitrio vastum quem condidit Orbem ?
 Non poterit ſine conſilio tam parva moveri
 1380 Machina , tam fragilis ; te judice , tanta regetur
 Mentis inops ! Credant Epicuri de grege porci .



UNIVERSIDAD AUTÓNOMA DE NUEVO LEÓN
DIRECCIÓN GENERAL DE BIBLIOTECAS

ARGUMENTUM LIBRI SEXTI.

JAM avulsi Epicureæ doctrinæ radicibus, & mentis humanæ nobilitate vindicatâ, in hoc Libro delabitur ad Belluas; ac probandum suscipit, animâ sive careant, sive valeant belluæ, nihil inde aut menti humanæ aut Deo detrahi: à v. 1. ad v. 27.

Proponit id quod ab incredulis objicitur; belluas animâ nostræ simili præditas esse, quod variis ferinæ industriae exemplis illustratur; belluarum autem animas è Materia constare, ergò & nostras: à v. 27. ad v. 303.

Respondet hoc dilemmate, animam brutorum aut nullam esse, aut incorpoream: utrumlibet affirmari posse, salvâ mentis humanæ dignitate: à v. 303. ad v. 344.

1º. Ostendit dubia saltem esse argumenta, quibus brutorum; certa, quibus hominum anima defenditur. Tum per hypothesim Cartesii doctrinam de belluis opponit, & ab exemplis, more adversariorum, decertare parat: à v. 344. ad v. 409.

Probat ab absurdo non magis belluis animam concedendum esse, quam plantis plurimis ac fossilibus: à v. 409. ad v. 608.

Motus animalium omnes mechanicè fieri posse indicat;

P iiiij

*ex mirabilibus brutorum factis inferri debere, non suam
feris inesse mentem, sed mentem aliquam adesse : à v. 608.
ad v. 767.*

*Belluarum motus ex eadem causâ nasci posse, ac motus
nostros spontaneos, ad quos nihil nisi velle afferimus : à v.
767. ad v. 826.*

*Ex immutabili in belluis vivendi tenore, arguit ipsas
carere delectu; ex pluribus vero exemplis, ipsis non inhærente
mentem, sed præesse : à v. 826. ad v. 947.*

*2º. Si mens belluis attribuatur, illam, cujuscunque sit
ordinis, incorpoream fore, ac nostræ similem; imò perfec-
tissimam. Hic contra adversarios retorquet exempla plurima
solertiæ animalium ; quibus evincitur mentem humana
præstantiorem belluis consulere : à v. 947. ad v. 1142.*

*Instinctus vulgare nomen velut inane profigat : à v.
1142. ad v. 1255.*

*Mirabilibus brutorum gestis mentem illis externam
argui : ab operum humanorum industria probat, quanto
major esse possit divini artificii solertia. Solvit id quod obji-
citur, inutilia fore brutis sensuum organa si sensu bruta
careant : à v. 1255. ad v. 1357.*

*Concludit nihil aliud ex tanto brutorum artificio inferri
posse, nisi mentem esse summam; hic exhibet miram struc-
turam alituum, piscium, quadrupedum; animalia casu pro-
creata non esse; ac proinde Deum esse auctorem belluarum,
sive sensu careant, sive sensu præditæ sint : à v. 1357. ad
finem.*



ANTI-LUCRETIUS,

SIVE
DE DEO ET NATURA,
LIBRI NOVEM,
AD QUINTIUM.

LIBER SEXTUS.

De Belluis.

NEMPE novo cultu campum domitus arator,
Protinus agresti non credit semina fundo :
Sed prius hirsutos vepres, dumetaque passim
Diruit avellens; tum crebro vomere frangit
Indocilem glebam, & rastris contundere tentat.
Sic ego paulatim, spinas tua pectora circum
Enatas, argumentis excindere conor :
Ne segetem emittant vivaci è stirpe nocivam ;
Ac vetus intacta radice repullulet error.
○ Tunc meliore solo confurgent semina Veri.

Tunc & sinceros tibi cognita pandere vultus
 Incipiet, vindexque sui Natura parentis,
 Decutiet fucum, quo gens incredula pinxit
 Invitam, & clarè Dominum confessa loquetur.

15 HUMANAM idcirco, quæ nobis intima, Mentem
 Ante oculos posui; quiddam ut consistere scires
 Materiem supra, quod eam regat. Inde probatum est
 Mentem illam effigiem Mentis tantum esse supremæ,
 Quæ moveat Mundi partes, & simplice nutu,
 20 Invalidam per se ac per se motoris egentem
 Materiam, formas convertere possit in omnes.
 Jam tibi nota tuæ patet excellentia Mentis,
 Quam deturparat maleficio carmine vates,
 Indignans in se quidquam haud mortale putari,
 25 Invisumque ipsâ fugiens in imagine Numen.
 Sed cupit ille mori frustra, cui vivere fatum est.

AT verò te bruta movent; quæ tota resolvi
 Cùm pereunt, nec materiâ quid maius habere
 Et canis, & possum, vel si lubet, ipse fateri.
 30 Hæc itaque objectas fidens, ac sæpe reponis
 Esse illis animam nostræ similemve, parumve
 Dissimilem; per quam si non sublimia rerum
 Scrutari, tamen hæc valeant cognoscere saltæ
 Quæ sibi convenient, generique & idonea vitæ.
 35 Quippe recordari, sentire, audire, videre,
 Olfactu, gustu, res & secernere tactu,
 Et fugere atque sequi cernuntur, & artibus uti;
 Internosse suis etiam medicamina morbis,
 Et varias inter legere hanc, quæ proderit, herbam:

40 Inde Voluptatis sensu pariterque doloris,
 Lætitiâ & luctu, spe vel formidine tangi;
 Sic & amore & amicitiâ, stimulisque vicissim
 Irarum atque odii: varioque cupidinis æstu
 Currere ad illecebras; ultroque ac sponte moveri;
 45 Insuper & morem gerere & mansuescere cultu;
 Blanditiis delectari, & parere flagello.

HINC aliquas vitiis, aliquas virtutibus olim
 Insignes dixere feras; hominique fuisse
 Primitus exemplo, atque opera ad complura magistras:
 50 Ut Canis occultum sylvis dependere Damam
 Nare sagax, & odora sequi vestigia prædæ,
 Venari docuit. Super hoc miracula narras;
 Quo desiderio, quâ sollicitudine raptus
 Amissum perquirat herum, tandemque reperto
 55 Gestiat exultans; custos quâm fidus & audax
 Credita terrifico latratu limina servet;
 Arceat à stabulis furesque luposque rapaces;
 Atque vagas prudens reddat præsepibus agnas:
 Tum comes ipse viæ, quoties benefacta rependens
 60 Aggredientem armis irruperit acer in hostem;
 Aut occisorem morsu patefecerit ultor.
 Nam cur dissimilem vulgo quæcunque feruntur?
 Fortè etiam insidias Vulpes, artemque latendi,
 Perque canaliculos fodiendæ subtus arenæ
 65 Monstravit, fecitque viam ad querenda metalla;
 Unde homines docti coeperunt viscera Terræ
 Rimari, excisosque manu subvertere montes.
 Et, nimis ah! nisi nos odiis acuisset ad arma
 Ipse furor, stragem violens lupus atque ruinam,

- 70 Magnanimusque leo docuisset prælia belli.
 Profluit ad prædam rapidus leo, Cæsar ad Orbis
 Imperium: finis, fateor, diversus utriusque;
 At non dissimiles pugnæ; labor unus & idem,
 Quo coenam Fera, quo Regnum sibi comparat Heros.
- 75 Et quid non Elephas, quid mimo Simia gestu
 Non præstat; vafra & Feles; saltator & Ursus?
 Lucifuga enutrit truncatos Noctua mures,
 Ne fugiant; prædamque sibi gnatisque saginat.
 Paxillos in aquam primus defigere Castor
- 80 Instituit, laribusque inimicum avertere flumen,
 Et ligna intrito atque intritum jungere lignis;
 Arboris excisæ trunko mandare cavato
 Invalidos foetus; & pro temone reliqui
 Summa tenens rami, stagnis deducere lembum.
- 85 Sic paleis limoque casas firmare madentes,
 Nidificans altè, præfuntia veris, Hirundo.
 Nec minus impatiens hyemis gelidæque pruinæ,
 Quæ comes huic migrare solet Philomela quotannis,
 Auribus ingeminans nostris mirabile carmen,
- 90 Impulit humanas apta ad modulamina voces.
 Callida quin etiam dum tendit Aranea laxos
 In foribus casses, internequitque sagenam,
 Retibus & pisces & aves captare dolosis
 Admonuit: telas eadem, vel texere pannos,
- 95 Cùm trabibus faxisve sedens, & fornice testa
 Stamineo, laqueos fundavit utrinque tenaces,
 Ac stipata premens strinxit sine pectine fila.
- CÆTERA quid referam? Quanto Formica labori
 Mensibus incumbat calidis, tectoque recondat

- 100 Provida congestas hyberna in pabula messes;
 Erudiens mortale genus, tardamque pigrorum
 Desidiem increpitans hebetemque ad munia sensum?
 Cernis, ut uividulos libans Apis aurea flores
 Decerpit lentum humorem, & sal fugine dulci.
- 105 Telluris medicatum adipem, pretiosaque cœli
 Munera, purpureis sparsim gemmantia mappis;
 Et rorem exsugit, quem concoxere tepentes
 Primitæ radiorum & blanda exordia lucis.
 Inde domum revolat spoliis fragrantibus uda,
- 110 Serpyloque thymoque gravis, prædâque superbit.
 Tum lectas partitur opes; sexangula primùm
 Horrea ductilibus ceris, cratesque favorum
 Per forulos & cancellos quincunce politâ
 Ædificans. Credas musivum opus, ordine comtum
- 115 Dædaleo; Euclidisque omnes didicisse figuræ,
 Fabrilesque diu docilem excurrisse per artes:
 Sic ad libellam concinnè, sic ad amissim
 Cuncta; cavis adeò vaginis limpida forma est
 Et nitor; ingeniumque & mira industria lucent.
- 120 His tandem dites epulas, præsaga futuri,
 Condere amat: cùm tristis hyems nudaverit Orbem,
 Omniaque ingratâ torpedine capta jacebunt,
 Melle suo tacitos inter saturanda penates.
 Præterea, si quæ latebris peraguntur in illis
- 125 Investigare est, quot erunt memoranda? Fovetur
 Publica res; fraternus amor, mens omnibus una.
 Sunt mores apibus, sunt jura, ducemque sequuntur,
 Et sua quemque manent obeunda negotia civem.
 Est quoque militiæ labor ac decus; arma capessunt
- 130 Pro patriâ exiguisque foci: sunt agmina sape

Missa colonorum, nova qui procul oppida condant;
Et gentis leges, ritus, nomenque propagent.
Quid majus meliusve hominum sapientia præstat?

QUONIAM inter Milvos fuit audacissimus unus,
135 Imbelles antehac solitus vexare columbas.
Hic tandem, aut fato, aut famæ melioris amore,
Dedignatus aves timidas prædamque fugacem,
Alitum regnante Aquilam ad certamen iniquum
Provocat, & rostro & pennâ bis terque lacescit.
140 Sprevit principio malefatos alitis ausus,
Nec minus incepto per nubes illa volatu
Institit: at reducem rursum temerarius urget,
Plumâque avulsâ circumfert ore tropæum.
Plus æquo tunc visa sibi tolerasse, procacem
145 Occupat, & vitæ parcens, in rupe relinquit
Implumem. Hic quid agat? Non occubuisse pudori est.
Non animos posuit tamen; at nudatus & algens
Ulcisci meditatur. Ibi sub tegmine quodam
Vermiculis pastus, simul artus nutrit & iras;
150 Dum redeat vigor, atque levis reparetur amictus.
Adfuit expectata dies. Juvat ire per auras,
Magnanimamque nimis, si non vi, at fraudibus hostem
Debellare: dolo virtus se victa tuetur.
Pons erat undarum conflictu exesus & annis,
155 In medioque, trabes corrosas inter, hiatus:
Hunc sibi pro laqueo, pro retibus eligit ultor,
Vindictæque locum, si quâ fortuna juvabit,
Destinat. Ingreditur primùm pedes, utque capacem
Agnovit, cautè tentat penetrare volando;
160 Inde iterat præceps, ac totis concitus alis.

Quod cùm saepe, diuque, omniq[ue] ex parte probavit,
Erigitur coelo, & victricem quærit in auris.
Ergò insultanti similis se se obvius infert
Indignant[er] Aquilæ: venit ipsa, paratque rebellem
165 Aut iterum spoliare, aut justæ tradere morti.
Ad notum refugit vafer insidiator hiatum:
Et vix transiliit, cùm defuper impete rapta
(Urget enim cæcus furor & spes proxima prædæ)
Angustum in spatum ruit, atque impingitur ultro
170 Infelix Aquila, & pennis luctantibus hæret,
Corpore dimidio jam prætergressa meatum.
Advolat è latebris Milvus, poenamque reposcens,
Vellicat elisæ plumas, ultusque recedit.

IPSE ego ne videar, dum causam impugno ferarum,
175 Dissimulare aliud, sive extenuare canendo,
Arma tibi indulsisse velim; nova protinus arma,
Unde accedat honos & crescat gloria genti
Quadrupedum. Vidi quâ turbidus ire Danastris
Incipit, ac patulos Dacorum adlambere campos,
180 Ucraniâ in pingui, quâ non felicior olim
Terra fuit, dum bello acres habuere Cosaci,
Nunc stat iners nulloque exercita vomere tellus;
Vidi belligeras acies & castra ferarum,
Queis color haud cunctis unus; nigrantia terga
185 Sunt aliis, fulvæque aliis per corpora fetæ;
(Baubaces patriâ dixerunt voce Poloni)
Vulpinum genus; innocuo ni vivere pastu
Mos esset, penitusque animanti ignoscere prædæ.
Nam virides populantur agros, specubusque profundis
190 Suffodiunt; ac de latebris & gramine certant.

240 ANTI-LUCRETIUS,

Quales inter se populi quos flumine magno
Dissociat Rhenus, campos & littora propter
Bella gerunt: acuit totas hinc Gallia vires,
Atque illinc toto Germania robore pugnat.
195 Ergo ubi villosas pecudes excivit ad arma
Laudis amor feras, & vincendi cæca libido,
Plebem iracundam vomit undique terra cavernis.
Ocius ecce fremunt: vasto micat æquore miles
Agminibus primùm sparsis atque ordine nullo;
200 Tum varias ineunt, certo rectore, cohortes.
Utraque in optatis metatur castra viretis,
Expanditque suos acies adversa maniplos:
Quin & utrinque pares animos, eademque videres,
Non sine terrifico strepitu, præludia pugnæ.
205 Ut Mars accensus cantu, signumque ululatus,
Ceu tuba rauca, dedit; concurritur impete magna,
Miscenturque agiles turmæ; furit hostis in hostem
Discolor, effusoque madens rubet herba cruento:
Spesque metusque modò hanc, modò partem deserit illam.
210 O quot solerterisque dolos & fortia facta
Observantum oculis adimit certaminis horror!
Altera pars tandem fato meliore triumphat:
Vista fugit, secura procul sibi pabula querens.
Nec sequitur fusam, at deserta cubilia victrix
215 Occupat; & partis grassari gaudet in arvis.
Verum in captivos, Dominorum provida miras
Sævitia exercet poenas: moesta agmina condunt
In foveis, coguntque omnes servire per annos.
Atque ubi tempestas brumâ veniente rigescit,
220 Et complenda monet secto cellaria foeno,
Protinus ad messem ducunt servata ferendam

Mancipia;

LIBER SEXTUS.

241

Mancipia; inversisque solum premere atque supinis
Corporibus, tum crura jubent attollere sursum,
Quatuor erectis persisten ut gramina palis:
225 Inde onerant caudâque trahunt animantia plausta,
Erasoque vias miserorum tergore verrunt.

IGNESCAT quantus brutis animantibus ardor
Gignendi, miramur item; quæ prolis alendæ
Cura sit, ac matrum pietas; ut quæque pericli
230 Vix memor, imparibus concurrere viribus audax
Non dubitet, nidos servans, hostemque lacepsat,
Nil sibi, cuncta suis metuens. Hoc tempore sexum
Deponunt, versantque animos in corde viriles,
Femineasque iras acuit prope mascula virtus.
235 Nec verò mutas, atque omni voce carentes
Credibile est: et si nobis incognita vulgo
Seu quæ verba sonant, seu quæ sunt edita verbis.
Nam cur alituum cantus, stridorve Colubri,
Cur hinnitus Equi, cur sylvestres ululatus,
240 Anferis & clangor, planctusque gementis Hyenæ,
Turturis & querulum murmur, strepitusve Cicadæ;
(Vociferantur enim cunctis animalia terris)
Cur, inquam, nil significant? Simul atque Leonem
Rudentem audieris, faucesque aperire cruentas
245 Videris immanni rictu, & quatere ilia caudâ,
Arreftâque jubâ furibundum ac torva tuentem;
Quid tunc horribilis meditetur bellua, nosti,
Audimus mugire bovem, latrare molosum;
Nec sonus est illis semper, nec spiritus idem:
250 Sed quo quisque modo sentit, sic exprimit ore.
Nempe aliter pullos in opimâ corte vagantes

Q

- Ociūs expansas revocat gallina sub alas
 Inclamans, cœlo visus cùm desuper alto
 Milvus edax; aliis arcessit vocibus illos,
 255 Læta putres inter stipulas cùm fortè latentem,
 Unguiculis agitans, detexit farris accervum,
 Ad lautamque dapem sparsos invitat alumnos.
 Nonne & cùm saturæ redeunt ad claustra bidentes,
 Cedere gramineo monuit quas Hesperus agro,
 260 Balantesque ferunt sitientibus ubera natis,
 Respondent agni? Genitricem voce salutant
 Quisque suam; tot enim nunquam est in matribus error:
 Accedunt celeres, & flexo lactea potant
 Dona genu, buccis avidi mulgere tenellis.
 265 Est igitur pecudum generi generique volantum,
 Omnibus atque feris quæ spirant aëris auras,
 Est aliquis propriâ veniens ab origine sermo;
 Qui satis est, certisque fovet commercia signis.
 Ergò notities, atque experientia rerum,
 270 Quæ victim & sobolem spectant, ais, optime Quinti:
 Ergò animus; nostrâ qui non tibi mente videtur
 Inferior mage, quâm rubro sunt rufa colore,
 Æs auro, saxum gemmâ, frondentibus ornis
 Gramina, & albescens ignito Cynthia Phœbo.
 275 Nam minus aut majus rerum non dividit usquam
 Naturas: nec tam exiguo contraria distant
 Inter se spatio, quale est nos inter & illas.
 Haud secus ac nascens alieno in cortice mucus,
 Radicesque suas habet exilemque coronam,
 280 Frondesque fructumque gerit velut ardua quercus.
 Et qui vix tenues elabitur inter arenas

- Rivulus, ac minimo divertit sœpe lapillo,
 Non minùs oceano proprias quondam inferet undas,
 Quâm fluviis hinc inde tumens nivibusque solutis
 285 Flumen Amazonium, quod vasto gurgite currit
 Andibus ex altis, ac centum regnâ pererrans,
 Ipsum etiam pelagus, quò se ingerit, esse videtur.
 Ergò incorporeæ frustra Sophus usquè laborat
 Formare effigiem Mentis; cùm sola ferinas
 290 Materia efficiat Mentes. Quòd si quis abundat
 In nobis, quo bruta carent animalia, sensus,
 Et quem ideo Rationis amem jactare superbo
 Nomine; causa fuit felicior undique nexus
 Principiorum. Etenim cata vulpes arte videtur
 295 Ac simul ingenio reliquis excellere brutis;
 Nec tamen alterius naturæ est. Sic homo vulpem
 Exsuperat, meliore luto præcordia gestans
 Ficta, at ficta luto; formâ præstantior, idem
 Naturâ; quæ nos cunctis animantibus æquat.
 300 Sic loqueris; multi sic tecum sœpe loquuntur.
 Ne tamen inde putas actam rem; dictaque vulgi
 Ad Sophiæ veras potius mecum exige leges.

S i non externis tantum dubiisque profecto
 Indiciis mira hæc brutorum gesta tenerem;
 305 Intima sed penetrans naturæ arcana ferinæ,
 Quidquid eo latet atque agitur sub cortice, nossem;
 Atque ut gestorum sum conscius ipse meorum,
 Abdita sic etiam brutorum sensa viderem;
 Quod censes, propriâ virtus ratione, faterer:
 310 Esse animum brutis nostro fortasse minorem,
 At similem, & distare gradu non amplius uno.

244 ANTI-LUCRETIUS,

Tum, quæ de nobis ac nostrâ mente probavi,
De brutorum animis & rite probata putarem:
Nempe incorporeos, immortalesque vocando.

315 At tu exemplorum tanto molimine quidnam
Te viciſſe putas? Aliquid quod cogitet, eſſe
Corporeum? Minimè. Siquidem inconcuſſa manebunt
Argumenta quibus modò rem, quæ cogitat & vult,
Corporis expertem, atque ideo necis eſſe probabam.

320 Ergò, ſi velle & cognoscere bruta probasti,
Obtinuisti adeò brutis animantibus eſſe
Quiddam incorporeum, noſtris majusve minusve
Mentibus, at ſimile omnino; cui ſciliſet ævum
Ex vi Naturæ nequit immortale negari.

325 Sed non id ſtatiuiſ quod tu ſtatiuiffe volebas,
Funditus humanas leto evanescere mentes,
Utpote Materiæ lufus fragilesque figuræ,
Ex quibus exoritur certâ ratione movendi,
Cognitio vel amor: quin hæc eversa relinquis.

330 Hujus nempe tui vitium eſt sermonis & error,
Quòd duo fidenter veluti certissima ponas,
Quæ ſe non ullo Naturæ lumine produnt.
Eſſe animum in brutis, qui noſcat & optet, eumque
Mortalem. Alterutrum credas, per me licet; ambo
335 Non licet. At neutrū potis eſt monſtrare neganti.
Bellua tota perit, clamas; concedere malim:
Sed ſi Pythagoram ſequerer, vel Gymnosophistas,
Atque ferarum animos aboleri morte negarem,
Et nova perpetuò naſcentum in corpora ferri;
340 Aut aſſervari velle, dum priſca refuſant;
Dic, oro; qui me falſi convincinge poſſes?

LIBER SEXTUS.

245

Quo te argumento, Quinti, Natura juvaret?
Hæreret; ut in hoc puncto Lucretius hæſit.

HAUD magis eſt notum, quanquam vulgare, quod urges;
345 Eſſe animum in brutis. Fortè eſt: haud ipſe negabo:

Namque vetat Ratio, niſi clarè falſa negari.

Fortè etiam non eſt. Video, tu protinus inquis.

Gesta vides, fateor; gestorum cernere causam
Non potes. Hæc ſolâ Rationis luce videnda eſt,

350 Non oculis. Oculi referunt perſæpe rotundum
Quod re quadratum verâ; perſæpe colores
Affingunt rebus, qui non ſunt: ut modò nubes
Depictas, geminum cernunt modò in æthere Solem,
Cæruleos montes, & ponti mobilis undam

355 Nunc viridem, nunc purpuream. Mendacibus ergò
Diffide. Hoc agitur; quos edit bellua motus,
Num veniant è principiis extrinſecus haſtis,
Organa ad hos uſus fabrefacta moventibus; ut cùm
Altus habet nautas nocturno tempore ſomnus,

360 Vi ſolâ regitur ventorum ſtruſta carina;
Nimirum prout hos in vela parata receptat:
An velut in nobis è principio intus agente;
Ut cùm pervaſilat rector, nautæque laborant,
Et variè flectunt, prout imperat ipſe, carinam.

365 Scimus enim nos hac penitus ratione moveri,
Dum ſcimus nos percipere ac ſentire: nec illâ
Eſſe potest in re dubium. Nunc æquore in alto
Proſpicimus geminas excelfo è littore cymbas;
Procedunt una; varium nihil inter utramque

370 Detegitur, nec ſuſpicio eſt, tum judice ſenſu,
Internam huic, illi externam cauſam eſſe meandi:

Q iij

Cùm propriùs venere tamen , se se explicat error;

Altera nam remis impellitur , altera vento.

Causa igitur non est omnis , quæ causa videtur :

375 Et sensus Ratio judex , non serva profectò est.

Sic hominem atque feram causæ disjungere possunt

Motrices , quamvis eadem videatur & una:

Quod satis est , ut sit dubio locus , & mora nostris

Judiciis. Nam notus homo , fera cognita nondum.

380 Quod facit hæc promptum est ; factorum quæ sit origo ,

Non liquidò scimus. Tu conjicis esse timorem ,

Aut desiderium ; quoniam dat signa timoris ,

Ac desiderii : & properas hoc dicere , quamvis

Nec certò constet , nec rem perpendere cures :

385 Ast hominem quassante metu atque cupidine ferri ,

Non tantum hoc signis , quæ sunt fallacia saepe ,

Non conjecturâ nosti ; sed conscius ipse es.

Quod te igitur spectat tibi notius , & mihi , quod me ,

Quàm quod Equum aut Felem. De te ergò judicium fer ,

390 Ex his quæ de te nosti ; non , quod tibi probro est ,

Felis ab exemplo , cui te componere mavis.

Imus ad ignotum per cognita : sed tibi , Quinti ,

Rebus ab ignotis ad notas ire libido est.

Siccine legitimus Logices pervertitur ordo ?

395 Siccine per tenebras optatum lumen aditum ?

PLURIBUS hinc adeò verbis jam parcere possem :

Nam subitò ruit objectum & vanescit in auras.

Sed quia te rapiunt sensus , atque in tua dicta

Vulgare ac promptum est facili descendere clivo ;

400 En totum tibi Cartesium validasque cohortes

Cartesii opponam : forsan dubitabis , & ulro

Dices obscurum quod apertius antè putabas ;

Si facilè , ut spero , exponi miracula possint

Omnia brutorum , quæ præstantissima ducis ,

405 Organicam per vim , molimine mentis ademto.

Sed cùm te moveant , Ratione potentius ipsâ ,

Rebus ab externis quæ passim exempla petuntur ;

Exemplis etiam tecum certare lubebit.

DIC igitur. Quoties nostris tractatur in hortis

410 Herba manum fugiens , à sensu nomen adeptâ ,

Nonne reluctari indignans ac nolle videtur ,

Et , quasi contactu violatam , stringere frondem ?

Usque adeò , ut si instes , importunusque sequaris ,

Contrahat in se ipsam ramos aversa dolentes ,

415 Et properet capite in terram procumbere flexo ;

Donec destiteris vim tandem inferre molestam :

Tumque resurgentem miraberis , omnia rursus

Pandentem folia , & revirescentem ore sereno.

Huic-ne voluptatis sensum , sensumve doloris ,

420 Huic-ne animum nostri similem dabis ? Organa tantum

Miris apta modis , atque arte instructa magistrâ :

Unde fit , ut sparsus fibris ac frondibus humor ,

Quo teneræ constare solet vigor ac decus herbæ ,

Appulsi minimo pluviae baculive manusve ,

425 Cogatur revocare gradum , venasque relinquat

Exsangues : illo convulsos impete nervos

Et replicata vides folia ; hinc subsidere planta

Cernitur , & simulare fugam timidumque pudorem.

OBSERVASTI hederis , necnon & vitibus inter

Q iiiij

- 430 Pampineas frondes nasci prostantia fila,
 Quorum ope debilibus provisum est undique ramis;
 Ut possint humiles alieno assurgere fulcro.
 Ni faciant, reptare solo cogentur, & aurâ
 Privari, & pedibus calcandum extendere truncum.
- 435 Ergò si paries juxtâ, palusve vel arbos,
 Continuò tendunt illuc, digitosque patentes
 Producunt, fulcrum amplexæ, vinclisque ligantur
 Intortis; nec quæ semel arripiere, remittunt;
 Donec adhærentes ad summa cactima crescant.
- 440 An sua Mens hederæ, sua viti est? Attamen illa
 Non sine consilio & rectâ Ratione geruntur.
 Quædam hederæ, quædam viti Mens tale paravit
 Subsidium, infirmisque manus & brachia prudens
 Attribuit, certos provisum munus in usus.
- 445 Quidni etiam plantas animantes esse putâris?
 Scilicet hoc quoque idem permulta legumina præstant.
 Nam cicer, & sumptu Lucullis emta superbo
 Pisa, fabæ & graciles, longoque cucurbita collo,
 Cùm nihil inveniunt, ipse sibi mutua præbent
- 450 Auxilia, & ramos tenues utcunque maritant.
 Haud secus ac pecudes in aprico gramine campi,
 Cùm fervet succensa dies, glomeramine facto
 Summissum caput alternis à sole tuentur;
 Et focia in sociæ solamen querit umbrâ.
- 455 QUIN si fortè inter lupulos caput exerat ulmus,
 Illi in circuitu succrescent corpore primùm
 Erecto, & se se tollent; mox quisque recedens
 A perpendiculo, caput inclinabit ad ulmum,
 Inde sibi columen sperans. Distantia motu

- 460 Vincitur obliquo, & jugi conamine tandem
 Perveniunt cuncti: simul apprendere, volutam
 Ordiri subitò, spirisque tenacibus arctè
 Constrictum norunt celeres involvere truncum;
 Et simili tandem correptos compede ramos
- 465 Illaqueant: tegitur peregrinis frondibus arbor.
 Admiranda tibi nonne hæc solertia plantæ?
 Sic quoque progreditur cæcis radicibus ilex,
 Succus ubi melior, pinguesque uligine glebae
 Pabula sufficiunt; loca prudens arida vitat,
- 470 Scruples ubi, multoque infelix glareä topo:
 Tunc quâ liberior patet aër, brachia tendit;
 Ac properat summum in sylvis efferre cacumen,
 Vitales ne præripiant quibus indiget auras.
- HIS ergò Veteres cùm rebus inesse viderent
- 475 Artem aliquam, passim Genios sparsere latentes,
 Qui regerent, motumque darent, vitamque foverent.
 Juppiter hinc cœlo datus & Saturnia Juno,
 Vulcanus flammis, Terræ Berecynthia Mater,
 Oceano Neptunus & æquorea Amphitrite,
- 480 Dis quoque visceribus terrarum Hecateque triformis,
 Et segeti secunda Ceres, vitique Lyæus;
 Quin & sideribus miro sic ordine motis
 Ut nunquam officio desistant, apta dederunt
 Numinæ; sic etiam Soli quo cuncta foventur,
- 485 Aurigam, currumque, immortalesque quadrigas,
 Arboribus Dryadas, fluviorum Naiadas undis,
 Pratis ludentes per gramina læta Napæas,
 Tum Satyros sylvis, & turpia Numina Faunos.

HAUD aliter multis animans Magnesia quondam
 490 Visa filex, traheret quòd grandia pondera ferri;
 Suspicioque fuit sensùs & amoris in illâ.
 Nam quis non stupeat, grave condensumque metallum
 Currere in amplexus lapidis; fierique vicissim
 Magnetem, atque alio saturari denique ferro?
 495 Necdum etiam gemino suspendi cardine Mundi,
 Altera ceu Tellus esset, parva Orbis imago,
 Cognorant; nec vis in eâ comperta polorum;
 Nec cœli latera ostendens in pyxide, classes
 Ducebat pelago & supplebat sidera nautis.
 500 Succina quid referam paleis onerata perinde
 Eminus affectis? Inter duo corpora plana
 Sponte suâ surgens oleum, hoc velocius altum
 In culmen properans, quo fit vicinus illi?
 Tum lymphæ stillas, quæ cùm accessere fluendo,
 505 Protendunt parvos apices ac mutua captant
 Oscula, dum tandem coalescant corpus in unum?

HÆC si more tuo expendis, vestigia Mentis
 Ejusdem quâ bruta tibi pollere videntur,
 In plantis, in fossilibus passim obvia cernes
 510 Observans; leviora quidem, Mentisque minoris:
 Sed plus atque minus non dividit (ipse docebas)
 Naturam rerum, mage quæ perfecta minùsve
 Esse potest, quamvis eadem uniusque tenoris.
 Utque feras homini signa ob communia quædam
 515 Æquiparas, quanquam in reliquis distare fateris,
 Æquiparare feris etiam genera ista licebit,
 Ob certos pariter motus, externaque Mentis
 Indicia, in multis etsi distare fatendum est.

Si dicas Mentem humanam præstare ferinæ
 520 Organicis tantum, quibus utraque machina constat
 Partibus, hoc itidem de plantis omnibus ausim
 Respondere, & de brutis animantibus unà
 Collatis. Tua me, dum pugnas, arma tuentur.

AT verò genus arboreum non ambulat, inquis,
 525 Non edit vocem, non obtinet organa sensùs.
 Imò quæ retuli plantaria sponte videntur,
 Etsi affixa solo, tamen & pretendere ramos
 Quò juvat, & captare suam radicibus escam.
 Forsan odoratu & gustu tactuque fruuntur:
 530 Nam faciunt quæ non fieri sine sensibus illis
 Posse putas. Careant: quid tum? nihil inde probatur.
 Omnia non omni possent animalia sensu.
 Qui cæcas terebrant inâ in tellure latebras,
 Lumbrici degunt oculis atque auribus orbi.
 535 Sunt in littoribus pelagi conchylia, cultrum
 Quæ formâ referunt, nunquam de sede moventur:
 Tantum, regresso fluctu occultantur arenâ;
 Hinc se paulisper tollunt venientibus undis.

QUINETIAM esse feras terris spectamus & alto
 540 Sic hebetes, illis animantior herba videri
 Ut possit, cunctos renuit quæ tangere tactus;
 Aut acus ad gelidam semper quæ vertitur Arcton,
 Et tacto magnete polum servare fidelis,
 Nonnihil hinc atque hinc declinat tempore certo.
 545 Sunt homines mente interdum, te judice, capti,
 Quos canis & lupus ingenio superare videntur:
 Invenies brutum plantis & inertius ipsis.

Cunctarum tamen est similis natura ferarum :
 Omnibus aut nullis Mens est. Si Mentis honores
 550 Concedas Aquilis , & habebunt Ostrea Mentem.

A t quidquid plantæ insignes ac nobile saxum
 Ostentant , fieri per tenuia corpora , certis
 Exagitata modis & propellentia , constat.
 Nil opus est animo , vi tantum atque impete motūs.
 555 Hoc ais , & fateor. Sed gentis pulchra ferinæ
 Cur non facta licet paribus concredere causis ?
 Influit assidue gemino de cardine Mundi
 Vivida Materies ac subtilissima , caulas
 Magnetis penetrans , ac circum effusa perenni
 560 Vortice : consimiles in ferro nacta meatus ,
 Ipsum etiam penetrat , lapidique alludit amico ,
 Magnetemque novum simili vertigine format :
 Quam si vel minimo perficitu ferrea cuspis
 Imbiberit , semper , dum libera , vertitur illuc
 565 Unde venit flumen ; variat variantibus alveis.

V i s eadem est plantis quæ fulcri oriuntur egentes :
 Quos etenim his opifex digitos Natura paravit ,
 Villisque armavit prudens atque unguibus uncis ,
 Producit succus veniens ; cum deficit , illi
 570 Paulum exarescunt , ac spiræ tortilis instar
 Curvantur : si quid tangant , id nexibus arctis
 Involvunt ; si nil occurrerit , haud minus ipsi
 Aut inter se se , aut soli frustraque ligantur.
 Quæ verò fulcrum inclinato vertice querunt ,
 575 Has ea Materies agitat quæ corpora circum
 Omnia perpetuis gymando motibus ambit.

Sunt ita dispositæ motum hunc ut ubique sequantur
 Invitæ , nullo propriæ conamine mentis ,
 At vi quâ magnes ferrum trahit ac sibi donat.

580 Si quis agi ferrum stimulo arbitretur amoris ,
 Aut furandi animo , magneti quam invidet , artem ,
 Prodigus ille animi nimium , stolidusque vocetur.
 Quid si ego , dum axis properans obmurmurat unda ,
 Et quatit insultu ripas , & spumea circùm
 585 Infremit , iratam ripæ saxisque putarem ,
 Quòd sibi jucundos aditus objecta morentur ?
 Aut , quem recta negat cursum via , quærere longo
 Circuitu , & reparare moras ardore fluendi ?
 Denique , cùm prunis cendentibus æstuat , ignes
 590 Detrectare odiis , & in aëra malle resolvi
 Ac fugere in fumum , quàm subdi hostilibus armis ?
 Quid si etiam flamas , quoniam sunt pabula flammis
 Utilia , idcirco quis crederet esse voraces ,
 Quòd pruritus edax rabiesque famelica vexet ?
 595 Vel mare , cùm terras veniens tegit , inde recursat
 Temporibus certis , & littora fœcibus implet ,
 Sæpe etiam tumidos tollens ad sidera fluctus ,
 Dissipat errantes , aut frangit rupe carinas ;
 Conari excidium terris , temeraria coepita
 600 Nautarum ulcisci , studioque nitoris , inanes
 Quisquilias puro è gremio depellere dicam ?
 An risum teneas auditum admissus ? At ista ,
 Exclamas iterum , per motus omnia fiunt
 Corporeos , quorum facile innotescit origo ,
 605 Res est , confiteor , nulli non cognita. Verum
 Quidni corporis ita motibus omnia fiant

In brutis, quæ consilio directa videntur?

QUANDO QUIDEM licet, à minimis exordia sumam.
 Ostrea vix pelagi fundo gradiuntur, adhærent
 610 Rupibus & saxis, vescuntur gramine, foetus
 Progenerant, referare solent & claudere concham.
 Machina si tales aptata putetur in usus;
 Et ponam in capite & stomacho & genitalibus agmen
 Spirituum, simul & quædam instrumenta movendi
 615 Corporis; hæc tribuam solis discrimina motū
 Particulis, versūs propriam impellentibus escam,
 Absque fame, seu notitiā, aut cuppedine victus:
 Ut radix in pingue solum, pejore relicto
 Commeat, & fundit sylvam hinc atque inde comantem.
 620 Necnon convenient sibi mas & foemina; sicut
 Convenient geminæ per vincula mutua vites:
 Dispar finis erit, verū par causa modusque.
 Nonne etiam constat palmis haud crescere baccas,
 Ni prope sit conjux? Nonne omnis nunc quoque gentis
 625 Novimus arboreæ gemino connubia sexu?
 Flumina materiæ levis, insinuantis, aduncae,
 Per varios missa hinc, atque inde recepta meatus,
 Motabunt concham, ferrum ut magnete mouetur,
 Ac melius longè; quia sunt ea corpora ferro
 630 Et fabrefacta magis, pluresque tributa per artus:
 Quinetiam variè; variis ut stridula ventis
 Pinnula seu malo in summo, seu culmine tecti
 Volvitur, & coeli partes versatur in omnes:
 Et rota juncta rotæ, quanquam uno fluminis ictu,
 635 Diversæ currunt; si recta hæc, illa supina est.

NOBILIORA parem servant animalia ritum,
 Etsi fortè modo mirabiliore gerunt se;
 Machina quòd longè data sit præstantior ipsis.
 Cur canis insequitur leporem cervumque caprumque
 640 Sylvestrem? Quidam è cunctis animalibus exit
 Halitus, haud feriens oculos, sed nare sagaci
 Sensilis, atque humiles longùm diffusus in auras,
 Graminibus pariter tritis ac sentibus hærens.
 Hunc non suscipimus, nec bellua suscipit omnis;
 645 At quæ sola fuat venando nata, suasque
 Sic nares habeat textas, quas halitus intret:
 Ut sera non omnis velit omnem admittere clavim,
 Halitus hic valido catuli quatit impete nervos;
 Scintillant oculi; præcordia sanguine turgent;
 650 Pulmones jacint reclusis faucibus auram:
 Illinc latratus, qui que artibus emicat ardor.
 Ergò quæ cervus longo corpuscula tractu
 Emisit, nervis altè intricata caninis,
 Huc catulum rapiunt, unde effluxere; ruitque
 655 Impiger ad cervum loca per deserta vagantem,
 Aut recubantem inter frutices domitumque labore.
 Quam si spirituum seriem velutique catenam
 Amisit catulus, nimio sive impete raptus,
 Seu cervi facto in vestigia trita regressu,
 660 Sistitur, aut mutus male certis passibus errat,
 Seque agitans variè, simul anxius esse videtur;
 Si reperit, latrat rursum, ac velocior instat:
 Illius ad vocem sociorum turba recurrit.
 SÆPE canes oculis tantum, nil nare cientur;
 665 Illos nullus odor, sed prædæ irritat imago.

Lucis enim radius, quem præda objecta reflectit,
Postquam oculi tetigit fundum, tensoque receptus
Reticulo, succuslit agens primordia motū
Nervorumque caput, se fila unde omnia produnt;
670 Succussi fontes animorum hinc inde fluentū
Irrorant sparsos per segmina multa canales:
Musculus hinc omnis concepto flumine turget,
Assurgunt fibrae, & curvos breviantur in arcus,
Ossaque, membrorum fundamina, subdita tollunt;
675 Totaque compages in partem vertitur illam,
Unde sibi veniunt irritamenta. Necesse
Tunc igitur planè est, cùm tantos machina motus
Hauserit hinc, illuc etiam directa feratur.
Quandoquidem radius, qui motū omnis origo est,
680 Objectæque rei simulacrum in lumina desert,
Inde venit semper, semperque revertitur illuc.
Pondera non aliter comprehensa rudente trahuntur,
Et veniunt ad eum, qui dat motum ipse rudenti.

Ut canis in cervum cursus, sic & fuga cervi
685 Mechanico fit plana modo. Latratibus aures
Ut primū sonuere, sono concussa movetur
Machina tota repente feri, quem somnus in umbrā
Detinuit; cutis arrigitur, nervique tremiscunt.
Ecce animi cerebro delapsi concita membra
690 Exagitant; & pulsa, procul discedere cogunt.
Machina principiis nata talibus, ordine tali
Compta est, ut rumor eam sonitusque minaces
Commoveant (licet illa minas urgensque periculum
Nesciat) inque fugam vertant: velut igne fugatur
695 Unda; Æschynomenes ramus, cùm tangitur, herbæ.

Sic

Sic bruta aufugiunt, ut cernas signa timoris
A ritu pendere mero, quem condita servant
Organa; non verum fugientibus esse timorem.
Omnia nempe feras non æquè murmura turbant,
700 Non omnes rerum effigies. Horrere videtur
Hostem quæque suum: cervi damæque molosso,
Accipitrem perdix, milvum gallina, lupumque
Bos & ovis: latebras conquirit piscis in ulvâ,
Ingruit. ut trepidæ populator lucius undæ.
705 Nullus ab innocuis metus est in gente ferinâ.

CUR illud fugiant, hoc contra bruta sequantur,
Haud ægre inspicias, positis quæ diximus. Omne est
Arcanum in fabricâ. Confestim nempe recedunt,
Dissona cùm veniunt illis; ac proinde sequuntur,
710 Si cum propositis est convenientia rebus,
Et quidam tonus harmoniæ qui congruat. Ecce
Si geminas fidium chordas quis tendat, eundem
Ut sonitum reddant, cùm tangitur altera plectro,
Consona chorda tremit, fremitusque intacta repente
715 Dat similes, aliisque silentibus una susurrat.
Tum vitro calici poteris quiem pollicis ictu
Deprendisse tonum, si voce imitatus acutâ
Acciniš, hunc frangi, subitóque dehiscere cerneš,
Qui voces alias, gravioraque murmura temnat.
720 Inde patet liquidò quid odore sonusque receptis
Eveniat; quî dira fames, sitis improba vexet
Corpora brutorum, non escae concita sensu,
Non potûs, at ventriculi prurigine tantum,
Quæ stimulat nervos, nec vero pungere cessat,
725 Versus id omne agitans, ex quo mitescere possit.

Quòd si perspicuum non est sic mota reapse
Corpora brutorum , saltem est sic posse moveri.
Unde liquet Mentis regimen nihil his opus esse.
Ergò nullus amor , nullus timor esse putetur
730 In brutis , quanquam id suadent fallacia signa.
Nam timor est odium mortis , quæ creditur instans ;
Nullo viva modo norunt animalia mortem :
Ignoti nullus timor est , ut nulla cupido.
Idcirco fugiunt , quoniam fugere illa necesse est :
735 Et prædam invadunt , quia non invadere prædam
Non possunt. Arcu velut evolat acta sagitta ,
Non arcum fugiens odio , sensuque timoris ;
Atque hominem ferit & lacerat sine motibus iræ.
Haud aliter si fortè lupi venator odorem
740 Vestibus attulerit , catuli latratibus ædes ,
Qui nunquam sensere lupum , vel questibus implent.
Si verò catulam Veneris prurigine dira
Contabescensem tractaverit ; ecce protervi
Adveniunt , caudas agitant , ac murmure blando ,
745 Etsi nescierint uxorem , orare videntur.
Nonne hæc mechanico peragi moderamine clarum est ?

SÆPE fit , objicies , lepus ut cùm trajicit agros ,
Continuò breviore viâ canis occupet acer :
Certe consilium leporis prævidit acuto
750 Judicio ; siquidem cautus prævertere tentat.
Sæpe etiam noctu cùm venit ad ostia notæ
Clausa domûs , latrare gemens , discurrere circùm ;
Inde fores repetens capite auscultare supino ,
Si fortè auditu referentur : denique primum
755 Ancillæ ad strepitum , caudâ gestire citatâ

Protinus hinc atque hinc ; tum demum admissus , oberrans ,
In varios , præ lætitia , ptorumpere saltus .
Hic spes , hic metus est , hic & prudentia Mentis .
Vidi equidem , vidi & stupui mirabile factum .
760 Sed nihil hic mirabilius , nil pulchrius illis ,
Quæ retuli ; mores præsertim ac prælia narrans
Baubacum & famulos tergo reptante gementes .
Nimirum in cunctis Rationem & clara fatebor
Artis & ingenii passim documenta micare :
765 Hinc non inficiar brutis assistere mentem :
At verò mens illa ubi sit , dignoscere fas est .

SCILOM est eadem , quâ machina flectitur omnis
Nostra volente animo : quâ demum talia fiunt
In nobis , quæ nos ipsi effecisse videmur ;
770 Propterea quia cùm volumus , sunt facta repente ;
Quanquam , ut præmonui , quo sint patranda labore
Et quibus auxiliis , sic ignoramus ; ut illa
Non fierent , si cuique , suos dum promovet artus ,
Vestigandum esset quâ sint ratione movendi .
775 His igitur , quæ nos spontanea dicimus ambo ,
Nil nisi velle damus . Supremæ cetera causæ
Debentur ; Menti nimirum cuncta scienti :
Quæ simul omnipotens cùm sit , solo omnia nutu
Exequitur . Supereft , ut sicut nostra voluntas
780 Postulat hos motus , quos re non elicit ipsâ ,
Pernoscamus , utrum è causâ quoque prorsus eadem
In brutis nasci possint animantibus ; etsi
Nulla voluntatis ratio dominetur in ipsis .

PLURIMA sunt nobis etiam quæ sponte putantur

Rij

785 Elici, & eximio fiunt moderamine Mentis,
Ac certum ob finem & justâ ratione viarum;
In quibus est animi manifesta incuria nostri.
Rusticus, urbanus pariter, juvenisque, senexque,
Sicubi per faxosa viæ aut per lubrica nutant,
790 Persensere sibi nondum vestigia falli,
Corpora cùm subitò librant, crus, brachia tendunt;
Ignari quid agant & cur, aut quid sit agendum.
Porrectis tamen hi firmant se vectibus; artem
Mechanicam gestu, non cognitione professi.
795 In teneros etiam impropositum si quid ocellos
Involet, en refugit caput, it manus antè, periculum
Avertens, animus quām sensit opemve ferendam.
Sic & palpebras aperire & claudere promptum est.
Sic inopinantes interdum verba ciemus,
800 Seu vigiles aliquid meditati, seu quoque noctu
Dum sopor altus habet. Ne multa insomnia dicam,
Queis permitta sibi & tanquam rectore sepulto,
Usquè per insanos agitatur machina pulsus;
Ambulat, exercet certamina, flumina tranat,
805 Tanquam animi vacua & menti subducta magistræ;
Flumina, quæ tranare vigil mens ipsa vetaret,
Aut artem ignorans, aut capta horrore pericli.

S I nihil, hos præter motus, humana propago
Ederet, an velles homini concedere Mentem?
810 Sic & se motare feras sine Mente licebit:
Et si, quæ præstare solent, ratione sagaci
Sunt directa quidem & prudentibus excita jussis,
Nec sine consilio, sine cognitione geruntur:
Qualia & arboribus modò mirabamur in ipsis;

815 Nec tamen utilium plantis innata cupido est.
Automaton parvo suspensum momine, parvo
Impulsum, motus quos credis sponte coortos,
Affectusque omnes animi intus agentis, & iras
Atque odia, invidiam & vivos simulabit amores:
820 Dummodò Mentem aliam fatearis, nempe supremam,
Quæ præsit. Quod quis si fortè retorqueat in nos,
Ne dicatur homo propriâ quoque mente carere;
Non solùm ex dictis, verùm hoc convincitur ipso,
Quòd sibi quisque hominum sit conscientius & sibi testis
825 Ipse suæ mentis: de se nemo ambiget unquam.

C E R T E, si brutis animantibus inter agendum
Consilii & propriæ vis conscientia mentis adesset,
Atque affulgerent certi vestigia quædam
Delectus, ratio non his rata semper agendi
830 Una foret; variò sed tempore motus
Exorti, solitam seriem immutare laborum,
Nativosque adeò possent infringere mores.
Nam non omnis homo parili se tegmine vestit;
Nec similem carpit vistum, similemque loquela
835 Ore refert; nec totum uno fera bella per Orbem
More gerit, conditve domos, aut navigat æquor,
Aut terram exercet; leges nec servat easdem.
Sunt, quos humanæ delectant pabula carnis:
Sunt, quos plaustra vehunt saltus camposque per omnes;
840 Nec certis habitare locis, nec figere sedem,
Nec bona civilis norunt confortia vitæ.
Quin ubi terrarum obliqui jam languida solis
Spicula vix penetrant, exhaustâ pene pharetrâ,
Mentiturque diem nive luna reflexa perenni,

845 Gens ibi Pygmæum, priscis incognita seclis,
Rangiferos agitant villosa in pelle sepulti,
Vimineosque trahunt Albo super æquore currus :
Duratosque lacus concretaque flumina calcant,
Et gelidâ effodiunt tepidos tellure penates,
850 Cetorumque adipem potant prius igne liquatum.
Quam multas uno in populo simul aspicis artes,
Vivendique modos studia in diversa tributos ?

A t verò ille feris tenor est, ut semper eandem
Quæque sui generis normam indeflexa sequatur.
855 Quo ritu depasta suas apis Attica myrtos
Omnem mellituis alvearibus ornat Hymettum,
Hoc etiam dulcesque favos & candida mella
Sarmaticæ fabricantur apes. Lopus Afer in agnos
Sævit ut Ausonius vel Perfa : neque Indica vulpes
860 In pullos alias exerceat, quam Gallica fraudem.
Prædator cunctos populatur lucius amnes.
Insequitur cymbas toto canis Orbe marinus,
Tergeminaque aperit dentatas ordine fauces,
Circumiens proram & puppim ; si fortè natantem
865 Incautè, aut lapsum poterit discerpere nautam.
Omnis aves vultur, capit omnis aranea muscas ;
Cunctos insidiis amfractus parietis implet
Penilibus, loca foeda situ & neglecta frequentans.
Et formica-leo prædam scrobe fallit euntem,
870 Semper glandiferis inventa sub ilicibus sus.
Semper & effossis latitare cuniculus antris
Visus, amaracino gaudens & odore myrica.
Unus hirundinibus mos est compingere nidum,
Diluere argillam sorptis è flumine guttis,

875 Ac faciles molli stipulas intexere limo,
Et culicum aucupio totos absumere soles.
Sic Philomela parem terris canit omnibus hymnum ;
Hymnum delicias Veris, quem nulla maritans
Aonidum vocem plectro, non flebilis Orpheus,
880 Non Phœbi lyra, Mercurii non tibia vincat.

H I N C tibi saepe dabit dulces incallida ludos,
Dum se discruciat vano gallina pavore.
Nam si suppositos anatum nutricula pullos
Foverit ignorans ; rupto vix cortice prodit
885 Mendax progenies, studio pregestit aquarum,
Et micat in venis nandi ingenerata voluptas.
Ergo palus avidis ubi primùm risit ocellis,
Tunc generis memores, freta per cognata, per ulvas
Abripit ingenium fidens & avita libido.

890 Pipilat interea, stolidè angitur, æstuat, ardet
Falsa parens, rostroque monet, pennaque moratur,
Certatque audaces arcere minacibus undis.
At postquam indocilem per amica pericula cernit
Præcipitare gregem, trepidans revocatque, ruitque
895 Exanimata, gemens, inviso in margine cursans ;
Jurgiaque ingeminat rabie, ceu mater, anili.
Nam putat esse suos ; & avorum vivere ritu
Stultæ est una salus ; alieni nescia moris,
Tuto non videt ire leves impunè natatu.

900 SÆPE autem faciunt sic lèvè bruta quod ipsis
Nativum est, ut ibi potius dementia vera,
Quam vis consilii quædam ingeniumve putetur.
Omnis enim ac semper triplicem canis exigit antè

Quām jaceat, gyrum : calcando nempe videtur
 905 Exēquare torum, quō molliūs ipse recumbat :
 Hoc pētrā faciet super, atque in marmore duro.
 Posticis pedibus, quō stercora celet, in horto
 Scalpit humum feles : curam hanc & cernis inanem
 Strata pavimento si fortē cubicula foedet.
 910 Ensis equum pupugit ; non hic se summovet, imò
 Nititur in ferrum, corpusque in vulnera trudit.
 Si quando stabulum conceptis ignib⁹ ardet,
 Ille manet constans, nec postibus exit apertis,
 Quidquid agant famuli ; & flammā fumoque necatur,
 915 Quid referam stultis de papilionibus ? Unum
 Exitii quibus est cunctis gēnus, ire volando
 Fatalem ad lychnum : quōd si semel inde recedant
 Semiarimes, iterum repetunt incendia lāti;
 Quos fratrū allicitunt exusta cadavera, nedum
 920 Avertant ; donec ponant in lumine vitam.
 Psittacus humanas imitatur gutture voces,
 Et quemcunque sonum lingua moderante figurat ;
 Cūr potuit nondum tandem assuetudine longā
 Discere, prolatis quae sit sententia verbis ?
 925 Sed temere ac frustra rogat & respondet, inani
 Garrulitate loquax ; veluti Germanica justos
 Cymbala dant modulos ; similes & Belgica latē
 Tympana templorum celsis è turrib⁹ edunt.

EXTREMUM, tibi quod super his proponimus, hoc est :
 930 Omne animal ruit in venerem, fecunda libido
 Cuncta tenet : veneris quae meta est ? Nonne propago ?
 Omne animal sitiens lympham sibi poscit, & escam
 Esuriens : quinam est finis potūisque cibique ?

Nonne ut jejunum corpus, cui semina vitæ
 935 Diffugiunt semper, recreetur utrāque medelâ ;
 Et novus attritos sanguis suffulciat artus ?
 Scilicet hoc animo, & ne desit bucera proles,
 Lascivire putas per pascua lēta juvencum ?
 Aut seriem annorum longam sibi quærere pastu ;
 940 Ne torpescat iners venis liquor, & quasi flore
 Decusso tandem flaccescant rancida membra :
 Quod neque nutricis jam doctus lambere mammae
 A genitrice recens, nos inter cogitat infans ?
 Absit ut hæc dicas. Igitur Mens altera certè
 945 Consilium hoc init, quod bruta ignara sequuntur,
 Et pueri, & multis plerumque in rebus adulti.

VERUM inquis, possum hic à mente abjungere sensus,
 Atque animi veluti partem concedere brutis,
 Quæ minùs excelsa est ignobiliorque videtur :
 950 Scilicet innatos ad certa cupidinis æstus,
 Et vim noscendi quædam sibi congrua tantum,
 Ac declinandi contraria, seque tuendi ;
 Solā, hominem quæ nobilitat, Ratione negatā.
 Quid vetat omnigenas in Mundo ponere mentes,
 955 Atque alias aliis meliores ? Optima nobis
 Obtigerit, pejor brutis, & pessima forsan
 Illis quæ summè stupidā & spernenda videntur.

NULLIS in video mentem ; da quamlibet, illâ
 Lege, ut vel minimam cunctarum atque ordinis imi
 960 Agnoscas incorpoream, expertemque ruinæ.
 Sensus enim mens est per corpus corpora noscens ;
 Ac præter mentem, nil noscere, nil dare motum,

Nil aut velle potest, aut nolle. Satis-ne probavi?
 Materies super ingenitam se attollere sortem
 965 Non valet, aut mentis proprios invadere fines.
 Mens omnis mens est; sive ad sublimia tendit,
 Sive moratur in exiguis, multumve parumve,
 Seu male, seu bene, seu melius meliusque gradatim.
 Namque agit omnimodis, diversaque nomina sumit,
 970 Cum diversa facit. Sensum illam nominitamus,
 Res ubi corporeas instructa per organa noscit
 Objectas, & membra sibi sociata moventes:
Phantasm vero, quando simulacra capessit
 Apprendens, fibris altè conscripta profundis:
 975 Vim reminiscendi, quoties vestigia rerum,
 Quæ suscepta prius, cerebroque insculpta sedebant,
 Tandem aliquo revocata modo renovataque rursum
 Perlustrat, gazæ relegens monumenta vetustæ:
 Intellectum adeò, cum tali corporis usa
 980 Subsidio, vel corporeas assurgere promta
 Effigies super, ingenitos se accingit ad ausus;
 Et meditatur agens intrinsecus, omnia pendit,
 Judiciumque ferens argumentatur, & auget
 Notitiam, in notis solers ignota tueri:
 985 Inde voluntatem, dum illis se adjungere certat
 Quæ bona visa sibi; vel se cupit esse remotam
 Prorsus ab his quæ forte mali sub imagine sensit,
 Et re pro variâ tunc spes, metus, ira, libido
 Dicitur, unius quæ sunt discrimina causæ.
 990 Horum si quædam brutis animantibus, imo
 Unum si tribuas, mentem largiris eandem
 Naturâ ac nostram, generis licet inferioris,

Et quasi plebeiam, dum nostra fruetur honore
 Patricio, quod se majoribus implicat ausis,
 995 Aut melius structis operatur in artubus: aufers
 Partem operum, non partem animi; simul organa forsitan
 Accusas modicis duntaxat idonea rebus,
 Atque ad præcelsas minùs inservire parata.
 Sic homo bellua erit præstantior; ipsa vicissim
 1000 Bellua vilis homo. Sic dum componere magna
 Nil veritus parvis, æquabilitate pudendâ
 Deprimere humanum tentas genus, atque ferinam
 Conjicere in sortem, non deprimis; evhis illud
 Quod natat aut serpit, reptative aut fertur in auras.
 1005 Huic incorporeos, atque ut sine partibus ullis,
 Sic leti expertes animos concedis amicus;
 Quos inconcussis nixos radibus, unus
 Destruere ac nihilo possit mandare Creator.
 Inde feras ad nostra vocas consortia; sortem
 1010 Nostram non mutas. Homini sua jura manebunt.
 Denique mens aderit brutis, vel deerit; at ipsis
 Si dederis mentem, prorsus nequit illa perire
 Naturæ vitio. Per se non interit unquam
 Quidquid agit nutu proprio; quia corporis expers.

1015 ERGÒ dum sensum brutis animantibus addis,
 Tu cave plus multo quam forte putaveris, addas.
 Nam quæcumque probant ursum, tigrimve, lupumve
 Nosse suas & amare dapes, consurgere in iras,
 Atque ex proposito sectari, querere, niti;
 1020 Et formicam & apem sibi longâ æstate paratos
 Accumulare cibos, hyemis ne tempore desint;
 Denique tot narrata prius portenta laborum;

268 ANTI-LUCRETIUS,

Hæc non mirifico tantum præcellere sensu,
Sed ratione probant ipsa & prudentibus uti
1025 Consiliis, & delectu potiore viarum
Ad metam quo perveniant; & cernere Verum
Rebus in occultis, & divinare futuras.

NAM si, vindictæ stimulo impellente vel irâ,
Pungit apis, custos verè studioſa favorum,
1030 Posse nocere igitur venientem novit; at illi
Si transfigatur telo cutis, inde futurum,
Ut mœrens aliò, victusque dolore recedat.
Quin etiam novit promptum hæc ad vulnera telum
Esse sibi. Quot sunt, quæ jam cognoscit? Et unde?
1035 Alituum pullus, primùm se credere vento
Cùm cœpit trepidans, & fidere mollibus alis;
Ignotas adeò si destinat ire per auras,
Posse volare igitur sentit se; & in aëre fulcrum
Non fore, ni volitet; nec sat, si simplice pennâ
1040 Moliretur iter, pennam sed utramque movendo,
Sustentaturum justo se pondere corpus.
Unde habet has tiro species arcanaque motûs?
Et jumenta, quibus nunquam fluviatilis undæ
Planities tentata pede est aut visa per ævum,
1045 Adducta è stabulis cùm stant in margine ripæ,
Lintrem intrare timent; &, si instat verbere ductor
Improbis, obsistunt, atque in sua lora rebellant;
Aversaque fremunt longum cervice, priusquam
Dimoveant se se; tandem domitante flagello
1050 Ingressum trepidâ tentant cunctantia plantâ;
Ceu levibus tabulis diffusa soloque labanti,
Naturæ & gnara humentis, quæ prægrave corpus

LIBER SEXTUS.

269

Non ferat, exclusâque animantes enecet aurâ.
Si fluvio inciderint, (namque ultro gens natat omnis
1055 Quadrupedum) mora nulla, natant; interrita fluctum
Proscindunt, neque habent, qui ducere motibus æquis
Antè retroque pedes doceat. Quis tale periculum
Indicat ignaris, vitandique indidit artem?

H A U D aliter campo properans canis acer aperto,
1060 Si cursu in medio scrobe sistitur improvisa,
Protinus è summo spectans, obstantia pendit;
Atque ideo foveam cùm trajicere impete primo
Desperet, cedit retro, spatiique relinquit
Quod satis est, celer ut remeans ac viribus austis,
1065 Ingentem saltu valeat superare lacunam.
Unde scit augeri sumpto conamine vires,
Et quæ cum spatio sit convenientia nisus?
Quadrupedes inter, pariendi tempore certo,
Femina quæque sibi obstetrix aptissima fœtum
1070 Lambit & exsiccat: viscus, quo nuper in alvo
Fœtus alebatur, mandens, torquetque secatque;
Ne stillans tenero decadat corpore sanguis
Per varios, illum qui devexere, canales;
Quosque uteri fundo partus divulsit apertos.
1075 Quæ mulier, si non didicit, tam docta futura est,
Ut sciat & medicum pertenter sponte laborem?

ÆSTIVÆ volucres, Libycis quas finibus ardor
Immodicus, nostris expellit frigida bruma,
Cùm primùm vertere solum, diversa-ne Mundi
1080 Climata rescierant; & fluctus æquoris ultra,
Quod medium latè terrarum interluit orbem,

Esse plagas curru solis propiore tepentes;
 Quas neque deturpent hyemes, nec frigus adurat.
 Quis monet in turmas cogi autumnalibus horis?
 1085 Et fremere in caveis abeundi tempore sueto
 Vel cicures (quoniam experientia nulla praevit)
 Unguibus & rostro pennisque laceſſere clathros,
 Molirique fugam, & vetitam præferre dolorem?
 Unde fit ut multæ stagnis etiam agmine facto
 1090 Dent se præcipites (quas aut violentior austus
 Ire vetat peregre, vel præcox occupat algos)
 Sex ibi continuos omni procul aere menses,
 Ceu vitæ patifam, in coeno putribusque lacunis
 Acturæ exanimes, donec cum vere resurgent?
 1095 Quis dedit hunc morem, & reddituri pignora motus?

Sic etiam totum perdix innupta per annum,
 Et quæ sola domi residens, nil vidit ab ovo
 Nativam præter casulam, potumque cibumque
 Quo vixit; sub finem hyemis, cum Vere tepeſcunt
 1100 Accedente dies, juveni sociata marito,
 Quem servavit anus pariter sub clavibus arcte,
 Nec minus ignaro; primùm stupefacta videtur
 Admirans sibi consimilem, ac tremebunda pavescit:
 Mox affueſſeri propiusque agnoscit ſodalem
 1105 Incipit, ac teneros non dedignatur amores
 Hospitis: inde brevi celebrat connubia pacto.
 Cum tandem expletæ Veneris deferuit æſtus,
 Multo ſe gravidam foetus, ſedemque parandam
 Venturis, quo sint quasi jam praefentiat, ovis
 1110 Cognoscit: paleas atque obvia gramina rostro
 Colligit, intorquet, plecit; teretemque canistrum

Circinat, & cunas numeri molisque capaces
 Aedificat prudens; ne fortè cadentia partu
 Pignora rumpantur, vel dilabantur acervo:
 1115 Ultima cum stratis effudit mollibus, intrat
 Multa cavens nidum treinulo pede; contrahit unguies
 Innocuos, fragilemque timet contingere testam,
 Deprimiturque ſuper: calido tunc peſtore pullis
 Incubat, excludi donec confeſſerit ætas.
 1120 Atque ubi jam matura dies è carcere trudit
 Formatos, tunicamque rudi pertundere rostro
 Nituntur, juvat haec nifus, ergastula rumpit,
 Conſcia quid poſcant: nam ſi quod inane ſit ovum,
 Non feriet. Pergit nudatam fomite prolem
 1125 Affiduo recreare, ac ſenſim ad luminis auras
 Perducit, præbetque levem titubantibus eſcam.

Ista vides, miraris; & ipſe admiror; at ultrà
 Prosequor, & miranda magis mihi cauſa videtur.
 Nam quis inexpertam docuit, matremque futuram
 1130 Præmonuit, quidnam pariendis foetibus eſſet
 Opportunum? Et quos testacea contegit ovi
 Concha ſinu, quâ ſint curâ, quo tempore formam
 Sumpturi? Quare ſint ova calore fovenda?
 Qui didicit genitale illum ſibi inesse calorem?
 1135 Exclusi foetus, cur turturis atque columbae
 More cibum haud capiant? cur omnia denique ritu
 Perdicum facienda? Bonæ quis munia matris
 Monſtravit? Certè non haec ſine mente fuerunt,
 Non ſine confilio. Si ponis in alite mentem,
 1140 Ergo inventricem cenes, rerumque peritam
 Quas didicit nunquam, ſed divinaſſe putanda eſt;

INSTINCTU sedenim fiunt hæc omnia dicis;
 Hoc duce bruta gerunt animantia quidquid agendum est,
 Quamvis ignorant & quare & quid sit agendum.

1145 Ast ego jure pari alternantes æquoris æstus
 Instinctu fieri dicam, si dicere tantum
 Sufficiat. Mihi rem poscenti vana reponis
 Nomina, quæ Ratio propriis eliminat oris:
 Hæc, precor, indoctæ plebi stupidæque relinqua.

1150 Nam Ratio, ad vulgi morem si quando loquendi
 Dat veniam, (quò sæpe adigit sermonis egestas,
 Aut fandi commune genus) jam non sinit, ex quo
 Ipsæ inquiruntur causæ ac primordia rerum:
 Tunc accuratis opus est rem reddere verbis.

1155 INSTINCTÙS igitur quid inani nomine signas?
 Mentem aliquam, nec-ne? At si nullam, machina tantum
 Eximia est: si quam; bruti-ne in corpore agentem,
 An bruto externam? Canis æger grama quærerit,
 Ipse sibi medicus. Quod agit, Ratione magistrâ

1160 Efficitur; neque agat sapientiùs ipse Machaon:
 Hac unâ siquidem reperit solamen in herbâ.
 Ergò Mens quædam Rationis lumine pollens
 Huc jubet ire canem. Sed quæ Mens? Mens canis ipsa?
 Pro pudor! Oppletæ languens angoribus alvi,

1165 Quo didicit pacto purgandum corpus? Et illo
 Gramine purgari? Gramenque, ut proposit, edendum?
 Illius in foliis, non in radice sitam vim?
 Præterea, quantum ex illo decerpere fas sit?
 Esto noverit hæc, potuit quæ discere nunquam:

1170 Qui multas inter plantas, quæ proderit una,
 Seliget hanc prudens; an odore, colore, figurâ?

Vidit

Vidit & olfecit nunquam: tamen impete raptus
 It canis; hanc optat quæfitque ac felicit unam.
 Id neque per celebris Podalirius, aut sibi tantum

1175 Arroget Hippocrates; quos scilicet una peritos
 Et gravibus studiis, & longo parta labore
 Morborum atque artis medicæ experientia fecit:
 Id præstare queat vix ipse Asclepius Heros;
 Cui disciplinam cum vitâ infudit Apollo.

1180 Si talem instinctum das mentibus esse ferinis;
 Quem Natura paréns homini plerumque negavit,
 Ecce supra mentis longè fastigia nostræ
 Non modò callentem catulum tot Pæonis artes,
 Non modò perdicem, sed aveam quamcunque, sed omne

1185 Brutorum genus extollis; taurosque, suesque,
 Et pecudes, & pisciculos, & grandia cete,
 Semideosque facis. Quæ si tibi certa videntur,
 Quo jure imbellem populum & nil tale merentem,
 Per mare, per terras, nunc vi, nunc fraude malignâ

1190 Insequeris captans, indefensumque trucidans,
 Atque voras? Inter lusus & gaudia ruris
 Annumerat bellum genus hoc immite, nefandum,
 Ignavumque? Lupo quare crudelior ipso,
 (Cui te rivalem præstas & quem invidus horres,

1195 Non osor feritatis, at æmulus) omne per ævum
 Innocuas occidere oves, maestare juvencos
 Non dubitas, fluit unde tibi tot copia rerum;
 Et quibus est post longam operam, nex, unica merces?
 Cur hominum foribus laniata cadavera prostant;

1200 Et tua fraternâ convivia cæde parantur?
 Dic age, non pudor est miserorum sanguine vesci!

S

Præcipue cùm sint vestræ sic legis amantes,
 Atque voluptatem tantâ cum laude sequantur,
 Ut nullum invenias Epicuri de grege toto.
 1205 Discipulum, melius jurantem in verba magistri.
 Quippe Deum auctorem, & vitam post fata futuram
 Ignorant, nullâ se Relligione coercent,
 Nec Phlegerhonta trucem aut Acherusia templa tremiscunt.
 Infantes victim carpunt, & gaudia captant,
 1210 Et luctum fugiunt, Naturæ lumine ducti:
 Nec plus, quâm satis est ad vitam, nec minus optant.
 O Physici! O verè sapientes, atque beati!
 O Epicureâ dignissima turba palæstrâ!

VERUM est eximiis injuria mentibus atrox
 1215 Corporeas quòd ais, vel dum ipsas numine quodam
 Divinâque aurâ & monitis cœlestibus imples;
 Nec minus immani leto quâm corpora damnas.
 Ostensum est liquidò rem quæ cognoscit & optat,
 Esse individuam; atque adeò non posse resolvi:
 1220 Ergò immortalem. Quanto manifestius illam,
 Quæ non conjiciens tantum, sed lumine certo
 Prævidet, ac sequitur sibi commoda, noxia vitat.
 Sunt Genii, non sunt Animi, te judge, molem
 Qui brutorum agitant, ac se illo corpore miscent.
 1225 Dic igitur sene cum Samio, Indorumque Sophistis
 Qui gregibus parcunt, & Relligione sacratis
 In bobus venerantur avos animasque parentum:
 Dic cum Niliaci priscis cultoribus agri,
 Unam corporibus variis succedere mentem;
 1230 Alternisque novas post funera singula formas
 Induere: ut vestes exefas tempore multo.

Ponimus, atque novis iterum mutare solemus;
 Et nunc velleribus tegitur, quem texerat aurum.

NAM licet hæc mera sint deliria, non tamen ipsam
 1235 Offendunt naturam animi, penitusve repugnant;
 Imò nec solâ possunt Ratione refelli.
 Sed legem infusam Menti sine Mente supremâ,
 Instinctus & Materiæ de fonte fluentes
 Dicere, desipere est. Aut brutis abnue sensum,
 1240 Deme voluntatem, & propriâ quæ sponte gerintur;
 Aut, ea si dederis cum vulgo, da quoque Mentem
 His incorpoream; nobis qualem esse probavi.
 Corporea esse nequit nostræ Mens æmula Mentis.
 Instinctus igitur nil sunt; nisi voce sub illâ
 1245 Mentem aliquam reverâ intelligis intus agentem,
 Et quæ provideat, quæ differat, intima norit,
 Utile damnoſo discernat, & omnia rerum,
 Quæ priùs accepit, simulacra hærentia servet:
 Vel Mentem externam, quæ corpora cœca gubernans
 1250 Internæ gerat usque vices. Nam quidquid in orbe est,
 Aut Mens est, aut Materies, aut prorsus inhæret
 Alterutri; nec qui modus est unius, hic esse
 Alterius poterit: quia scilicet utraque semper
 Insuperabilibus sejungitur intervallis.

1255 JAM verò in brutis si dicas proſsus inesse
 Nil nisi corporeum, per me licet; at simul ipſis
 Notities & amor mensque omnis tollitur: una
 Mirè structa quidem, verū mera machina reſtat.
 An mera, fucelamas, hæc edere machina poſſit,
 1260 Unde tibi stupor atque mihi, quòd pleraque vires

Humanæ exsuperant mentis? Tu videris, Orbi
 Qui Vacuo atque Atomis nil das præstantius: at nos
 Qui Numen rerum causam artificemque fatemur,
 Tutò affirmamus, cuncta hæc Ratione supremâ
 1265 Confieri; atque feras, regitur quâ Mundus, eadēm
 Mente regi, tales quæ concinnavit ad usus
 Automata, & tam clara sui monumenta reliquit.
 Mentem ergò in brutis propriam perquirere vanum est.
 Arguit in fabro, non in se machina Mentem.
 1270 Certè pistrinum venti seu fluminis actu
 Mobile, concordique molas vertigine volvi
 Qui videt, ac frumenta teri intercepta, simulque,
 Sepositâ per subtile斯 farragine caulas,
 Crescere congeriem puræ tenuisque farinæ,
 1275 Et solo hæc auræ, vel aquæ contingere nisu,
 Percontaretur frustra, num machina Mentem
 Possideat, quoniam cernit vestigia Mentis.
 Sic thecam inspiciens, in quâ pila pendula momen
 Pondere librato moderatur passibus æquis;
 1280 Multiplicesque rotas agitans, velut æmula coeli,
 Temporis usquæ fugam revolutâ cuspide signat;
 Partiturque diem, & divisas indicat horas:
 Mentem inventoris certè laudabit & artem
 Consiliumque fabri, thecā non queret in ipsâ:
 1285 Quanquam opus eximium, quanquam ingeniosa reperta
 Miratur, ditoque premens interrogat horam.

Quòd si autem potuere homines caligine mersi,
 Qui per cancellos obscurè, nec nisi rerum
 Extima percipiunt, magnisque laboribus ægrè,
 1290 Ac multo coguntur opus sudore pacisci,

Materiamque renitentem & parere negantem
 Contrectare diu, perque organa multa domare,
 Induat ut varias tandem arte subacta figuras;
 Hæc si, inquam, potuere manu pervincere, ut aptè
 1295 Sidereo omnes imitentur in ære meatus,
 Ac velut effigiem reddant stellantis Olympi:
 Cur tandem haud valuit Mundi pater atque hominum Rex,
 Omnipotens rerum fabricator, corpora quædam
 Sic struere, ut varios, cùm sint varia organa, motus
 1300 Exhibeant; animamque ferant in sanguine foetam
 Spiritibus: puros liquidosque videlicet ignes,
 Quorum ope quisque suus servetur partibus ordo;
 Et facilè, ut par est, moveatur flexile corpus:
 At propriâ sine mente; Deo cùm sit satis illic
 1305 Signavisse suam? Nam quæ non machina clamat
 Auctorem; attentas si quis modò præbeat aures?
 Cuncta Deum produnt, atque altè impressa sigilla
 Quolibet organico splendent in corpore, Mentis
 Æternæ, quæ sola regit quod sola creavit.

1310 At verò in brutis animantibus organa sensus
 Omnia quid faciunt sine sensu? protinus inquis.
 Id faciunt quod & in nobis humana, priusquam
 Rem sibi delatam mens nostra retexerit, ipso
 Fibrarum ex motu, quo scilicet illa monetur;
 1315 Quo potius semel exorto, Deus admonet illam.
 In brutis, velut in nobis est machina certè,
 Rebus ab objectis pariter quæ nata moveri;
 Hoc est, à motore Deo, præsentibus illis.
 Solum hoc discrimen, quòd machina nostra cieri
 1320 Mente solet mediâ; sine Mente, ferina cietur.

Hæc autem ex ipso poteris cognoscere visu.

Nam radii lucis rerum simulacula ferentes

Pupillam recti penetrant, quos uvea primùm,

Mox aqueus, tandem crystallinus accipit humor,

1325 Ac divergentes convexus colligit. Unde

Concurrunt in fundum oculi, pinguntque colores,

Et formas in reticulo, seu pyxide nigrâ.

Concutiuntur eo appulsi tenuissima nervi

Fila cohærentis, cameram qui perforat, ortus

1330 A cerebro; quare in cerebrum defertur imago.

Hactenus effectum est quidquid mera machina possit

In nobis, velut in brutis. Quanquam ordine miro

Hæc fiunt, certè nostrâ sine mente geruntur.

Hanc visûs partem fas est concedere brutis;

1335 Ex quâ diversi motus in membra sequantur:

Posse etenim fieri sine cognitione probatum est,

Altera servetur nobis, quibus insuper illam

Percipere effigiem, & nostro summittere visam

Judicio, multisque modis versare datum sit:

1340 Hæc incorporeæ quoniam sunt munia mentis.

Dixi, quæ de mente Sophos dubitare ferinâ

Admoneant. In re obscurâ dubitare sagacis

Confilii est, fraudem meritò erroremque carentis.

Hæc ita si non sint, ita possunt esse: quod, inquam,

1345 Sufficit, ut brutis animas concedere tutò

Non valeas, pariatque gravem tibi quæstio curam.

Quidquid ab incerto est, incertum hoc esse necesse est,

Haud igitur nostram tua lædunt spicula mentem.

Si quid opinari tamen & contendere malis;

1350 Elige, Pythagoræ semper-florentis, ames-ne.

Cartesii mage clara sequi vexilla recentis;

Hoc est, aut nullas brutis tu præfice mentes,

Aut incorporeas: mediâ, quæ fortè placeret,

Non licet ire viâ: nisi vis te credere neutri;

1355 Atque feris demum tenebrosâ in nocte relicis,

Humanam ex se ipsâ tantum discernere mentem.

Si quis, ut assiduo maris unda reciprocat æstu

Pressurâ fieri Lunæ, tibi fortè negaret

Idcirco, quia Luna suos habet & maris æstus;

1360 Tu responderes, priùs hoc utrumque probandum,

Et pontum in Lunâ, & ponti revolubilis æstus.

Diceret; at Luna est, ut fertur, Olympia tellus,

Omnia persimilis nostræ: quodcunque videtur

In nostrâ, hoc etiam censi debet in illâ:

1365 Argueres in eo discrimen posse putari,

Res quoniam nondum satis explorata profecto est:

Si tamen in Lunâ reperitur & æstuat æquor,

Pressurâ id nostræ pariter contingere terræ.

Quid prodest igitur brutoram inquirere sortem;

1370 Cùm nostrâ sit nota minùs, totiesque probatum

Jam fuerit, si mentem habeant similem omnia nostræ,

Ergò incorpoream simili ratione futuram:

Si careant, nihil hoc ad nos spectare, proculque

Diffugere exemplum: atque adeò tela omnia contra

1375 Obniti, firmamque suis perfare columnis

Doctrinam, quæ Materiem in sua septa coërcet,

Ac Mentis naturam à corpore segregat omni.

Se d quod bruta probant nobis animalia verè,

S iiiij

Quin & demonstrant liquidò (neque enim irrita nostris
 1380 Obvenere oculis) unum est, dulcissime Quinti,
 Esse Deum quo se, sint qualiacunque, tueruntur
 Auctore; esse Deum quo se motore gubernant.
 Ecquis enim, cùm sint partim diversa ferarum
 Officia, & partim cunctis communia brutis,
 1385 Hic non agnoscat Mantis vestigia summae;
 Muneribus propriis quæ propria fingere novit
 Organa, communes tribuit communibus artus?
 Nam caput est cunctis; sunt fauces, viscera, nervi;
 Est cor, & est aliquis, quo moles tota rigatur,
 1390 Corde means remeansque liquor; sunt denique partes
 Gignendam ad sobolem, & gemini discrimina sexus.
 Omnia quandoquidem sunt & sibi vivere nata,
 Et multos similesque sui progignere foetus.
 Sed quia sunt studiis ac toto dissita victu
 1395 Plurima, quæ varias referunt animalia formas,
 Diversaque plagas Coeli, telluris & undæ
 Concelebrant; illis diversæ membra figuræ,
 Omnibus at proprios accommoda cernis ad usus.

D I S P E R S U M latè genus aspice pennipotentum,
 1400 Est illis querenda procul, sparsimque per agros,
 Aut per aquas, aut ingentis per inania coeli,
 Arboribusve super sibi congrua copia victus;
 Stant pennæ duplices, validique hinc inde lacerti;
 Queis innascentes plumas, & ponderis æqui
 1405 Remigia in numerum possint agitare per auras:
 Caudaque flexibilis, motum, ceu temo, gubernans.
 Inter aves, multæ, queis fructus sordet agrestis,

Vivere habent rapto: sunt illis omnibus unguis
 Armigeri & gladiis immania rostra recurvis,
 1410 Robustum femur, & duratum ad prælia pectus.
 Sunt, quæ nocturno venari tempore debent;
 Propterea quod præda sibi magis apta, suisque
 Foetibus, è terrâ nocturnis exit in horis:
 Illæ nec Solis radios, nec tela diei
 1415 Lucida ferre queunt; somno, latebrisque sepultæ
 Sub tectis habitant, aut inter diruta saxa;
 Et caligantes oculos dum lucet, in umbris
 Argutus, escam facile ut discernere possint,
 Et pedibus vix robur habent, ac debilis alæ
 1420 Momentum; aëriis quoniam vacat hostibus hora.
 Invenies quasdam, quibus est sua nare voluptas:
 Ecce pedum digitos jungit membrana patentes,
 Ut jaciant retro fluctum, & se remige plantâ
 Promoveant; non est aliis ea præbita virtus.
 1425 At mergis ovata via est, quâ sanguinis humor
 Intacto pulmone subit directus aortam;
 Dextro duntaxat, non levo corde receptus:
 Quam sub aquis mansere diu, spirabilis auræ
 Expertes vivunt: foetus quoque vivit ut omnis,
 1430 Dum jacet occlusâ gravidæ genitricis in alvo.

I N S U P E R hoc etiam provisum est, omnis ut ales
 Undarum civis, rostrum pinguedine quâdam
 Präferat imbutum, quo fultas vellere denso
 Sæpe linat plumas, oleoso glutine inungens;
 1435 Ne rorem accipient inimicum, aut frigidus humor
 Trajiciat pellem madefactam, & viscera lœdat.

Exfortes nandi quædam pescantur in undis :
 Aspice ut erecto sunt corpore , cruraque gestant
 Ardua præ cunctis animantibus ; ora que tendunt
1440 Grandia procero longè pendentia collo.
 Nimirum quia coenofas plerumque paludes
 Inter , & irriguas valles ac littus oberrant :
 His , ne mergantur penitus , tribuenda fuerunt
 Subsidia ; ut coeno in medio specubusque latentem
1445 Quæque suam effodiat prædam , superedita lymphis.
 Jam queis nare datum , secus undam semper in algâ
 Nidificant ; quarumque valent incedere pulli
 Nascentes , hæ semper humi ; sed semper in altis
 Arboribus , quarum pulli nascuntur inertes :
1450 Unde inhiant patuli , & victum clamoribus orant :
 Semique cocta ferunt illis alimenta parentes ;
 Propterea nacti turgentem in gutture saccum.

 Si c aliter pisces , aliter conchylia vivunt ,
 Utunturque cibis aliis , diversaque longè
1455 In pelagi campis habitant loca : namque profundum
 Pars colit , antraque vasta & inaccessas convallis :
 Pars hæret scopulis , aut falsam spargit arenam :
 Hic ubi candescens infractis fluctibus æquor
 Desinit , ac bibulum lavit unda reciproca littus.
1460 Veräm hoc mirator , Quinti , quod squamiger omnis
 Pectore vesicam semper gerat , aëris aurâ
 Turgentem ; levior quâ factus , abire per omnes
 Posit aquas , longè & latè , circumque supràque ,
 Atque altos penetrare lacus , & corporis uidi
1465 Flectere securus , pinnisque agitare carinam.

Qualis ubi primos pubes ignara natatus
 Exercet , timidoque gradu cava flumina tentat :
 Fune revincta levi pendet juvenilibus ulnis ,
 Et rude sustentat ventosa cucurbita pondus.
1470 His quoque folliculi sub gutture , mille plicatis
 Contexti foliis ; quos ossea lamina duplex
 Protegit inflectens , ut aquæ de corpore , quidquid
 Aëris est , jugi percolatum exprimat haustu.

SINGULA quid narrem ? vel quot discrimina rerum

1475 Fluctivago sint in populo ? sunt inter & ipsas
 Quadrupedes : & cuique suis pro moribus aptæ
 Sunt partes . Nam quæ frutices & gramina carpunt ,
 Illis abrasi dentes , ac forficis instar ,
 Ut segetem tondere queant ; instarque molarum ,
1480 Sunt quidam interiùs positi , queis frangere possint
 Incisam , & sapidos attritu extundere succos .
 At queis dat laniena cibum , sunt undique rastris
 Falcatæ fauces ; est unguis aduncus & ingens ;
 Ut lacerent carnem & valeant discerpere fibras .
1485 Radices herbarum ac tubera mandere natus
 Præduro sicciam rostro , ceu vomere terram
 Sulcat aper , saltusque omnes pernoctat arando ;
 Perque diem solet in spurcis recubare lavacris ,
 Et fruitur læto coeni graveolentis odore .
1490 Nec non & variis vitæ tutamen in armis
 Est positum : quæ ne percurram singula , cernas
 Infectis levibus quâ fortis aculeus insit :
 Cornua quâ multis , & quâ variata gerantur :
 Hystricumque genus , membrum quibus omne pharetra est .

1495 Ungula tum simplex aut fissa est pluribus, & non
Pro soleâ tantum, sed ut hostem calce repellant.
Sunt clypei Crocodilo, aliis sunt pîscibus enses.
Et quoniam Cancri sub fidere natus iniquo
Arduus & tergo & longâ cervice Camelus
1500 Æthiopum sequitur tostas Arabumque cohortes,
Et grave gestat onus fitientes inter arenas;
Quò non irriguis descendunt collibus amnes,
Nulla palus, nulli dant potum è nubibus imbres:
Idcirco cellas alvo anteriore capaces
1505 Accepit, ceu plena cadis alvearia, solus;
Quæ servent haustam raris è fontibus undam,
Atque monente siti reparanda in viscera reddant.
Haud secus, ac fructu sublimis carduus hirto,
Qui medios inter lapides tophumque virescit,
1510 Nec sat jejunâ trahit è radice liquoris;
Emitit bibulas ipso de caudice frondes,
In quibus, ut labris totidem, se roscida cogit
Stilla novo delapsa die, stagnansque moratur:
Arentem ut foveat, sensimque refrigeret herbam.
1515 Hæc non fortuiti occursus, non vincula cæca
Condere, non fictæ vires quæcunque putentur
Esse in Materiæ summâ, potuere movendo.

NAM quòd ab inventis hominum, quòd ab artis opellâ
Naturæ fecernis opus, quasi condita casu
1520 Fabrica sit, nostrâ quæ non imitabilis arte,
Mortalis longè superat miracula nisus;
Quòdque doces nullo compagem fine creatam,
Membra nec ad proprios instructa sagaciter usus;

Verùm Materiæ tandem glomeramine cæco
1525 Evenisse, homines ut conspicientia nafti
Lumina, conspicerent; quoniam priùs illa fuerunt
Condita, quàm notus cuiquam foret usus eorum:
Num rides, Quinti! Bellè haud humana fuisse
Hæc inventa probas; at nulli debita menti,
1530 Nequaquam. Sic sunt gregibus constructa fovendis,
Non ovium, ast hominum certâ præsepia curâ,
Ne rapiat lupus, aut coeli inclemensia lœdat.
Nec sine consilio nidum mox ipse putabas
Surgere perdicis vel hirundinis. Inde triumphans
1535 In brutis animum, nostri similemque volebas.
Organa perdicis tu verò & hirundinis ipsa,
Quæ nidis longè præstant, nidosque laborant,
Ipse tibi pugnans temere emersisse putabis?
Dic igitur pontem hunc, quo latum trajicis amnem,
1540 Non operâ factum, aut studio; sed sponte fodinis
Ex improviso lapides venisse recisos,
Et palis ultro in terræ fundamine fixis
Incubuisse simul, curvatisque arcubus altè
Suspensiisse solum atque viam fecisse per auras,
1545 Et fluvio imposuisse jugum, ripasque remotas
Transverso ductu & solidis junxisse catenis.
Dic quoque belligeras non unquam in littore classes
Exstructas; sed fortè suis de montibus actum
Descendiisse nemus, nullique dolata coisse
1550 Ligna, nec admotas olim perpesta secures.
Dic tabulas trabibus ferrum intricasse supinas
Non missum incidi, nullâ fornace recoctum;
Infectos etiam funes, infectaque malis

Lintea se motu proprio applicuisse repertis.

1555 SED quid ego hæc multis nequicquam? Talia fanti
An foret in cerebro quidquam salis? ociùs ergò
Desine tot furii agitari, ut credere pergas
Nil factum in brutis aliquâ sine mente, nisi ipsa
Corpora brutorum: quæ sive carentia sensu,
1560 Sive instructa putes, mirare & Numen adora.



ARGUMENTUM LIBRI SEPTIMI.

AD demonstrandam Divini Artificis manum, jam ab animalibus ad semina progreditur: à v. 1. ad v. 30.

Exagitat ridiculam Epicuri de ortu primâque nutritione animantium opinionem: à v. 30. ad v. 154.

Aristotelis formam artificem explodit: à v. 154. ad v. 200.

Probat semina casu nec fieri, nec fecundari potuisse: à v. 200. ad v. 261.

Descendit ad Epicuri & aliorum Atheorum sententiam de generatione animalium, quam per solas motûs leges explicari non posse affirmat: à v. 261. ad v. 342.

Ut ostendat non sine opificis industria fabricatam hominis machinam, in ejus descriptione immoratur: à v. 342. ad v. 745.

Transit ad bruta, tum minora, tum majora: quorum primum semen nec à seipso, nec casu factum esse demonstrat; ergò à mente aliquâ, eâque summè peritâ: ea aeterna esse non posse: à v. 745. ad v. 921.

Ex constanti generationum similitudine earumque arte eximiâ probat, semina nisi à causâ providâ, communi, validâ & aeternâ formari non potuisse: à v. 921. ad v. 1006.

Lintea se motu proprio applicuisse repertis.

1555 SED quid ego hæc multis nequicquam? Talia fanti
An foret in cerebro quidquam salis? ociùs ergò
Desine tot furii agitari, ut credere pergas
Nil factum in brutis aliquâ sine mente, nisi ipsa
Corpora brutorum: quæ sive carentia sensu,
1560 Sive instructa putes, mirare & Numen adora.



ARGUMENTUM LIBRI SEPTIMI.

AD demonstrandam Divini Artificis manum, jam ab animalibus ad semina progreditur: à v. 1. ad v. 30.

Exagitat ridiculam Epicuri de ortu primâque nutritione animantium opinionem: à v. 30. ad v. 154.

Aristotelis formam artificem explodit: à v. 154. ad v. 200.

Probat semina casu nec fieri, nec fecundari potuisse: à v. 200. ad v. 261.

Descendit ad Epicuri & aliorum Atheorum sententiam de generatione animalium, quam per solas motûs leges explicari non posse affirmat: à v. 261. ad v. 342.

Ut ostendat non sine opificis industria fabricatam hominis machinam, in ejus descriptione immoratur: à v. 342. ad v. 745.

Transit ad bruta, tum minora, tum majora: quorum primum semen nec à seipso, nec casu factum esse demonstrat; ergò à mente aliquâ, eâque summè peritâ: ea aeterna esse non posse: à v. 745. ad v. 921.

Ex constanti generationum similitudine earumque arte eximiâ probat, semina nisi à causâ providâ, communi, validâ & aeternâ formari non potuisse: à v. 921. ad v. 1006.

Semina omnia animalium cuiusque generis in primo animali conclusa fuisse: in maribus prolem contineri: à v. 1006. ad v. 1120.

Exponit causam infecunditatis eorum animalium, quæ ex geminâ specie conflantur: à v. 1120. ad v. 1182.

In feminis nil nisi seminis nutrimenta inesse confirmat; insitam propagandæ sobolis curam; innatum animalibus semen, in eoque tuendo Providentia diligentiam ostendit: à v. 1182. ad v. 1355.

Supra fidem non esse tantum seminum numerum tantulo spatio contineri demonstrat exemplo florum ac plantarum: à v. 1355. ad v. 1400.

In cunctis vegetabilibus generis sui semina inesse; hinc causam sterilitatis & fecunditatis explicat: à v. 1400. ad v. 1472.

Suos esse in seminibus fœtus, sua in fœtibus semina probat: exponit cur plantæ quædam ex ramo aut radice repul-lulent; cur insitione fecundentur; ex seminibus oriri eas ipsas, quæ sponte suâ ac temere oriri videntur: à v. 1472. ad v. 1609.

Nulla animalia nisi è conjugio orta esse, præter unum cuiusque generis, in quo Deus totum genus primò condidit: à v. 1609. ad finem.



ANTI-LUCRETIUS,

SIVE

DE DEO ET NATURA,

LIBRI NOVEM,

AD QUINTUM.

LIBER SEPTIMUS.

De Seminibus.

HACTENUS autorem rerum sat multa probarunt; Nullaque fortuitis Atomorum nexibus esse Corpora constructa; & per se consistere nullam Materiem, per se nullam potuisse moveri.
5 Vidimus & species viventum animataque regna; In quibus est operis major solertia, mentemque Arguit artificem doctus labor: unde parentem Esse Deum pariter vocalia mutaque clamant. Id tamen evincunt multo mage cognita rerum
10 Semina: si attendas, quo verè singula pacto

T

Gignantur; possintque homines, & secla ferarum,
 Et plantæ, & quidquid fabrefacta per organa vivit,
 Perpetuum reparare genus; semperque recentes
 Consumtis patribus detur succedere natos:
 15 Unde fit interitus ortusque reciproca quædam
 Æternum series; & eunt redeuntque vicissim
 Ex rebus non iisdem, eadem spectacula Mundo.
 Quales usque cavis amnes volvuntur in alveis,
 Haud sibi dissimiles, alii tamen; atque perenni
 20 Desfluvio properant magnum descendere in æquor:
 Nam sequitur fugientem unda & fugit ipsa sequentem.
 Sic fluit in Terris generum fugitiva propago;
 Summaque viventum (quamvis juvenesque senesque
 Nocte dieque cadant inimicâ falce refecti)
 25 Labitur & perstat, pretiosi seminis uno
 Auxilio: ludens in quo Mens summa creantis
 Contrahit immensas artes, sobolisque futuræ
 Celat inexhaustas promitque in secula gazas
 Provida: divinæ specimen mirabile dextræ.
 30 P U L C H R A quidem super his Gargettius ille, magister
 Humani generis; qui, Musâ teste Lucretî,
 Unus Naturæ fontes portasque reclusit;
 Usque adeò, ut causæ tam clarâ in luce patentes
 Non possent grato sine quodam horrore videri:
 35 Imò, non sine contemtu delira canentis.
 Scilicet ut veteres jam tum ad mendacia proni
 Grajungenæ, cœno è calido Pythona tremendum
 Emerssisse ferunt, jaculis quem stravit Apollo:
 Sic ore audaci non degener ille docebat
 40 Fortunâ cecidisse, ut, decedentibus undis,

Enatas quondam totâ in Tellure paludes
 Assiduus Phœbi sensim calefecerit ardor;
 Atque ita viventum parili genera omnia fundo
 Prodierint: muscæ primùm culicesque molesti,
 45 Facturæ levioris opus; dein secla volantûm,
 Reptiliumque & quadrupedum; quos inter & ipse
 Venerit ortus homo Rationis lumine pollens.
 At notas præter species, quas esse videmus
 In Mundo, multæ confurrexere sub auras:
 50 Casus enim quid non peperit? Sed protinus illas
 Extinxit sobolis defectus, & ire coëgit
 In tenues Atomos, veluti radice recisâ:
 Fecundas quoniam casus non fecerat. Illæ
 Manserunt tantum, queis tunc genitalia fortè
 55 Organa contigerant, Venerisque innata cupido.

S E D quales quantosque homines hoc more profudit
 Terra parens? Minimos, inquit, ceu nascimur omnes:
 Nam generum cunctorum exordia parva fuerunt.
 Unde igitur viatum carpebant? Hic Epicurum,
 60 Se majorem ipso & pictoribus atque poëtis,
 Admirare: minor fingendi namque magister
 Hoc intricatus laqueo vietusque fileret.
 At non ille sibi fidens, atque ora pudori
 Semper inaccessus: prompto nodum ense secabit.
 65 Provida nimirum pueris nascentibus almos
 Eximii fontes lactis Fortuna pararat,
 Qui cœno è medio passim hinc atque inde fluebant.
 Illi erumpentes, ac sponte in labra jacentum
 Delati, fauces internaque viscera, quantum
 70 Sat fuit, attentâ melius nutrice rigarunt.

Sic homines, agnos inter, mitesque leonum
Primitias, ab humo vitam suxere tepenti.

VERUM æquè liceat, lusit quos Græcia nugax,
Credere diluvii natos è pinguibus angues
75 Reliquis; fortesque viros, & in arma ruentes
Erupisse fatis Cadmei dentibus Hydri;
Aut lapidum jaſtu gentis primordia nostræ
Deucalioneis quondam instaurata sub annis;
Terrigenafve polo minitatos bella Gigantas:
80 Vel formicarum genitos prægnantibus ovis
Myrmidonas, cùm supplevit pater Æacus urbem,
Pestifero viduatam odio Junonis iniquæ;
Vel patrem Phœnica ſui Nabathæa per arva
Ferales myrrhæ & nardo contexere cunas;
85 Aut Jovis è cerebro cataphractam exiſſe Minervam;
Aut ſpumis comtam Venerem emerſiſſe marinis,
Quam Cypros exceptit; vel Pygmalionis amore,
Indita marmoribus gratæ spiracula vitæ.
Scilicet impietas in eo (cùm cetera pugnant)
90 Atque ſuperſtitio concordant, ut per aniles
Utraque fabellas commentaque ludicra ſe ſe
Protegat; indignosque ſibi mendicet honores.

N E M P E tuam hic fas eſt præſertim, incredule Quinti,
Appellare fidem. Credis tot vana canenti,
95 Et dubitas, morose, ſequi tot vera probantem!
Quid mihi nunc adeò manifestum extingueſſe Numen
Conatus, ridenda ſimul deflendaque monſtra,
Terreſtres uteros, limoſaque ſemina ponit,
Ceu fungis ac tuberibus, nimis ille Poëta

100 Fertilis, & mammaſ lutulento lacte fluentes;
Opportuna forent teneris ut pabula natiſ?
Cur autem expreſſo Tellus emerſa liquore,
Solis ab aspectu fecunda tumescere coepit;
Et non acceptos dignata eſt reddere foetus:
105 Ante ſuā vi parturiens, enixaque prolem,
Quām gravida; & nutrix, ulli quām nupta marito?
An lapsi madidæ radii Telluris in alvum
Semina Phœbeo de corpore fuſa tulerunt?
An Sol tot rerum ſpecies meditatus opimas,
110 Alvos femineas in molli fixnit arenâ?
Jam Sol eſt igitur Deus: en tibi Graius Apollo,
En genitor Phaëtonis, & Oceanitidis hospes.
Nunquid & omniparens foetus jam Terra tenebat
Comiſſos gremio, Solis quoſ eruit ardor?
115 En tibi magna Deūm genitrix, Idæa virago,
Quæ miſerum niſiis vexavit amoribus Attin:
En Cybele mera, quam bijugi vexere leones
Montibus in Phrygiis, Corybantiaque æra ſonabant.

SE D quis eos foetus ipsâ in Telure creavit?
120 Vas eſt, non opifex. Hic te tua fabula fallit,
Et jugulat. Quo confilio, quâ mente ſubortis
Lac tempeſtivum, cuius de munere fluxit?
Nam ſi lactis inops veniſſet lucis in auras,
Maxima pars animantium eheu! vix nata periſſet:
125 Sugere nec limum poterat, nec mandere gramen,
Nec vento ſaturari, aut puro lumine Solis.
Impietas huc uſque virum infanire coēgit!
Numine deſtructo, Fortunæ tradidit amens
Numinis officium! Quām prudens quāmque benigna

130 Hæc Fortuna fuit ! Quæ munificentia major,
Aut quæ cura magis materna in rebus alendis !
Qui talem agnoscit casum , non indiget ullo
Numinis auxilio : quin casum haud esse fatetur ,
Invitusque Deum commentis ponit in ipsis.

135 SED cur hæc præclusa via est ; nec jam amplius ullæ
Consurgunt ab humo pecudes , hominumque catervæ ?
Quæ nova tam subito pariendi invertere ritum
Vis potuit ; Terramque jubens sterilescere , solis
Aut reserans vegetabilibus , nunc omne creandi
140 Officium in species animantûm transtulit ipsas :
Et cunctas ideo sexus distinxit in ambos ,
Ut nec Terræ operâ deinceps nec Solis egerent ?
Nam si fortuito nascuntur singula casu ,
Ac temere & sparsim jacto per Inane quietum
145 Seminio , totidem viventûm de genere omni
Nunc Atomos & in hæc concrescere corpora suetas
Terra premit , quot tunc primum exsiccata premebat .
Nullum animal tamen effectis nunc prodit ab arvis :
Nec sub utroque polo , soles ubi , nocte fugatâ ,
150 Semestres ; nec ubi Solis violentia torret
Suppositam regionem & in auram ventilat agros .
Sunt hic atque illic vada , flumina , stagna , paludes ;
At nusquam visa est animal progignere Tellus .

JAM quod Aristotelis docuit Schola , corporis omnis
155 Materiâ simul ac formâ consistere summam ,
Nil aperit de Seminibus , nil explicat , unde
Mens illustrari & Verum cognoscere possit ,
Materiem certè primam nihil esse fatetur ,

Præter id omne quod est formas versatile in omnes ,
160 Per se nudum & inops , ita semper ut appetat illas :
At formam , id privum quo definitur habetque
Materies , ut sit talis talisque vocetur ;
Reginamque animamque rei ; verumtamen ipsâ
Natam è Materiâ , quâ dilabente necatur ;
165 Quâ sine adhuc nihil est , quamque ambit amica vicissim :
Mutua consortes adeò conjungit egestas .
Atque ita feminibus dominari & præesse regendis
Formam imitatrixem genii , ac bene cuncta moventem .
Hæc fuit antiqui celebris doctrina Lycei ;
170 Quam renovare velint , quibus hæc natura vocatur
Plastica : si verè potuit doctrina vocari ,
Quæ cum nil doceat , semperque relinquat in umbris
Rem sibi propositam , tum stulta & inania prodit
Somnia : namque modis rerum sub nomine formæ
175 Plus nimio tribuens , physica in moralia vertit ;
Ac stupidis animum , & teneros concedit amores .
Nec referat quare , seu quâ vi , nescia forma
Quid sit opus , mirâ tamen hoc opus arte laboret .

SED Mensem-ne opifex habet hæc mirabilis , an non ?
180 Nam si Mente caret , quî tot miracula promit ?
Si Mens est , nostræ superat molimina Mentis ?
Quanquam etenim Astronomus regiones ætheris altas
Describat radio , & Lunam Stellasque sequatur ;
Quamvis ædificare domos , munimina , pontes ,
185 Gens hominum , parvoque imitari pulvere fulmen ,
Et rigidas cautes , & propugnacula firma
Rumpere , & in muros jaculari incendia norit :
Vel trabibus junctis ignotas querere terras ,

Longè per medias hyemes , trans æquora magna ;
 190 Est tamen in tenui major solertia grano :
 Formaque lenticulæ radicem extendere campo
 Docta suam , & foliis ramos redimire bisulcis ,
 Digestasque simul varias includere lentes
 Custode in siliquâ , totis præstabit Athenis ,
 195 Et me judice erit , quām Porticus atque Lyceum ,
 Et quām mortales cuncti sapientior una .
 Verūm aliquid fas est erranti ignoscere turbæ ;
 Quæ dum opus artifici tribuit mirabile Formæ ,
 Saltem in eo studium quoddam persensit & artem .

200 At miror sublimem animum mentemque Epicuri ,
 Singula qui longum meditatus corpora , clausit
 Ipse volens oculos & lumen sponte refugit ;
 Numinibus quando securâ in pace relictis ,
 Fortunam causas Mundi concessit in unam ;
 205 Ceteraque exorto semel advenientia Mundo
 Sic fieri dixit , quoniam sic contigit esse
 Complures Atomi certâ ut de classe coirent ;
 Proindeque seminibus nasci ductore sine ullo
 Res cunctas , pariterque ex cunctis femina rebus ;
 210 Non ex proposito , vi tantum atque impete motûs .
 Hoc etenim distant Epicurus Aristotelesque ,
 Totius quod curam operis studiumque regendi
 Hic daret effecto , quod vel causæ ille negavit .

SED non expediit Superum contemtor , & offi
 215 Carmine mellifluo suffragans Musa Lucreti ,
 Quare nos miseri , quorum obscuratur opacâ
 Mole intellectus , nec se caligine solvit ,

Nil agimus sine consilio , sine mente , sine arte ;
 Seu vestem induimus , solitâ seu vescimur escâ ,
 220 Seu legimus , canimusve , placet seu scribere versus ,
 Aut ferere , aut plantare , aut glebam findere aratro ,
 Et concendere equos , venari , ludere , fari ,
 Pingere : quid memorem clarorum gesta virorum ,
 Et belli pacisque opera , artificumque labores ?
 225 Maxima Naturæ dum se miracula produnt
 Sponte suâ , sine consilio , sine mente , sine arte .

DICERE me memini , navis cum instructa videtur
 Quæ mare velivolum secat acta faventibus austris ,
 Nullum , observatâ compage ac mole superbâ
 230 Corporis in pelago diversa per organa moti ,
 Et partis cujusque situ , ratione , figurâ ,
 Non miraturum subitò portenta fabrilis
 Inventi ; quo sunt tot concinnata tigilla ,
 Tot dispensati funes suspensaque vela ,
 235 Tot mali erecti , tot in unum denique juncta ,
 Et casus contra tot mente parata marinos .
 Addidimus fore dementem quicunque negaret
 Autorem navis , sed concurrentibus ultro
 Partibus enatam & tabulatis fortè coactis
 240 Diceret . Ecce vides Atheorum absurdâ : sed ad rem
 Quo magis id nostram faciat , quoque acris illos
 Urgeat exemplum ; fas sit mihi fingere quædam .

HÆC navis proprio si secundata marito
 Naviculam pareret , quales laquearibus altis ,
 245 Templorumque tholo suspensas sape videmus ;
 Aut quales manus artificum ingeniosa polivit

In tenui formans operum exemplaria buxo :
 Tu-ne admirandam prolem hanc , Epicure , negares
 Deberi ingenio , & Mentis partum esse sagacis ?
 250 Quin imò & Mentis magnæ multumque potentis
 Argumentum esset . Navis tamen ampla supellex ,
 Vel quæ mille viros tripli sub tegmine gestat
 Annonamque ingentem , & centum faucibus æneis
 Neptuni imperium atque hostilia littora terret ;
 255 Vel quam mendaces Danaï finxere loquacem ,
 Semideosque tulisse duces in Colchica regna ;
 Haud æquare potest rerum vilissima quæque
 Semina , structuræ pretio : queis constat inesse
 Corpora non tantum primò ventura , sed ipsos
 260 Natorum natos , & qui gignentur ab illis.

Hæc Epicureos habuit sententia fallax ,
 Temporibus certis exortum in corpore Semen
 Sanguinis aut succi partem vegetabilis esse
 Decisam , & membris collectam ex omnibus unà
 265 Confluere , inque novum sensim coalescere corpus :
 Ex oculis oculos , ex ossibus ossa creari.
 Huc referunt , natis quòd imago expressa parentū
 Sæpe reviviscat ; nec tantum forma color-ve
 Corporis aut habitus , morum ratio ipsa modusque :
 270 Hinc , aiunt , si quæ cerebrum prægnantis acutè
 Perculerint , alto tectam sub fornice prolem
 Commaculare solent ; tenerâ cute pingitur illud
 Quod timuit mater , seu quod vehementius arsit ,
 Impos Phantasiæ , versâ quin sæpe figurâ ,
 275 Degenerant molles in monstra perhorrida foetus.

Ast alii solas per motûs denique leges
 Contendunt fieri ut proles formetur ; & aiunt
 Mascula feminine fuerint cùm Semina mista
 Seminibus , gemino fangi de plasmate prolem :
 280 Pharmaca ceu dupli fiunt medicamine ; sicut
 Panem ex fermento facimus pistaque farinâ ;
 Utque fabri conflant binis electra metallis .
 Hæc igitur moles , illis si credere fas est ,
 Quam genitalis inît secundæ spiritus auræ ,
 285 Motibus internis agitatur & excita fervet ;
 Prægnantisque uteri calidâ fornace tumescens ,
 Organa paulatim , se se in diversa móvendo ,
 Digerit , & formas membrorum suscipit omnes .
 Haud aliter sanè , quām ludicra tollitur arbos ,
 290 Concolor argento (Dianæ ars chymica dicit)
 Mercurio compacta mero , salibusque solutis ;
 Quorum ita commixtas partes sursum erigit ignis ,
 Ut simulent terrestre solum truncique columnam ,
 Atque in frondentes possint adolescere ramos .
 295 Ergò , ut per tubulos tenuatur ductilis auri
 Massa , venisque foras in fila minora capillis ;
 Sic etiam satis esse putant , genitricis in alvo
 Si formæ quædam fuerint certique canales ,
 Queis percolatum Semen singatur in artus .
 300 Sed longè diversa animati animâ-ve carentis
 Corporis est natura . Potest argentea fangi
 Mercurio salibusque simul ferventibus arbos
 Extima duntaxat , sed abest tamen intima plantæ
 Fabrica ; non radix , non fibræ pomaque ramis
 305 Pendula ; non cortex , teneræ non theca medullæ ;

Denique non ipsis sunt indita semina pomis:
 Arboris effigies, non arbos. Sic quoque in agris
 Saxa leges prunum atque pyrum mentita, vel intus
 Persica quæ referant lapidoso corpore mala;
 310 Tales & pepones Carmelo in monte videntur;
 Naturæ, ut perhibent, ludibria vana jocantis.
 Quod verò subtile tubis deducitur aurum,
 Jam factos probat esse tubos, formamque magistræ
 Mentis opus. Positis promptum est cognoscere formam.
 315 Quo se se in lucem molimine corpora prodant,
 Et veterem invertant, formâ cogente, figuram.
 Non mutatur enim contextus particularum,
 Et nihil interius geritur: sed cedere prolem
 Hic labor est: neque sufficiunt jam structa parentum
 320 Corpora, quæ solas possunt præbere figuram
 Partibus externis: internas quæ manus ergo
 Perficiet, natumque dabit similem esse parenti?
 Fortè oculos oculi facient, Epicurus ut olim
 Tradiderat, pars quæque sui compendia mittet.
 325 Qui poterunt igitur cæci generare videntem?
 Et manci aut utili propriis dare brachia natis,
 Cruraque? tum lectos in matre quis ordinet artus,
 Quemque suâ statione locans? Ni fiat, apertè
 Cernis non hominem, sed jam chaos esse futurum.
 330 Ergo animal, gemmæ si fossilis instar & auri,
 Congestas uno tantum glomeramine partes,
 Contextum vel aquæ, vel ceræ mollis haberet;
 Hæc, cùm non alio discrimine corpora pugnent
 Inter se, nisi quòd densis minus aut mage constent
 335 Principiis (nam sunt alioqui nescia vitæ,

Nescia prodendæ sobolis, sed inertia torpent)
 Tunc certè, non infior, gignuntur ut illa,
 Sic animal gigni, & sensim concrescere poset:
 Nimirum adductis hinc inde, ac rite locatis
 340 Particulis; pulsoque procul quodcumque noceret;
 Aptè ad vim motûs, concordantesque figuram.

At secus omnino se res habet. Organa quippe
 Fert animal secum, quæ si non intulit alvo
 Maternæ ad generis normam constructa, necesse est
 345 Artificem esse aliquem latebroso in corpore matris,
 Qui totum disponat opus; figuloque magistro
 Doctior & Graii sculptoribus atque Minervâ,
 Non extrâ solùm poliat, tornetque figuram,
 Sed struat interius quidquid vitamque genusque,
 350 Et motum & sensum, atque affectus procreat ipsos.
 Qui sciat è crassis fabricari partibus ossa,
 Vivæ tigna domûs, & sustentacula molis:
 Interfecta quidem, valeant ut momine flecti;
 Atque tamen rigida in se se firmique tenoris,
 355 Contineant proprio fluxas ut robore carnes;
 Talibus at vinclis inter se juncta vicissim,
 Molliter ut convexa cavis inserta rotentur.
 Qui positâ quasi libellâ, staticesque peritus,
 Impediat ne pars præponderet altera, verū
 360 Constituat cunctis æquabile fundamentum.
 Qui sciat ad totam componere singula molem,
 Atque intus liquidæ nidum terebrare medullæ.
 Articulos plantamque pedis, cui tibia duplex
 Inseritur, finget: simplex femur insuper addens
 365 Suppositum toti massæ, curvoque sedili.

Quidquid & una sibi , pars æmula semper habebit.
 Vertebras etiam tergo à cervicibus altis
 Producet , quo se cerebelli succus inundans
 Abscondat loculis. Costas utrinque repandas
 370 Adjicit , quas flexibiles paulum esse jubebit:
 Pulmonum ne spongiolis , quæ ducere debent
 Ac reflare animam , desit locus. Inde patentes
 Hinc atque hinc humeros , humeris pendentia neget
 Brachia. Sublimem verò quasi corporis arcem ,
 375 Consutis variè testis duplice tabellâ
 Compactis , vas efficiet , cerebroque dicabit :
 In quo molliculæ glandes è sanguine sugant
 Coelestes animos , nervis qui deinde vehantur.
 Qualis ubi stridens pyrio de pulvere flamma
 380 Surgit & ignitos describit in aëre tractus ,
 Liquitur in stellas & cœlo effusa coruscat.
 Plurima sed caveat , sedes cùm naribus aptas ,
 Atque oculis fodiet : cribrosum naribus ille
 Os faciat , patulumque in gutturus antra meatum ,
 385 Quo duci & resonare queat spirabilis aura.
 Ille cavos oculis orbes , coni instar acutos
 Scilicet , ut junctim & faciliter conamine possint
 In lœvam & dextram , & suprà subitusque moveri.
 Quin etiam prudente manu doctoque labore
 390 Sunt terebrandæ aures ; ubi tympana tensa necesse est
 Pulsari , aptarique viam advenientibus auris ;
 Ut sonitus dextrè tornata foramina velox
 Pervadat , cochleisque intromittatur apertis.
 Quid memorem gemino de cardine ? Firmiter hærens
 395 Quo maxilla superpositæ , tamen una movetur.
 Quid de gengivis dicam , queis candidus ordo

Dentūm implantatur duplex , crescitque caditque ,
 Exoriturque iterum proprio de Semine nascens ?

O SSE A compages igitur , vel nuda , tot in se
 400 Continet ingenii monumenta operæque sagacis ,
 Ut nihil auctoris demonstret clariùs artem.
 Ergò , si facta est primùm genitricis in alvo
 Informi de materiâ , qui fecerit , illum
 Vulcani similem , statuas qui jussa Deorum
 405 Sponte faceſſentes , auro conſlarat & igni ,
 Quin & Vulcano multūm præſtare necesse est.
 Munia membrorum nam quot prævidit & uſus !
 Ut studuit membris habiles aptare columnas !
 Quot variare modis ! Quæ binis offa parabat ,
 410 Bina hic atque illuc formâque polivit eādem ;
 Et quæ simplicibus , medio hæc in corpore fixit.
 Jamque ut promineant quædam , interiuſye recedant ,
 Aspice ; qui levor multis , non nulla quibusdam
 Asperitas ; parvis cuncta ut perfossa cavernis ,
 415 Ne varios motus nimiâ gravitate retardent.
 Quò mirere magis , Quinti , per fragmina multa ,
 Hoc totum conflatur opus , par omnia certè
 Musivo. Siquidem pars ex se nulla cohæret
 Vicinæ ; quæque est seorsum finita ; sed omnes
 420 Vel commissuræ , vel clavi , aut vincula jungunt :
 Quæ loca par oleo ſemper levis humor inungit.
 Tale ſibi vel Praxitelis vel Apellis alumni
 Ante oculos ponunt è ligno flexile ſignum ;
 Naturæ ad legem exprefſis ut motibus omnes
 425 Corporis humani poſtituras fingere poſſint.

Quo circa motū vides haud legibus ullis
 Hanc fieri potuisse struem. Nam corpora partes
 Continuas habeant sic informata, necesse est.
 Vi motū utcunque potest adolescere ramus
 430 Qui dein fustis erit; sed non agreste flagellum
 Fustibus è geminis constans, quorum alter habetur
 Agricolæ manibus, segetem dum verberat alter
 Aëra per medium volitans, graviorque relapsu;
 Quo spicæ frugem emittunt, stipulaeque resultant.
 435 Nulla igitur vis mente carens disponere talem
 Ex se se valuit fabricam. Mens unica proinde
 Totius causa est fabricæ. At te judge, quæ Mens?
 An matris? sæpe est conceptus inscia mater,
 Insia qui cæcā crescat tener hospes in alvo.
 440 An foetus? Ergò ipse sibi sua membra peritè
 Construeret! Certè matre est indoctior ipsâ.
 Mens tamen hæc fecit. Mente hic toto Orbe potentem
 Nonne vides? Quando fecit? Narrabimus infrâ:
 Sed priùs hanc mecum fabricæ mirabilis artem
 445 Prosequere: ut cernas præstandum quid foret illi,
 Quem reputant foetus auctorem in corpore matris.

O S S I E U S his ergò membranam adjungere debet
 Singula reticulo circùmque supràque tegentem.
 Musculus huic omnis validè affigatur oportet,
 450 Contrahi & extendi facilis; cum tendine multo,
 Fibrarum qui fasciculos sub triplice velo
 Contineat. Super his deducet carnea fila:
 Mox oleosam adipem. Levi cutis omnia texto
 Involvet, tunica ut cunctos non sutilis artus
 455 A capite ad calcem nitido circumdet honore:

Mille

Mille foraminibus pertusa, intextaque filis
 Nervorum carni passim obrepentibus, instar
 Corticis aut libri: nec pro velamine tantum,
 Vaginæque loco vel defendantis amictus;
 460 Sed percolati fæx ut diluta liquoris,
 Et quasi fuligo fervore egesta perenni,
 Ultima ramorum quæ fertur ad ostia semper
 Exhalanda foras, per spiramenta vaporet;
 Ac sincera magis nutritia flumina currant.
 465 Tum demum rigidos extremis partibus unguis
 Qui vegeant similes plantarum, atque augmine crescant
 Perpetuo, tanquam digitis munimina ponet.
 Haud aliter domus exstruitur fundamine primùm
 In terris posito: paries circumundique surgit
 470 Ordinibus multis lapidum; hunc tabulata quadratis
 E lignis cohibent firmâ compagine vinclum;
 Qui demum hinc atque hinc gypso leviore linitur:
 Et trabibus tegulisque suprà fit pensile tectum:
 Ac suus est foribusque locus, vacuisque fenestris.
 475 Fabrica jam, qualis descripta est, mira videtur;
 Attamen est sine vi, sine motibus, ac sine vitâ:
 Ceu constructa domus quæ permanet, ut semel orta est.
 Qui sensim crescat? Quâ se ratione movebit,
 Servabitque? Alias ex se quâ proferet olim?
 480 Huic opifex igitur, præter memorata, necesse est
 Organa tot variis aptata ministret ad usus.

C R E S C E R E non poterit, nova se nisi corpore toto
 Materies miscere queat: nec mista juvabit,
 Ni cunctos etiam penetret digesta meatus;
 485 Et veniat passim repentibus addita fibris.

V

Formandæ partes adeò, quæ talia sumant
 Arcessita foris, tenuentque terantque coquendo
 Subsidia, ut membris sint incrementa tenellis;
 Et reparent quidquid fugiet de corpore sensim.
 490 Os igitur vultu in medio, ceu janua primùm
 Linquetur bipatens, & cinctum duplice labro:
 Quod reserare animans, proprio seu claudere nutu
 Possit, eoque sibi quæsitum inducere victimum.
 Vestibulo tum linguam agilem plantabit in ipso,
 495 Quæ verrat versetque cibos, pinsatque salivâ.
 Tum fauces, mirique dabit sphinctera laboris,
 Quo deglutiiri valeant: cui protinus addet
 Gæsophagum, firmâ compactum pelle canalem;
 Qui post in stomachum turgens, ceu corporis ollam,
 500 Lapsas perpetuis fibrarum motibus escas,
 Obliquis etiam & transversis usquè terendo,
 Dividat in partes minimas offamque liquefientem:
 Ac dein restrictus subitò longiscat, ut anguis,
 Principio gracilis, mox crassior; atque ita gyrans
 505 Multiplicem amfractum sinuet, quò ducta feruntur,
 Ac sensim extremum capiunt alimenta nitorem,
 In chylum conversa merum; rectique receptâ
 Ipse tubi formâ, secretas trudere sordes
 Non cesset; sphinctere alio finitus ut antè.
 510 CONTEMPLATOR item, quâ sollicitudine prudens
 Debeat ille faber multas in tramite longo
 Cardinibus solidis transversim apponere valvas;
 Descensum quæ dent facilem, claudantque regressum
 Oppositæ. Quales tubulis ponuntur in altis,
 515 Ne recidant gravitate suâ, quos antlia sursum

Evexit latices. Magnum hic labor arguit unus
 Artificem. Valeant Fortuna & regula motûs.
 Cur etenim, quovis momento impulsa putetur
 Materies, quæ mentis inops cava viscera formet,
 520 Cur abrumpt iter, cursumque inflectit ut illos
 Conficiat postes; ex illâ parte recludens,
 Unde venit cibus, appositi; prohibensque recludi
 Ex aliâ? Casu nihil ingeniosius isto.
 Aspice præterea sparsas in viscere glandes
 525 Turmatim villorum instar; quibus esca liquescens
 Præterlabendo lentè purgatur, & exit
 Tersa magis: lana ut ferreis agitata nitescit
 Peclinibus, turpemque situm mundata reponit.
 Annellos etiam cernas, quibus ille fit omnis
 530 Paulatim impulsis, quo viscus deprimit escam:
 Ut fluxo reptant sinuosi corpore vermes.
 Nec mirere minus tam longi visceris orbes
 Impositos aliis alias, laxisque ligatos
 Inter se vinclis; ne sit pressura, nocensve
 535 Amfractus: cunctosque uno sub tegmine clausos,
 Ne quis fortè fugax dilapsu ergastula rumpat.
 NEC tamen ad victimum fuerit satis huicce magistro
 Prima parasse loca, aut habilem struxisse culinam.
 Quâ solers operâ faciet quoque, chylus ut ille
 540 Laeteus ac dulcis (laetescunt omnia quando
 Corpora quæ pastum præbent) accedere alendis
 Artibus & varias sibi possit sumere formas?
 Plurima namque prius docte peragenda supersunt.
 Tantæ molis erit proprios animantis in artus
 545 Materiem peregrinam & crudos vertere succos!

Ergò mesenterium postquam sinuarit in orbes,
 Multiplices cudet venas, queis candidus humor
 Omni ex parte fluens, stagnum in commune feratur;
 Atque magis liquidus, dein sub thorace canalem
 550 Intret, & ascendens se sanguine misceat ipso.
 Scilicet hic vitæ custos liquor omnia demum
 Flumine perpetuo circumactus membra rigabit,
 In minimisque vehet nova nutrimenta latebras.
 Verùm alias opus est pluresque impendere curas,
 555 Sanguinis ipsius natura fluorque perennis
 Ut fiant. Vix dimidium faber iste laboris
 Attigit. En crescent operis miracula coepit.

PRINCIPIO partes alvi in regione locandas,
 Quamque suâ tectam tunicâ seorsumque manentem,
 560 Finitimis verò per mutua vincula nexam,
 Provideat. Splenem hinc disponat, pendeat illinc
 Ventriculum supra jecur ac vesicula fellis.
 Pancreas interea medium se extendat utrinque.
 Cùm sit enim sanguis variarum ex agmine rerum
 565 Conflatus liquor, innumeras deponere debet
 Partes, aut nimias, quâdam aut ratione nocentes:
 Sulphuream ut bilem, & falsae corpuscula lymphæ:
 Quæ pòst in primum viscus demissa, juvabunt
 Pistum ex omnigeno victûs glomeramine chylum.
 570 Ac veluti frugum fordes ubi purgat arator,
 Praestò adsunt vario pertusa foramine cribra,
 Quæ certi generis transmittunt semina tantum
 Scilicet apta sibi, sibi dissentanea sistunt:
 Utque per aggestas dum turbida transit arenas,
 575 Limpidior fit aqua & spoliatur fæcibus omnis:

Cribrosas pariter solitus pervadere glandes,
 Atque minutatim variis amfractibus abdi
 Sanguis, tunc falsum sibi quidquid abundat, in unâ
 Exuit; in reliquis quod acerbum & amarius æquo.
 580 Has igitur quâm multiplici compagine partes,
 Et quâm accuratè contexet strenuus auctor!
 Quâm varios plexus varium intorquebit ad usum!
 Propterea geminos lumbis affingere renes
 Non prætermittet; qui totam à sanguine puro
 585 Urinam excernant: excretam duplice ductu
 Protinus accipiet sensim vesica tumescens;
 Subsidiensque, humor quoties impurus abibit.
 Atque hunc humorem cohibere, aut mittere quandam
 Ut sit in arbitrio, sphincter ibi tertius adsit.

590 INDIGUS externi semper, semperque recentis
 Auxiliis, quod terra parens atque unda ministrant,
 Sanguis habet, quo corpus alat: caret attamen illis
 Spiritibus, qui dent animos, membrisque vigorem.
 Hoc genus æthereis tantum eliciatur ab auris.
 595 Ergò, ceu Lemni, aut Liparæ fornacibus ignes
 Mulciber exstimulat vento, quem flamma coruscans
 Excipit, ut rigidum cogat mollescere ferrum,
 Inque nigros veniunt alternis flabra caminos;
 Sic opus incöptum meditans absolvere plastes,
 600 Dividet à stomacho totum diaphragmate pectus.
 Posthac componet geminos in pectore folles
 Plexibus innumeris passim cellisque refertos,
 Aëra qui capiant tumidi, reddantque repressi.
 Aspera reclusis arteria faucibus illos
 605 Conjunget, cui non deerit membrana sonoram,

310 ANTI-LUCRETIUS,

Cùm volumus, vocem efficiens. Hæc tibia vera
 Naturæ, tremulis transversim fissa labellis,
 Aut tensis, dabit omnigenos è gutture cantus.
 Et quia concurrunt in concamerata palati
 610 Atria, quos retuli, ductus spirabilis auræ
 Atque cibi, nec plus uno quàm pariete distant;
 Aëris in ductum ne pars potuſve cibive
 Fortè cadat, levis ante fores ac sedula porro
 Hærebit ligula, alternis quæ motibus illas
 615 Defendat: qualis majusque minusque foramen
 Protegit egregius lusor, semperque tuetur
 A veniente pilâ: nec pars ea párva laboris.

PULMONUM in medio prænobile constituet cor.
 Sanguinis hoc centrum est; hæc regia sanguinis ipsa,
 620 Et jugi lymphâ & tenui circumdata vallo:
 In mediis qualem suspendunt lampada templis,
 Ut partes lumen se se diffundat in omnes;
 Sol qualis recreat radiis genialibus Orbem.
 Sit validum robur, sit vis & elastica cordi:
 625 Huc eat, hinc veniens magno fluat impetu sanguis.
 Sit pulsus fibris, præsertim in acumine summo,
 Perpetuusque ac per modica intervalla coruscans:
 Arcanum vitæ motu fundatur in illo,
 Hoc sciat, hoc valeat cordis faber inclutus: ergò
 630 Ventriculos huic esse duos hinc inde jubebit:
 Dexter ut accipiat repentem à corpore toto
 Sanguineum laticem, turgens quem vena reportat;
 Atque in pulmonum subito penetralia vibet,
 Imbibiturum illic jam quidquid ab aëre sumto
 635 Ætheris expressum est: mox à pulmone reversum

LIBER SEPTIMUS.

311

Suscipiat lævus; simili quem arteria major
 Impete pulsatum per corporis omnia membra
 Diffundet. Motu, pro! quantum est artis in illo!
 Vivimus hac fabricâ tantum, cessante perimus.
 640 Machina nam nostra hæc non est hydraulica solùm,
 Pneumatica est etiam. Auxilio spirabilis auræ
 Indiget, ex alvo genitricis ut exiit, infans.
 Quippe necesse prius (materno sanguine quando
 Fœtus alebatur, stabatque in carcere clausus)
 645 Non fuit hunc aditum in pulmones esse patentem.
 Certè non poterant inflari mollibus auris;
 Et motu sine languentes pressique jacebant.
 Ergò suis diverticulis tunc devius ibat,
 Inquesalutato pulmone petebat aortam
 650 Sanguis. Cùm verò privatam vivere vitam
 Incipit exclusus, jamque aëre vescitur infans,
 Inde novo versùs pulmonem tramite sanguis
 Irruit, & primos dediscit sponte meatus.
 PURPUREOS autem globulos, humore natantes
 655 In liquido (vitalis enim hæc natura liquoris)
 Qui poterit per totum opifex inducere corpus,
 Ni tubulos fingat, magni ceu fluminis alveos,
 Qui deinde in varios divisâ sepe canales,
 Inclusum laticem longè latéque per artus
 660 Insinuent; succum & studeant deferre liquentem
 Commixti toties ipso cum sanguine chyli:
 Ut sine rore novo nihil, intactumque relinquant?
 Nec verò membris tantum hæc alimenta tulisse
 Sufficiat. Quid enim torpens in partibus ipsis
 665 Vector opum faceret? Semper semperque recentes

V iiiij

312 ANTI-LUCRETIUS,

Advehat; & quidquid per spiramenta forati
Corporis elapsum, reparet; vivumque calorem
Perpetuis foveat decursibus. Inde necesse est
Ociùs adversum per iter sine fine, morarum
670 Impatiens, iterum repeatat præcordia sanguis;
Trituramque novam pressus vehementer & auras
Ætheris accipiat: renovandus scilicet illo
Circitu, per quem renovantur corporis artus.

ADVERSOS ideo per singula membra canales
675 Diducet figulus, quorum ostia cordis in ipsâ
Sint constructa basi. Princeps arteria lævo
Ventriculo, princeps at dextro vena patebit.
Illâ sanguis eat subtilis & æthere foetus;
Hâc redeat totâ jam despoliatus opum vi.
680 Nam velut in plures primum se arbuscula ramos
Dividit, ac veniunt ramo è majore minores,
Inde alii rursum ex aliis, hoc ordine tandem
Ut minimi semper fiant extrema tenentes:
Nec non multivagis idem radicibus ordo
685 Cernitur, è terrâ quæ succos undique carpunt:
Sanguinei pariter tubuli se corpore toto
Protendunt; atque innumeri ex se plurima trudunt
Segmina, quæ partes cunctas sinuosa pererrant:
Usque adeò, pars ut nequeat tantilla videri,
690 Cui non alveolus saltem tenuissimus insit.
Sunt in membranis etiam levioribus: imò
Sunt in vasorum tunicâ, vel in ossibus ipsis;
Quorum pertundunt textum penetrantque medullam;
Sic passim irrepunt, sic passim arteria venæ
695 Subjacet: illa fremit subsultu cordis & unâ

LIBER SEPTIMUS.

313

Concutitur; quare texto quadruplicē constat
Firmior, ut valeat rapidi vim ferre liquoris:
At placidum referens manet hæc immota per artus.

ALTERNIS autem positas hîc aspice valvas,
700 Ut segetum in calamis nodos: mirabile dictu!
Nempe recluduntur, quâ se in præcordia sanguis
Promovet assiduus; jussæ prohibere regressum.
Verùm qui faciet faber, ut nutritius humor
In tot dividuu s rivos dispersus & exul,
705 Vas tamen ipse omnis redeat collectus in unum?
Nam si quâ propriis è ductibus exeat, illic
Ociùs implentur fossæ; restagnat; inertem
Vertitur in vappam; & pausâ corruptus ab ipsâ,
Fit tabes; letumque dabit, non munera vitæ.
710 Rivorum fines igitur, sive ostia parva
Sic prudens opifex inter se jungere norit,
Diversi ut generis minimorum extrema tuborum
Proxima sint. Nam vi, quâ semper truditur, uno
Egrediens, lacrymas postquam exsudavit alentes,
715 Ecce alium subit, & venarum exordia complens
Non intermissò decurrit flumine sanguis.
Majores, parvis dein concurrentibus, intrat.
Hæ rursum in magnas coalescunt denique venas.
Haud secus Eridanum, Venetis qui mergitur undis,
720 Amplificant fluvii, quos hinc è rupibus Alpes,
Inde Apennini passim juga celsa profundunt;
Hos rivi; & parvâ rivos ab origine fontes.
Florescit regio tantis ditatâ fluentis;
Frugiferumque solum gregibus pomisque superbuit.

725 SANGUINIS est autem, Quinti, sublimior usus;
Quod caput irroret. Nostræ hinc pars maxima vitæ.
Hic cerebrum latet; hic cuncta aut primaria sensus
Organa sunt posita; hinc nervorum prodit origo:
(Scilicet à geminis cerebrum quibus omne tenetur,
730 Membranis, nec non cerebelli cortice ab ipso)
Nervorum qui dant animos & robora membris:
Per quos Mens gustat, sentit, videt, olfacit, audit,
Et loquitur, corpusque movet. Quæ mira creandis,
Et quæ ducendis per segmina corpore toto,
735 Nunc geminis, nunc simplicibus solertia nervis!
Quorum ope subtile animi, velut ætheris auræ,
Vivida materies, ipsique simillima luci,
Ire, redire, volare queant: unde ocius artus
Ad nutum flecti, ad nutumque rigescere possint;
740 Cessare interdum, vigili cùm fessa labore
Temperat alternans & lenit corpora somnus.
Nempe quot è filis constant, quām tenuibus, atque
Robustis, & quām firmo subtemine nexit!
Quantæ in spiritibus vires, qui fila pererrant!

745 J A M - N E vides quali niteat disposta labore
Corporis hæc moles, & inenarrabile textum.
Ne tamen humanæ tantum compaginis ingens
Admireris opus, turbam aspice circumfusam
Omnigenarum animantium: ipsis miracula magna
750 In minimis: huc verte oculos. Bombycis in anno
Ter transformandi longè est operiosus ovum,
Quām Semiramidis Babylonica moenia magnæ,
Aut impendentes præcelsis arcubus horti;
Quām Pharos, aut Ephesina ædes, & Olympia signa;

755 Quām Solymæ templum, vel Dædalei labyrinthi
Magnificæ ambages, Mausoli immane sepulcrum,
Monstraque Pyramidum, & Rhodii portenta Colossi.
Nam duris homines potuere laboribus illa,
Et vigili curâ, & largo pervincere sumptu;
760 Hoc non assequitur prudentia tota Sophorum,
Non robur populorum, aut Regum immensa potestas.

N A M Q U E in eo jam dudum inclusa fuisse necesse est
Non modò vermiculi simul omnia membra futuri,
Sed distincta etiam triplicis primordia formæ,
765 Quam præfinitis ex certâ lege diebus
Induet; ut primùm reptans, post chrysalis, ales
Desinat, immoriens effusâ prole triformi.
Hoc ritu extinctis bombycibus ante Novembrem,
Vere novo tepidis genus omne resurgit ab ovis;
770 Et reliquum simili jactatur sorte per annum.
Quippe duos simul ac menses bombyculus egit,
Grandior & saturis foliorum pabula buccis
Resput, ac primæ sensit fastidia vitæ;
Cernitur ex imo deducens pectore fila
775 Nere sibi tumulum, levibusque appendere ramis:
Ovatam in medio subtili stamine concham
Texit membranæ similem & circumduque septam;
Atque ibi desidiâ torpens mollique veterno,
Oppressus ne sopore jacet, leto-ne sepultus?
780 Tum pellem incanam nigranti mutat amictu:
Nec caput appetet, nec pes, nec jam amplius ulla
Quæ fuerat species; simul omnes contralit artus
Corporis, exiguum formâ referentis olivam.
Fit nova res, Tandem intepuit cùm Sirius ardor,

- 785 Ultimaque autumno miti deferbuit æstas,
Protinus albescens redimitur flore cadaver,
Parvulaque exornant angustam cornua frontem:
Tum pennæ assurgunt humeris; & pristina demum
Viscera productam sensim extenduntur in alvum.
- 790 Serica dente mero positis ergastula rodit
Exuviis, structasque prius, nunc diruit ædes:
Et fit avis per tecta volans, perque aëris auras.
At blandis vesanus amor nova pectora telis
Sollicitat: nubit volucris jam proxima leto,
- 795 Et soboli tota indulget; fecundaque partu
Multiplici, foliis postquam ova infixa reliquit,
Tot pertæsa vices, jam prorsus inutilis Orbi,
Tandem omnis moritur, postremaque funera solvit:

H A U D aliter muscæ, quamquam illis longior ætas
800 Esse quidem solet, haud aliter bis nascitur omnis
Papilio, pictis pennas distinctus ocellis;
Quem florem aligerum dicas, quem lucis amantem
Sæpè dat exitio pulchræ pellacia flammæ.
Nempe hoc omne genus varium & mutabile, vermem
805 Exuit antè, leves quām cœlo ventilet alas:
Inque statu medio recubans sub carceris umbrâ,
Nec vermis nec avis, nec vivum aut vivere cessans,
Attentis miranda oculis spectacula præbet.
Degere quadrupedem multâ sub arundine ranam
810 Qui videt, & saltare solo, mox repere pigram
Umbrosas inter salices, atque aëris aurâ
Non secus ac lymphâ vesci, tum crura natando;
Et longum femur & nudos agitare lacertos,
Scirpea clamoso latè loca rumpere cantu,

- 815 Quo pulsæ resonant æstivâ nocte paludes,
Crederet alterius vitæ primordia nactam,
Atque in pisciculis annum exegisse juventæ?
Piscis erat capitatus: ei perlucida remum
Cauda ministrabat, quem flectere norat in undis;
- 820 Exiles pinnæ, teres undique corpus & atrum.
Sic ovo exivit: rana hoc in pisce latebat.
Atque id non temere aut raro; sed semper eodem
Hos peragi ludos ritu miramur ubique.
- 825 N E c solùm in minimis naturæ regula brutis,
Aft etiam in magnis constat; seu corporis artus,
Seu studia & mores, aut curam prolis alendæ,
Seu victimum inspicias. Nam fulvi terga Leones
Semper, & hirsuti nemorosis montibus Ursi,
Et Tigres variæ, & latitans Crocodilus in undis
- 830 Prædæ inhiant: vexat Perdices atque Columbas
Accipiter: timido Lupus insidiatur ovili:
Pascua Taurus amat, cornuque laceffere gestit:
Frigoris impatiens terram Philomela calentem
Quærit, & ad notos cum Sole reversa penates
- 835 Dulcifono nidi solatur tædia cantu,
Incola semestris patriæ, semestris & exul:
Consuetasque domos peregrina revisit Hirundo.
Cetera quid referam cunctis animalia terris
Et pelago: mundi quibus immutare vetustas
- 840 Nil potuit; sicut neque frondem invertere laurûs,
Nec junci calamum, aut violæ vernantis odorem?
Et, si plantarum aut animantium, sæpius ut sit,
Degeneres aliquas vitio telluris & auræ,
Sive emendatas cultu meliore videmus,

845 Tu ne propterea mutari semina credas:
Nam permissa sibi redeunt ad pristina semper,
Et quovis detorta in se Natura recurrit.

QUÆRENDUM est igitur, quænam sit causa tenoris
Perpetui. Certè nusquam reperire licebit,
850 In primis nisi principiis, unde illa creantur,
Atque ita dispositis, ut semper talia prodant.
Fortuitis-ne Atomis? Atomī sed corpora nulla,
Nullas affectant species, nec legibus ullis
Morigerantur: abest procul his delectus & ordo.
855 Principia hæc igitur sunt ipso in semine rerum,
Non allata foris, sed fontibus hausta paternis.
At pater unde habuit? Nimirum semine ab ipso,
Unde fuit. Traducta ergò sunt ordine quodam
A patribus primis ad natos inde sequentes;
860 Et sic ad reliquos veniunt transmissa nepotes
Planè eadem: cùm sint eadem quoque facta nepotum,
Quæ patrum fuerant, moresque imitentur avitos.
At non fingere habet propriæ primordia gentis
Quæque recens soboles: sed qualia repperit illa,
865 Tradere venturæ vel nescia cogitur. Ergò
Jam caput ad primum stirpis remeare necesse est,
A quo cuncta fluant, quondam informata. Sed illi
Quis dedit? Anne fui generis fuit ipse repertor?
Tute negas. Forsan compegit semina casus:
870 At casus nihilum est, aut res. Rem feceris esse;
Ergò materiem, atque Atomis nil amplius ipsi:
Si nihilum; ergò dabis nihilo ut fabrefecerit Orbem.

N E C quia nil pugnat res, quâ ratione geruntur,

Hac fieri, idcirco casu sic esse putandum est.
875 Nonne etenim ille tibi dicatur stultus & amens,
Qui velit Iliacæ monumentum cladis, Homero
Ignorante, unâ vi motûs esse peractum;
Aut elementorum casu per mutua nexis
Versibus, eximium carmen prodisse Lucreti.
880 Quæ quanquam ingenium ostentant doctumque laborem,
Nil tamen est cur sic disposita fuisse repugnet
Principiis motûs, elementorum-ve figuris.
Sic etiam nostro quamvis in corpore membra,
Quo sunt quæque situ, nihil obstat quominus illo
885 Singula sint, tamen hoc ritu potuisse locari,
Absque ullo proprii, quod tam solerter obibunt,
Muneris intuitu, Ratio negat ipsa, videtque
Conspicuam primâ viventûm in origine Mentem.

Q UÒD si non sine proposito, quodcumque sit, uti
890 Mortales membris, aut fungi munia possunt,
Nec sine proposito membra hæc mortalibus ipsis
Sunt concessa. Fabro ante omnes innotuit usus.
Cudere nam solertiis est, quâm ducere aratum;
Foetaque feminibus compingere semina multis,
895 Quâm ferere, ac fulcis versos mandare per agros;
Flectendo formare habilem, quâm flectere linguam;
Et digitos manibus, scapulis aptare lacertos,
Quâm curvare manus, & corpora prendere dextrâ.
Semina sunt igitur magni argumenta laboris,
900 Magnæ Mentis opus; quæ tot miracula rerum
Abdidit in tenui: at maribus concredita solis,
Ut mare deciduum genus omne veniret ab uno.

TERRIGENAS igitur populos educere limo,
 Vel genus alituum densatâ ex ætheris aurâ,
 905 Seu liquidum in mutos elementum cogere pisces,
 Ridiculus labor est. Cunctis par sufficit unum;
 Unde fluat reliquum diducto semine vulgus.
 Nec tamen hocce caput generis cujusque bifurcum
 Æterno statues, ni sis delirus, ab ævo:
 910 Quippe & staret adhuc. Ortûs quæ nescia, durant
 Nescia & interitus. Quæ principis, una nepotum
 Conditio: ut cuncti morimur, sic primus avorum.
 Debuit ipse mori; quia nascimur, hic quoque nasci.
 Solus at æternus, primum qui condidit, ille est.
 915 Si casus, casum æternum cogere fateri,
 Qui nihil est. Si Mens, æternam credere Mentem.
 Nec magis æternum sibi succendentia multa
 Conficiunt, quam multa sibi contermina formant
 Immensum. Quidquid capimus sine fine modoque,
 920 Ire catenatum juncis nequit ex elementis.

SED quoniam una tibi semper Fortuna creatrix
 Omnia composituit rerum primordia miscens,
 Dic, age; cur primùm tantos enixa labores
 Desliterit subito cessans, nec rem amplius ullam
 925 Progeneret; sed quam arripuit, cogatur eandem
 Ire viam? Novitatis enim fortuna parens est.
 Quâ sibi vi factâ, quo nempe coercita fræno?
 Quid vetat omnigenos ultrâ procudere partus?
 Semina non defunt; vis insita suppetit; adsunt
 930 Multimodi nexus, & formarum ampla supellex.
 Dic mihi, fortunæ volucres quis rescidit alas?
 At verò casu fieri quæcunque putantur,

(Scilicet)

(Scilicet obscuri respectu finis agentem
 Causam, nec solitam, casum appellare suemus)
 935 Rarò, inconstanter fiunt: ast omnia nostra hæc
 Tanquam ex præscripto legis, serieque per ævum
 Non intermissâ, & parili pede currere, testes
 Nos sumus. Adde etiam, quod multam agnovimus artem,
 Sublime ingenium, & vim magnam mentis in illis.
 940 A c velut in nummis dum cudere Principis ora
 Sculptori visum est, operosum ante omnia cœlat
 Prototypum chalybe in duro; cui pressa metalla
 Cùm se se indiderint, quot erunt signata, necesse est
 Accipient unam effigiem: spiratque manetque
 945 Primitus impressum, & nunquam deleibile signum:
 Sic, non casus iners, non quævis infacia causa
 Principiorum est principium, quæ corpora quæque
 Constituunt, viva imprimis, & semen eorum:
 At, quocunque modo libeat vocitare, sit illa
 950 Provida, communis, valida, atque æterna, necessum est.

PROVIDA: nimirum conceptâ ut imagine rerum
 Quas fieri voluit semel, & succrescere semper;
 Ac totam seriem per saecula multa futuram
 Prospiciens, passu det cuncta incedere justo:
 955 Et ponat leges, ne quo se devia flexu
 Linea corrumpat, neu recto tramite aberret.
 Quod si non esset, jam funditus omne videres
 Subverti genus, & confundi Semina multis
 Intermixta modis: nulloque coercita nexu
 960 Cuncta brevi in natale chaos resoluta redirent;

COMMUNIS porro: quoniam omnia cernimus uno
 Semper more geri. Quippe ut vegetabilis arbos,
 Sic animans proprio semper de semine nasci,
 Semper ali, atque mori, solitosque emittere fructus,
 965 Communem & semper decurrere cernitur orbem.
 Atque ut pictoris facile est agnoscere morem,
 In tabulis quidquid celebraverit, aut fera Martis
 Prælia, & horrendis quassatam assultibus urbem,
 Capripedum-ve jocos, festivique orgia Bacchi,
 970 Seu virides Penei ripas, & frigida Tempe,
 Seu puppim allisam scopulis, & naufragia ponti
 Littora, & elatos ventis ad nubila fluctus:
 Prodit enim ex ipso diversarum ordine rerum,
 Fingendique modo dispensandique coloris,
 975 Appositâque umbrâ, & dispersâ luce, character
 Cuique suus, veri auctoris certissimus index:
 Sic Natura omnis fabricatorem arguit unum.

DIXIMUS & causam hanc pollentem viribus esse.
 Quis dubitet? Cui Materiæ sit subdita moles
 980 Omnis, uti limus figulo, nunc jussus in urnam
 Expandi, nunc esse globus, vel equestris imago.
 Scilicet ex glebâ Moderator summus eâdem
 Et Solem & Lunam, & fulgentia sidera coelo,
 Et Maria & Terras, & quidquid vivit in illis,
 985 Condidit; atque pari, quo fecit, numine servat.

DENIQUE ut omnipotens, communis, providus, auctor
 Sic æternus erit: quis enim dabit esse creanti,
 A quo cuncta tenent ut sint maneantque? Sed horum
 Arte rudi quædam & firmo cum robore, vasti

990 Inconcussa Orbis quasi fundamenta basesque;
 Quædam perfecto studiosè intusque polito
 Corpore, verùm eheu! paucos mansura per annos,
 Nec mirum certè si quo subtilius omne
 Compositum fuerit, cùm sit pars quælibet ejus
 995 Pronior ad motum variisque obnoxia plagiis,
 Hoc possit minùs & durare, & respuere ictus.
 Tanto nobilitas emitur, vitæque voluptas
 Labilis! Idcirco brevium causa optima rerum
 Invigilare simul reparandis atque creandis
 1000 Debuit, ut multis porro ex mortalibus esset
 Immortale genus. Verùm uno ac simplice nutu
 Fecit utrumque Deus: cùm cuncta in semine primo
 Semina conclusit, gemini compendia sexûs:
 Custodesque mares pretiosi muneris unos
 1005 Instituit, sobolem maturâ ætate datus.

SIC hominum genus omne hominis tenuissima primi
 Pars fuit. At majora tibi miracula pando.
 Non solum exortos homines olim-ve futuros
 In patre quemque suo stirpis comprenderat auctor,
 1010 Sed plures multo, qui nunquam ad luminis auras
 Pervenient, quanquam ad lucem vitamque parati.
 Quotquot enim à genitis igni potuere vicissim,
 Qui tamen in tenebris jacuere perennibus, & quos
 Oppressit nox atra æterno in carcere clausos:
 1015 Et, si dante Deo spirassent, quotquot ab illis
 Enasci poterant, cunctos simul una creavit
 Formavitque dies, jam membris omnibus aptos,
 Jam plenos vegetante animâ, sed mentis egentes.
 At totam in maribus prolem primordia vitæ

1020 Accepisse prius, quam sit conjuncta marito
Femina, si dubitas, oculos adverte, videbis.

NEMPE Microscopium, Batavis quod nuper in oris
Divinâ sapiens reperit Levenockius arte,
Perspicuamque facem in tenebris dedit esse profundis,
1025 Arripe & observa. Nihil est nisi vitrea lenti
Lacryma convexae similis, quam lamina duplex
Continet infixam, tenuique foramine circum
Includit. Minimum quodcunque objeceris, ingens
Apparet visu confestim, atque intima pandit.
1030 Nec præsens adeo nostris obtutibus unquam
Auxilium venit: novus illo sistitur orbis;
Et nova Naturæ facies reseratur, apertis
Visceribus mixtorum, & tegmine nuda remoto.
Est oculorum oculus, sine quo cæci esse videmur,
1035 Saltem hebetes tardique: quibus vix antè licebat
Nosse superficiem, atque hærere in cortice summo,
Nunc aditus liber patet in præcordia rerum.
Nec jam vestibulum ante ipsum atque in limine portæ
Stamus, at in medias juvat ire profundiūs ædes;
1040 Atque ibi thesauros fluxi & reparabilis ævi
Haec tenus occultos, quodque est ante omnia mirum,
Æternæ contemplari vestigia Mentis
Indita Materiæ, ut speculis mandatur imago.

NE te prodigiæ novitas absterreat, ut quos
1045 Erroris timor insipiens errare coëgit:
Ne ve instrumento fingi mendacia credas,
Sensibus ac nostris illudi: qualia monstrat,
Talia sunt in se se objecta; & plurima quanquam

Inspiciuntur, adhuc plura inspicienda supersunt.
1050 Imò & lenticulæ decies licet aucta potestas
Cresceret, inventisque novis assurget ultra
Vim propriam, quantum mortalia lumina vincit,
Semper inexhausto non visa relinqueret impar
Huic fundo; satis est, partem potuisse videri.

1055 ERGÒ lenticulæ opponas, dum pura dies est,
Aut canis, aut galli stillantem è semine guttam;
Protinus ecce tibi ante oculos (mirabile visu)
Vermiculorum ingens populus, quasi in æquore magno
Mobilis, atque natans, celer, irrequietus, & omne
1060 Per spatium ludens certatim ac præpete cursu.
Quam multæ spectantur apes æstate serenâ
Surgere confertim, totisque erumpere cellis;
Cùm priscis laribus pulsæ novitatis amore,
Fragrantes cunas & cæca palatia linquunt:
1065 Agglomerant se se in nubem, rapidasque choreas
Ad Solem exercent: pennis micat effera pubes,
Et magno circumvolitat per Inane susurro.
Sic genitale suâ fremit agmen & ardet in undâ,
Quam durat calor ille diu quem è fonte paterno
1070 Attulerant: sensim nam defervente liquore
Languescunt, tenuesque animas jam frigida ponunt.

HIS caput & caudam & membrorum cernere fas est
Molle rudimentum, & formæ discrimina quædam.
Verum ipsis quanquam duplē sexum esse necesse est,
1075 Haud facilè agnosces; turbâ tamen omnis in illâ
Masculus innatam sobolem jam continet in se:
Quam si non habeat, quo pacto emittere posset;

Illo nempe die, quo plenis puber ab annis,
Ibit in amplexus avidæ consortis; & unde
 1080 Tunc natam erueret? Cùm jam omni parte creatus,
Nil sit adepturus venturo tempore, præter
Clementum. Tenet ille adeò, quodcunque tenebit:
Integra nimirum propriæ exemplaria gentis,
Et sobolem quoque natorum, sobolemque nepotum;
 1085 Fœtaque filiolis animalia gestat, ut ipse
In patre vivus erat, quem emissum tu modò cernis.

Si te percellunt tot tamque minuta minutis
Corpora corporibus prægnantia, ne tamen istis
Diffide; at potius mirare hæc omnia genti
 1090 Plantarum, atque homini, & cunctis communia brutis:
Unde his communem causam invigilare necesse est.
Nonne vides quām sit tenuis formica culexque;
Et plebecula quam nutrit gravis atque senescens
Caseus, & quæ habitat flores ac germina mandit,
 1095 Et quā prunorum albescit violacea pellis,
Et quā obducta situ vel mucida corpora sordent;
Denique qui medio deprenditur anguis aceto:
Quid minus esse putas minimis viventibus istis?
Attamen his partes multæ, multoque minores
 1100 Inveniuntur adhuc; quarum numero, ordine & usu
Integra concrescunt, & verè animalia fiunt.
Est illis cerebrum & pectus, venterque pedumque
Remigium: est humor quidam in præcordia manans,
Ac refluens; & particulis hæc omnia constant.
 1105 Sunt fibræ & glandes, sparsi per tota meatus
Corpora; sunt animi vitæque ac motibus apti,
Insper & foetus, atque organa foetibus ipsis;

Ac totidem moli respondent congrua membra,
Quot sunt Balenæ, quot grandi sunt Elephanto.
 1110 Nam varias partes suus aptè dividit ordo,
Sepositasque tenet: cùm decrescentia Semen
Semina quodque habeat, semperque minora gradatim:
Nec magis inde tumet: nam ritu prorsus eodem
Circulus insertos amplectitur orbibus orbes
 1115 Innumeros, nec eo sit major; & uncia simplex
Haud gravior, quòd contineat sine fine modoque
Pondera se leviora; ut fusiùs antè probatum est.
Ergò prosequere, ac nostris assuefce minutis;
Et quām sit vis Materiæ secunda, memento.
 1120 Nec satis: exemplo causam firmare juvabit:
Unde est, cùm species asini miscetur equinæ,
Mulus ut inde oriens, sit quamvis pronus & acer
In Venerem, generet nihil, infecundus amator?
Id quoque de Pardo, Tigris submissa Leoni
 1125 Quem parit, atque aliis Naturam præter obortis,
Inter aves aut quadrupedes aut cetera cense
Quæ procul à nobis animalia protegit æquor.
Hæsit in hoc puncto rerum malè gnara vetustas:
Suetaque pro causis adducere nomina vana,
 1130 Hos infamavit monstrorum nomine partus,
Monstri & prolificum semen cuiusque negavit.
Excusanda tamen: nondum sibi lumen in umbris
Fecerat obscuris ars ingeniosa Sophorum,
Qui plerumque nihil nisi suspicione tenebant.
 1135 Venit clara dies; & tandem cognita causa,
Cur steriles cuncti naturâ ex dispare foetus,
Totaque progenies mulo sistatur in uno.

Scilicet illius conspecto semine, nullum
Apparet vivens animal, tantum humor inanis:
1140 Quandoquidem non est ab eo qui cuncta creavit,
Ancipitum species & formula condita rerum:
Nec possunt aliquo fabrefacta exsurgere casu,
Quæ non extiterint jam pridem ab origine Mundi.
Nam quæ causa minor, vel quæ manus æmula summi
1145 Artificis, tanto poterit contendere nisu,
Infecta ut faciat, Regemque initetur Olympi?

MULUS at iste, inquis, non est ab origine primâ
Structus; & ecce tamen venit, ac profertur in auras.
Imò structus erat; sed quid mutaverit, audi.

1150 In patre asellus erat multis cum millibus, antè
Quam matrem furtivus equam violaret adulter.
Ignotis subiens tectis, exoticus hausit
Non sibi collectos peregrino è fonte liquores:
Parvula discordi tumuerunt viscera succo:
1155 Vestivitque artus asininos humor equinus;
Haud ita dissimilis tamen, aut alienus, ut illos
Rumperet omnino, sed qui pervertere posset:
Et cœpit neuter fieri ex utroque parente,
Detortâ in melius formâ, sexuque retento.

1160 At quoniam foetus minimi, quos hospes alumnus
In se sopitos immaturosque gerebat,
Insolito nunquam victu potuere foveri,
Tunc genus extinctum est: quoniam sine numine fabri
Formæ non potuit suppleri forma peremptæ.
1165 Quòd si aliquis cladem effugeret, servatus asylo
Ambigui patris, & genuinâ matre receptus,
Posset item nasci: verùm id contingere raro;

Vel nunquam, & suspecta putem monumenta tulisse.
Mulus propterea vacuus venit, omne per ævum
1170 Prolis egens, solâ posthac reparabilis arte.
Quales in nostris crescunt regionibus herbæ
Quas Asia, aut America recens, aut Africa mittit
Contentas in seminibus: frondescere primùm
Non dubitant; verùm flos illis cassus, & ultrà
1175 Semen ferre negant; frustra enitentibus obstat
Temperies aliena soli, vel frigidus æther.
Sic sterilis mula est, confusis indole binâ
Fermentis; quorum discors natura duplexque
Forma vetat, ne quidquam ex his augescere possit;
1180 Seu quia clauduntur loculi, tunicæque labantes
Flaccescunt, seu pollutus contabuit humor.

QUIPPE hoc femineum officium est, ut idonea solùm
Præbeat interiùs pullis alimenta repostis:
Hoç maris, ut pullos, quorum ipsi copia multa
1185 Semper inest, interdum utero transmittat alendos.
Ova quod attento tibi gallinacea monstrant.
Namque ibi luteolum tenuis membrana vitellum
Cingit, & in lento suspensum albumine vinclis
Continet hinc atque hinc: falsò quæ germina vulgus
1190 Autumat: haec pelli quam testa involvit, adhærent.
Ilio nutritur soboles oritura vitello,
Cùm gallo genitrix est fecundata marito.
Hâc unâ pullus paulatim augebitur escâ;
Quam tenet ipsum etiam gallinæ virginis ovum,
1195 At sterile, & nullo capturum somite vitam.
Nam nihil inde potest, ubi non fuit antea, oriri.
Quocirca multum est, quæ sit prudentia Mētis

Divinæ, ut stupeas : quando partita laborem
Inter utrumque genus promendæ in sœcula prolis,
1200 In mare prolem ipsam statuit ; dum femina sola
Possidet id quo possit ali & grandescere proles.

ATQUE adeò quoties genitali ardore cientur
Nativi latices, quo se quoque Numinis alti
Pandit provida Mens, in tempora longa propagans
1205 Viventum omne genus, subitus micat ignis amorum :
Utrumque exagitat sexum vesana libido.
Nonnullis sine lege venit, sed quālibet anni
Tempestate ; aliis nidorum menstrua cura ;
Semestres aliis nexus : pars maxima tantum
1210 Vere novo, ac Solis redditu connubia miscent.
Seri hoc igne calent gelido sub marmore pisces ;
Cessit ubi grave frigus aquis, & ab aëre lapsus
In pontum, in fontes, in flumina transit æstus.
Tunc natat omnis amor, tunc flagrant humida regna,
1215 Et lasciva Venus tepidis bacchatur in undis.
At cervos, imbellè pecus, natumque latebris,
Autumnalis agit furor in civilia bella,
Mugituque procul reboat nemus omne salaci.
Sic totum Natura, suas secunda creatrix
1220 Dispertia vices, incendit amoribus annum.
Cessat hyems, & sola gelu quasi coelibe torpet.

QUOD si, cùm videas partes animantibus esse
Non ita præcipias nequeant ut stare sine illis,
Qualia sunt cervis & bobus cornua, quales
1225 Nonnullis dentes, & cauda oculata superbo
Pavoni, atque homini florens in corpore pubes,

Quæ matura dies affert, non ipse dat ortus,
Hinc fortasse putas non seminis esse virilis
Congenitum laticem, at membris aliquando creari,
1230 Tarda quòd in nobis veniat generosa juventus,
Falleris haud dubiè. Nam primò ut singula tangam,
Quæ tu innata negas, fierique recentia dicis,
Et plumæ & pubes, dentesque & cornua, quanquam
Non excluduntur certo nisi tempore vitæ,
1235 Formam habuere tamen propriam in radicibus imis,
Principiumque sūt. Quanto magis esse paratum
Debuit à teneris, quod continet omnia, semen !
Frigida sed nuper genitis infantibus ætas
Non patitur validis quassari membra fluentis ;
1240 Nec tunicae graciles, nec tenuia vasa resistunt :
Infecundus adhuc circùm præcordia sanguis
Volvit, & crudi stillant in viscera succi,
Lymphaque molliculos fluit immatura per artus.
Ast ubi convaluit grandescens corpus in horas,
1245 Firmatoque vigens adolevit robore virtus ;
Tum cellis trepidare cavis, fremere atque moveri
Haec tenus immotæ contracta exordia gentis.

SIC postquam abreptus tetris Aquilonibus aër
Horrentem brumam terris advexit & undis,
1250 Et cecidit Mundi facies, caligine mersa
Cuncta jacent ; mutæ volucres, & squalida Tellus ;
Obductum Solis jubar, & vix nubila densa
Permeat ambiguæ vaga quedam lucis imago.
In stabulis armenta, greges torpore fatiscunt,
1255 In sylvisque feræ : latet intra limina pastor.
Currere tunc rivi, tunc prata virescere cessant :

332 ANTI-LUCRETIUS,

Nec jam ullæ arboribus frondes , neque gratia ruri :
 Sed stupefacta omnis pallet Natura , siletque
 Sub nive , sub glacie duris obstricta catenis :
 1260 Regnat ubique veternum , & vita simillima morti est.
 Sol autem ut coepit noctes æquare diebus
 Pleniùs iradians , & amicum restituit ver ;
 Dissilit acre gelu spirante Favonio , & Orbis
 Vincia remittuntur : lenis per corpora cæca
 1265 It calor , & laxat partes , miscetque movendo ;
 Arridetque anni redeuntis prima juventus.

SEMINA sic teneris dormitant abdita rebus ,
 Donec robur ea , & juvenilis concitet ardor.
 Attamen in vario genere ac molimine rerum ,
 1270 Queis nova tempestas anteactæ damna resarcit ,
 Non ullam invenies , quæ , si incrementa recepta
 Veris ab adventu & rorantis munere coeli
 Excipias , causâ in propriâ , dum bruma rigebat ,
 Non fuerit: parvæ sed erant , imisque latebant
 1275 Principiis ; magnæ nunc sunt , oculisque patentes :
 Antè quiescebant ; nunc omni ex parte moventur :
 Nunc res dicuntur ; sed erant compendia rerum.
 Haud secus ille Elephas , qui tergo pondera tanta
 Sustinet , ac turres armisque virisque refertas ,
 1280 Textilis instar equi perit quo prodita Troja ,
 Nascens parvus erat ; minimus quoque matris in alvo.
 At quanto minor in lumbis fuit ille paternis ?
 In lumbis & avi & proavi ? Tamen unus & idem .
 Aspice sublimi ferientem sidera querum
 1285 Vertice , rimantem radicibus infera regna ,
 Umbrantem patulo rāmorū tegmine terras ,

LIBER SEPTIMUS.

333

Et qualem Assyrio monstrarunt somnia Regi ;
 Glans fuit , aut potius pars exilissima glandis :
 Atque eadem in queru , glandem quæ protulit illam ,
 1290 Jam distincta suis perfectaque partibus arbos
 Tota erat , exceptis , ut diximus , incrementis.
 Haud aliter gens Hebræum numerosior astris ,
 Quæ Syriæ fines olim ditione tenebat ,
 Nunc servit latè totum diffusa per Orbem ,
 1295 Abramo simul in puero fata constitit omnis ;
 Et dum vagiret , cunis requievit in iisdem.

VERUM , inquis , quo nempe queat contingere pacto ,
 Tam teneris , tam mobilibus cùm semina quæque
 Particulis constent , quarum positura , modusque
 1300 Convelli facilè , ac dilabi tempore possunt ,
 Undique præterea è variis alimenta receptent
 Corporibus , discors quibus est atque absonta planè
 Temperies , ut tam multos intacta per annos
 Sic maneant , serventque suam inconcussa figuram ?
 1305 Plurimus id cortex facit , & pressura coërcens.
 At ne credideris vel centum è millibus unum
 Proferri in lucem. Perit innumerabile vulgus
 Non natum : ac , veluti ratis ipso naufraga portu ,
 Postquam infinitis latebrarum amfractibus ægre
 1310 Se tandem eruerat , frustraque ad tempora venit
 Expectata diu , correptum præcoce fato ,
 Vivendi amittit spem totam in limine vitæ :
 Aut quia destruitur corpus , quod semina servat ;
 Aut fata dispereunt , simul & conclusa gradatim
 1315 In numero numero plebecula seminiorum .
 Ut vi fracta maris cùm gurgite cymba profundo

Mergitur; & cymbæ quæcunque est credita turba
Interit, atque unâ sorbetur mersa procellâ.

- Q U I N etiam fragilem populum necat ægra senectus,
 1320 Aut hebetat minuitque, atque omni robore pulso
Marcentem infringit; vis morbida saepe trucidat:
Præcipue rapti quam ultrix Americæ metalli
Misit in Europam, pretiumque exegit avaris
Fontem ipsum vitæ inficiens; diroque veneno
 1325 Vulnera jam nimium metuendi inspersit amoris.
Aspice nunc quanta immensum jactura per Orbem;
Quot pateant leti portæ; quot mutua bella
Mortales inter miseros; quot ubique voraces,
Indomitæque feræ; quot sint dispendia frugum.
 1330 Namque & gramineum germen populatur in herbâ
Corniger, ipse brevi pariter cessurus in escam;
Mactandæque fues & glandem & fagina frangunt
Semina; sic & aves avibus, granisque cibantur;
Sic pecudum gens nata mori, frumentaque crescunt
 1335 Nata teri, propriâque hominem fulcire ruinâ.
Alterum ab alterius clade integratur, & augmen
Accipit: usque adeò res omnis debita morti
Prædatur, mox præda aliis datur ipsa vicissim.

- S E D magis inde patet, cur tanto intexta labore
 1340 Semina seminibus Mundi concluderit auctor.
Prænoscens etenim variis quâm plurima semper
Interimenda modis, rueret ne fluxa propago
Paulatim, tandemque internecione periret,
Jussit inexhaustâ compagine foeta creari;
 1345 Ut saltem in paucis, quæ demum intacta supersunt,

Ac velut exscidio communi erepta, manerent
Relliquæ generum incolumes. Hinc masculus intra
Flutivagos pisces planè est spectabilis humor:
Pisciculorum incredibilis quem copia densum
 1350 Efficit ac niveum; quot habet Sextilis aristas,
Quot sunt in sylvis frondes, quot littore arenæ:
Tale putes omni concretum in corpore semen.
Maximus in minimis certè Deus, & mihi major,
Quâm vasto Cœli in templo astrorumque catervâ.

- 1355 N E C te viventûm numerus perterreat ingens
Corpore in angusto: quis enim pertingere finem
Materiæ possit? Quæ si tam immensa videtur
Exteriùs, Cœli dum tractus ultimaque astra
Suspicias, ac semper diffusam intelligis ultrâ;
 1360 Non eadem minus infinita videbitur intus,
Solvore si tentes, penitusque extrema minutim
Quæsieris. Vanus labor undique: terminus illâ
Nec crescente fuit, nec decrescente repertus.

- E R G Ò Materiæ cùm sit pars quælibet ipsa
 1365 Materies, extensa loco, atque instructa figurâ,
Quid vetat abstrusas inter prorsusque latentes
Viventûm in gremio partes, dignoscere quasdam,
Non modò dividuas, iterumque iterumque minores,
Verùm etiam organico ritu doctâque creatis
 1370 Arte laboratas, quæ sint primordia rerum,
Atque alias aliis immersas? Sicut in horto
Cernimus, illuxere dies cùm veris amoëni,
Surgere florentem viridi de cortice gemmam.
Aspicis ut teneram vix audet findere pellem

1375 Primùm inter nitidas affulgens purpura frondes ?
 Carpe manu , flos est nōndum , sed molle futuri
 Principium floris ; soles alimentaque desunt :
 Carpe manu , internosque oculo scrutare recessus ;
 Invenies foliorum intexta volumina centum ,
 1380 Et quotquot Zephyris erat expansura coronas ,
 Si crevisse rosæ justum licuisset in ævum.

SEMINA quin etiam , sibolis spem in pyxide clausam ,
 Immatura quidem , sed tota atque integra servat :
 Amplificante vitro quæ si perspexeris , ingens
 1385 Nec priùs auditum subito mirabere monstrum :
 Scilicet arboreos artus in acumine grani
 Exiguo totos ; distinctamque ordine pulchro
 Radicem à ramis . Tum grana secunda videres
 Protinus in primis , aliudque in germine germen ;
 1390 Si possent oculi tantas penetrare latebras .
 Ast ubi deficiunt sensus , Mens abdita rerum
 Prosequitur , superatque viam . Mysteria tanta
 Jam capis : ecce offert tibi se innumerabilis ordo
 Congenitorum hominum ; quos primo in semine clausit
 1395 Omnipotens fator , aggrestosque volumine parvo
 Implicuit : segetem æternam , & sine fine feracem ;
 Quam succedentes anni , revolutaque sensim
 Tempora multiplici foetu , partuque recludunt :
 Et populus surgit , populos quoque mille datus .

1400 AT non hoc hominis proprium est , quod diximus : æquæ
 Competit organico , quod nascitur ac perit , omni .
 Ut rosa , sic reliqui flores , herbæque virentes
 Telluris decus ; & multo producta labore

Vis segetum ; & pomis dives pendentibus arbos ;
 1405 Quæque tegunt altæ montana cacumina sylvæ :
 Sic acino inclusæ vites , & vitibus uvæ :
 Sic in frumento seges est , & plurima messis :
 Sic reliqua in reliquis : & quæ modò facta videntur ,
 Antea erant , sed operta ; at nunc revoluta patescunt .

1410 INDE fit ut terræ non omnès omnia possint
 Reddere . Nam multis Ceres aurea fulget in arvis ,
 Luxuriatque solo felici atque ubere glebæ ,
 Vix capita ut sufferre queant pendentia sylvæ
 Culmorum : ridet grato sub pondere Tellus ,
 1415 Et fruges largo profundit Copia cornu .
 Tales , ut perhibent , ostentat Moesia campos ;
 Tales Ægypti fortunatissima terra ,
 Niliacis postquam latè perfusa fluentis ,
 Nigrâ conspersas uligine sensit arenas .
 1420 Parte aliâ miseris sitis horrida , vel gravis humor
 Vastat agros : stipulæ tristes sine honore fatiscunt ;
 Squalet humus , vinctumque ægris præbere recusat ;
 Et raras inter sulci numerantur aristas .
 Haud procul est humili casâ paupertatis iniquæ ;
 1425 Livida quam macies , dejectaque fletibus ora ,
 Et querulus dolor , & laceri testantur amictus .

ATTAMEN ex uno potuit tam semine nasci
 Dives opum , quæmacra seges : discriminis ergo
 Non à seminibus , ratio à Tellure petenda .
 1430 Nimirum salibus vel nullo rore solutis ,
 Vel nimio extinctis , vel deficientibus , omne
 Defuit auxilium , validique potentia nitri :

338 ANTI-LUCRETIUS,

- Quo sine multiplices aperiri in germine nexus,
Detur ut augmento locus, & primordia miris
1435 Intricata modis paulatim extendere pressam
Compagem, atque imo nequeunt emergere centro,
Laxatisque viis tandem ad sublimia ferri.
Pauca reluctantibus igitur vicere meatus
Utcumque, & ruptis ortum cepere catenis
1440 Exerto capite; at frustra: nam protinus illis
Incubuit sopor & languens penuria, quando
Aut male digestos potarunt ebria succos;
Noxius aut ardor jejuna liquore perussit.
Inde solum sterile, inde sati infelicitis egestas.
- 1445** CONTRA Iætus ager, placidi quem lumina Solis
Aspiciunt, tepidique rigant, ubi jam sitit, imbre,
Divitias messemque dabit tibi farris opimam;
Si conditus erit pingui sale, sulphure puro:
Quæ cùm diluerit, quem Tellus ebibit humor,
1450 Continuò Solis motum adspirante calore
Transvehit in tubulos madefacti Seminis, omnes
Inque sinus; aperit germen, gazamque recludit
Frugiferam: hinc salium liquidis mucronibus urget
Abdita principia, & vinclis erumpere cogit,
1455 Intus alens pastu assiduo; ut radicibus altè
Porrectis, valeat tandem, cùm venerit æstas,
Insignem gravibus spicis efferre maniplum.
Sic herbæ crescunt omnes, quibus arva teguntur:
Sic genus arboreum, & quidquid sub regmine terræ
1460 Partim alitur, partim sub cœlo vivit aperto.

His patefit, quanto magis interiora cidentur

LIBER SEPTIMUS.

339

- Germinis, ac reseratur apex ubi constat opum vis,
Hoc etiam uberiùs campis adolescere messes,
Et caput ornari Cereris; marcescere porro,
1465 Cùm premit otium iners foetus in stirpe latentes,
Et nil sufficitur fundo ex torpente, quod illos
Intus sollicitet, jubeatque abrumpere somnum.
Unde gravi leto dantur primordia vitæ;
Neglectumque perit genus, infinita daturum
1470 Argumenta suū, terræ si divitis esset
Illecebras faciles nactum, amplexusque benignos.

ERGÒ age, Naturamque juva: namque arte juvari
Non dignatur; quin ultro brachia tendit
Conanti, gaudetque suas ostendere vires.

- 1475** Cùmque serenda tibi venient frumenta, memento
Ante dies aliquot medicatâ inspergere lymphâ;
Quam simus & cineres, levibusque volatile nitrum
Implerint salibus: tum granula quæque videbis
Observans, et si modico sint credita fundo,
1480 In tam multiplices divisa resurgere partus,
Ut stupeas. Etenim bis millia terque quaterque,
(Tanta salis virtus) grano exorientur ab uno:
Et numerosa phalanx calamorum, viminis instar
1485 Cui caput abscessum jam parte repullulat omni,
Expendetur humo, & latè circumferet umbram.

AT neque sal nitri potis est effingere fructus
Triticeos, ac prole novâ ditare serentem;
Nec molles Zephyrorum animæ; nec mobilis aër;
Nec radius clarâ missus Titanis ab arce;
1490 Nec lapsi nimbis latices; nec roscidus humor;

Xij

340 ANTI-LUCRETIUS,

- Nec verò natale solum. Nam semper eadem
 Sunt cause, vegetabilibus discriminé nullo
 Quæ cunctis adsunt, pollentes indole eadem,
 Nullius propriæ, communes omnibus æquè:
 1495 Quamvis promoveant diversos undique foetus,
 Pro variâ rerum, quibus auxiliantur & adsunt,
 Conditione ac naturâ. Sic nempe salubres
 Passim mortiferis adnasci cernimus herbas,
 Dictamnis aconita, olera intermixta cicutis:
 1500 Cunctaque plantarum genera unus proferet hortus
 Quæ pluviis iisdem, simul uno sole fruentur.
 Haud secus, ac rabidos quæ nutrit præda leones,
 Hæc poterat nutrire lupos aquilasque canesque:
 Nec tales ut sint, facit; at prout invenit, auget.
 1505 Quæque etiam nostris adventant pabula membris,
 Et carnes, nervos, membranas, ossa, liquores
 Corporis instaurant, partis cujusque figuram
 Accipiunt, non dant: multo minus intima cudunt
 Organa; sed tantum cufis adjuncta cohærent.
 1510 ERGÒ nulla creant externæ semina cause,
 Nec rerum species, aut exemplaria formant.
 Hinc fecundatæ Cereris dum fœnora tanta
 Suspici exiguâ nitroſi aspergine succi,
 Semina seminibus latuisse inclusa profundis,
 1515 Et prodire putes; quoties ea vividus actor
 Eruit è tenebris, ac vitæ munere donat.
 Neu dicas istæc fieri duntaxat in herbâ
 Frugiferâ, aut aliis quibus anno clauditur ætas;
 Quippe dabit largos fructus, mirumque saporem
 1520 Alter honos ruris, populorumque alma Voluptas

LIBER SEPTIMUS.

341

- Vinea, radicem simili perfusa liquore.
 Credes pampineos colles Tmoli, atque Phanæi
 Descendisse tuum, quando experieris, in hortum;
 Atque Palæstinas immanis ponderis uvas
 1525 Palmitibus pendere tuis: tum lætus inemta
 Vina bibes, quibus invideat Toccaia propago,
 Campanis potiora etiam, potiora Falernis.
 UND E hoc? Prodigii causa est, quod vitis avara
 Jamdudum, nec fota prius nisi simplice cultu,
 1530 Germina quæ longos aliâs servasset in annos
 Evolvenda diu & Maiis promenda futuris,
 Imò etiam exsuccâ citius perimenda senectâ,
 Cogitur actutum cæcâ dimittere cellâ.
 Scilicet impulsu nitri quotientis, & udo
 1535 Spirituum afflatu; quo multa supervenit esca
 Eximio salium penitus condita veneno.
 Nec timor, ingenitas tanto molimine vires
 Ne citò deficiens effoetaque dissipet; illas
 Nec minimum labefactat: idem effectura quotannis
 1540 Lætior ubertate suâ; viridemque juventam
 Sustinet auxilio, quo fecundatur, eodem;
 Serò fatales senii expertura labores.

- CÙM verò plantæ, ut dictis ostendimus, omnes
 Secum innata sui generis primordia semper
 1545 Possideant, & nil, quod non habet, hoc dare possit;
 Omnino ratione pari primordia prolem
 Ipsa suam servant: & sicut semina plantæ
 Fundunt ex se ipsis, ita dant quoque semina plantas.
 Nec folia in ramis, fructusque ex floribus essent,

Y ij

1550 Ni proprio descripta forent in semine dudum
Principia, effigies rerum, gentisque futuræ.
Nec mihi quidquam obstat, solito sine semine quasdam,
Aut secto ex ramo, aut ipsâ ex radice renasci:
Est etenim in ramis, est in radicibus idem
1555 Fertilis, & plenus granis genitalibus humor.
Is modò per suetos fibrarum ad summa canales
Paulatim ascendens, aptâ densatur in urnâ
Collectus, coquiturque ac maturescit ab æstu:
Et modò productis è cortice pendet ocellis,
1560 Expectans aliud, quo det sua germina, tempus,
Et clausas manifestet opes. Hoc surculus omnis
Impletur succo; radix hoc omnis abundat;
Totaque fructifero turgescit planta liquore:
Qui cùm nascenti, & parvæ jam obscurus inesset,
1565 Crescentem posthac non deserit usquè; sed auctus
Adveniente cibo, quem nutrix optima tellus
Suppeditat, spatio gaudet majore vagari
Liberior, sensim proprios aperitur in usus,
Compactasque diu magis ac magis undique partes
1570 Explicat, & vastum fecundat denique truncum.

No n aliam ob causam felix fortuna secuta est
Audax artis opus, cùm primùm imponere morem
Naturæ, ac truncis peregrinos addere foetus,
Et plantæ coepit vitium emendare colonus.

1575 Nam nisi quæ fisco inseritur nova virgula ligno,
Vel circumcisâ lateri cute figitur hærens,
Omnia venturæ primordia gentis haberet
In se se jam nunc, & qualia niempere gerebat,
Dum pars maternæ fuit arboris, unde recisa est,

1580 Quo pacto proprias alieno in corpore dotes
Fundaret, stirpemque suam? Quâ lege quotannis
Et florum gentilitios & frondis honores,
Et patrios foetus, pede nil præbente nisi escam,
Atque alias itidem virgas effundere posset
1585 Infertari habiles? Qui caudex ferret agrestis
Tam lepidum caput, & pomorum nobile pondus?
Hinc certè quidquid proficiscitur, hoc ibi primùm
Adfuit incoptum, & formâ breviore coactum
In loculis; ubi se nodosa ostentat origo
1590 Ramorum, spondetque tumens axilla lacertos.

J A M quæ sponte suâ passim nascuntur in agro,
Incultisve locis, ut spinæ herbæque nocentes,
Quas nullæ severe manus, quas nullus arator
Educat; aut in aquis veniunt fundoque palustri;

1595 Ne credas terræ gremio haud concepta creari.
Namque aut ventus eò semen, volucrisque vel imber
Detulit; atque ipsi sua sunt quoque semina musco:
Semina habet nascens annoso in robore viscum,
Cui lignum alterius pro terrâ, vitaque furtum est.

1600 Et sua sunt fungo, filici sua semina, quamvis
Effugiant oculorum aciem: nam pulveris instar
Exigui rugis foliorum immersa latescunt.
Nullum igitur speres terrâ de virgine germen.
Ac talem si quando voles in vase patenti
1605 Ponere sub dio, quam rarer altaque tela
Contegat, aërios facilè admittura liquores,
Et Phœbi radios, at solis invia ventis;
Assiduus toto frustra irroraveris anno.

344 ANTI-LUCRETIUS,

Non erat absimilis veterum stupidissimus error,
 1610 Quasdam bestiolas sine progenitoribus ullis,
 Materiâ ex putri & calefactis folidibus ortas.
 Cæci! quos latuit rerum immutabilis ordo:
 Siccine, Naturam incertam, morumque suorum
 Immemorem, & tantum potuistis fingere monstrum?
 1615 Discite primarum legum inviolabile numen,
 Et semel incusso, quibus omnis machina Mundi
 Dirigitur motus, nullâ vi posse retundi,
 Nullo suppleri, nullo desistere casu.
 Non etenim varia est, non futilis; at sibi constat
 1620 Multiplici Natura operum in molimine simplex,
 Propositique tenax. Cunctis animantibus una,
 Una patet, vegetabilibus quæ janua vitæ.
 Nec sine concubitu mures in navibus essent:
 At dum ligna fabri jungunt, & littore toto
 1625 Magnum surgit opus, tunc per secreta viarum
 Intrant obscuri, nec multo tempore gignunt;
 Infestatque novam numerosa colonia navim.
 Qui verò absfumunt corrupta cadavera vermes,
 Ante inerant taciti, atque exiles: inde solutis
 1630 Principiis, laxæ dum fervent undique carnes,
 Pars nati crescunt, pars excluduntur ab ovis;
 Et citò; nam quibus est data vita brevissima, velox
 Est incrementum; longævis tarda juventus.
 Talis ad Oceani portus finesque Britannos
 1635 Piscis avem referens, anatique simillima bernax;
 Nunc tabulas juxta senio atque humore marino
 Confectas, nunc squalenti reperitur in algâ;
 Quam ligni ex sanie cretam, foliisve caducis
 Plebs nimium rufis & veri jejuna putavit;

LIBER SEPTIMUS.

345

1640 Donec compertum est proprio de semine nasci
 In ligno, aut cochleis, aut appendicibus algæ.
 His igitur non seminium, at cunabula, fordes.


HAUD aliter, tibi si qua fides, divine Poëta,
 Contusi plagiis tabentia viscera tauri
 1645 Emittunt examen apum, quas nuper in ovis
 Hauserat hinc atque hinc errans per florida prata
 Depositas. Sic immundo fossa humida cœno
 Bufones ranasque parit. Sic advena piscis
 Visitur in stagnante lacu non antè repertus.
 1650 Quòd si difficilis captu, aut incognita causa est,
 Non ideo nullam esse putas: verùm utere notis;
 Quamque viam facilis monstraverit, oculis illâ
 Naturam sequere: invenies abscondita rerum
 Conjectans melius, teque ipsa exempla docebunt.

1655 ASPICE quadrupedum genera omnia; sive tremendas,
 Immanesque feras in sylvis, sive fugaces;
 Et mansueta domi pecora; & genus omne volantûm,
 Aut aquilam, aut muscam; serpentumque horrida monstra;
 Et quæcunque natant, squillas, aut grandia cete,
 1660 Et conchas. Et quæ gemino gaudent elemento;
 Et sub diversis insecta micantia formis:
 Nil nisi conjugio sexûs utriusque creatur.
 Nec bene lumbricos, oculus queis defit & auris,
 Qui fodunt glebam, terræque per abdita vivunt,
 1665 Haud ullâ conforte suam sibi cedere prolem
 Majores dixerat; sibi nam nubere vermis,
 Parte suâ geminâ, simul ipse maritus & uxor
 Creditus est; nudoque etiam qui corpore serpit,

Et mucosa solo scribit vestigia limax.

- 1670 At licet androgynos, socio sine foedere amoris
Ilos compertum est cassio sterilescere foetu.
Fortè duplex aliis quoque vermbus illa facultas
Obtigit: ast oritur patrio sine semine nullus:
Nullus avis, atavisque caret; si exceperis unum
1675 Quem fator omniparens ullo sine semine finxit;
Semina concredens olli evolvenda per ævum,

ALERE FLAMMAM
VERITATIS



ARGUMENTUM LIBRI OCTAVI.

Hoc Libro totius Mundi machinam, quâ formâ
conset & quomodo regatur dicendum proponit: à v. 1. ad
v. 14.

*H*ortatur Quintum ad inquirendam Mundi causam:
laudat eos viros qui Astronomiae illustrandæ insignem ope-
ram dederunt: his Epicureos comparat: à v. 14. ad v. 88.

*E*xponit breviter tria de Mundo systemata; ea parem
vim habere dicit ad afferendum supremum Artificem; se-
tamen amore veritatis Copernici opinionem defensurum: à
v. 88. ad v. 163.

*C*opernicanum sistema adversùs Ptolemaicum propu-
gnat: à v. 163. ad v. 484.

*A*ffert Kepleri regulam, cui rebellare sistema Ptolemai-
cum, Copernicanum verò consentire demonstrat: à v. 484.
ad v. 559.

*C*ausam diversitatis motuum cœlestium, Solis in centro
vertiginem, variorum vorticum inter se libramen explicat:
à v. 559. ad v. 678.


*P*roponit eas conjecturas, quas fert sistema Cartesianum,
de periheliis & apheliis Planetarum, eorumque variâ à
Sole distantia: à v. 678. ad v. 767.

UNIVERSIDAD AUTÓNOMA DE NUEVO LEÓN
DIRECCIÓN GENERAL DE BIBLIOTECAS

Et mucosa solo scribit vestigia limax.

- 1670 At licet androgynos, socio sine foedere amoris
Ilos compertum est cassio sterilescere foetu.
Fortè duplex aliis quoque vermbus illa facultas
Obtigit: ast oritur patrio sine semine nullus:
Nullus avis, atavisque caret; si exceperis unum
1675 Quem fator omniparens ullo sine semine finxit;
Semina concredens olli evolvenda per ævum,

ALERE FLAMMAM
VERITATIS



ARGUMENTUM LIBRI OCTAVI.

Hoc Libro totius Mundi machinam, quâ formâ
conset & quomodo regatur dicendum proponit: à v. 1. ad
v. 14.

*H*ortatur Quintum ad inquirendam Mundi causam:
laudat eos viros qui Astronomiae illustrandæ insignem ope-
ram dederunt: his Epicureos comparat: à v. 14. ad v. 88.

*E*xponit breviter tria de Mundo systemata; ea parem
vim habere dicit ad afferendum supremum Artificem; se-
tamen amore veritatis Copernici opinionem defensurum: à
v. 88. ad v. 163.

*C*opernicanum sistema adversùs Ptolemaicum propu-
gnat: à v. 163. ad v. 484.

*A*ffert Kepleri regulam, cui rebellare sistema Ptolemai-
cum, Copernicanum verò consentire demonstrat: à v. 484.
ad v. 559.

*C*ausam diversitatis motuum cœlestium, Solis in centro
vertiginem, variorum vorticum inter se libramen explicat:
à v. 559. ad v. 678.


*P*roponit eas conjecturas, quas fert sistema Cartesianum,
de periheliis & apheliis Planetarum, eorumque variâ à
Sole distantia: à v. 678. ad v. 767.

UNIVERSIDAD AUTÓNOMA DE NUEVO LEÓN
DIRECCIÓN GENERAL DE BIBLIOTECAS

Terræ circa proprium centrum rotationem, tum tertium ejus motum, quo Stellæ magnum 26000 annorum orbem confidere videntur, explanat: profertque varias de Cometis conjecturas: à v. 767. ad v. 898.

Cur Planetæ diversâ velocitate diurnum orbem conficiant, cur Terræ axis inclinetur, item æquinoctiorum, solsticiorum, quatuor anni tempestatum rationem sigillatim exponit: à v. 898. ad v. 1171.

Terræ proprium vorticem, Lunæ cursum, Solis & Lunæ eclipses explicat. Hæc omnia investigasse si magnæ sit artis, fecisse quanto sit majoris concludit: à v. 1171. ad finem.



UNIVERSIDAD AUTÓNOMA DE LEÓN

DIRECCIÓN GENERAL DE BIBLIOTECAS



ANTI-LUCRETIUS,

SIVE

DE DEO ET NATURA,

LIBRI NOVEM,

AD QUINTIUM.

LIBER OCTAVUS.

De Mundo.

Nunc age, totius quænam sit machina Mundi,
Quâ constet formâ, & motûs quâ lege regatur,
Dicere fert animus, totumque expandere Numen,
Maxima jam veniunt oculis spectacula nostris.

5 Ac veluti crebris Aquilæ conatibus alas
Concutiunt, cùm se primùm è convalle profundâ
Ad cœlum attollunt, & grandia corpora librant,
Et sibi sufficiunt cunctantes verbere ventos,
Phœbeosque bibunt avidis obtutibus ignes;
10 Sic ubi semina per, perque hæc mortalia sæcla

Reptando, vitæ fontes invisimus almos,
Altius eniti juvat, aërioque volatu
Sidereos lustrare oculis audacibus orbes.

- ASPICE quæ vastis regionibus astra vagantur ;
 15 Quæ certis affixa locis, & lumine puro
Transadigunt Cœlum, nativaque fulgura vibrant ;
Hunc etiam lucis, tempestatumque parentem
Auricomum Solem, Cœli qui templa rigando
Et maria & terras secundâ lampade lustrat :
 20 Protulerit-ne Deus magna hæc miracula rerum,
An casus dederit, ceu fert doctrina Lücreti,
Quærendum supereft. Cuncti noctesque diesque
Transfigimus, cuncti menses numeramus & annos,
Et fruimur segetum renovatis messibus, aurâ
 25 Ætheriâ, sylvisque, & jugi flumine aquarum,
Et Phœbi radiis, & amico munere Lunæ :
Quis rerum curat tantarum inquire causam,
Atque modum, qui causam aperit ? Plerique verentur
Scire, quod invitox doceat cui talia debent.
 30 Sed tu, quem Veri nunc jam tenet una cupido,
Consule quid veterum scriptis inventa recentum
Addiderint, & quæ tanti peperere labores
Fac tua discendo. Nunc purius imbiue lumen :
Pronior in liquidam veniet sapientia mentem.
 35 En se diducunt nebulæ, & jam clarior æther
Se se aperit ; radiis ne te, ne subtrahe primis :
Crescent in validos exorta crepuscula soles.

PLURIMA debentur priscis ætatibus : illæ
Naturam agrestem & spissò velamine septam

- 40 Tentarunt primùm ; in se suscepere laboris
Dura rudimenta, atque operis meruere coronam
Acribus inventis : nos versa novalia demum
Cœpimus excolare, & partim vestigia nota
Sectati, partim auxiliis melioribus usi,
 45 Majorum hæredes, propriâ ditescimus arte ;
Atque avidi fundos augemus opesque relictas.

Sic ab Aristarcho fata primitus ac Philolao,
Jam doctrina diu rudis & neglecta jacebat,
Cùm speculatori gratum subolere Polono

- 50 Cœpit, & ad summos rediviva ascendit honores
Talibus auspiciis ; quam pòst Galilæus Etruscæ
Gentis honos, cannâ primus qui se intulit astris,
Et comites vidit Jovis & nova fidera Cœlo,
Illustrem assensu fecit ; Keplerus adauxit
 55 Errantûm vero cursu. Quo nomine dicam
Naturæ genium, Patriæ decus, ac decus ævi
Cartesium nostri, quo se jactabit alumno
Gallia foeta viris, ac duplicitis arte Minervæ,
Antè suos tacitura duces ac fulmina belli,
 60 Quàm Veri auctorem eximum, mentisque regendæ :
Ingenio magnis nec decessura Pelasgis,
Quanquam ea gens & Aristotelem, diumque Platona,
Pythagoramque tulit, satis uno Socrate dives !
Post hos incedunt famâ super æthera noti,
 65 Quos Parisina suos Academia tempore longo
Vidit & obstuپuit, magni Cassinus & Huygens.
Annulus huic patuit Saturni unusque satelles ;
Quatuor ille alios visu deprendit acuto :
Permensi Cœlum ac terras, tot in orbe reperta

70 Vulgarunt, ut jam inclarescat fabrica Mundi.

His Epicureos, & quem mirare Poëtam
 Haud, reor, aequipares. Quæ rerum inscita suasit,
 Pro pudor! ut stellas majores esse negaret,
 Et Lunæ Solisque globos, quām cūique videntur:
 75 Exemplo tædæ procul apparentis abusus?
 Quinetiam Solem sparsis per inania cœli
 Seminibus flammæ quæ casus mane coëgit,
 Autumat extingui noctis caligine cæcâ;
 Tum post Idæos reparatum exurgere montes.
 80 Atque, ubi contingit spoliari lumine Solem
 Et Lunam, dubitat monstri num' catifa sit umbra
 Corporis oppositi, quasdam potius-ne latebras
 Tunc subeant, vultumque aliquo velamine celent.
 Mirum, ni credat, velut Indum vulgus, in illos
 85 Immani horrendum rictu sœvire Draconem.
 Tales impietas habuit, jactatque patronos:
 At pudet insulsi commenta referre Lucreti.

SUNT tria de toto systemata cognita Mundo.
 Primum constituit sphæram Telluris inertem
 90 In medio; circum jubet omnes ire Planetas,
 Inter eos Phœbum, quo cætera corpora fulgent.
 Abripit astrorum, Ptolemæo judice, turbam,
 Perpetuâque trahit secum vertigine ab Euris
 Ad Zephyros, primum dicit quod mobile, Cœlum.
 95 Hoc super-axe suo viginti & quatuor horis
 Volvit: impensè velox, quæ dividit axem
 Æquator; summè tardum, quæ desinit axis;
 In dupli puncto nimirum Aquilonis & Austræ.

Interea

Interea proprius tamen est Fixisque Planetisque,
 100 At minor, à Zephyris qui tendit motus ad Euros,
 Signa sequens: hæc quisque suum variè exigit annum;
 Vi propriâ cœlo præ cunctis Luna resistit:
 Frater enim contrâ dum nititur ire, diebus
 Bis sex non spatii plus vincit, quām soror uno:
 105 Concordes gyros, spatio distante, Planetæ
 Decurrunt alii; recto nunc tramite pergunt,
 Nunc fugiunt retro, nunc stant atque otia ducunt;

No n tulit hanc Mundi speciem Copernicus, et si
 Per populos longum dominatam, ultroque faventem
 110 Sensibus, atque usu sanctam & more loquendi.
 Audax, inverso penitus rerum ordine, Solem
 In centro statuit; Terram, cui Luna satelles,
 Cum reliquis circa Solem fluitare Planetis,
 Ac dupli voluit lumen sibi querere motu
 115 Semper ad auroram directo: immobile cœlum
 Interea, nullumque Polis coelestibus axem.
 Non ægre hinc videas, qui nos spectacula fallant,
 Ut, quæ volvuntur semper, tranquilla putentur;
 Et motum credamus, ubi perfecta quies est.
 120 Haud secus, ac portu cum solvit nauta reliquo,
 Littus abit, terræ fugiunt, urbesque recedunt:
 Ille, sui motus imprudens, omnia ferri;
 Vicinam & navim, quam dentibus anchora fundat,
 Currere; se residem putat his, quibus innatæ, undis.
 125 Ast homo delususque oculis, animoque superbus,
 In placitum errorem pronus delabitur: ac se
 Turpe Planetarum numerari de grege censet;

Z

354 ANTI-LUCRETIUS,

Et quæ non videat, tamen hæc sibi fidera pasci,
Quoque loco sedet, hic Mundi consistere centrum
130 Vult & ait. Quoties Terra inclinata recludet
Partem aliquam Cœli non visam, ea surgere signa
Continuò; quoties elatior abdet Horizon,
Hæc eadem mergi, & sub se collapsa putabit:
Quinetiam tantos ideo fervescere motus,
135 Ut se perpetuò stantem Cœlum omne salutet;
Ac sibi, ceu Domino, famuletur deditus Orbis.
Tu quis homo es, qui tanta tibi? Sed persequor orsa.

DISCordes inter sectas incertus & hærens,
Magnum operæ pretium & Sapientibus utile duxit,
140 Si misceret utramque Ticho, vir sanguine clarus,
A quo & constructam Cœli de nomine turrim
Uranies ædem, primum ætheris amphitheatrum,
Codani stupuit prænobilis insula Ponti.
Ille igitur partim populari tractus ab aurâ,
145 Partim conspicuâ percussus imagine Veri,
Concessit Patribus Cœlum, Solemque moveri,
Non Terram; at Soli comites Terræque, Planetas
Distribuit: bonus ille quidem explorator Olympi;
At non fidereæ gentis moderamine felix.

150 HAUD nostrum tantas effet componere lites.
Nam seu Terra meat, seu planè immota quiescit;
Seu tempestatum genitor lucisque diurnæ
Sol manet in centro, seu fert Eclipticus illum
Circulus; ac solidum seu commovet omnia cœlum,
155 Seu purus liquor est, in quo passim astra feruntur
Ut soles totidem, propriisque instructa Planetis,

LIBER OCTAVUS.

355

Non minùs omnipotens Numen splendebit ubique,
Cujus inexhaustas æquet Sapientia vires,
A quo facta semel, semper Natura regatur.
160 Sed quia cogit amor Veri, sententia totum
Me rapit illa tamèn, quæ per se clara refulget,
Ac mihi divinam præstantius explicat artem.

ALTERA, nam fateor, solitis accommoda rebus
Esse utcunque potest; nec falleat calculus illum
165 Qui duce Niligenâ numeret: prædicta probabit
Exitus, Eclipses Lunæ Solisque redibunt,
Et pariter current Idus, pariterque Kalendæ.

AT licet ad Terram quod pertinet, illa disertè
Expediat, quia nempe eadem se præbet imago,
170 Vel si spectator, vel si spectata moventur,
Plura tamen Copernicio systemate clarent,
Quæ nunquam evolvat Ptolemæus. Cogitur omni
Effecto causasque novas aptare, sibique
Sæpe adversantes: nihil ipsi denique planum
175 Aut liquidum, nihil ad leges & dogmata nota
Mechanics; nihil est quod comprobet, omnia ponit.
Cœlestes adeò motus & sidereas res
Instituit, nequaquam ut sunt, sed ut esse videntur.
Quin Epicyclorum ambages, tot vincula miris
180 Intricata modis, tot multiplices Mæandros
Dum video sphæris errantibus æthere in alto
Describi Terram circum, se protinus offert
Cretæ species Labyrinthi, Dædalus auctor
Quem per mille vias intexuit arte magistrâ.
185 Quæ lex præterea motus excusat euntes

Zij

356 ANTI-LUCRETIUS,

Ordine retrogrado *alternis*, stantesque Planetas?
 In tam confusa totius *imagine Mundi*,
 Olim quæ stomachum *Regi commovit Ibero*,
 Prisca suī liquisse *chaos vestigia credas*.
 190 Naturæ non est opus *hoc*; via scilicet olli
Simplex & constans, *tenor immutabilis*, unus.
 Verūm est Naturæ concors, perque omnia gressu.
 Ire pari felix, nostri *doctrina Poloni*:
 Qualem exornatam tibi nunc ostendere conor,
 195 Ceu Veri specimen, ceu Numinis argumentum.

QUAM longè latēque patet sine limite noto
 Mundus hic, Astrorum locus, in quo Fixa morantur
 Ut foveant spheras alienæ lucis egentes,
 In quo Sol propriam tenet inter millia sedem,
 200 Vivida materies, tenuis, liquidissima totum
 Implet, ubique suī similis, qui dicitur æther.
 Utque orbis terrarum in plurima Regna fecatur,
 Et partitur idem Provincia plurima Regnum;
 Sic & vorticibus compago hæc maxima constat
 205 Innumeris, alios in se multoque minores
 Complexis. Omnes in centro, vel prope centrum
 Corpus habent aliquod medium, molemque rotundam.
 Inclusis quæ vorticibus sedet intima moles,
 Et minor est, & opaca, diemque aliunde receptam
 210 Unā parte suī tantū persentit, in umbris
 Altera dum languet, radios habitura vicissim.
 Cingitur interdum simili comitum famulatu,
 Subsidiumque petit sibi luminis inde reflexi.
 Maximus at vortex, unus qui continet omnes,
 215 Possidet in medio, sua ceu præcordia, sidus

LIBER OCTAVUS.

357

Igniferum, certâ nunquam à statione recedens,
 Axem sed proprium circa vertigine gyrans
 Perpetuâ, quâ corripitur circumfluus æther.
 Cætera compositos innantia corpora motus
 220 Concipiunt, sparsumque legunt ex ordine lumen.
 Vi propriâ splendent ergo, quæ fixa vocantur
 Sidera; dumque suos agitant de more Planetas,
 Attamen in medio perstantia vortice regnant.
 Tales in Cœlo Canis & Lyra, Pegasus, Argo,
 225 Pleïadumque chorus; tales Arcturus, Orion,
 Et quot cœruleo nox explicat æthere soles.

QUAM vis illorum nequeat spectare Planetas
 Vifus, & immensam celet distantia molem;
 Quis tamen, ut formam cœli conspexit eandem,
 230 Phœbeisque pares radios, talēque videndum
 Solem è longinquo, qualis nunc Stella videtur,
 Diversi generis Solem Stellasque micantes
 Æstimet, ac miræ vim tantam lucis inanem?
 Natura omniparens non unam è divite fundo
 235 Rem formare solet, sed rerum effundere messem;
 Et causæ similes effecta simillima gignunt.

SOLEM adeò nostrum, cor nostri vorticis, atque
 Luminis & motus fontem omni parte vigentis
 Ponimus in centro: vastum & mirabile corpus,
 240 Quod decies centum Terrarum millia, molem
 Si bene scrutaris, complectitur, ac diametro
 Comprendit pariter centum Terræ diametros.
 Æstuat hic ergo Sol igneus, inque loco stans
 Vertitur assidue proprio super axe diebus

Z iii

245 Quinque & viginti, peragitque iteratque laborem.
 Buxeus ut turbo, pueri quem fortè flagellant
 Et stimulant plagis, punto stat rectus in uno,
 Dum celer ac tacitus multos in se exigit orbes.

INTER se formâ similes, non mole Planetæ,
 250 Quos ea vis agitat commoto flumine mersos,
 Perpetuò Solem circumdant more clientûm,
 Circumeuntque procul, variis tamen intervallis,
 Et regnatori cùm vorticis, inter eundem,
 Obvertant partes convexi corporis omnes;
 255 Orbis ut exactus revoluto est corpore, totum
 Exhausere diem; perfecto denique toto
 Circuitu, spatum claudunt remeabilis anni.

Sic minimus properat, quo nobile ducitur agmen,
 Mercurius; propior Soli non cernitur alter.
 260 Post hunc luciferæ Veneris nitidissima Cœlo
 Stella meat: sequitur Lunâ cum suppare Tellus.
 Hinc Mars sanguinæ ferrugine subruber: olli
 Nondum depensi comites, at fortè minores
 Quàm qui noscantur. Vivâ tum luce resplendens
 265 Juppiter & magnus, cui Lunæ quatuor adsunt,
 Auxiliare jubar: nam crebris noctibus umbras
 Imminuunt supplantque diem. Custodia major
 Addita Saturno, qui vorticis incolit oras
 Pallidus, extremumque piger circumPLICAT orbem.
 270 Quinque illum refovent socii, quin lamina cingit,
 Quæ transversa globum partes distinguit in æquas.
 Tantis longinquæ provisum est undique molî
 Subsidiis; etenim propè deficiens Solis

Lumina multiplici replicant augentque repulsu.
 275 Qualis decrepitâ confectus penè senectâ
 Stipatur natis genitor numeratque nepotes:
 Cogitur is baculo corpus fulcire labascens;
 Appositque juvare oculos munimine vitri;
 Et dextrâ trepidantem alienâ attollere dextram:

280 DUM reliquos inter communi lege Planetas
 Imus, & emissos Phœbi radiantis ad ignes
 Volvimus, en aliâ, dum nox est, parte videmus.
 Haud multûm vario currentia corpora plano.
 Sed quem describunt ovatum motibus orbem,
 285 Nobis obliquè cernentibus inclinatum
 Et quasi sub facie fusi apparere necesse est:
 Quam speciem referunt florentes labra per hortos
 Si quando conspecta procul, seu fercula mensæ:
 Linea nam duplex ultrâ citrâque videtur,
 290 Et gemini fines punto involvuntur in uno.
 Dum sua currentes rapit orbita certa Planetas,
 Terricolarum oculos certus quoque decipit error;
 Pro variisque locis, nunc rectâ incedere credunt,
 Nunc regredi, ætheriis nunc stare adfixa cavernis.
 295 Atque eadem species illudit partibus iisdem.
 Nam qui tres vasto spatiante æthere, circum
 Et Terram & Solem gyro exteriore feruntur,
 Conjuncti Phœbo cùm suspiciuntur, obire
 Directos motus; vestigia vertere retro
 300 Oppositi; mox desidiâ cessare videntur
 In quadraturis, & anhelos sistere cursus.
 More quidem absimili, sed eadem fraude Venusque
 Mercuriusque oculis spectantûm illudere gaudent.

Has species Tellus, dum circuit, addit utrisque,
 305 Hæc etenim medium Solem interioribus ambit
 Tardior; at cursu prævertitur exteriores.
 Ut si fortè lacûs per littora curva rotundi
 Actus eat sonipes, unoque tenore feratur,
 Te longè positum, gyro si pergis eodem
 310 Segnior aut citor, mendax deludet imago.
 Quòd si Sole sedens, quod centrum immobile motûs
 Omnivagi, circumspicere volitare Planetas,
 Ire retro nullum, nullum consistere credas.

JAM quid ais, Quinti? Nonne hæc prænuncia Veri
 315 Limpida simplicitas? Nonne hæc sententia Suadæ
 Filia, compertis tam clarè consona rebus,
 Intortos flexus Ptolemaei & somnia vincit
 Intricata, quibus neque lex, neque causa videtur?
 Fac tamen hæc non esse satis; mihi majus in illum
 320 Robur adhuc supereft, & ineluctabile pondus
 Argumentorum, quæ rem intellecta fecabant.

QUI portentosâ Cœli vertigine raptum
 Semper ad occidas Mundi procedere partes
 Phœbum arbitrantur, lux à quo defluit omnis,
 325 Astrum ingens oculis potius quam mente secuti,
 At niti proprio tamen in contraria motu,
 Obliquaque viâ sub Olympi fornice vasto,
 Haud animadvertunt procul à ratione vagari,
 Olli quod frustra genus imposuere laboris.
 330 Nam si cum toto stellæ moveantur Olympo,
 Atque eadem circa Terram violentia Solem
 Saturnumque Joyemque ferat cunctosque Planetas,

Qui fit, ut in centro tam vasti vorticis hærens,
 Tanto præterea motu circumdata Tellus,
 335 Non etiam super axe suo conversa rotetur?
 Nam vel, ut in solidis, motus decrescit eundo
 Ad centrum; vel, ut in liquidis, cùm tendit ad oras:
 Si prius; exemplo Tellus versatilis ieret,
 Mole quidem Cœli minùs acriter, attamen ieret
 340 Axe super proprio, quanquam statione retentâ,
 More rotæ; faciem Cœli aspiceremus eandem
 Semper; ubique dies aut nox æterna maneret:
 Quòd si posterius; foret infinita movendæ
 Vis Terræ; Cœlumque & sidera fulgoris instar
 345 Effugerent oculos; noctesque diesque redirent
 Horæ momento: veluti confusa videntur
 Littora cum Pelago, rapidè si vertat in orbem
 Navigium Boreas, aut cæcus in æquore vortex.

NEC fatis est. Solem tantâ vertigine Cœli
 350 Correptum, quæ vis & ab Æquatore vagari,
 Motus ubi vehemens, & versus utrumque vicissim
 Declinare Polum, quæve inconstans cogit?
 Hæc etenim causâ fieri cogente necesse est.
 Si geminis innata Polis Magnetica virtus

355 Errantem trahit in Tropicos, cur inde quotannis
 Cùm semel alterutrum tetigit, remeare jubetur?
 Occlusas reperit-ne vias? An densior illic,
 Quæ sub cardinibus Mundi tam lenta putatur
 Materies, vetat ulterius procedere Solem?
 360 Hoc si esset, nunquam retro foret ille reflexus,
 Ut pila quam lapidis facies offensa retorquet;
 At sensim cursum deperderet atque gradatim,

362 ANTI-LUCRETIUS,

Semper eò tendens quò primùm tendere coepit,
Donec eum premeret tandem sopor atque veterus.

365 Ceu perhibent vulgo cœli decrescere motum,
Quò magis ad fines magni protenditur axis.

HINC novus illorum subito se detegit error.

Nam Sol in Tropicis currens, ut currere dicunt,
Sanè à cœlesti procul Äquatore recessit,

370 Quàm longè distare potest; sub fornice multūm
Restricto jam curvat iter, motuque minori
Ducitur, & gyrum spatio breviore coarctat.
Aut ergò cursum reprimit, sed causa morandi
Nulla est; aut passu graditur si semper eodem,

375 Tunc solito brevius nycthemeron ut sit, oportet.
Quòd si forte velint teretis per concava Cœli
Verum Solis iter speciem informare cylindri
A Tropico in Tropicum, falluntur; nec sibi constant.

Nam Cœli motus, cui Sol parere jubetur,
380 Sphæricus est. An non, simul ipse fit incola Capri,
Grandior appetet? Facit hoc vicinia Terræ.
Si verum statuant, minor apparere profecto
Deberet, quia tum à Terrâ distantior esset.

HUC accedit, uti quot Cœlo Sidera toto

385 Fixa micant, & in occasum migrare putantur
Unoquoque die, per paulum quolibet anno
Sublabi, retroque trahi spectentur in ortum.
Haud secus, ac si quis prono delatus ab Istro
Certaret remis adversum vincere flumen:

390 Quippe moras tenues conatibus ille phaselo
Præcipiti faceret, quamvis abreptus aquarum

LIBER OCTAVUS.

363

Decursu rapido, sociosque præire videret.

Sol igitur jam nunc Stellaræ comes inchoat annum:

Protinus unanimes ambo, bijugique videntur,

395 Discreti verò posthac, iterumque propinqui:

Perficiunt ita dissimilem pro munere cursum

Quisque suo. Demum transactis mensibus anni,

Sol redit ad Cœli punctum fuit unde profectus:

Observa, Stellam invenies à Sole relicta

400 Non procul, ast uno distantem penè minuto.

Arietis ætherii sic olim è cornibus unum

Viderat Hipparchus magni speculator Olympi,

Hic ubi conveniunt Äquator & orbita Solis.

Hoc ideo sidus pro limine Veris amoeni

405 Constituere patres; nunc se promovit Eoum

In latus, occiduo sensim sensimque reliquo:

Ac propè Zodiaci duodenā parte recedens,

Invasit sedem Tauri, pepulitque Gemellos

Taurus, & in Cancrum se produxere Gemelli.

410 Præteritis adeò sœclis simul omnia Signa

Mutavere locum, & mutabunt usque futuris.

NON Äquator eum, ast Ecliptica sola videtur

Aut motum regere aut progignere; nam sibi cogit

Esse parallelum semper. Quare omnis ab illâ

415 Quæ nunc Stellarum distantia cernitur esse,

Perpetuò talisque fuit, talisque futura est.

Verùm Äquatori quæ proxima Sidera quondam,

Nunc ab eo cessere: Polum quoque deseret ipsum

Ursa minor, Cœlo quondam spatiabitur amplio,

420 Atque aliis, quo nunc fruitur, concedet honorem;

Nec leges Hyemi dabit aut Aquilonibus atris;

Nec Mundi vertex, nec erit tranantibus æquor
Incertisque viæ signum immutabile nautis.
Annorum tredecim bis millia tota necesse est
425 Effluxisse priùs, repetant quām Sidera sedem,
Primævusque situs toti reddatur Olympo.
Mundus in integrum tunc omnis restituet se.
Causa rei quænam est? Veterum hanc Sententia pandat;

PRIMÒ, vel Stellas circumfert mobile cœlum
430 Hærentes, veluti fixos in fornice clavos,
Vel sine compedibus fatearis nare solutas.
Hærentes ferri si dixeris, ergò remotis
Congenerem Stellis Solem hunc adamantina cœlo
Vincla ligant, rutilo ceu gemma includitur auro.
435 Sol quoque, ais, solido suspensus in orbe rotatur,
Et sua constrictos torquet testudo Planetas;
Ac dum Terram obeunt, immotis nexibus hærent
Mercurius proprio, proprio Venus in crystallo,
Alter Telluri vicinior, altera Soli.
440 Cur igitur Solem supra quandoque feruntur
Mercuriusque, Venusque? Et quā vi denique possunt
Rumpere iter, Solemque effractis vincere regnis?
Scilicet immensæ solida hæc laquearia molis,
Tot crystalla, levi, vitrum ceu futile, flatu
445 Dudum dissiliere; ergò non ullus euntes
Nexus habet Stellas: quòd si des ire solutas,
Non magis expedes nodum, pejoribus imò
Implicitus laqueis. Motu nam cuncta diurno
Sidera tempus idem spatiis insumere constat
450 Longè diversis: viden', ut Cynosura moratur
Tantumdem in parvo languens, quo circuit axem

Extremum gyro, quantum illa celerrima turba,
Quæ medium non credibili vertigine cingit,
Æquatorem habitans, & quā describitur orbis
455 Maximus. Ecce igitur, quando labentibus annis
Vis ea, quæ Stellas invito turbine Cœli
Ut lentè, sic assidue detorquet in ortum,
Ipsam, alias inter, Cynosuram adduxerit illuc,
Motus ubi citior, quia grandior orbis arandus,
460 Dic age, quæ virtus addet nova protinus alas
Huic astro? Vel quæ crescentem in sœcula motum
Inque dies adeò moderabitur, ut nihil ultrà
Quām par est currat, nihil & minus; ac suus ordo,
Et sua servetur Stellis distantia cunctis?
465 Sed quando, simili revoluto tempore, tandem
Hoc erit, antiquas repetant ut sidera fedes,
Et Cynosura Polum, torpens velut antè, revisat;
Quæ tunc illam adeò compescet plumbea virtus,
Perque gradus motum poterit frenare diurnum
470 Illius in reditu, minimus ne intercidat error;
Atque ita fidereas omnes, & quâlibet horâ,
Ceu filo, ad nutum regere & variare choreas,
Ut spatiis tam disparibus, verumtamen uno
Tempore complendis, cursùs momenta coaptet?

475 INTRANT in liquidum, dices, motumque sequuntur
Materiæ circa Terram sine fine fluentis,
Et variè, prout est illius ab axe remota.
Non igitur solidâ tibi jam compage videtur
Stelliferum, ut voluere patres, consistere cœlum:
480 Sed motum, & motûs causam non credere cessas.
Verum, si solidum non est, intellige motus

Ætherios, quales liquidi natura requirit;
Et quales peragi docet experientia verax.

- CORPORA quæ coelo circumvolvuntur in orbem;
- 485 Quo minus à centro distant, velocius ire,
Languidius verò, quo plus sunt diffita, constat.
Sanè id moris habent comites Jovis & Saturni.
Nam longè positi, & longos & tempore longo
Circuitus peragunt; breviores tempore parvo,
- 490 Qui propè nant. Primus legem detexit in astris,
Arcanamque ausus crebris obtutibus artem
Surripere, hanc nobis Keplerus tradidit auctor.
Quam Jovis explorans in quadrijugo famulatu,
Nec non inventa Saturni nuper in aulâ,
- 495 Mirandum! omnino reperit Cassinus eamdem.
Sic ubi nosse voles comitum loca certa duorum,
Et quanto coeli spatio sit uterque remotus
Communi à centro, seu corpore principis astri,
Amborum quadres revoluti tempora cursûs;
- 500 Quam porro inter se rationem tempora servant
Quadrata, hanc cubefacta etiam distantia servat.

- ERGÒ, si veterum vestigia trita sequere,
Terraque in centro positâ, circumire jubebis
Sideraque & Lunam & cunctos cum Sole Planetas,
- 505 Ac totam immensi molem exagitabis Olympi;
Corpora sic diversa regas, ut proxima Terræ
Currendo citius quam sejunctissima gyrum
Perficiant: id enim Kepleri regula poscit.
Verùm Luna suo perfuncta est circiter horis
- 510 Quinque & viginti; porro, quam Luna propè absit,

Haud nescis: Phœbo interea, qui volvitur ultrà
Tam procul, ut Lunæ velari corpore possit
Quanquam prægrandis, viginti & quatuor horæ
Sufficient; igitur communi à lege recedit.

- 515 De Stellis autem quid jam dicemus? Et istis
Præcipue, quas tanta oculo distantia nostro
Præripit, ut nimbo similes videantur & albæ,
Ac telescopio vix percipientur in umbrâ?
Hæ Solem, tardamque magis prævertere Lunam
- 520 Cernuntur; motu superant utrumque diurno:
Unde omnes legi, quam diximus antè, rebellant.

NUNC videamus, utrum sedes primaria Soli
Cùm datur, & reliquis sociatur Terra Planetis,
Motus ad hanc omnis se se concinnet amissim?

- 525 Mercurius primò, qui Solem proximus ambit,
Tres in circuitu menses, Venus exigit octo.
Tempora si quadres, minus in majore recurret
Et semel & ter bis, non nil super. Unde necesse est,
Si spatia interjecta cubes ab utroque Planeta
- 530 Ad Solem, ut toties minus in majore recurrat;
Sive, ut luciferæ Veneris distantia major
Contineat semel & ter bis cubefacta minorem.
Nunc cubica è septem si prodeat eruta radix,
Dat ferme duo. Sic paulum reperimus abesse,
- 535 Quin duplo magis à Phœbo Venus aurea distet,
Quam sidus leve Mercurii perfæpe latentis
Oceano in medio radiorum, ubi lumine pleno
Mergitur, & spissos avide bibit ebrios ignes.
A Venere occurrit Tellus, quæ volvitur annum:
- 540 Hunc si contuleris cum Mercurii Venerisque

Temporibus , simili ratione modoque videbis
Tellurem à centro Solis motūisque remotam
Ut Venus est eum dimidio , bis & amplius autem
Quantum Mercurius. Per cuncta biennia Martis
§45 Instauratur iter. Numera: discedere Martem
Vix minūs à nobis , quām nos à Sole , patebit.
Tum rescire cupis , quæ sit Jovis orbita magni ,
Quantaque ? Bissenis tantum percurritur annis.
Hinc superat Martis tria Juppiter intervalla.
§50 Postremò cùm sex ægre Saturnus eundo
Lustra terat , manet ultra omnes à corpore Solis
Divisus , radiumque Jovis duplicare videtur ,
Nec tamen omnino. Sed clarè ut singula cernas ,
En cujusque tibi distantia nota Planetæ.
§55 Mercurius distet spatiis à Sole duobus ;
Bis duo funt Veneri propè , quinque ipsissima Terræ ;
Mars octo , sex & viginti Juppiter ingens ,
Et quinquaginta demum Saturnus habebit.

ADMIRANDA quidem cœlestis regula motūs :

§60 At mirabilior , quod ab uno turbine Solis
Cuncta simul , variisque modis abrepta ferantur.
Jamque rei facilem paucis intellige causam.
Corpora sæpe vides solida & compacta rotari :
His , quia sunt radii stabiles unāque ligati ,
§65 Extima pars agitur citius , quām proxima centro ;
Quandoquidem longè majores cogiturn uno
Temporis in spatio cursans absolvere gyros :
Sed mos in fluidis & lex contraria regnat ,
Quod partes habeant laxas vinclisque carentes ,
§70 Atque ita disjungi faciles , & ab axc solutas.

Ortus enim à centro non vi promanat eādem
Impetus , extremam neque pervenit omnis ad oram ,
Sed minor atque minor sensim decrescit eundo.
Ut lapide injecto si fortè exciveris orbes
§75 In stagnante lacu , videoas languescere paulum
Extremos ; quia vis latè dispersa fatiscit :
Vix humili segnes crispant summa æquora fluēt.

E t sanè , motus cùm sit (quod vidimus antè)
Omnis ab impulsu , quæ corpora cunque moventur ,
§80 Et pelli , & breviore viâ , quæ recta profectò est ,
A pellente , quoad possunt , discedere debent ;
Si modò nil isthac ferri ratione vetabit.
Id motus omnes , id clarè pondera monstrant.
Quæ propriâ verò centrum vertigine cingunt ,
§85 Et si diversâ videantur lege moveri ,
Haud minūs hanc normam servant ac cætera , quantum
Est in se ; huc tendunt semper , nec temporis ullum
Momentum est , quin id conentur , tramite recto
Ut se summoveant à centro & origine motūs ;
§90 Ac per tangentem : quia tangens linea primùm
Incoepita est , & avert , quâ coepit est , pergere porro :
Et verò hac fugiunt ubi nil fugientibus obstat.
Sed quia vi quâdam oppositâ regeruntur in illud
Unde abeunt , impulsa simul , pariterque repulsa ,
§95 Motibus è geminis mediis conflatur , utrumque
Participans ; rectæque loco describere curvam
Coguntur , centrumque suo circumdare cursu .
At nos in curvis aliud nihil esse videmus
Præter rectarum infinita exordia , semper
§100 Obliquè posita , & semper tentata , neque unquam

Continuata; vetat siquidem contraria virtus.

Hæc ergò oppositâ quo plus virtute retundi
Corpora contingit, simul & brevioribus axem
Quo cingunt gyris, vehementius ire necesse est:
605 Quales ingeminant cursum sub pontibus undæ;
Aëris aut penetrans angusta foramina flumen.
Ast ubi centrifugæ distant ab origine vires
Longius, ac per eas qui circumscribitur orbis
Amplior evadit, tum linea curva gradatim
610 Ad rectam accedit proprius; languescere tandem
Incipiunt, ac debilior fit nitus in illis;
Quod jam laxatæ spatio majore fruantur.
Haud secus intorti chalybis cum lamina primùm
Explicit se se, vim magnam ex parte remittit;
615 Pulsat claustra minùs, nec jam conamine tanto
Prorumpens, thecæ latera imbecillior urget.
Sic ea materies nostrum diffusa per Orbem
Quæ coeli pars est, implens Solaria regna,
Turbine perpetuo flammantis volvitur astri:
620 Sic tamen ut motûs, cum sit liquidissima, tantum
Accipiat, quantum remanet vicina moventi;
Tantum deperdat, quantum removetur ab illo,
Et vastos regni fines distracta pererrat.
Quo plures in particulas vis tota moventis
625 Dividitur, tanto simul imminuat oportet.
Tardiùs inde fluit regio Saturnia magni
Vorticis, atque viæ quintuplo segniùs instat,
Quam quæ Mercurium desert amplexa volantem.

Quæ si Materies tanto fugit incita motu

630 Cùm propior centro est, in centro turbinis ipso
Quàm rapidè properat! Magno eruptura tumultu,
Corticis objecti contrâ nisi septa resistant:
Unde reperclusus liquor, atque coercitus intra
Mœnia, confictu valido miscetur & errat
635 Mirum effervescent, antroque exæstuat imo.
Cortex innumeris etiam subsultibus ipse
Concútitur, fluidumque ferit quo cingitur extrâ:
Omni parte fremens, radios circumundique rectos
Efficit assiduo pulsu; quæ lucis origo est.
640 Motus hic interior, quo Solis fervore corpus
Et circumdantem jaculari cernimus æthram,
Perpetuò de congenitâ vertigine nonnil
Detrahit; hanc minuit, centroque retardat in ipso:
Solem ideo cogit viginti & quinque dierum
645 Vertendo traxisse moram, velociùs illo
Munere functurum, ni sisteret intimus ardor.
Signa rei sunt certa levi quæ tegmine discum
Informes maculæ percurrunt atque nigrantes.
Scilicet hunc fumum liquefacti more metalli
650 Exsudat Sol ignivomus fuliginis instar
Hærentis; quæ post mutatâ sœpe figurâ,
Crescens, decrescens, solet evanescere tandem.

CENTRIFUGIS dixi in Mundo contendere vires
Viribus oppositas; verè. Nam vorticis hujus
655 Quem Sol usque ciet volvens, extrema premuntur
Vorticibus variis, quibus ille est undique cinctus.
Hi Solemque suum & sua cum vaga sidera norint,
Turbine perpetuo, ac simili ratione moventur;
Propulsantque alios, propulsanturque vicissim:

A a ij

- 660 Pressurâ ut vinci nequeant, ita vincere nulli
Concessum est, ultraque suos excurrere fines.
Sic obsistendo se tanta volumina librant.
Hinc fluvio, nostrum lambens qui terminat orbem,
Quamvis directo conetur tramite ferri
665 Sponte suâ, interclusa fuga est : ergò ille reflexus
Cogitur incurvare vias, cogitque sequentem.
Ecce autem in mediâ currentis materiæ vi
Magna Planetarum fluitantia corpora cernis :
Illa volubilibus raptari mersa fluentis,
670 Ac circum rutilos Phœbei sideris ignes
Turmatim properare & eâdem currere, quâ Sol
Induperator iter propriâ vertigine signat,
Occasum semper fugiens ut vergat in ortum ;
Hoc tibi jam notum & certâ ratione probatum est.
675 Quinetiam impetui cur sic respondeat omnis
Illorum inter se distantia, nullus, opinor,
Ignoras. Neque quod supereft aperire molestum.
Scire cupis variè cur **sic** à Sole recedant ;
Cur etiam præter communem in vortice magno
680 Circuitum quo cuique suus describitur annus,
Turbine privato qui certis conficit horis
Noctes atque dies, proprio super axe rotentur :
Expediam. Causa est eadem quam diximus antè.

NAM vis illa potens, quæ primùm à Sole profecta
685 Totum agitat fluidum, fundæque imitata vigorem,
Æthera circumfusum ad vorticis ultima vibrat,
Quodcunque offendit condensum ac mole resistens,
Impetit, atque elata suprà violenter ad imum
Præcipitat centrum : quin Phœbo denique mergi

- 690 Cogeret, impulsu momenta in singula adacto
(Ut solet in casu gravium, fierique necesse est)
Ni radiorum acies fervens ac vivida contrâ
Libraret, quæ dimidium complexa Planetam,
Sustinet illabens constanti robore pondus.
695 Oppositis igitur, vi colluctantibus æquâ
Motibus, inde potest neutri concedere corpus :
Fit mora, fit requies ; & eo consistere debet
Usquè loco, fines ac centrum vorticis inter,
Quo semper vires æquatæ, & pugna perennis ;
700 Unde fit, adversi nîsus simul evanescant.

NEC verò locus esse potest ille unus & idem
Corporibus cunctis. Aliud nam latius offert
Majorem radii faciem Solaribus, et si
Fortè cavum est, rarique magis circum intima textûs :
705 Densius esse potest aliud, formæque minoris.
Diversum idcirco pro mole superficieque
Suscipiunt à particulis ferientibus iustum ;
Et magis atque minùs parte ex utrâque fugantur.
Haud secus ac tubulis ubi fons deductus apertis
710 Prosilit, & suavi se murmure tollit in auras,
Mollem erumpenti Sphærâm si objeceris, undas
Contrahit, illa manet liquidâ suspensa columnâ,
Altius inferiusve quidem, prout ipsa gravescit :
Sic tamen, ut tremulo nonnil agitata liquore
715 Fluctuet, ac varios uno det tempore motus.
Ergò patet Sphæræ grandes cur Solis ab axe
Communi non æqua per intervalla recedant ;
Atque aliæ supra colant, aliæ infima Coeli ;
Quædam intermedia fluitent in gurgite vasto ;

A aij

720 Omnes assiduè vestigia trita revolvant;
Curculisque suis haud unquam excedere possint,

SED quia difficile est pugnantibus è diametro
Viribus, ut cernis (volitans pila nempe docebat)
Punctum assignari perfectæ posse quietis,
725 Idque individuum : ceu pendula mota videmus
Multis hinc atque hinc impulsibus exagitari,
Et perpendiculum transcendere st̄pe, priusquam
Extincto motu tandem sedata quiescant :
Ceu pariter lymphis injecta liquentibus arbos
730 Mergitur, exsurgit crebro, reciditque redditque,
Donec eat, propriâ sine vi, permissa fluento :
Sic etiam ad Solem, cùm prævalet altera virtus,
Accedunt æquo propius quandoque Planetæ;
Porro hæc illorum perihelia dicimus : & cùm
735 Altera prævaluit, plus æquo à Sole recedunt;
Atque hæc illorum dicuntur aphelia. Quare
Non prorsus medium Sol igneus occupat Orbem,
Nec vero in centro est : at quæ circùm orbita currit,
Ellipsis potius quam circulus esse videtur.
740 Sic autem quovis anno cujusque Planetæ
Mutantur puncta hæc extremi à Sole recessūs,
Atque aliquem progressum à vorticis impete sumunt,
Ut tandem ex illis omnino circulus extet
Annorum serie longâ perfectus & ingens,
745 In vero cujus centro stat regia Solis.

Hoc etiam his addam; confert ad pondera multum,
In quo cuncta natant fluidi natura liquoris.
Sustentatur aquis etenim, non aëre lignum;

Et quæ mercurius portat, sorbentur ab undis.
750 Materies igitur vehementi concita motu
Non procul à centro, facta hinc subtilior, impar
Huic oneri secum gestando fortè futura est;
Quod facilè illa feret, quæ centro diffusa cùm sit
Languidior, jam desidiâ fit crassior ipsâ.
755 Adde quòd ex illo, cœpit quo tempore Solis
Ingens aula rapi circùm, acquisivit & ipsa
Centrifugi quiddam, quod cum vectore liquenti
Pugnat; & in causis motûs & in ordine certo
Qui servatur, habet partem, me judice, magnam.

760 CUNCTA minutatim quòd demonstrare nequimus
Rebus in abstrusis, veniam dabis, optime Quinti.
Multæ quidem sunt in coelo certissima, acutis
Quæ spectari oculis possunt, vel mente sagaci:
Sunt nonnulla ausu quæ conjectura modesto
765 Assequitur tantum. Sed Vero proxima res est,
Ex his, quas retuli, coëuntibus omnia causis
Stare Planetarum loca, discernique meatus.

Tu mihi nunc, præclara novum Sapientia lumen,
Tu mihi cœlestes animos infunde roganti;
770 Uranie tu vera: tuas dum prosequor artes,
Et succensus amore tui raptusque per auras,
Ultima siderei motûs arcana recludo.
Duc igitur qui Te tua per vestigia quærerit,
Ne spatio immenso vagus aut incertus aberret.

775 SUNT duo materiæ tanquam tabulata fluentis
Ducentisque globum. Superis quæ partibus instat,

Uberior sanè , quia majorem occupat arcum ;
 Sed properat lentè : minor est inferna tenentis
 Copia , quandoquidem breviore includitur arcu ;
 780 Sed fuga vividior . Priùs hæc manifesta reliqui .
 Pensatis utrinque modis ac viribus , unum
 Fit medium quoddam , necnon æquabile momen ,
 Quo simul omne globi corpus pulsatur ab omni
 Flumine : nam solidi partes ac membra cohærent ,
 785 Etsi tanguntur variè ; neque flectitur axis .
 Motus hic assiduus (meministi) perficit annum .

C A U S A vices eadem noctis parit atque diei .
 Nam cùm Terra natet superis velocior undis ,
 Segnor infernis , partes lambentibus imas
 790 Objicit illa moram , & posticâ parte resistit .
 Ac veluti magnis ubi molibus agger , aquarum
 Intercludit iter , gemit amnis , & agmine fluctus
 Agglomerant se se cumulatim ; culmina donec
 Ardua transiliunt , & largo flumine inundant :
 795 Incurrit sic materies effusa natantem
 In scopulum , quatiens à tergo quidquid in altum
 Prominet . At quoniam densum pervadere corpus
 Haud potis est , neque segnitiem accelerare morantis ;
 Tantùm reprimitur , quanto ipsa citatior illo est .
 800 Non habet ut refluat , cùm posteriore prematur :
 Nec subterfugio locus est ; inhibetur ab illo
 Flumine quod semper velocius alluit infrà ;
 Quin & centrifugæ vires à Sole repellunt :
 Cogitur in superas ergò concendere partes ,
 805 Lenior est ubi materiæ progressus euntis ,
 Quam concedentem facili conamine vincit .

Sic valido appulsi molem amplexata rotundam
 Desuper , adradens ferit , inclinatque cacumen .
 Hujus descensu liquor interceptus ad ima
 810 Truditur , impellitque globum , subtusque movendo
 Erigit infernas partes . Ea causa vicissim
 Dimidio dat dimidium succedere semper .

VINCITUR idcirco superi ubertate fluenti
 Inferius , quanquam citiori vincere motu
 815 Posse videbatur , totamque invertere Terram
 Semper ad occasum , finerent obstantia . Verùm
 Non ita concedit , quin vires explicit omnes .
 Et quia ter novies millenâ parte (parum deest)
 Ociùs incurrit , momen Telluris in ortum
 820 Ter novies etiam millenâ parte retardat .
 Inde fit , ut rediens expleto denique Terra
 Curriculo , Stellas jam non offendat eodem
 In puncto Cœli ; nec eò se dirigat axis
 Quò directus erat , quando prior exiit annus ;
 825 Ast ignara rei Stellas tantisper ab ortu
 Descivisse putat , quamvis desciverit ipsa .

TERTIUS hic motus geminis contrarius esse
 Debuit , ut constans Terræ positura maneret
 In fluido , vi cuius eunt annusque diesque .
 830 Nempe aliud cùm sit centrum gravitatis in orbe
 Terreno molisque aliud , pars altera Terræ
 Quæ gravior , pars quæ levior , non sicut oportet
 Motum dividerent : ex uno fine minorem ,
 Majorem ex alio conum describeret axis .
 835 Ergò , quod nimium superstes , mora facta recidit ,

Temperat exæquans motus, & corrigit axem.
Is cùm Æquatorem, quo Ecliptica linea distat,
Ut dictum est, gradibus propè quatuor & viginti,
Ad perpendiculum scindat; sic distat ab illâ
§40 Sexaginta & sex gradibus propè: qui status axi
Perpetuus, quounque modo se Terra revolvat,
Sive diem faciens, sive annum, aut sæcla ducenta
Cum sexaginta; quibus actis Terra revertens
Huc unde exierat primum, tunc redditâ priscis
845 Astra locis crederet, cernens ea rursus ibidem.

JAMQUE vides uno quām bellè ac simplice motu
Magna Planetarum magno volvantur in orbe
Corpora, perpetuōque in se conversa rotentur.
Nec te is detineat nodus (quem solvere primo
850 Conatu promtum est, Newtoni industria quamvis
Nexuerit) fluidam crassis obſistere molem
Corporibus; motum hinc minui, tandemque futurum
Ut pereat. Verum hoc effet, si torpida moles
Stagnaret fluidi; aut adverso concita motu
855 Obluctaretur contrâ venientibus astris:
At nemo alterutrum dicat. Fluit incitus æther,
Quò sphæræ currunt; simul uno more feruntur
Unâ vi Solis, pulsusque moventur eodem.
Sic non est, æther sphæris ut mole resistat.
860 Aiunt præterea transversos ire Cometas
Æthera per medium, neque concordare Planetis.

N EC via, nec regio nobis bene nota Cometæ,
Qui clandestino motu cæcoque rotatur.
Circuitus magni quem signat in æthere, partem

865 Conſpicimus parvam, quoties pervenerit illuc
Quò ferri poſſunt oculi, & diſtinguere lumen
Obſcurum, ſeu cauda illum, ſeu crinis honestat;
Hoc eſt, ſeu recte, ſeu transverſim obvius ille eſt.
Quærendum primò, qui ſit, quem cernimus arcum;
870 Linea namque poſteſt etiam directa videri,
Cùm verè ſit curva, & Solem cingere pergaſt:
Ut rectos & retrogrados quandoque Planetas
Apparere priùs monui. Si nempe Cometis
Ultra Saturnum locus eſt, tam diſſita Soli
875 Percurrunt ſpatia atque globo tam diſſita noſtro,
Proxima ut illorum perihelia ſint perigæis,
Nec facilè in noſtro poſſint occurrere plano.
At quem deſcribunt noſtriſtis aſpectibus arcum
Pertenuem (quidquid ſupereſt nam cœrula condunt)
880 Aut rectum, aut recti ſimilem perſæpe putamus,
Et nunc in Boream, nunc tendere forſan in Aſtrum,
Reverâ quamvis in partes tendat Eoſ.
Nempe ex diſtero poſitu Telluris & aſtri
Judicium ferimus; queſiſi inclinata Cometæ
885 Tunc fuerit, quantum eſſe poſteſt, quando ille patebit,
Senſibus illudet noſtriſtis mirabile monſtrum.

UNDE Cometa poſteſt cunctis par eſſe Planetis,
Etiſi perraroſe prodenſis unuſ & idem,
Aufugienſque brevi, diſpar videatur & exlex.

890 Quid? Si dixerimus peregrinos eſſe Cometas,
Alterius patriæ ciues, aulæque ministros.
Finimæ, ſeu precipuos, ſeu forte minores,
Atque ibi Saturnos, ubi Sirius & Lyra regnant.
Tum nil miremur, quod noſtri vorticis oram

895 Transversi subeant nonnunquam , ac tramite curvo
Partim delibent , & concurrentibus illic
Motibus oppositis , communi à lege recedant.

IN liquido certum est igitur vaga corpora ferri ,
Et revoluta rapi fluidi torrente prementis.
900 Propterea toto quæ sunt crassissima cœlo
Errantes inter Stellas , fluvioque vehenti
Opponunt faciem vastam & vix mobile robur ,
Ociùs hæc aliis multo susdeque moveri
Cernuntur , noctesque suis mutare diebus ;
905 Etsi Zodiacum perlustrant tempore magno .
Sed contrà molis quæ sunt formæque minoris ,
Tardiùs illa diem peragunt , velociùs annum .
Ille Planetarum supremus in æthere princeps ,
Unus præ cunctis aureo diademate cinctus ,
910 Et qui tricenos consumit in Ariete menses ,
Non tamen undenas , testis si admittitur Huygens ,
Turbine dum proprio torquetur , computat horas .
Juppiter inferior , sed nulli mole secundus ,
Cum sociis annum signo cunctatur in uno :
915 At super axe tamen denis convolvitur horis .
Mars paulo Terrâ minor est , Venus inclyta major ;
Unam adimit Venus è nostris , Mars adjicit unam .
De Veneris , fateor , dubitant vertigine , verùm
Cassini magis arridet sententia . Quòd si
920 Mercurium rutilo degentem in lumine Solis
Visu sectari persæpe diuque liceret ,
Haud dubiè longo præ cunctis tempore motum
Huncce videretur (fortasse videbitur olim)
Perficere ; errantûm siquidem tenuissimus ille est ,

925 Et faciem parvam cœlestibus objicit undis.

Noctibus inde dies planum est noctesque diebus
Ordine substitui certo , alternisque reverti .
Nam facies convexa globi dum vertitur , omnes
Illiū ad Solem distincto tempore partes
930 Post alias aliae obversæ sistuntur , ituræ
Paulatim in tenebras ; & quæ modò tecta latebat ,
Se se iterum liquido radiorum proluit auro .
Vix umbrâ egreditur , cùm prima crepuscula sensim ,
Et cœlum albescens , & pallida sidera cernit ,
935 Humentem Auroram posthac , roseosque colores ,
Et superum Phœbi limbum , quem credit oriri ,
Et frontem rutilam , vultum dehinc aspicit omnem ;
Clarius unde jubar , matutinosque tempos
Ebbit . Hinc etiam atque etiam descendere pergens ,
940 Ad perpendicularum magis accendentia tela
Luminis occursu recipit , punctumque diei
Pervenit ad medium , medio quòd in æthere Solem
E regione videt . Converti hoc tempore sursum
Incipit , ascendens jam quot descenderat horas .
945 A perpendiculari tum lucida tela recedunt ,
Et magis atque magis Phœbo post terga relicto ,
Quem falsò putat occidere inferiusque moveri ,
Hujus ab aspectu removet se se ipsa gradatim
Assurgens ; tandemque suis involvitur umbris .

950 TURBINE sic proprio noctesque diesque recursant .
Haud secus ac sumptis exercitus acer in armis ,
Quem tuba præmonuit , longo agmine castra relinquens
Protinus ingreditur campo lustrandus aperto .

Procedunt equitum turmæ , peditumque cohortes
 Ordinibus certis ; studet unusquisque videri ,
 955 Ac ducis attenti nemo se obtutibus aufert :
 Ille recognoscit cunctos , oculisque recenset
 Stans in equo , visus reddit in tentoria miles .
 Sol igitur varios tali ratione Planetas
 960 E centro , variasque plagas collustrat in illis :
 Tellurem inter eos , quæ turbine móta diurno ,
 Temporis absunt viginti & quatuor horas ,
 Leucarumque novem gyrando millia volvit .

CUR autem æstivo tam longi tempore Soles ,
 965 Quæve mora hybernæ producat pigra tenebras ;
 Cur non æquales prius , exæquentur in ipso
 Veris & Autumni réditu ; quæ causa duobus
 Solstitiis valeat solemnem imponere morem ,
 Ac veluti metam in Tropicis finemque vagandi ;
 970 Cur Æstas & Hyems , Ver Autumnusque recurrent ,
 Sedulus exponam : quamvis ea dicere versu
 Res operosa . Ignosce prius non dicta canenti .

LINEA quæ partes Tellurem scindit in æquas
 Inter utrumque Polum , motus est norma diurni ,
 975 Quam globus hic sequitur proprio super axe volutans .
 Illius in plano si se se Eclipticus orbis
 Volveret (hunc peragrat via scilicet annua Terræ)
 Tum nox atque dies nullo discrimine tempus
 Dividerent : ardor fieret sub Sole perennis ;
 980 Æternum propiora polis loca frigus haberet ;
 Atque ubi nunc positu regnat mitissima coeli
 Temperies , illic florerent Veris amoeni

Deliciæ semper , tamen æstu & messe carentes .
 Ergò , ut se melius cunctas genitabilis ardor
 985 Spargeret in partes alternâ luce fovendas ,
 Utque hyberna quies æstivi damna laboris
 Et justa effœtas repararent otia vires ,
 Debuit obliquè gradibus propè bis duodenis
 In fluido poni Terræ versatilis axis ;
 990 Ut re ipsa positum semper , quocunque movetur ,
 Atque parallelum fibimet perstare videmus .

Si gravitatis idem centrum molisque fuisset ,
 Nullo hæc vitari poterant incommoda pacto .
 Huc foret Æquator , quo nunc Eclipticus ipse
 995 Directus , Zonam spectarent ætheris unam ,
 Ac medium Solem productus uterque secarent .
 Ergò cuique loco tempestas unica semper ,
 Æqualesque vices & par mora lucis & umbræ .
 Illud ne fieret , sic Tellus debuit esse
 1000 Partibus omnino variis contexta , liquentes
 A solidis ut sepositæ , ceu conspicis , essent .
 Sic etenim , quia pars præponderat altera molis ,
 Moles tota suo natat inclinata fluento .
 Mirandum , situs ille unus , cùm exorsa sequemur ,
 1005 Quot poterit nobis , quantosque exsolvere nodos .

FINGAMUS me teque solo Æquatoris in ipso
 Impositos ; atque occiduis in partibus , unde
 Cum duplice Terræ motu veniemus ad ortum .
 Nox media : undecimus jamjam imminet ante Calendas
 1010 Aprilis . Capiti impendens micat ignibus æther ;
 Sol mihi sub pedibus velatur corpore Terræ ;

Ad dextram polus est majorum incognitus ævo,
Alter habet lœvam, atque illis finitur horizon.
Metior hæc oculis tacitus, cœlumque profundum
1015 Aspiciens, cerno quos inter sidera tractus
Æquator Terræ atque Ecliptica linea signant.
Nam quot habet Tellus, tot habet quoque segmina Cœlum,
Et magni exiguis respondent orbibus orbes.
Tum quærens quonam in punto concurrat uterque
1020 Circulus (in punctis etenim concurrere binis
Atque sibi planè oppositis utrumque necesse est)
Invenio punctum hoc in quo versamur, idipsum
Temporis atque loci verè nodum esse duorum,
Ac veluti bivium; cui quod respondet in alto
1025 Æthere, stare caput supra: quapropter habere
Antipodas summo directum in vertice Solem:
Nos quoque post horas bissex omnesque colonos
Æquatoris, eò cùm quisque advenerit ut sit
Dimidiata dies, habituros esse vicissim.
1030 Omnibus est adeò terris nox æqua diei.
Solis enim radius terrenum intersecat axem
Ad perpendiculum, atque polis distantibus æquæ
Partitur lumen Sol æquâ lance duobus.
Quam si fortè plagam alterutro sub cardine Mundi
1035 Incoleres, tibi Sol parte appareret ab illâ
Junctus horizonti: quin talem sex quater horis,
Qualis in occasu vel in ortu est, esse videres,
Lambentemque solum rutilâ circumire coronâ.

E c c e autem, dum Terra die convertitur illo,
1040 In torrente natans, quò fert Eclipticus orbis,
Progreditur quiddam; pars sexagesima quinta est

Supra

Supra tercentum spatii quod perficit anno.
Utque mari medio rapiunt vada sœpe carinam,
Abducuntque viâ, quamvis in vela faventes
1045 Adspicient Zephyri, neque declinare putetur;
Inscius erroris nautas in ponte quietos
Permittit ventisque frui cœloque sereno,
Et numerat, quæ non explevit millia rector:
Sic nos postera lux nodum transcendere cernit,
1050 Deserimusque viam, quæ planum Solis in ipsum
Nos adducebat confectâ parte diei.
Tunc Solem incipimus paulisper habere sinistrum.
Non Æquator enim, sed circulus Æquatori
Proximus ad lœvam, per planum Solis ubi lux
1055 Dimidia est, transit; tum tertius; inde sequentes.
Cùmque rotæ similis pergit decurrere Tellus
Axe suum servante situm, magis ac magis illo
Abstrahimur bivio, quo Sol in vertice nobis
Esse videbatur. Lœvâ decrescere noctes,
1060 Nam citò percipiunt Solem, tardèque relinquent:
Augeri dextrâ, nam tardè cernitur illis,
Ac citò præripitur. Lux major & acrior illic,
Arboribus frondes & campis elicit herbas;
Ac tepefacta novis latè sola floribus ornat.
1065 Parcior hic & languidior compescere succos
Incipit, ac pingens maturæntia poma,
Pallentes senio meditatur sternere frondes.
Autumnus Capri est, vernant loca subdita Cancro.

T R E S adeò menses alieno turbine Tellus,
1070 Dum propriâ rapitur vertigine, cessit ad ortum:
Jam novies denis unoque diebus & horis

B b

Ferme viginti, Tropicorum circulus alter
 Æquatore minor, placuit quem dicere Cancrī,
 Quando sūi similem cōelo designat in alto,
 1075 Appulit ad Solem. Tractu quicunque sub illo est,
 Ille die mediā supra caput aspicit astrum;
 Hāc transibit enim per planum Solis in horā.
 Jam de corporibus nulla est, de montibus ipsis,
 Quæ cadat umbra solo: quapropter visa Syenæ
 1080 Integra tunc puteis lux affulgere profundis.
 Hoc est solstium, quo Ver fugit, advenit Æstas.
 Ille dies toto radiat longissimus anno,
 Lævā parte globi geminas quæ vergit ad Arctos.
 Solis enim plano cū proxima fiat, & omnis
 1085 Circulus ad Boream sic attenuetur ut unum
 Desinat in punctum, radiis immergitur amplis;
 Qui latè circūm effusi vix parvula nocti
 Intervalla sinunt, & longa crepuscula formant.
 Lumine perpetuo quin & Polus ipse potitur.
 1090 INTEREA (cernis) penitus contraria sentit
 Alter semiglobus Terræ, qui vergit ad Austrum:
 A Solis plano longè longéque recessit:
 Utque dies hic progrediens accretit & æstus,
 Nox illic frigusque. Polum sex mensibus umbræ,
 1095 Caligoque tenent; cis autem infirma brevisque
 Lux oritur, vix nata perit; longissima nox est
 Omnibus, & Tropico, quām possit maxima, Capri.
 Ergo solstadium Brumæ est regionibus illis.
 Nos autem positi tractu Æquatoris in ipso,
 1100 Volvimus assiduā Terræ vertigine rapti.

Postera lux venit, & ferimur cum vortice magno.
 Quarta viæ nostro pars est exhausta rotatu.
 Solstitialis apex ille est: procedere nobis
 Tres alios igitur menses, punctumque priori
 1105 Oppositum, soles quod rursum noctibus æquat,
 Tangere nunc opus est. Semper sibi constat eundo,
 Nativæque tenax posituræ volvit axis.
 Nonne vides teretis quæ sit natura figuræ,
 Tota inclinato dum sic percurritur axe?
 1110 Solis ut à plano discesserat antè gradatim
 Æquator Terræ, sic sensim redditur illi,
 Inque dies propriis, serie vertiginis unâ,
 Processuque globi. A Tropico jam circulus omnis
 Ad Solem remeat, qui singula puncta vicissim
 1115 Obtinet, atque die mediā superimminet illis.
 Aucta dies ubicunque fuit, decrescere jam tum
 Incipit, augeri deinceps, ubicunque locorum
 Cooperat imminui. Boreæ pars omnis ab æstu
 Uritur; at glacie riget omnis terra sub australi:
 1120 Donec eò fuerit repetito turbine vectus
 Æquator, punctum ut, trajecto corpore Solis,
 Aspiciat, quod jam sex mensibus antè tenebat.
 Huc vix appulit, en iterum nox æqua diei.
 Quosque diu campos ardens exusserat Æstas,
 1125 Mitior Autumnus placidis refrigerat auris;
 Excipit & flavas hilaris vindemia messes.
 Tum quos parte aliâ pluviis nivibusque geluque
 Fœda premebat Hyems, recreant primordia Veris.
 HACTENUS ætherio suscepit in fulmine cursus
 1130 Dimidium exegi. Nunc inferiora juvabit

B b ij

Visere curiculi, Terrâ vectante, rotundi.
 Sed quia perpetuò manet immutabilis axis,
 Cuncta ex adverso, quæ sunt anteacta, redibunt.
 Scilicet à Solis rursum discedere plano
 1135 Cogitur Æquator noster, dextrumque relinquit;
 Quem sex continuos menses à parte sinistrâ
 Viderat; hunc totidem à dextrâ jam parte videbit.
 Ecce dies noctesque, simul reparabilis anni
 Commutantur ubique vices; dum circulus omnis
 1140 Æquatore minor, solitâ vertigine, notos
 Progrediente globo gyros agit; atque gradatim
 Sub perpendiculum Solis transire coactus,
 Directos in se radios legit ordine miro,
 Quos tunc obliquos recipit pars cetera Terræ.
 1145 Sed rursum spatio Terra est revoluta trimestri.
 Advenit huc tandem qui respicit ultimus Austrum,
 Circulus, hunc Tropicum Capri dixere priores:
 Nascitur æstivum subito regionibus Austri
 Solstium, longusque dies, & maximus ardor.
 1150 Contra Solstium terris Borealibus unà
 Hybernum est, longæ noctes, & frigus acerbum.

D E N I Q U E curiculi cùm Terra resurgit ab imis

Partibus, Æquator, videoas, ut turbine solo
 Ascendens, axisque mero clinamine rectus
 1155 In planum redeat stantis non mobile Solis;
 Confertoque dies anno cum noctibus æquet,
 Nota remensurus cunctis vestigia sœclis.

I STA minutatim sic exponenda putabam:
 Sed metuo ne, cùm studui prolixior esse,

1160 Obscurus fuerim. Quæ dicere fusiùs ergò
 Ipse laboravi, forsan brevitate nitebunt.
 Fac nempe ut Solis plano non exeat unquam
 Noster hic Æquator, semperque Eclipticus orbis
 Ad perpendiculum Terræ transverberet axem:
 1165 Protinus æqua dies nocti; sua cuique perennis
 Tempestas addita loco. Variare cupido est?
 Axem inclinato; mutari plurima cernes:
 Adjicias motum liquidi; tum plura videbis:
 In liquido motum vertiginis; omnia fient.
 1170 Quis dubitet reliquos eadem præstare Planetas?

SÆPIUS in campis humiles cùm flumina ripas
 Exsuperant, fossasque replent vallemque profundam,
 Plurimus hinc atque hinc vortex agitatur aquarum,
 Quo fruticum rami, segetes, abreptaque ligna,
 1175 Necnon & pecudum rapidè torquentur in orbem
 Corpora: sed quamvis illapsi gurgitis instar
 Non eat, & proprii servet divortia motūs,
 Vim tamen ex illo capit omnem, ad eumque refertur,
 Vel dum circumagens celeri rotat impete prædam.

1180 Sic Tellus, propriæ centrum vertiginis, et si
 Obsequitur fluido totum delata per annum;
 Ipsa quoque hanc fluidi, quâ cingitur undique, partem
 Mota movet, volvique rotatu cogit eodem:
 Unde fit in magno mediocris vortice vortex.

1185 Ergò si quam in eâ molem regione natantem
 Inveniet discretam à se, penitusque remotam,
 Abripiet secum exemplò, trahet atque rotabit
 Tardiùs aut citius, nempe ut distabit ab illâ.
 Verùm talis erit distantia corporis hujus,

1190 Qualis erit gravitas, hoc est, subtilis in illud
Materiae nifus centrum fugientis, eritque
Nifus, uti moles. Namque haec per mutua neci
Vidimus, atque una cœlestia lege moveri.

Hoc igitur Tellus privato in vortice Lunam
1195 Offendit, leucis propè centum millibus à se
Distantem. Sanè tum Luna sequatur oportet
Tellurem dominam, citiusque agitata feratur.
Nam dum circumagit, spatum percurrere tanto
Majus habet, quantum Telluris corpore distat.
1200 Interdum Soli propior sit Luna necesse est;
Scilicet exiguo cum lumine cornua tingit:
Interdum semota magis, cum tota resulget:
Nunc eat à latere, & laevā dextrāque vicissim,
Cum partim splendet, partimque obducitur umbris.
1205 Tum nos crescentem, decrescentem vocamus.

Hæc nos orbe suo dum lustrat, semper eandem
Ostentat faciem, & regiones nomine notas,
Ipsisque in maculis clara loca candida luce.

Pars ea nam certè levior, centrumque coacta
1210 Respiceret: at Soli conversas ordine partes
Obtendit, propriæ quanquam vertiginis expers;
Nempe uno motu, quo Terræ in vortice rapta
Ducitur in radios, aut sensim abducitur illis.
Lentiùs idcirco cernis procedere lumen
1215 Per varios Lunæ tractus faciemque rotundam,
Et succedentes hærere diutius umbras,
Quam si Telluris ritu versatilis esset.
Una dies illi quippe est & mensis & annus.

Nam dum viginti septemque octo diebus
1220 Omnia Zodiaci rapido pede signa pererrans
Curriculum circa Tellurem absolvit, in illâ
Per medium mensem soles sine nocte videmus,
Per medium mensem solidas sine lumine noctes.

JAM VERO unde caret proprio sic turbine Luna?
1225 Causa liquet. Pars est vix quinquagesima Terræ,
Si molem inspicias; nec tertia, si diametrum.
Haud igitur vasto regionem in vortice magnam
Occupat. Hinc motus parvo discrimine currunt
Fluminis ætherii diversa volumina, quorum
1230 Vi rapitur; pulsu vix ergo disparate, non est
Ut magis ex illâ, minus ex hac parte prematur.
Per paulum titubare potest, non sede moveri.
Quam gravitas innata dedit: quapropter oportet
Mancipium Terræ Lunam decurrere cœlo;
1235 Non secus ac cymbam velo remisque carentem,
Quamque gubernacli vis unica dirigit inter
Curvatas alvei ripas, fluctuque secundo
Leniter in gyrum sinuosus devehit annis.

TALI circuitu bis in omni mense secatur

1240 Area terreni cursus: ubi trajicit illam
Luna celer, caput & caudam dixerit Draconis.
Hi porro variant nodi, totiesque recedunt
Occasum versus, quoties renovantur; euntque
Signorum seriem contra moremque Planetæ
1245 Omnis ab occasu nodos referentis ad ortum.
Hoc fit eo, quoniam dum vorticis ultima nostri
Luna tenens latè circùm exspatiatur in orbem,


Annus interea Tellurem circulus infert
Eoas Mundi ad partes , & signa secundūm.
1250 Indefessa comes rapitur sic duplice motu.
Est ubi Sole procul , gemini tunc foedere quodam
Concordant motus aliquanto tempore : verū
Innatat in pigrā , quia summā , parte fluenti.
Antevolat Tellus , ipsam post terga relinquens ;
1255 Utpote quæ propior Soli , & magis incita fluctu.
Et cùm ex adverso prope Solem Luna movetur ,
Est ubi vis major liquidi , contraria Terræ
Tunc properat : quare nobis sic ire videntur
Retrorum nodi ; fieri quoque semper in illis
1260 Defectus varios Lunæ Solisque necesse est.
Nam cùm Luna vagans terreni transimeat orbis
Planitiem , si tum directo tramite Solem
Dividet à Terrâ , Terram obscurabit ; & ipsa
Protinus amittit lumen , si dividet illam
1265 Solis ab aspectu directo tramite Tellus.
Altera in alterius tunc certò decidet umbram ,
Propterea Solem non omni mense videmus
Deficere , aut Lunam spoliari lumine Solis.
Non contingit enim semper tria corpora recte
1270 Opponi , Lunæ cùm transitus ille recurrit.

O mirum artificem ! Quis tam præclara videndo ,
Non stupeat genus esse hominum qui talia casu
Facta velint , & Materiæ sine more vaganti
Accepta hæc referant ; cùm non sine mente , sine arte ,
1275 Tot portentorum reddi mera possit imago.
Scilicet Astronomos , & qui cœlestia quondam
Lustrarunt oculis , & quos nova protulit ætas

Contemplatores , æterno nomine dignos
Censuimus , quòd sint ausi signare figuram
1280 Astrorum , & spatia , & moles variosque meatus.
Et causam supremam ipsis quæ tradidit astris
Materiem , formam atque situm , normamque movendi ,
Legitimo , ingrati , laudum fraudamus honore !
Est grave mentis opus chartâ describere Cœlum
1285 Ac Terras , duplique globo diversa notare
Climata , fidereumque rotis effingere motum :
Et potuit sine mente fabri consistere Mundus !
O pudor ! O miseræ vecors insania gentis !



C. Eisen. Inv. P. Tardieu. Sculp.



UNIVERSIDAD AUTÓNOMA DE NUEVO LEÓN
DIRECCIÓN GENERAL DE BIBLIOTECAS

ARGUMENTUM LIBRI NONI.

*U*T præcipuas Naturæ partes in supremi Artificis testimoniis vocatas absolveret, de iis quæ Terrâ Marique continentur, differere sibi proponit. Hæc pars indicata tantum supereft: à v. 1. ad v. 26.

Sequitur totius operis conclusio, ubi præcipua quædam recolligit, Atheorum objecta refellit, eosque ultimâ quasi impressione profligat.

1º. Naturam, nisi hoc nomine Deus intelligatur, rerum artificem esse non posse: Mundum à Mente supremâ factum: ex constantia motuum cœlestium, ex imbrum fluviorumque fecunditate, ex tempestatum certis vicibus, ex ipsâ visione ostendit non à casu sed à Deo petendam esse mirabilem tam multiplicis fabricæ industriam: à v. 26. ad v. 269.


Ut Veri sic Justi certam esse regulam mente nostrâ priorem, fusiùs quam in primo Libro probat; nec Rationis magistram esse Voluptatem, sed Naturam, hoc est Dei ipsius mentem, quæ rebus omnibus & ut essent & ut moverentur dedit: à v. 269. ad v. 470. ®

2º. Proponit ea quæ ab Atheis objici solent: 1º. Mundum debere esse æternum. 2º. Multa esse in Mundi opere virtus. 3º. Multa etiam in moribus, quæ Deum aut non

summè bonum, aut non summè potentem arguunt: à v.
470. ad v. 551.

Respondet 1º. Mundum per se non esse, sed à Deo crea-
tum cùm voluit, ac se propter. 2º. Mentis humanæ vitia,
nam ab his incipit, non ex Deo, sed ex abuso libertatis
oriri; sublatâ peccandi libertate, futurum ut nec bene agere
homo posset; suas semper sotibus pœnas esse, sed interdum
seras. 3º. Ea quæ in Mundo mendoza videntur, haud sine
causâ ita constituta esse; temeritatis esse carpere singula,
dum universa se bellè habent. Confutat impiam illam sen-
tentiam: Primus in orbe Deos fecit timor: à v. 551.
ad v. 854.

Probat Religionem non ex arte politicâ natam: non
faelitiam esse ideam Dei; Idolatriam hæresim quamdam
esse à Religione naturali divergentem: Atheum suis ipsum
armis debellat: ostendit esse aliquid infinitum: ex percep-
tionibus nostris, ex corporis & mentis affectuum inter se
communitate probat Deum esse, eumque nec Mundi ani-
mam, nec ex omnibus mentibus conflatum esse. Quintium
ad virtutem & ad revelatæ veritatis indagationem ex-
citat: à v. 854. ad finem.



ANTI-LUCRETIUS,

SIVE
DE DEO ET NATURA,
LIBRI NOVEM,

AD QUINTIUM.

LIBER NONUS.

De Terrâ & Mari.

ICARIUM per iter, Quinti, at felicius ambo
Illæsis placidum tranavimus æthera pennis.
Nunc Terras lustrare juvat Pelagusque profundum.
Non spectemus uti, scenâ quid agatur in illâ,
5 Quidve actum annales referant ab origine rerum:
Vesanas hominum curas variosque tumultus;
Fortunam Regum & populorum tristia bella;
Sæpius in medio congressas æquore classes,
Submersasque rates, & tinctos sanguine fluctus;
10 Æquatasesve solo atque exhaustas civibus urbes;


Translata imperia & Dominos servire coactos :
 Ambitionis , avaritiae , & per saecula furentis
 Invidiae partus. Hæc dum sine more geruntur ,
 Percellunt animos : cum præteriere , nihil sunt ;
 15 Humanisque docent quantum insit rebus inane .
 Incassum Heroës vani monumenta laboris ,
 Dum pereunt ipsi , saepe & mentita relinquunt :
 Quæ posuere , volunt dum vincere saecula , delet
 Ipsa dies ; & vix cum nomine faxa superstant :
 20 Illuduntque suis auctoribus ipsa cadendo
 Rudera , & exeso corrupti marmore vultus .
 Mens immortalis quid tot mortalia curet !

Nos ea quæ persistant , & nil mutantur ab ævo ,
 Scilicet æternum melius referentia Numen ,
 25 Quærimus hic

Ceteræ desiderantur.

UNIVERSIDAD AUTÓNOMA DE NUEVO LEÓN

DIRECCIÓN GENERAL DE BIBLIOTECAS



CONCLUSIO TOTIUS OPERIS.

Deest initium.

HO S jam thesauros Pelagi , & tot ditia gazis
 Viscera terrarum vigili dum lampade lustras ,
 Artificem quantum felici hæc omnia cernis
 Effusisse manu ? credin' miracula tanta
 30 Moliri Naturam ? huic par erit illa labori ?
 Sed Natura quid est ? Aut illo nomine primam
 Rerum cunctarum causam , Numenque supremum
 Singula prospiciens , intelligis ; & Deus hic est :
 Aut sic appellas natam servire patique
 35 Materiem , certis parentem legibus , orbam
 Mente & consilio , vi brutâ atque impete pulsam .
 Dic igitur num tanta queat prudentia cæco
 Principio affingi , nullum cui cernere finem ,
 Nullas nosse vias datur , aut intendere quidquam ?
 40 IPSE quidem prius edocui corpuscula quæque ,
 Quantumvis brevia , imminui in breviora potesse ;
 Scindi deinde alias in partes , atque ita semper ,
 Ut frangi fragmenta queant : quia quodlibet horum
 Corpus compositum est , minimoque minora tenentur .
 45 Nec tibi tam subtilis erit pulvrisculus , inò

Vel si auram ætheriam, aut aliquid subtilius aurâ
 Proponas, cui non partes infrâque suprâque,
 Et spatum distinctum inter dextram atque sinistram,
 Et facies varias, atque impenetrabile robur
 50 Extemplo tribuas. Alioqui corpora nulla
 Confierent; nullæ possent coalescere moles;
 Totaque Materies puncto constaret in uno.
 At licet innumerâs in partes sectilis, adsit
 Ni manus artificis, non illa secabitur unquam.

55 Nec me animi fallit, vastâ in compagine rerum
 Quid per multiplices valeant corpuscula formâs:
 Seu quâm sculptilibus sint apta & idonea signis
 Ferramenta, rudes ut crasso è marmore gibbos
 Excutiant; mollesque sinus, projectaque blandè
 60 Lintea, levorem carnis, spirantiaque ora,
 Mentitosque animi motus in imagine fingant:
 Sed, ni incocta focus priùs instrumenta fuissent:
 Ni gelido priùs extincta & durata liquore,
 Ni variis, prout usus erat, donata figuris
 65 Cepissent rigidæ perfictu cotis acumen,
 Hæc neque docta manus duxisset marmora circum,
 Saxum stabat iners, hebes, indigestaque cautes.
 Sic & materies omnis, nisi regula quædam
 Mente sedens operi invigilet præsitque labori,
 70 Et subigat partes agitans atque ordinet acri
 Judicio, turpis sine formâ aut more jacebit.
 Eia, quam pedibus calcas, age, collige concham,
 (Nam tibi divitias ultro substernit eunti
 Terra, pavimento mage splendida tessellato)
 75 Collige: quâm facili sinuosa palatia torno

Ducta

Ducta nitent! Quantis spirarum flexibus orbes
 In se se redeunt? Ut Dædalo labyrintho
 Hic tumet, hic impressa leves trahit area fulcos,
 Discolor ipsa sibi, generi sed concolor eidem,
 80 Et paribus virgis, paribusque interlita guttis!
 Hæc tibi Praxitelem constans industria vincit.
 Arte laboratos intus nunc cerne Penates:
 Quâm tersâ lucent vestita cubilia crustâ!
 Quâm vario radiant tinctu! micat ignis & aurum;
 85 Purpureasque inter maculas distinguitur Iris:
 Hæc tibi pingendi solertia vincit Apellem.
 Aspicis in tenui quantus labor; ut neque fingi
 Fortuitò possint vilis miracula testæ.
 Sed qui nec potis est concham procudere casus,
 90 Num poterit vasti molem procudere Mundi?

PRÆTER enim quâm quod nec sunt corpuscula per se
 Materiæ; per se nec sunt affecta figuris;
 Nec per se avelli, per se nec idonea jungi,
 Aut infinitum durare illæsa per ævum;
 95 Ac per se nullius habent primordia motûs,
 Nec vacuam spatii regionem & inania regna:
 Quæ sibi Fortunæ vates fundamina jecit
 Effugere ut posset prudentem & fallere causam;
 Auctorem ex ipso aspectu Natura fatetur.
 100 Quandoquidem quæ sunt, vel sic fuit esse necessum,
 Præter id omne quod est alia ut res esse nequiret,
 Vel fieri poterant aliter. Si dixeris illud;
 Ergò in Materiâ species fuit unica motûs,
 Unus item gradus, & partem proclivis in unam.
 105 Verùm his Materiæ ratio & natura repugnat,

Cc

Quæ quocunque gradu partem est proclivis in omnem,
Nec magis hoc ritu per se quam mobilis illo;
Atque infinitè potuit circumacta cieri.

ERGÒ aliter poterat, quam sic: nec tu ipse negabis.

110 Mulorum siquidem pardorumque edita monstra
Qui videt, has etiam species potuisse creari
Primitus, ac proprio deduci semine cernit,
Quæ tamen haud ita sunt factæ. Sic currere plures
Quam septem, atque alio motu potuere Planetæ,
115 Et gemini Soles, atque altera Luna rotari;
Vel nullæ splendere faces; vel denique nullum
In terris animal, quanquam essent splendida coelo
Sidera, sic factum ut lumen fecerneret umbris.

Hæc igitur quare facies apparuit Orbis,
120 Tantos ornatus referens tantumque decorem;
Non chaos, atque rudis sine more, sine ordine moles?
Aut casus aut Mentis opus: neque tertia causa est.
At casum esse nihil, nostris patet argumentis.
Quid supereft? Nisi ut hæc Menti miracula reddas,
125 Et quæ magna client, & quæ perparva videntur;
Corporis ut fabricam nostri, sic non minùs albi
Papilionis aquas propter degentis & amnes;
Quem natum videt una dies, videt una peremptum.

LUNA nitet; nitidoque tamen sub lumine celat
130 Naturam; simul ignota & manifesta videri.
Sit-ne globus Terræ similis nescimus, an olli
Planities pateat camporum, hiscatve profundo
Interrupta mari, vel montibus horreat aspis;
An montes habeant sylvas & lustra ferarum

135 Hospita; sint populi, sint plenæ civibus urbes:
At famulam Terræ scimus, Terrâque minorem
Indeflexa sequi circum vestigia semper,
Atque notho molem illius lustrare rotundam
Lumine, dum mittit radios à Sole gradatim
140 Ac duplici motu acceptos, tum Solis egenas,
Obscurasque suæ partes offerre vicissim,
Et sublucentem premere inter cornua discum.
Ordine tam certo fiunt hæc omnia, Quinti,
Prænoscit facilè ut possint, scriptisque notari;
145 Inque diem, inque horam rata sit præsentia Lunæ,
Secessusque; rati quoque sint occasus & ortus,
Fulgorisque gradus, necnon remeabilis umbræ.

Hæc omnes referunt oculis spectacula menses.

Illorum at quæ sit ratio & solertia, omittis
150 Scrutari; quoniam doctrinæ vicit amatæ
Illecebra, ex animo meditandi talia curam
Quæ tulit, & casu regimen concredidit uni.
Si globus ille tamen nostro servire paratus,
Aut minor, aut major quam nunc est fortè fuisset;
155 Si magis elatus coelo, terrisve propinquus;
Quod juvat, officeret: fidus nec jam ille Satalles,
Hostis at usque sequax iret, vel inutile pondus.
Nam propior majorve: nimis contunderet auras;
Oceani vastum graviori pondere corpus

160 Oppimeret; fluidisque means incumberet undis.
Illæ Telluris ripas, camposque per omnes
Altius effuse ruenter, omni aggere rupto
Aërias cautes & promontoria latè
Obtegerent; immensa palus abeunte maneret

- 165 Proluvie, rursum mox essent omnia pontus :
 Præsertim furvæ cùm cetera concolor umbræ
 Luna recens limbum nascenti lumine signat ;
 Aut ubi jam totâ radiorum aspergine fulgens ,
 Plenior ostentat maculosos aethere vultus :
 170 Tunc etenim pelago & Terris onerosior instat .
 Sæpius interea Solem occultaret amicum ,
 Nostroque ingentes tenebras offunderet Orbi .
 Altior aut minor , exiguam nimis undique lucem
 Spargeret ; æquoreos vix lamberet ardua fluctus ;
 175 Aut nihil aut leviter pressus , qui subditur aër
 Staret iners ; nulloque maris tunc ebria motu
 Plurima quæ passim terebrant spiracula Terram ,
 Haud unquam injectos possent haurire liquores ;
 Unde scaturigo fluviorum , & fontibus almis
 180 Perpetuus vigor , ac dulci vis indita lymphæ ;
 Quam per arenosos purgatam ritè canales ,
 Ac sale decusso , reddit procul æquore Tellus .

NAMQUE ego non credam fluvios ex imbris omnies
 Enasci : quanquam multis ea forsan origo
 185 Fontibus esse potest , quos fervida dissipat æstas ,
 Cùm semel exussit campos penetrabilis ardor ,
 Et pluvialis aquæ venas exhaustis inanes .
 At rivi multum est ratio diversa perennis ,
 Quem non æstivi soles , non torrida Cœli
 190 Zona , nec urentes possunt absumere venti :
 Plurima cùm medio se præbeat insula ponto ,
 Quâ mictat in flamas ferventior orbita Solis ,
 Nullus ubi cadit , aut certè parcissimus imber ,
 Et tamen irrigui fontes per amoena vireta

- 195 Perpetuos volvunt Neptuni ad littora fluctus .

QUALIS enim nostro vagus errat corpore sanguis ,
 Et fluit & remeat per cæca foramina certo
 Cordis ab impulsu ; talis Terram irrigat humor ,
 Quem Lunâ cogente jacit prædives aquarum .

- 200 Oceanus , quoties rapidis exæstuat undis ,
 Terrarumque tubos intrat violentus apertos ,
 Ac reducem venis rursum regerentibus haurit
 Mox in se contractus , & omni ex parte resorbet .
 Hoc sine jam paucos exsanguis & arida Tellus
 205 Emittat gremio fontes , nec prata rigentur ,
 Mobilibus nec lota micent pomaria rivis ;
 Larga nec impositas deportent flumina merces ,
 Nec diducta cavis hinc inde meatibus agros
 Fecundent ; languens sitiat pecus , atque hominum gens
 210 Deciduos tantum speret de nubibus imbræ .

NEC sua deest ratio pluviis , quas Matris in almæ
 Præcipitat gremium Pater Æther . Unde per Orbem
 Tot populi , pecudumque greges , armenta , volantes
 Pascentur , nî gramen humo segetesque vigebunt ?

- 215 Et segetes qui fundet humus vel gramina campis ,
 Si non ebiberit latices quos nubila portant ?
 Hæc evecta mari Sol igneus aethere toto
 Attenuat ; summæ regionis congregat algor ,
 Inque nivem densata premit ; stant pendula coelo ,
 220 Donec ab aëriis torrentibus acta ferantur ,
 Et Phœbi radiis , aut Terræ ardore reflexo
 In pluviam resoluta cadant : quam fervida potat
 Terra parens frugum , atque sinu madefacta recondit ;

- Plantarumque cavis tradit radicibus , auctam
 225 Ante suis opibus , falso & medicamine tinctam.
 Ergò viventum status ac natura poposcit
 Consensum hunc rerum . Sol , aér , nubila , venti .
 Vectores pluviarum , ac Tellus , Luna , profundum
 Concordant , ut sint genitabilis organa vitæ ,
 230 Testenturque Dei vigilem per singula Mentem.

N U N C operæ est certis attendere motibus annum
 Usquè renascentem ; quo se globus ordine noster
 Luminis ad fontem vertat , noctesque diesque
 Afferat ipse sibi ; ut brumæ post tædia mutet
 235 Veris delicias , æstivos deinde calores ,
 Ac demum Autumni poma expectata feracis .
 Quis credat Mundi magnum & versatile templum
 Perpetuò volvi , aut abreptum turbine Solem ,
 Et circumtremere auricomis pictum æthera signis ,
 240 Ut Terram in medio stantem famula astra coronent ,
 Atque Satellitibus Cœlum ambiat omne coruscis .
 Non tanti sumus ; & si quo præstamus honore
 Gens hominum , est totus Mentis , non corporis : illa
 Debetur coelo , finitæ nescia vitæ ;
 245 Huic autem satis est perituro , ut munera Solis
 Participet , dum usura brevis conceditur ævi .

Q U A N T A fuit vestri super his prudentia casus ?

Quam bene disposuit res cunctas , æmulus alti
 Judicii ? Melior casu Mens nulla fuisset .
 250 Collustrandus erat communi lampade Mundus :
 Ergò materiæ perquam subtilis acervum
 Conglobat ingentem , rapide movet , inde per omnes

- Ætheris insinuat globulos ; concussa repente
 Lucida materies animantum offendit ocellos
 255 Fortè laboratos , at sic feliciter , ut sint
 Vibratæ lucis , simulacrorumque capaces .
 Crystallum hic reperit , quod lucem ad rete paratum
 Transvehit appositiæ ; tum nervi mobile filum
 Reticuli insertum fundo , pars ultima cujus
 260 Pertinet ad cerebrum ; cerebro mens indita quædam
 Fortè reperta capit motum , sentitque quod extrâ
 Perculit , ac lucem , quam nesciit antè , micantem
 Protinus agnoscit . Quæ tot numeravit , horum
 Si quid defuerit , lux nulla aut irrita fulget .
 265 O casum prudentem ! O sanæ Mentis ! Et omni
 Dignandum cultu ! sapiens qui primus , opinor ,
 Te fecit , Fortuna , Deam , cœloque locavit ;
 Causarum causa omnipotens , & summa creatrix .
- I L L U D in his rebus non est , ut omittere possim .
- 270 Est aliquid Veri , quod mens dum nostra tuetur ,
 Arripit exemplo , atque intus lætatur adepta .
 Mentem igitur Verumque inter cognatio quædam est
 Insita ; corporeis veluti cognata videtur
 Lux oculis . Hæc si facta est concordia casu ,
 275 Et casu fit , uti Mens Verum apprendere possit .
 Atque adeò ut lucem atque oculos Fortuna creavit ,
 Sic Mens è punctis temere occurrentibus orta est .
 Nec melior Veri quam Mentis causa putatur .
 Quod verum est , casu verum . Casu accidit ergo ,
 280 Quatuor ut binis essent æquata duobus .
 Fortunæ factum est , ut Totum grandius esset
 Parte sui ; curvâ brevior , quæ linea recta est ;

Resque eadem esse simul, simul & non esse nequiret;

Hæc aliter fieri poterant te judge? Veri

285 Non est lex æterna sacri? Quæ vera reapse

Per spicuè, liquidò nunc sunt, ea falsa fuissent,

Si nexus alias habuissent corpora prima,

E quibus aut mentes, aut mentibus obvia constant?

Quis non excipiat malesanum dogma cachinnis?

290 Quod verum est, hoc ante Atomos & corpora quæque,

Hoc sine corporibus verum est Atomisque sine ullis:

Cumque oculis hominum quæ convenientia luci est,

Hæc fuit ante oculos & lucem, cognita Menti.

NON igitur Veri casus pater; at neque Justi.

295 Justum nempe quid est, nisi Verum in moribus? Absit

Indubia & constans cernendi regula Justi,

En procul à nobis cernendi regula Veri.

Illam homo si finxit novus auctor, & hanc quoque finxit;

Si neutrā, Natura parens utramque creavit.

300 Quæ facile ut capias præfari pauca licebit,

Ac nostræ interius penetralia mentis adire.

NIMIRUM est Ratio nobis innata, perinde
Ut sunt innati sensus. Non fecimus ipsi

Aures atque oculos quibus utimur; ut neque rerum

305 Objectas species: quas inter & organa sensùs

Harmoniam posuit talem Natura creatrix,

Ut, cum obversantur, sensus simul hauriat illas.

Non magis artifices propriæ Rationis haberit

Possimus, aut Veri; quod cum Ratione ligatur

310 Harmoniâ tali, nequeat se ut pandere Verum,

Quin Ratio confessim apprendat & imbibat illud.

Unde quod ipsa videt, sic, ut videt, esse necesse est:

Et quod ei certum est, certum priùs hoc erat in se,

Quàm foret humano Rationis lumine notum.

315 Quod si non esset, frustra loqueremur; & omnis

Mens hominum, sermo, sensus, res esset inanis.

Nam cùm decipior, non me Ratio intima fallit;

Verùm inconsultâ quoniam Ratione ferebam

Judicium præceps, tunc me malus abstulit error.

320 Hoc tota ingenito regitur Mens lumine, proinde

Non intellectus tantum, sed & ipsa voluntas,

Cui sua lex insculpta manet, sua norma volendi.

Namque satis non est, res, ut sunt, Mente tueri;

Præcipue factis homines sumus. Omnis ab uno

325 Lumine vivendi petitur modus, atque sciendi.

Quod Mentem in Justo posset si fallere nostram,

Falleret in Vero. Sed nusquam Regula fallit.

Aspicis in fabricâ dum grandis & ardua moles

Tollitur, ad lapides ut ferrea norma secандos

330 Accedat, donec latera omni parte quadrentur;

Ut junctim libella pares considere cogat;

Et perpendiculo surgat directus in auras

Angulus. Interea facies circumspicit omnes

Dux operis; prudensque cavet ne quid minus apte-

335 Promineat, fugiatve, aut exeat ordine plano.

Ante laborem, ante artificem stat certa laboris

Regula: Sic & Mente prior stat regula. Mentis:

Quæ nunquam erraret, si credendum huic nihil esset;

Nec male quidquam ageret, bene si nihil esset agendum;

340 Aut exemplari firmo innatoque careret.

CERTUM igitur Rationis & immutabile cùm sit

Exemplar, seu judiciis präest illa ferendis,

Seu regit affectus animorum & facta gubernat,

Sunt liquidò per se fieri debentia quædam

345 Omni hominum Ratione priùs, quæ Justa vocamus;

Ut sunt per se se quædam debentia credi

Omni hominum Ratione priùs, quæ Vera vocantur.

Legibus à nostris, vel neutra, vel utraque pendent:

Hinc si quid verum est, aliquid justum sit oportet.

350 NIMIRUM si quis tibi quatuor esse negaret

Bis duo, certum sanè meritóque vocares.

Quapropter? Quoniam Ratio verum esse patensque

Declarat, quod ridiculus stolidusque negasset.

Est igitur lux in nobis quæ talia monstrat.

355 Jam si idem Hercules meditatus adire columnas

Iret in Ægyptum, sitiens aut retibus undam

Colligeret, stultum sanè meritóque putares.

Quapropter? Quoniam legi Rationis apertè

Pugnaret, quâ præcipitur per idonea finem

360 Optatum potius, quâm per contraria quæri.

Est igitur lex in nobis quæ talia dictat.

FORSAN in utilibus quiddam lex ista susurrat,

Inquis; at in rebus prorsum obmutescit honestis.

Ergò fateris in utilibus: non accidit ergò

365 Fortunâ, legem hanc ut haberet quisque, sed ipsam

Primitus è sacris Naturæ fontibus hausit.

Justitiæ porro virtutem non sua tantum

Utilitas, divina magis commendat origo.

Constituit multas hominum sapientia leges;

370 Id fateor: sed enim inventrix Sapientia legum

Lex primæva fuit, quæ non inventa, sed ipso

Munere Naturæ sic mentibus insita cunctis,

Ac tanto consensu, ut quæis prästantior esset,

Hi justas ferrent leges, aliisque libenter

375 Acciperent. Nostro spirans hæc pectore damnat

Quidquid perversum est, & honesti insculpsit amorem.

EST oblata viro merces, qui primus in hostem

Irruerit; tu primus ades, vallumque refringis,

Mercedem petis; alter habet, qui fugit & arma

380 Perdidit. In vinclis frater gemit; ære gementem

Ipse tuo redimis; liber te vendere tentat:

Conquereris meritò: Sed cùm in te facta queraris,

Nonne hæc in reliquos nunquam facienda fateris?

Caupo viatorem per blandè invitat in ædes;

385 Exceptum dum somnus habet, crudo ense trucidat:

Hic fureret dum dira fames, ut bobus & agnis

Parceret, occidit matrem, natosque voravit:

Pro! Quæ flagitia! Exclamas, quæ monstra! Sed unde

Monstra vocas? Si non Ratio, quæ reprobat, ulla est,

390 Immeritò reprobas; si qua est, lex insidet ergò

Talia quæ damnat; quænam est? Eadem illa profectò,

Quæ monet ac prohibet ne bis duo quinque putentur.

RESPONDES forsan, tibi justum hoc omne videri

Primitus, atque ipsâ Rationis luce probatum,

395 Quod magis arridet: quia te nativa voluptas

Huc impellit, & hortatur nil cetera cures.

Sed mala doctrinâ quot deriventur ab illâ,

Utile quæ grato, & grato confundit honestum,

412 ANTI-LUCRETIUS,

Usquè novis augens animorum incendia flammis,
 400 Jam satis ostendi. Quòd si hæc Rationis ab ipso
 Lumine monstrantur, Ratio fit causa malorum
 Omnipotens, toto quæ parturit Orbe Voluptas.
 Illam autem scelerum, aut errorum dicere matrem
 Æquè despere est, ac si quis diceret esse
 405 In causâ fabricæ canonem, cur fabrica peccet.

NATURA est adeò Veri Justique magistra:
 Hoc à principio, Quinti, hoc à fonte petivit,
 Quas humana dehinc posuit sapientia leges,
 Naturam & legem Rationis ubique secuta.

410 Nec vetat à recto lex sicubi prava recessit:
 Ut sunt humanis homines qui carnibus escam
 Non dubitant coxisse sibi, interdumque paternis;
 Quales Brasili nuper, Læstrygones olim:
 Nam stulti quamvis à Vero semper aberrent,
 415 Non exinde probes Verum nihil esse reapse.
 Ut Veri, in cunctis inerant sic semina Justi:
 Consopita quidem, grassante libidinis æstu
 Per populos, tandem prudentibus excita jussis.
 Sed quæ causa dedit Rationem, habuisse necesse est;
 420 Et quæ Justitiam inspirat, justa ipsa profectò est.
 Nam quocunque caret, certè hoc dare nulla potest res.
 Lex igitur primæva, Dei Mens atque voluntas:
 Et legem hanc sentire, Deum est audire loquentem.
 Nec Verum, aut Justum sterilis Fortuna creavit.

425 Si casum abijicias, & ineluctabile fatum
 Substiuas, in Materiâ nihil esse necessum
 Vidimus; atque aliâ quam quâ nunc sede refulget,

LIBER NONUS.

413

Almæ fecundam lucis potuisse creari
 Congeriem, vel multiplici glomeramine cogi.
 430 Sidera sunt præter Solem & visuntur Olympo
 Innumerabilia. Hæc propriis, à vortice nostro
 Secretis, latè cumque indigenâ comitatu
 Vorticibus regnant, & ibi diversa rotantur
 Privatim; at motus quos illic incita servant,
 435 Vel nulli prorsus, nullo impellente, fuissent;
 Aut alii quam sunt, alios si causa dedisset;
 Vel si sponte suâ, motus foret unus eorum.
 Et tu, nos rapido, Tellus, quæ turbine versas,
 Cur placidâ non sede sedes, Ptolemæus ut olim
 440 Jusserat? Hoc quianam potius quam volveris illo
 Exagitata modo, circumlabentia discors
 Sidera vel superans cursu, vel tarda relinquens?
 Sic neque vulgares motus per corpora leges
 Demonstrant, cur Sol hâc Cœli parte, vel Orbis
 445 Consistat quam semper habet, cur primitus ire
 In latus hoc, illi lateri quam obvertere frontem
 Maluerit. Volvi Cœlum si credis ab Euris
 Ad Zephyros, quidni à Zephyris decurrat ad Euros?
 Par utrique modo est: neutro Cœlum ire repugnat.

450 Quæ ratio pariter, quam solâ ducere possis
 Ex vi Materiæ, tam firmo cardine Mundum
 Transfixit, tantoque veru Cœlum, Aëra, Terram
 Perterebrata tenet, rerum sit ut unicus axis;
 Dum reliqui proprios axes habuere Planetæ,
 455 Sol etiam ipse suum, quem circum tota rotando
 Versari moles maculis ostenditur ipsis?
 Nil igitur sine Mente putas in sidere factum:

Nil à principio motum sine Mente. Quot errant
In Cœlo stellæ , ac projectum lumen opacis
460 Corporibus prorsum æquato moderamine sumunt ;
Quotque faces liquido nox clara accedit Olympo ;
Quot sunt in patriâ viventûm semina terrâ ;
Et quot humus gremio succos habet , atque fodinas ;
Vel silices ipsæ , quarum de corpore duro
465 Eruitur splendens , ac Soli congener ignis ;
Tot Numen cecinere tubæ : cecinere , canentque ;
Quanquam Epicureas obturat perfidus aures ,
Imperitare sibi nec vult homo , quem timet . Ergò
Quid juvat ulteriùs commenta referre Lucreti ?
470 At nunc difficiles conemur solvere nodos.
Ex nihilo nil fit : lex inviolabilis esto :
Nil ruit in nihilum , clamat schola tota Epicuri .
Ergò si quæ sunt , æterna fuere ; nec unquam
Cessatura manent . Intermoriuntur ubique
475 Corpora , Materies autem quæ corpora fundat ,
Semper erit , fuit , est : finemque ignorat & ortum .
Si Deus est , si Materies exordia sumvit ,
Unde illam Deus ? Et quando ? si fecit ab ævo ,
Esse ea non coepit ; si longo tempore postquam
480 Ipse erat , ecquo consilio mutata voluntas
Numinis æterni ? Nam si non esse decebat
Materiem ac Mundum ; cur tot , eur tanta creavit ?
Si fieri decuit ; quidni priùs ? An sibi famam
Et cultum voluit ? Quis credat honoris aventem
485 Naturam , sibi quæ satis est , nihil indiga nostri ,
Sorte beata suâ ? Quid erat , mortalibus ægris ,
Quòd manifestari dubiè , cæcâque videri

Suspitione , coli variâ sub imagine rerum
Omnigenûmque Deûm monstros , aliquando negari
490 Funditus , interdum nesciri , pascere item
De se perpetuam , violandas ponere leges ,
Ac genus humanum vitiis permettere vellet
Omnibus , inque suâ pateretur imagine ludi .

PRÆTEREA quamvis vastum disjecta per Orbem ,

495 Quæ redolent mentem artificis , sunt corpora quædam ;
Non tamen infinitam adeò , summèque potentem ,
Aut summè cautam . Siquidem vel plurima nævis
Turpia sunt passim & mendosè condita ; vel si
Partibus ac numeris dicas completa , videmus

500 Augeri potuisse : manum Spectator avaram
Arguit , inque bono melius desiderat ipso .
Ut sunt arborei fructus campique feraces ,
Sic etiam horrendæ cautes & inhospita faxa ,
Sic Libyæ , fluctusque leves undantis arenæ .
505 Quid juvat assiduum Solem vigilare sub Arcto
Mensibus æstivis , portasque occludere nocti ;
Quandoquidem concreta gelu per cetera torpet
Tempora , nec civem patitur nive confita tellus ?
Verberibus quot sunt radiorum aut victa repenti

510 Frigore ; quot rabie venti , aut rubigine cæcâ ,
Aut fluviis magno latè erumpentibus alveo ,
Intempestivis aut imbris , atque procellâ
Grandinis intereunt sata lœta , hominumque labores ?

Quot necat atra lues populos ? Quot partibus ipsis

515 Denatæ matres ? Vitæ quot ubique parantur
Insidiæ ? Rém quamque suus circumvenit hostis ,
Ut nec securâ , miseri , brevitate fruamur .

Si Deus est bonus, omnipotens, si cuncta gubernat ;
 Cur mala, quæ totum foedè grassantur in orbem
 520 Non averruncat ? Si quæ medicamina morbis
 Instituit ; quibus hæc plerumque incognita servat ?
 Si fruges homini ; num toxicæ tetra novercis ?
 Si Terram, ut colerent mortales ; cur mare Terras
 Exsuperat ? Cur nulla pati vult littora , frenum
 525 Sæpius indignans ; cur audet diluviare ,
 Et totas haurire refusis fluctibus urbes ?
 Cur adaperta tremit, cæco vexamine Mundi
 Non nunquam , & piceos niveis è montibus ignes
 Ejaculatur hians tellus , ac murmure magno
 530 Susdeque ipsa ruit, vastaque voragine sorbet
 Incautum genus, & lacubus sola mergit obortis ?
 Cur pelago pluit, interea sipientibus arvis ?
 Quosque perusta libens bibat Africa, Caucasus imbris
 Accipit, emturus Libyci partem ipse caloris ?
 535 Cur vorat ignis opes, hominum si natus in usus ?
 Cur feriuntque pios , & omittunt cæca nocentes
 Fulmina ? Nequitiæ patiens cur optima nostræ
 Mens peccare sinit ? Si tantus criminis horror ;
 Impediat : vel cum toleret, non ardeat irâ.
 540 Si prohibere potest, nec vult ; virtutis amore
 Non capitur : si fortè velit, nec possit ; inermis
 Est illi virtus, nec jam infinita potestas.
 Denique si Mentes nullo delebilis ævo
 Vita manet, mercesque bonis æterna paratur ,
 545 Unde voluptatis tantæ promulside nullâ
 Illexit miseros ; imò cuppedine rerum
 Implevit, quas spernere fas , & amare nefas sit ?
 Quin nos infantes, immortalesque creavit :

Et

Et quantum instabilis vitæ leviumque bonorum ,
 550 Nascendo tantum ipse suî ingeneravit amorem ?

VENIMUS ad Syrtes. Alto cum gurgite primùm ,
 Et cum turbinibus ventorum, atque æquoris æstu
 Lucta fuit : nunc ad scopulos allidere, portûs
 Ipso in conspectu , Proretæ dedecus esset.
 555 Ergo jam totis opus est incumbere remis ,
 Et suprema viæ superare pericula nostræ.
 Qui nihil è nihilo fieri pleno ore tonabat ,
 Credidit è nihilo sic omnia facta putari ,
 Ut nihilum quasi materies foret unica rerum :
 560 Ceu scamnum è truncu facimus, statuamve rotamve ?
 Aut quasi seminum , ut minimo de germine pinus
 Alta venit ? censes si talia , docte Lucreti ,
 Jure putas nihil è nihilo potuisse creari :
 Namque his in rebus nil fit ; mutatur earum ,
 565 Quæ jam prorsus erant, ratio , positura , lôcusque .
 Sed non est ea lis inter nos. Quærimus utrum
 Per se sunt quæ sunt ; atque illa sit esse necessum .
 Nam si sunt per se , non sunt aliquando creatæ :
 Si per se non sunt , coepisse aliquando fatendum est .
 570 Quærimus hòc unum , hoc igitur sistamus in tino .

A t lis transacta est. Atomos non esse, sed ipsam
 Materiem è multis concrescere partibus , antehac
 Ostendi : nullis nativo jure figuris
 Instructam , nullo natam se impellere motu
 575 Delectuque loci. Quin Mentes esse probavi
 Quiddam incorporeum ; solaque à Mente petendam

D d

Vim motūs, quæ Materiæ subrepat inertī.
 Supremam hinc docui Mentem consistere per se,
 Quæ moveat cuncta omnipotens, quæ cuncta creārit,
 580 Atque etiam ex nihilo. Sic emersisse fatemur
 E tenebris lucem (quamvis primordia lucis
 Haud tenebræ fuerint) cùm lux splendescere cœpit,
 Lux ubi non fuerat. Sibi nam dare nulla potest res
 Surgat ut è nihilo, vel si infinita putetur:
 585 Si finita, nequit per se consistere ; quando
 Nil perfectius est, nil excellentius, imò
 Nil tam infinitum, quàm taliter esse, nec ulli
 Principium debere suū. Cur cetera desunt
 Illi quod per se est? si non ab origine limes,
 590 Unde erit? Este procul misera argumenta Lucreti,
 Argumentorum larvæ. Quid in arma resurgit,
 Et lacero nostros umbone repercutit icts
 Nequicquam? Qui Materiæ primordia vana
 Seminat in nihilo, è nihilo qui corpora fingit,
 595 In nihilum nexus omnes formasque refundit,
 Et non erubuit, quòd cogitet aut velit alta
 Mens hominum, ex nihilo factum id natumque fateri;
 Jam toties fautor nihili, nunc omnia nasci
 Ex nihilo potuisse negat: mayultque minutus
 600 Particulas, quarum virtus est nulla, vel ipso
 Judice, nec natura ullo conamine possit
 Describi, quin principiis extrema repugnant,
 Esse tamen per se, & toto genuisse quod Orbe est;
 Quàm per se Numen summum esse, & cuncta creâsse.

605 Sit rata res igitur semel, ac firmata perenni
 Judicio inter nos, Quinti, causam esse potentem

Materiæ : facilijam cetera luce patebunt.
 Non enim ab æterno, sed Mundum ea causa creavit,
 Cùm voluit. Nec propterea mutata voluntas,
 610 Ast eadē semper fuit, hoc ut tempore Mundus
 Confieret. Quo consilio, nescimus: honorem
 Certè haud affectans; satis est si condidit Orbem
 Se propter, non externâ ratione coactus,
 Seu causâ quâdam præente operumque magistrâ;
 615 Qualia agunt homines alieno lumine ducti.
 Nam Deus ipsa quidem Ratio est, nec legibus ullis
 Vinciri potuit, leges qui condidit omnes.
 At quæ mens illi fuerit, dum cuncta crearet,
 Quasque sit ille vias, quo fine modoque secutus,
 620 In multis facta ipsa docent, oculisque loquuntur,
 Facta Epicureis melius facunda susurris.

VERUM hæc fortè tibi quondam detecta patebunt,
 Quando revelati vegetus sacra dogmata Veri
 Hauseris, atque novo mirabere lumine victus,
 625 Quanta Dei in nostram fuerit clementia gentem.
 Namque parum est, Quinti, tot per miracula rerum
 Numine ab æterno cuncta evicisse creari:
 Aggrediar posthac (& me labor iste juvabit)
 Dictatos afflante Deo producere libros;
 630 Legitimè normam cultûs monstrare; diuque
 Promissi Mundo mysteria pandere Christi:
 Quo duce ad æternam via sternitur unica vitam;
 Quo sine nil ipsum proficit cognoscere Numen.
 Hic sat erit solam Naturæ attendere vocem.
 635 Clamat enim auctorem Natura, opus tundique summum
 Arguit artificem; Mens abdita corpore cernit

Nunc opus, artificem mox corpore libera cernet.
 Interea mirum non est, si corpora Mentem
 Præpediunt, ac futilia & terrestria sæpe
 640 Ad bona detorquent, licet ad meliora vocatam
 Immensi teneat non unquam explebilis ardor,
 Et sitis implacata boni, & nativa cupido:
 Quam si multivagis erroribus applicat ultro
 Viles ad nugas, irritamenta malorum,
 645 Hoc hominis vitium est, se se ipsum sponte moventis,
 Qui labefactavit Naturam, & captus inani
 Personâ, specieque boni, rem liquit, & umbram
 Arripuit; dono qui libertatis abusus
 Depressit proprias pravo moderamine vires,
 650 Restlit in solâ defixus imagine, Veri
 Impatiens, tandemque bonorum à fonte recessit.
 Sic & lucis amans pulchræ, tenebrasque perosus,
 Solis ad intuitum strictis caligat ocellis,
 Nec tolerare potest lucis caput, atque parentem:
 655 At sparsam coelo potius, terrisque reflexam
 Quærit, & in varios detortam hinc inde colores
 Cernere amat: radios omni jam ex parte libenter
 Accipit infractos, & debilitate placentes.

ANXIUS indagat semper quâ se arte beatum
 660 Efficiat, reperit nusquam; ut qui curvus, anhelans
 Quærendis infudat, abest ubi vena, metallis.
 Mortales miser! Quos noxia corpora fallunt.
 Nec titubant ipsâ tantum caligine Veri,
 Sed magis intendunt aciem, ne cernere possint:
 665 Incerti gratis, rerum per opaca vagantes,
 Venantur dubitare, umbrasque in lumine quærunt.

Mox ubi nocte atrâ se se obduxere volentes,
 Jam quasi collustrati umbris & fluctibus ipsis
 Firmati, tandem caput altum ad sidera tollunt:
 670 Quod renuant vidisse, negant, ac sponte receptam
 Noctem oculis, audent ipsis affingere rebus.
 Interea, nec longa quidem sibi gaudia prensant,
 Nec nitida, at multo vix scintillantia fumo.
 Attamen haud cessant maria omnia, stagna, lacusque
 675 Verrere, si possint prædam expiscarier undis:
 Rete venit multâ vi tractum, at piscium inane.
 Confessi se tandem inopes aut undique lusos,
 Stultitiæ mutant speciem, resipiscere nolunt.
 Lethargum potius captant, mentique remorsæ
 680 Pacem aliquam & scelerum sociis solatia curis.
 Pax erit, hanc tibi letiferam turbare quietem,
 Et consopitos stimulo acri pungere sensus.

COMPUTAT hic nummos, & gaudia fundat in arcâ;
 Cùm tandem ad cumulum vis auri maxima venit,
 685 Non venit alma quies, auri sitis acrior ardet.
 Illum alienus honos torquet, popularis & auræ
 Stridor in arma vocat generosum & gloria mortis
 Lena; rapit cita mors, aut si victoria lœta
 Contigerit, confessim alios meditatur honores;
 690 Mercedemque nimis parcum, meritisque minorem
 Conqueritur. Studet hic villæ, nec villa quietem
 Sufficit, atque domum tandem fastidit & hortos.
 Nulla voluptatis demum pacata libido,
 Dum bona prosequimur stulti pereuntia, quorum
 695 Quantus inarsit amor, tantum jactura remordet.
 Adde metum hærentem, ne mox rapiantur amata:

Namque ubi nullus amor, nihil efflorescit amoeni;
At metus it socius, moerorque affinis amori est.

Nec tamen ipse sibi satis est homo : semper inanis,
700 Si felix velit esse, foras se effundat oportet.
At non incassum certe cupit esse beatus;
Quod Natura animis insevit, futile non est:
Unde igitur, Quinti, felix erit? Unde beari
Explique potest? Quidnam hunc satiabit amorem,
705 Ni genus omne boni; ni sons Deus ipse bonorum?
Ergo aliquis Deus est: quanquam illius immemor erras,
Frivola venatus toto ludibria Mundo;
Et breve, nil solidi reputans, depasceris ævum.

No n venit ista tibi divinâ ab origine labes.
710 Unde profecta? scies; & cujus numine priscum
Instaurare decus, veræque resumere gustum
Virtutis, patrio purgatus crimine, possis.
Quod si hominem melius peccare haud posse fuisse,
Dic hominem melius sine libertate futurum.
715 Nam bene vel male agat, fuerit si liber, oportet.
Si non liber erit, sed vi cogente feretur,
Nec bene, nec male aget: quamvis bona vel mala fiant.
Si vitium nequit esse, nequit consistere virtus.
Arbiter è summo nos hic despectat Olympo,
720 Nec menti invidet arbitrium. Quò vadimus, ille
Semper adest: quò se fert ultro nostra voluntas,
Illuc ad positas motûs in corpore leges
Auxilio sequitur; poenasque aut præmia servat.

Hinc sacro haud semper feriuntur fulmine fontes,

725 Secura & crescunt dilatis crimina poenis.
Illi exultantes irato saepe fruuntur
Numine; sed frustra: quoniam Deus imminet ulti,
Inque caput vindicta filo suspenditur ensis.
At non humanis odiis haec ultio servet;
730 Seu subito lapsu cœlo ruat acta tonanti,
Seu claudio pede sera apprenderit antevolantem.
Regula nam recta est, summi natura Parentis;
Quod curvum reprobat; sibi nec sinit omne per ævum
Congruere: & falsa ut semper contraria veris,
735 Sic animi per se vitio contrarius ille est.
Nec dum peccamus, dolet aut percellitur ira;
Sed sua virtuti, sceleri sua præmia reddit,
Illæsus scelere, haud nostrâ virtute beatus.

JAM quod Natura haec tam multâ praedita culpâ
740 Arguitur; Mundumne tibi, tibine organa Mundi
Facta putas? Disce, heu! tumidos compescere flatus.
Quantula pars rerum, vortex, quo currimus, ille est!
Vorticis & pariter nostri pars quantula Tellus,
Ac nostræ Telluris homo! sunt plurima nobis
745 Dedita, sunt aliis quoque multa; sed omnia soli
Sunt subjecta Deo. Si navibus æquora tentes,
Et Mare concussum tettis Aquilonibus obstet,
Involvatque ratem, quereris: tibi quid Mare debet?
Aut Maris ipse opifex? domus est tibi cara, crematur,
750 Fortunæque riunt, atque it tua machina pessum:
Mortiferæ nobis pestes, nostrisque minantur:
Scilicet huic vita non est homo natus, at illum
Altera vita manet: paucos uteunque per annos
Degentem terris, suspiriaque ægra trahentem

- 755 Tot mala debacchata monent & quis sit , & unde ;
 Nec veram esse sibi patriam , quam transmeat exul :
 Ut bona circùm effusa docent simul esse parentem
 Largificum , qui dum mutantur cetera , perstat :
 Sic mala mixta bonis , perituro corpore mixtum
 760 Et mente haud periturā hominem , ne flagret amore
 Corporis , erudiant ; vel nobilitate tumescat
 Immemor auctoris , stolidoque superbiat ausu .
 Jamverò in pelagus cadere & deserta locorum
 Aut pluviam , aut rorem , quando sitit arida Tellus ,
 765 Incusas frustra . Sunt legum eventa minora ,
 Quas toti posuit generales Conditor Orbi .
 At non propterea terris prodesse calorem ,
 Aut opportunos venturis frugibus imbres ,
 Aut fruges aptas animantibus esse negabis ;
 770 Multaque de genere hoc jam carmine prodita nostro .

A s t autorem operum tantorum & cuncta regentem ,
 Quo jure insimulas ? Tu ne illum vincere posse
 Consilio speras , faber ipse peritior Orbis ;
 A quo , nil in te est , quod non acceperis ; imò
 775 Quo sine , quæ versas animo , versare nequires ?
 Utrum ego crediderim , bene se gessisse creantem ,
 Omnia qui potuit ; melius ne creanda fuisse ,
 Si tu , vilis homo qui nil potes , illa creasses ?
 O ratio humanæ mentis , quācæca superbis !
 780 Hæc in mente Dei , si quondam carcere rupto
 (Atque utinam) aspiceres , pro ! quācæca justa repente
 Cuncta viderentur , quæ nunc male cognita dammis !
 Nonne vides incompositas aliquando figuræ
 Depingi planâ in tabulâ ; nec forma nec ordo est ,

- 785 Nec sibi respondent partes , temere omnis in arcum
 Linea curvari , seriem nec habere putatur :
 Levis at in medio steterit cùm fortè cylindrus ,
 Tunc tersam in faciem confusos arte colores
 Colligit , & vultus reddunt vaga monstra decoros .

- 790 O B S E R V A S , quid ventus atrox aut pinguibus arvis
 Aut tectis noceat , quid nimbis concita grando :
 Sed tempestatum vicibus quæ norma quotannis
 Servetur , quācæque fide revolubilis annus
 In se se redeat , promissaque dona reportet ;

- 795 Utque canorum Ver flores , frumentaque fundat
 Æstas , & sudans Autumnus dulcia vina ,
 Non curas . Neque in id constanti sidera lege
 Conspirare putas , sit uti viventibus omnem
 Per Terram cibus , & segetes renoventur alendis .

- 800 Attamen hæc alias nancisci corpora formas
 Debuerant , aut his , quæ nunc datur esca parari .
 Non ruit è nimbis igitur temerarius imber ;
 Nec nimbi sursum è pelago sine lege feruntur ;
 Nec sine more leves instigant nubila venti ,
 805 Sic & vitales possint ut carpere succos ,
 Arboribus ductæ radices , floribus , herbis ;
 Et liber , ut plantæ fibras succique canales
 Vestiat , impediens haustus ne defluat humor .
 Sic proprio sua cuique modo sunt organa plantæ ,

- 810 Ut communi ab humo sumtos variare liquores ,
 Inque sui generis valeant convertere formam ;
 Et lignum & frondes unâ recreentur ab esca .
 Sic data , progeniem quæ servent , semina cunctis
 Ac toga seminibus , quæ protegat undique clausa .

815 Sic robur trunco, sic vis accommoda ramis,
Ut patulum vel procerum est cujusque cacumen.

HAUD magis ex aliquo credes errare Planetas
Consilio, Solemque suis lucere Planetis,
Ut quo ardore carent, Orbes secundet opacos,
820 Uniusque foci semper volvantur ad ignem:
Saturno atque Jovi comites adnare propinquos,
Ceu Terræ Lunam; ut noctes quasi Sole retento
Sublustres facere, atque absentem reddere possint:
Totque alios itidem Soles, quot sidera fixa
825 Sunt Cœlo, atque illis sua collustranda subesse
Corpora, quæ comites alii majora sequantur;
Una sit, ut toti lex, unaque regula Mundo.
Vis iterum casu hæc, aut vi contingere cæcā,
Quas non agnoscunt, vel parva mapalia causas?

830 O demens Epicure! Dei vestigia passim
Effugis, at delere nequis; te te illa sequuntur.
Quidquid agis, quodcumque vides, ars ipsa fatetur
Artificem. Deus hic, certè Deus. Haud timor ergo
Fecit in Orbe Deos primus, nec Jupiter uno
835 Creditus ex tonitru Terris regnare minaci.
Nostra sed in cunctis sibi conscia rebus egestas;
Multaque totius Mundi spectacula, nostris
Circumfusa oculis, quæ non fabricavimus ipsis,
Auctorem secunda suum, nostrumque perinde
840 Vulgarunt: suetique homines, miracula rerum
Obvia cùm spectant, primas inquirere causas,
Ociùs ad Numen se convertere paternum.
Notities tum copta suī, tum cognita mentis

Nobilitas sociâ cum debilitate, bonique
845 Indeffesus amor nullâ hic in parte reperti,
Quale animo capitur votisque optatur anhelis
Insatiabiliter, precibus tentare Parentem
Compulit, afflatu quem cuncta fovere benigno,
Et nostras audire preces, & velle juvare,
850 Velle & posse simul, Natura suaserat auctor.
Huc timor accessit: quis enim bona fervidus ardet,
Quin mala continuò metuat? Mens inter utrumque
Jaçtatur; pariterque animos contraria tangunt.

AT quia terrarum Dominis lex utilis illa est,
855 Quæ mortale Deo genus afferit, atque minatur
Sacrilegis poenas, & spondet gaudia rectis,
Atque in subsidium venit, omni mente subacta,
Legibus humanis, fuge credas Regibus inde
Securum ob regimen tot religiosa reperta

860 Deberi: ne sit crebro jaçtata tumultu
Publica res; aut infrenos discordia cives
Urbibus exagitet; vel compita sanguine manent;
Atque ipsum ruat in solium furibundus atroxque
Libertatis amor. Nam quamvis legibus adsit
865 Suffragata bonis, Regum fidissima custos

Relligio, tamen antè fuit quām sceptrâ tenendi
Jus foret, inque greges hominum concessa potestas,
Sic laudum famæque sitis, sic ardor habendi,
Et nostræ opprobrium malesuada superbia mentis,
870 Sic pudor, & recti, Naturæ dona, voluntas,
Antè in privatis fuerant, sapientia Regum
Provida communes quām vertere nosset in usus.
Ut ratis inventor, liquidum qui currere princeps

Ausus iter, tabulâque necem sibi distulit unâ ,
875 Non velis Zephyros , Zephyris sua vela paravit.
Nil creat ars ; rebus solùm utitur illa creatis.

Si Deus haud esset , nec se passim ipse videndum
Præberet, quonam hunc poterant sibi fingere pacto
Mortales ? Mera Mens sensus non afficit ; illam
880 Reddere que possit, non ulla occurrit imago.
Non hunc adscivit sanè in sua vota libido ,
Quem potius veluti censorem exosa severum
Detrectat. Supereft ut homo vi luminis ipsâ
Agnorit lumen summum , & ratione coactus ,

885 INDE per humanas gliscente libidine mentes ,
Vera Dei sensim species squalescere coepit.
Nam populi Dominum veriti , at quis funditus esset
Obliti , non jam æternum , non simplicem & unum ,
Multiplici foedè pictum coluere figurâ :
890 Membratim in varios ausi discerpere Divos ,
Atque Deas ; prout usus erat , suavisve cupidio.
Venit adulatrix & fallax turba clientûm :
Huc accesserunt Sophiæ mysteria teatæ ,
Et mirabilium inventrix Facundia rerum ,
895 Historiæ malè tuta fides , & carmina Vatum
Ingeniosa , vel affinis Pictura Poësi .
Qui quondam in rebus Numen videre creatis ,
Thure salutabant res ipsas : victima trunco
Plurima , vel monstro , lapidique hominique cadebat.
900 Et latratorum sapiens Ægyptus Anubim ,
Similium atque bovem , caulesque & vilia cepe ,
Et pestem Nili Crocodilum in vota vocavit.

Ac velut infectâ deducti ab origine rivi ,
Effundunt pestem latè : ceu flamma vagando
905 Crescit , & innumeros prorumpens excitat ignes ,
Unde nova , inque horas majora incendia surgunt:
Sic totum insulsis deceptum fraudibus Orbem .
Stulta supersticio pro Relligione subivit.
Illam, Epicure , tuis merito convellere dictis
910 Fas erat ; illa tuos versus , argute Lucreti ,
Promeruit ; jam tunc poteras proludere Vero :
Sed furor est , Divum impuras dum subruis aras ,
Unâ sancta Dei templa involuisse ruinâ .

AN quia Mente sequi rem non potes infinitam ?

915 At tibi Materies est infinita : neque ipse
Finiti quidquam caperes , nisi semper adeset
Nota infiniti , teque illustraret imago :
Ut tenebras nemo , nisi noto lumine , nosset.
Namque infiniti tantum est absentia finis ;
920 Qui monstrat , non id quod adest , sed plurima deesse .
Ut tenebrae nil sunt , nisi notæ absentia lucis.
An quòd ab immenso refugis ? sed Materiæ vis
Est immensa tibi. Fortè omnipotentia lædit ?
At tibi Materiæ non est finita potestas .

925 Æternumne ? Æterna tibi sunt semina rerum .
Jam video quid sit ; nimirum Numen abhorres ,
Quòd tibi sit testis , dominus , judexque ; negasti
Propterea Mentem , cùm cetera sponte professus
Totâ non dubites in rerum agnoscere summâ .
930 Qui tibi fas Mentem è rebus delere supremam ,
Dum tibi Mens ipsi est , Menti & conjuncta voluntas ?
Nec modò tu , sed cuncti homines , noscuntque voluntque .

430 ANTI-LUCRETIUS,

Ergò quam dotem res non immensa, sed arctis
Limitibus conclusa tenet, quam debilis atque
935 Invalida, hanc Reji, cunctis quam excellere rebus
Et vi stare suâ fine fine modoque fateris,
Non tribues? Apage indocilis deliria sectæ.

JAM si infinitum ex finitis partibus omne
Dixeris, ut tibi sit rerum infinitus acervus,
940 Non res, quæ toti superedita præsit acervo;
Desipis. Id suprà Vero pugnare docebam:
Cùm de Materiæ numero punctisque minutis
Differerem. Simplex, unum simul esse probavi,
Omne infinitum; non constat pluribus unis.
945 Sic æternum haud innumeris componitur horæ
Momentis; nec præterito, præsente, futuro:
Præsens perpetuum est. Solis succedere rebus
Quæ pereunt, sua nec sumunt primordia per se,
Finitumque datur carptim percurrere tempus.
950 Non capis hæc, inquis? Tua Mens finita profecto
Tantùm finitas potis est comprehendere moles:
Verùm ex finitis aut mole aut tempore rebus,
Infiniti aliquid se supra intelligit esse:
Cujus ad effigiem (quæ nobis insita, rerum
955 Fit velut exemplar) quidquid proponitur, illâ
Parte vel hâc mancum, subitò revocare solemus.

QUÒD si ita non esset, tanto durabilis ævo,
Tantâ mole tumens, vel tam perfecta videri
Res animo saltem & meditandi robore quiret,
960 Tantaque vi numeri, nihil ut perfectius unquam,
Aut durabilius, majus, numerosius esset;

LIBER NONUS.

431

Vel genere in quovis cumulatius esse potesset.
Id verò, si corpus erit, nunquam accidit. Imò
Addimus oblatis semper. Nam quolibet ævo
965 Percipimus confestim aliud diurnius ævum,
Et numerum numero majorem, & corpore grandi
Grandius. Expleri nec Mens, nec nostra Voluntas
Usquè potest, nisi re infinitâ. Si nihil esset
Hoc infinitum, nostrâ non Mente federet
970 Primitus: effigies nihili non ulla relucet.
Ergò est infiniti aliquid sine corpore; nobis
Quod nunc percipere est licitum, comprehendere nunquam,
Affari nondum: quò se irquietus amando,
Dum nec opinatur, contemplandoque vicissim,
975 Fert animus noster; nec, dum potiatur abunde,
Stare potest; quamvis illum finita retardent
Interea, & veris inhiantem falsa morentur.

TU quoque, qui Mundo nævos offendis in ipso,
Et meliora bonis atque integriora requiris,
980 Perfecti effigiem geris altâ mente repostam.
Ista sed unde tibi nata est perceptio, & usquè
Progrediens desiderium ulteriora fruendi?
Sanè hæc perfecti quædam exemplaris imago est.
An venit ex te ipso? Non tu perfectus. An ipsis
985 A rebus quæ sunt? Neque enim nihil intulit illam:
Sed si à corporeis; perfectas esse negasti.
Ergò à perfectâ, quæ sit sine corpore, causâ:
Corporaque atque animos supra celissima nostros.
NUnc age, quæ nostrâ capiuntur mente, vel ipsis
990 Sensibus obvia sunt, vel nullo prædicta sensu.

Quinam intelligeres, quæ sensus acumine nullo
Assequitur, quæ sponte tibi simulacra facessis,
Corporeos extra fines aliquando vagatus,
Æternum, immensum quoties meditaris, & unum;
995 Has nisi Mens ideas tibi summa effingeret intus,
Mens incorporeos solers miscere colores?
Jamverò referunt ipsis quæ corpora sensus,
Qui se depingunt animis, ut cognita fiant?
Notities etenim non est vicinia, motus,
1000 Formaque Materiæ, nec progeneratur ab illis;
Diversum genus; haud radix communis utrisque
Esse potest: si non ad eam mecum ipse recurras
Quæ rerum genitrix cunctarum & causa profectò est,
Insuans arcana tuæ in penetralia mentis.
1005 Denique, nec per se Mens ullo corpore tangi,
Nec quoctunque modo connexum impellere corpus
Nostra potest. Unde est igitur, quòd mutua se se
Commoveant; certisque in corpore motibus ortis,
Notities menti adveniat, tum certa cupido:
1010 Atque ex notitiâ certâque cupidine mentis,
Quidam enascantur motus, & corpore gliscant?
Naturas adeò duplices quæ fibula neicit?
Quidquid enim neicit partes, ad utramque necesse est
Pertineat: sic vitta manus, sic lora jugales,
1015 Vincula sic ultro vitem, sic stamina pannos.
At vinclum, si corpus erit, qui prendere Mentem;
Et si incorporeum, qui prendere membra valebit?
Ergò Infiniti conjunxit sola voluntas.

PROPTERA non Mundi animam mentemve putabis
1020 Esse Deum; quasi sit commixtus corpore magno,

Tanquam

Tanquam immensus homo, ceu nos compendia Mundi.
Nam si Materiæ summam pollere sagaci
Confilio velles, jam te memorata refellunt,
Omni quæ nostram secernunt corpore mentem.
1025 Nec Mens una foret: sed quot ramenta, tot essent
Materiæ mentes; quarum discordia nullos
Ad numérum, rectoris egens, componere motus
Posset; & ipsa suis rueret disperdita membris.
Vel si privatis conflatam ex omnibus unam
1030 Credideris Mentem, ceu totum è partibus, et si
Corporis expertes non inficiabere cunctas;
Haud minus errabis: quia Mens ex Mentibus esse
Nulla potest; nec habet varias concordia Mentes.
Quæque suâ vi freta, suo quoque libera seorsum
1035 Censem agitque modo, nil comparis indiga prorsus;
Nescia quod reliquæ celent. Non ulla Senatûs
Naturam Consulta, aut Plebiscita gubernant:
Nec regit unanimis totum Respublica Mundum.
DENIQUE si Mundo junctam concedere Mentem
1040 Sic libeat, qualis nostro Mens corpore degit,
Falleris haud dubiè. Nullo sociabile nexu
Maxima qui potuit sibi Mens adsciscere corpus?
Non etenim, ut nostro de corpore diximus antehac;
Vis jussit major discordia vincula neicti.
1045 Præterea, vel non omnes in corpore Mundi
Illa reget motus, ut Mens non dirigit omnes
Corpore in humano; multos, licet aceola, nescit;
Unde, (nefas) Deus ex alio fit numine pendens;
Et cum Materiâ regnum partitur inerti:
1050 Vel nihil in Mundo geritur, quin ille sit auctor.

Ee

Tum rursus quarām : fuerit num primitus Orbis
 Absque Deo ; dederitne Deus primordia Mundo ?
 Si dedit , hic Deus est quem cernuus Orbis adorat ;
 Nec proprii consors operis , verūm arbiter & Rex
 1055 Dicetur nobis : quis & assentire negabit ?
 Quòd si non dederit , duo sunt æterna. Quid ergò ;
 Alterum ab alterius , quod per se est , Numine pendet ?
 Quod per se est , parte ex aliquā pendere repugnat.
 Quo pacto , nisi Materiæ penetralia nossent ,
 1060 Tantos Materiæ motus , tantā arte cieret ?
 Nam neque fas nobis ita nostrum subdere corpus ,
 Quos hujus struētura latet , quos organa fallunt.
 Et qui pernoscat , si non etiam ipse creavit ?
 Ergò non aliter Deus est quām credimus. Ille
 1065 Solus per se se est. Ex illo cetera rerum
 Suntque , manentque ; ex se in nihilum redditura repente ,
 Ni teneat , servetque volens. Hæc unica cunctis
 Causa potens & prima. Hinc omnes corpore motus ;
 Hinc ideæ nostris oriuntur mentibus omnes.
 1070 O felix nimium ! si jam exitiabilis error
 Excidit ; ô felix ! tua si bona denique noris :
 Mæde animo , Quinti ; novate via ducit Olympo.
 Si Deus est , si tota Deum Natura parentem
 Concelebrat , nonne hunc & gens humana fateri ,
 1075 Et colere , & Numen debet redamare paternum ?
 Et quid amabilius perfecto ? Quidve placebit
 Menti hominum , si non placet infinita venustas ;
 Innumerabilium summa , & constantia dotum ;
 Et super excellens , atque immutabilis ; ipsum
 1080 Omnino , veréque quod est ? Nam cetera tantum

Nonnihil , ac potius defectu cognita , quām re :
 Quæ vix esse putes , nihilo contermina semper.
 Ten' moveat dulci natura precaria sensu ,
 Nec Natura movet , quam per se stare necessum est ?
 1085 Quandoquidem sola est , quam non ita stare repugnet.
 Rivum admiraris , Mare non miraberis ipsum ?
 Hunc etiam docili sic mente sequamur oportet ,
 Ut , si quid credi velit , id credamus : origo
 Nam Veri est ; & si mendax , jam non Deus esset :
 1090 Tum , si quid fieri velit , id faciamus : ab omni
 Nam famulos nutu Domini pendere fatemur.
 Hinc omnis stat Religio : quam spurca Lucreti
 Rejicit impietas , & diro carmine delet ;
 Ut regnet sancto pro Numine foeda Voluptas.
 1095 JAM , si humanarum quām sit confusa tuemur
 Conditio rerum , nova mentibus inde micat lux.
 Justus enim Deus est : hominum gens libera. Merces
 Debetur cunctis adeò ; & quæ debita , tandem
 Redditur. Id planum est. Sontes autem esse beatos ,
 1100 Cuncta bonis adversa , vetat lex ipsa parentis
 Naturæ , nec justitiæ sinit inclytus ordo.
 Rectè igitur factis sua reddi praemia verum est ,
 Poenas flagitiis. At non ita semper utrisque ,
 Dum vivunt homines & mortis regna frequentant ,
 1105 Evenit. Ergò aliud merces differtur in ævum.
 Nam cùm incorporeæ Mentis natura sit expers
 Interitūs , atque æternæ sibi conscientia vitæ ,
 Hoc fieri nequit , ut qui servat corporis ipsam
 Materiem , justo indotatas munere mentes ,
 1110 Immemor anteacti , perdat , nihiloque reportet.

E eij

Sic animis innata Dei super omnia justi
Notities, hanc sacilego spem tollit iniquam,
Impunita suis deleri crimina fatis,
Æquatamque sibi sortem cum insonte futuram.

1115 QUAPROPTER geminis fundatur nostra columnis

Relligio; quas non timor aut malesuada cupido,
Ipsa sed ante oculos prudens Natura locavit:
Esse Deum auctorem rerum, justique tenacem;
Esse animos nullo perituros temporis ævo.

1120 Sed quia non poterant hominum diversa per orbem

Tot capita inter se concordi degere sensu;
Ac primam Veri effigiem turpavit in horas,
Qui passim infecto de fonte scaturit error;

Naturæ vox conciderat, lex victa fluebat

1125 Naturæ, humanis nisi vox divina sonaret

Auribus; & sanctam cui nos submittere vellet,
Amoto Deus ipse daret velamine, legem:
Ut fax Naturæ, meliori lumine fulgens,
Jam dubiæ noctis malefidas vinceret umbras.

1130 At te vix natum, Quinti, atque à matre recentem

Non ausim exemplo saturare valentibus escis:
Suscipes, cùm te firmarit robore adulto
Recti assuetudo constans & casta voluptas:
Interea leve de nostro lac ubere fuges.

F I N I S.

DIRECCIÓN GENERAL DE

INDEX RERUM
QUÆ IN HOC POEMATE TRACTANTUR.

A.

AETHERIS, qui Vacui vicem
peragit in movendis corporib; naturam explicat Poëta, 70 & seqq.
Causam exponit infecunditatis corum animalium quæ ex geminâ specie conflantur, 327 & seqq. Infistam propagandæ sobolis curam, 310. in natum animalibus semen, *ibid.* & s. in eoque tuendo Providentia diligentiam ostendit, 333 & seqq. Nulla animalia nisi è conjugio orta esse.

Aletes. Mira in eis membrorum compositio, 280 & seqq.

Amor virtutis multum distat à pœna formidine, 12.

Anaxagoras. Epicuri de Atomis commentum cum Anaxagoræ homœomeria confertur, nec minus absurdum esse probatur, 122.

Anima. Esse Deum, esse animam immortalem, hæc duo fundamenta esse Religionis, 436. Vide *Mens*.

Anima belluarum. Vide *Bellua*.

Animantia. Ridiculam Epicuri de ortu ac nutritione primorum animantium opinionem Poëta exagitat, 290 & seqq. Descendit ad Epicuri & aliorum Atheorum sententiam de generatione animantium, quæ nunc nascuntur; eamque per solas motus leges explicari non posse affirmat, 298 & seqq. Animantium primum semen, nec à seipso, nec casu, factum esse demonstrat, 318 & seq. ergo à mente aliquâ summè peritâ, & aeternâ, procreatū esse, 319 & seq. Ani-

malium cujusque generis semina omnia in primo animali masculo conclusa fuisse probat, 323 & seqq. Causam exponit infecunditatis corum animalium quæ ex geminâ specie conflantur, 327 & seqq. Infistam propagandæ sobolis curam, 310. in natum animalibus semen, *ibid.* & s. in eoque tuendo Providentia diligentiam ostendit, 333 & seqq. Nulla animalia nisi è conjugio orta esse.

Annus. Quatuor anni tempestatum ratio sigillatim exponitur, 387. Ex certis anni tempestatum vicibus, Mundi auctor probatur, 406.

Apum industria, 237 & seq.

Aristarchi neglecta doctrina Copernici studio rediviva, 351.

Aristippi non sententia peior sententia Epicuri, sed animus verior, 92.

Aristotelis doctrina de forma artifice exploditur, 294 & seqq. Quomodo de origine rerum distant Epicurus Aristotelesque, 296.

Astronomia. Laudat eos viros qui Astronomiæ illustrandæ insignem operam dederunt, 350 & seq. His Epicureos, & præcipue Lucretium, comparat, 352. Si Astronomiæ studiosi laude digni sint, quantò magis ipse Astrorum conditor, 392 & seq.

E eiij

Sic animis innata Dei super omnia justi
Notities, hanc sacilego spem tollit iniquam,
Impunita suis deleri crimina fatis,
Æquatamque sibi sortem cum insonte futuram.

1115 QUAPROPTER geminis fundatur nostra columnis

Relligio; quas non timor aut malesuada cupido,
Ipsa sed ante oculos prudens Natura locavit:
Esse Deum auctorem rerum, justique tenacem;
Esse animos nullo perituros temporis ævo.

1120 Sed quia non poterant hominum diversa per orbem

Tot capita inter se concordi degere sensu;
Ac primam Veri effigiem turpavit in horas,
Qui passim infecto de fonte scaturit error;

Naturæ vox conciderat, lex victa fluebat

1125 Naturæ, humanis nisi vox divina sonaret

Auribus; & sanctam cui nos submittere vellet,
Amoto Deus ipse daret velamine, legem:
Ut fax Naturæ, meliori lumine fulgens,
Jam dubiæ noctis malefidas vinceret umbras.

1130 At te vix natum, Quinti, atque à matre recentem

Non ausim exemplo saturare valentibus escis:
Suscipes, cùm te firmarit robore adulto
Recti assuetudo constans & casta voluptas:
Interea leve de nostro lac ubere fuges.

F I N I S.

DIRECCIÓN GENERAL DE

INDEX RERUM
QUÆ IN HOC POEMATE TRACTANTUR.

A.

AETHERIS, qui Vacui vicem
peragit in movendis corporib; naturam explicat Poëta, 70 & seqq.
Causam exponit infecunditatis corum animalium quæ ex geminâ specie conflantur, 327 & seqq. Infistam propagandæ sobolis curam, 310. in natum animalibus semen, *ibid.* & s. in eoque tuendo Providentia diligentiam ostendit, 333 & seqq. Nulla animalia nisi è conjugio orta esse.

Aletes. Mira in eis membrorum compositio, 280 & seqq.

Amor virtutis multum distat à pœna formidine, 12.

Anaxagoras. Epicuri de Atomis commentum cum Anaxagoræ homœomeria confertur, nec minus absurdum esse probatur, 122.

Anima. Esse Deum, esse animam immortalem, hæc duo fundamenta esse Religionis, 436. Vide *Mens*.

Anima belluarum. Vide *Bellua*.

Animantia. Ridiculam Epicuri de ortu ac nutritione primorum animantium opinionem Poëta exagitat, 290 & seqq. Descendit ad Epicuri & aliorum Atheorum sententiam de generatione animantium, quæ nunc nascuntur; eamque per solas motus leges explicari non posse affirmat, 298 & seqq. Animantium primum semen, nec à seipso, nec casu, factum esse demonstrat, 318 & seq. ergo à mente aliquâ summè peritâ, & aeternâ, procreatum esse, 319 & seq. Ani-

malium cujusque generis semina omnia in primo animali masculo conclusa fuisse probat, 323 & seqq. Causam exponit infecunditatis corum animalium quæ ex geminâ specie conflantur, 327 & seqq. Infistam propagandæ sobolis curam, 310. in natum animalibus semen, *ibid.* & s. in eoque tuendo Providentia diligentiam ostendit, 333 & seqq. Nulla animalia nisi è conjugio orta esse.

Annus. Quatuor anni tempestatum ratio sigillatim exponitur, 387. Ex certis anni tempestatum vicibus, Mundi auctor probatur, 406.

Apum industria, 237 & seq.

Aristarchi neglecta doctrina Copernici studio rediviva, 351.

Aristippi non sententia peior sententia Epicuri, sed animus verior, 92.

Aristotelis doctrina de forma artifice exploditur, 294 & seqq. Quomodo de origine rerum distant Epicurus Aristotelesque, 296.

Astronomia. Laudat eos viros qui Astronomiæ illustrandæ insignem operam dederunt, 350 & seq. His Epicureos, & præcipue Lucretium, comparat, 352. Si Astronomiæ studiosi laude digni sint, quantò magis ipse Astrorum conditor, 392 & seq.

E eiij

Athei. His bellum indicit Poëta, 4. Athei quantum interfit, Deum, an sit, investigare, 40. Hos contra dividat Poëta, sectæ Epicureorum fundamina convellens: scilicet, magnum Inane, 45 & seqq. immortales Atomos, 87 & seqq. Motum perennem, 129 & seqq. Proponit varia Atheonum argumenta, 414 & seqq. Iis responderet, 417 & seqq. Athéum suis ipsum armis debellat, 429 & seqq.

Atomi ex Epicuro explicantur, 46 & seqq. Epicuri consilium in fingen-
dis Atomis, 89. Atomi per se non
sunt, 91 & seqq. Innumeræ esse non
possunt, 93 & seqq. Quam absurdum
sit illud Epicuri commentum, in At-
tomorum classibus numero finitis At-
tomos numero infinitas collocasse,
98 & seqq. Atomi nec individua, nec
immortales esse possunt, 104 & seqq.
Ex hoc quod immortales esse non
possint, sequitur eas non esse ab æter-
no tempore, 111. Ex hoc quod di-
viduæ sint, eas ex natura sua solidas
non esse concludit Poëta, ac proinde
fabro indiguisse ut coalesceantur, 117
& seqq. Necessaria non sunt atomo-
rum figuræ: at quidquid in se habent,
vel habere putantur, id cause de-
bent, 119 & seqq. Quod Epicurus in
Atomis querit, id in solo Deo inest,
124. Atomos Democritus gravitatem
tribuit sine declinatione, Epicurus
declinationem cum gravitate, 132
& seqq. Atomorum declinationem
variiis argumentis refutat Poëta, 133
& seqq. Ex declinatione Atomorum
frustra vult Epicurus mentis humanæ
libertatem explicare, 137 & seqq. Gassendi commentum de diversa At-
tomorum velocitate confutatur, 140
& seqq. Atomorum gravitas impug-
natur, 143 & seqq. Atomorum nulla
potuit esse connexio, nullus resul-
tus, 168 & seqq. Ridiculum Demo-
criti commentum de Atomis, qua-
rum pars mente pollerent, pars men-

te destitutæ essent, 193 & seqq. Non
minus absurdæ Epicuri sententia, qui
cunctas nihil mentis habere affirmat,
194.

Attritus. Newtoniana gravitas in
attractu posita refellitur, 161 & seqq.

B.

*B*AUBACES Polonorum, 239
& seqq.
Beatiudinis desiderium probat
Deum esse à quo compleatur, 422.
Vide *Felicitas*.

Belluae. Proponit Poëta id quod ab
incredulis objicitur, belluas animâ
nostra sumi i prædictas esse, 234 & seqq.
Varia proferuntur ferinae industriae
exempla, 235 & seqq. Belluarum ani-
mas è Materia constare, ergo &
nostras, contendunt increduli, 242
& seqq. Anima brutorum, aut nulla
est, aut incorporeæ, 243 & seqq. Du-
bia saltem sunt argumenta, quibus
brutorum; certa, quibus hominum
anima defenditur, 245 & seqq. Per
hypothesim, Cartesii doctrinam de
belluis opponit, 246 & seqq. Probat
ab absurdo, non magis belluas ani-
mam concedendam esse, quam plan-
tis plurimis, 247 & seqq. atque etiam
fossilibus, 250 & seqq. Motus anima-
lium omnes mechanice fieri posse
indicat, 254 & seqq. Ex mirabilibus
brutorum factis infertur, non suam
feris inesse mentem, sed mentem
aliquam adesse, 258 & seqq. Belluarum
motus ex eadem causâ nasci
posse, ac motus nostros spontaneos,
vel non spontaneos, 259 & seqq. Si
belluas propria mens adesse, in his
affulgerent quædam certi delectus
vestigia, 261 & seqq. Ex immutabili
in belluas vivendi tenore arguit ipsas
carcerem delectu, 262 & seqq. Ex variis
exemplis probat belluas non inhære-
re mentem, sed præesse, 264 & seqq.
Si mens belluas attribuatur, illam

cujuſcumque fit ordinis, incorpo-
ream fore, ac nostræ similem, imò
perfectissimam, 265 & seqq. Contra
adversarios retorquet plurima foler-
tia animalium exempla, quibus
evincitur mentem humanâ præstan-
tiorem bellui consulere, 268 & seqq.

Vulgare brutorum instinctus nomen
velut inane profligatur, 272 & seqq.
Mirabilibus brutorum gestis, mens
illis externa arguitur, 275 & seqq.
Solvit id quod obijicitur inutilia fore
brutis sensuum organa, si sensu bruta
careant, 277 & seqq. Epicureorum de
belluis objectiones mentem nostram
non laedunt, 278 & seqq. Nihil aliud
ex tanto brutorum artificio inferri
potest, nisi mentem esse summam,
280. Miram exhibet in alilibus, in
piscibus, in quadrupedibus membro-
rum compositionem, ibid. & seqq.
Animalia casu procreata non sunt,
284 & seqq. Deus ergo auctor belluarum
est, 286. Mira brutorum, seu
minimorum, seu grandium, natura,
opificis industria testatur, 314 &
seqq. Vide *Animantia*.

Bombycum descriptio, 314 & seqq.

Bonum. Si nulla Boni Malique na-
tura stet ante leges, jus nil juris ha-
bet, 24 & seq. Summum quidem bono-
rum est voluptas, modo scilicet
inde petatur, unde petenda est, 36.
Deus omnium bonorum fons, solus
beatiudinis desiderium satiare po-
test, 422.

C.

CÆSARIS ambitio, 15.
Cartesii doctrina de Motu cum
Neutoni sententia comparatur, 165
& seqq. Cartesii doctrinam de belluis
per hypothesis opponit Poëta his
qui brutorum animam defendunt,
246 & seqq. Cartesii laus, 351.

Cassinus, magnum Parisinæ Acad-
emiac decus, 351. Kepleri regulam in

quatuor Jovis Satellitibus explo-
rans, eamdem in Satellitibus Saturni
reperit, 366.

Cafus. Ex ipsa Epicuri doctrina
ruit casus ille, Epicuro si creditur,
divum pater atque hominum rex,
139 & seqq. Probat semina casu, nec
fieri, nec secundari posse, 296 & seqq.
Animantium primum lumen nec à
seipso, nec casu factum esse demon-
strat, 318 & seqq. Ostendit non à casu,
sed à Deo, petendam esse mirabilem
universi orbis fabricæ industriam,
401 & seqq.

Christi mysteria pandere sibi pro-
ponebat Poëta, 419.

Cithara ac citharœdi exemplo di-
versa & propria illustrantur corporis
& mentis officia, 208 & seqq.

Cœlum. Cœlestium corporum syste-
ma ex mente Copernici describit,
356 & seqq. Caulam diversitatis cœ-
lestium motuum explicat, 368 & seqq.

Cometa. Varias de Cometis conje-
cturas profert, 378 & seqq.

Copernicus, Polonus Speculator,
cujus studio ad summos honores ai-
cendit rediviva Aristarchi & Philolai
doctrina, 351. Hujus de Mundo sys-
tema summatim exponitur, 353 &
seqq. Veritatis amore opinionem
Copernici defensurum se profitetur
Poëta, 355. Copernicanum sistema
adversus Ptolemaicum propagnat,
ibid. & seqq. planius exponit, 356
& seqq. instantius defendit, 360 &
seqq. Kepleri regulam affert, cui ad-
versari sistema Ptolemaicum, Co-
pernicanum vero consentire de-
monstrat, 366 & seqq.

Corporum perluciditas, mollities,
fluor, raritatem, à Vacuo non
oriuntur, 81 & seqq. Vide *Materies*.

Corpus humanum. Mens humana
cum corpore conjuncta quidem est;
at non ejusdem naturæ, 207 & seqq.
Mentis & corporis diversa & propria
sunt officia, 209 & seqq. Mentis &

E e iiij

corporis fœdus, 214 & seq. Motus in corpore voluntarii humanae mentis quidem jussu fiunt, at & iidem & naturales motus divinae mentis arte procreantur, 225 & seqq. Ut ostendat non sine opificis industria, fabricatam esse hominis machinam, in ejus descriptione immoratur, 301 & seqq. Ex corporis ac mentis affectuum inter se communitate probat Deum, esse 431 & seqq.

D.

DEISTAS impugnare sibi proponebat Poëta, 419

Democritus Atomis gravitatem sine declinatione tribuit, Epicurus declinationem cum gravitate, 132 & seqq. Utrumque figmentum refellitur, 133 & seqq. Ridiculum Democriti commentum de Atomis in eas quæ cogitatione pollent, & eas quæ carent, partitis, 193 & seqq.

Deus. Quām magnum sit opus de Numine summo dicere, 3. Diverſæ opinions in quas trahuntur hominum mentes de Numine summo, ib. & seqq. Ipsum Numen Poëta invocat de Numine dicturus, 4. Vitis iter stravit Lucretius, cum semel Deos exegit, 7. Demto Numine, nil superest quod contineat hominem Voluptati deditum, 8 & seqq. Numine sublato, nil justi permanet usquam, 22. Quantum interstit Athesi, Deum, an sit, investigare, 40. Ars Epicuri in Diis convellenis perstringitur, 51 & seqq. Deus materia auctor & moderator, materia ipse caret, 123 & seqq. Quod Epicurus querit in Atomis, id in solo Deo ineſt, 124. Motus in corpore voluntarii humanae mentis quidem jussu fiunt, at & iidem & naturales motus divinae mentis arte procreantur, 225 & seqq. Ab operum humorum industria probatur, quanto

major esse possit divini artificis solertia, 276 & seqq. Cuncta Deum produnt, 277. Nihil aliud ex miro brutorum artificio inferri potest, nisi mentem esse summam, 280. Deus auctor belluarum est, 286. Ad demonstrandam divini artificis manum, ab animalibus ad semina progressitur Poëta, 289 & seqq. Ut ostendat non sine opificis industria, fabricatam esse hominis machinam, in ejus descriptione immoratur, 301 & seqq. Deinde transit ad bruta, 314 & seqq. Animantium primum semen a mente aliqua summè peritæ, & aternæ, procreatrum esse, demonstrat, 319 & seqq. Semina nisi à causâ providâ, communi, validâ, & aternâ formari non potuisse probat, 320 & seqq. In conservando animantium semine Providentia diligenter ostendit, 333 & seqq. Maximus in minimis Deus, 335. Mundi systema investigasse, si magnæ sit artis, fecisse, quanto sit majoris, 392 & seqq. Naturam, nisi hoc nomine Deus intelligatur, rerum artificem esse non posse, 399. Mundum à mente supra factum esse, ib. & seqq. Autorem suum ex ipso aspectu Natura fatetur, 401 & seqq. Mundi auctor probatur ex ipsius Lunæ constanti motu miraque proportione, 402 & seqq. ex imbrum fluviorumque fecunditate, 404 & seqq. ex certis anni tempestatum vicibus, 406. Exinde ostendit Poëta, non à casu, sed à Deo, petendam esse mirabilem tam multiplicis fabricæ industriam, ib. & seqq. Veri & Justi certam esse regulam, mente nostrâ priorem, 407 & seqq. Veri & Justi magistrum esse Dei ipsius mentem, 412. Mundi causa, non fatum, sed Dei voluntas, ib. & seqq. Cuncta Deum prædicant, 414. Proponit Poëta id quod ab Atheis objici solet, multa esse in moribus, quæ Deum

aut non summè bonum, aut non summè potentem arguunt, 416 & seqq. Huic objectioni respondet, 420 & seqq. Confutat impiam illam tentiam: *Primus in orbe Deos fecit timor*, 426 & seqq. Non factitiam esse ideam Dei ostendit, 428. Idololatriam heresim quamdam esse à Religioni naturali divertentem, ibid. & f. Atheum suis ipsum armis debellat, 429 & seqq. Ex perceptionibus nostris, & ex corporis ac mentis affectuum inter se communitate probat Deum esse, 431 & seqq. Deum non Mundi mentem esse mundo commixtam, 432 & seqq. non mentem ex omnibus privatis mentibus conflatam, 433. non mentem Mundo junctam, ib. & seqq. Deum esse, animam esse immortalem, duo fundamenta esse veræ Religionis, 436. Vide *Religio*.

Divisibilitas Materiæ in infinitum, variis argumentis probatur, 107 & seqq. Epicureorum eā de re solvuntur objectiones, 111 & seqq.

E.

EPICURUS sectam recentem infamare fruſtrâ veritus, infirma omnino frena cupiditatibus injicit, 7. Epicuri institutum de subvertendâ Religione, & unicè colendâ Voluptate, libidini quidem est amicum ac sceleribus, at moribus, humanae societati, virtuti & rationi infestum, ib. & seqq. Fruſtrâ jusſit Epicurus pacatos vivere, quos jusſit vivere latos, 10. Non in Virtute Voluptatem, sed in Voluptate Virtutem ponit, 19 & seqq. Fruſtrâ voce tenuis Virtutem laudat, quam re interficit ipsa, 20 & seqq. Si Virtutis erat amicus, quid illi nocebat Religio? 21. Eversa Religione, evertit simili regulam omnem, non Virtutis solum, sed etiam Veritatem, 22 & seqq. Ejus doctrina de Voluptate, exitiosa est & infana, 26. nec ulla confert in

Epicurei. His bellum indicit Poëta, 4. Epicureo nil solidum, nil verum, nisi Voluntas 17. Dei cultores in hac etiam vitâ, Epicureo beatiores sunt, 37 & seqq. Quanta

INDEX.

442

verò infelicitas post hanc vitam, Epicureo, si decipitur, imminet, 38. Religio nihil Epicureo suaderet dimittendum, nisi quæ ipse potitus plerumque fastidit, 38. Nullus Epicuri præceptorum observantior discipulus, quam ipsa bruta, si mente prædicta sint, 274.

F.

FATUM detestatus ipse adstruit Epicurus, 138 & seqq. Mundi causa, non fatum, sed Dei voluntas, 412 & seqq.

Fecunditatis & sterilitatis terræ causa, 337 & seqq.

Felicitas. Epicuri doctrina nullum efficit beatum, 32 & seqq. Vide *Beatitude*.

Fluvii non omnes ex imbris orientur; aliquot ex ipso mari profluunt, 404 & seqq.

Formam artificem Aristotelis expludit Poëta, 294 & seqq.

Formido pœnæ multum distat à virtutis amore, 12.

Fortuna. Vide *Casus*.
Fossilia. Probat ab absurdio Poëta, non magis belluis, animam concedam esse, quam ipsis fossilibus, 250 & seqq.

Futurum. Quantum diversa fors in futuris Epicureum expectat, & Religionis amantem, 38. Etiam si de futuris esset dubium, in dubiis porro pars tunc sequenda est, 40. Futurum ævum probat ipsa rerum humanarum confusa conditio, 433 & seqq.

G.

GALILÆUS, Etruscæ gentis honos: ejus industria laudatur, 351.

Gassendus, quo duce freti quidam Epicurum male defendunt, 19.

Gassendi solers ingenium, male tequitur Numinis hostem Epicurum, 66. Vacuum à Gassendo perperam propugnat, 75. Gassendi commentum de diversâ Atomorum velocitate confutatur, 140 & seqq.

Genii. Unde Veteres passim Genios sparserunt, 249.

Gravitas corporum. Nullum per se corpus grave seu leve est, 145 & seqq. Gravitatis causam enuntiare aggreditur Poëta, quam repetit ab æthere terram ambiente, 147 & seqq. Admonet hypothesis suam à se non pro certissima adduci, sed tamquam Epicurea faniorem, 149. Divisâ subtili, quæ terram circumfluit, materiâ, in plures pyramides, ex earum vi centrifugâ oriri putat corporum gravitatem, ac præterea ex equali terreni vorticis pressurâ, ib. & seqq. Corpus nullum per se aut grave, aut leve esse probat variis exemplis, 153 & seqq. Gravitas Neutroniana in attractu posita refellitur, 161 & seqq.

H.

HEROES. Habet ipsa suos Heroas Religio, 28.

Hobbesii fallax de Justitiae Religionisque origine sententia obiter refellitur, 23 & seqq.

Homoeraria. Epicuri de Atomis commentum cum Anaxagora homoerariâ confertur, nec minus absurdum esse probatur, 122.

Huygens, Astronomia studio illustris, 351.

I.

IDOLOLATRIAM hæresim quamdam esse à Religione naturali divertentem ostendit Poëta, 428 & seqq.

Ignis phænomena explicantur, 197 & seqq.

INDEX.

443

Imbres. Ex imbrum fecunditate, Mundi auctor probatur, 405 & seqq.

Impietas solo Rationis lumine devicta cadit, 168. Impietas & superstitione per inanes fabulas sese pariter protegunt, 292.

Inane ex Epicuro explicatur, 46 & seqq. Inanis refutationem assumit Poëta, 52. Inane aut Deum, aut corpus, aut nihil esse ostendit, ib. & seqq. Inane nihil est, nisi absencia corporis omnis, 64. Inane astruit Epicurus ut Deum destruat, 65 & seqq. Moveri corpora possunt sine Inani, 67 & seqq. Inanis vicem peragit æther, 70 & seqq. Omnia plena esse probat Poëta, 73 & seqq. Inane Neutoni refellit, 74 & seqq. Nihil in Mundo non presumere, variis ostendit experimentis, 79 & seqq. Corporum perluciditas, mollitiae, fluor, raritatemque ab Inani non oriuntur, 81 & seqq. Inane Epicureum, mera fabula, 84. Vide *Spatium*.

Infinitum aliquid esse ostendit Vates, 430.

Infinitus vulgare nomen velut inane profligatur, 272 & seqq.

Iphigenie mortem non suavit Religio vera, sed exca superstitione, 31 & seq.

Jus. Si nulla Boni Malique natura stet ante leges, jus nihil juris habet, 24 & seq. Si jus fasque frenum fuit coercenda Voluptati necessarium, hinc patet quam per se existiosa sit Voluntas, 25.

Justitiae nullus locus, dum nil praerit quod æquis legibus homines contineat, 7 & seq. Fallax Hobbesii de Justitiae origine sententia obiter refellitur, 23 & seqq. Justi & Veri certam esse regulam ostendit Poëta, 407 & seq. Veri & Justi regulam mente nostrâ priorem esse, 408 & seqq. Veri & Justi magistrum esse naturam, hoc est, Dei ipsius mentem, 412.

K.

KEPLERUS verum Planetaryum cursum investigat, 351. Affert Poëta Kepleri regulam, cui sistema Ptolemaicum aduersari, Copernicanum verò consentire demonstrat, 366 & seqq.

L.

L EVENOCKIUS, microscopij inventor, laudatur, 324.

Libertas. Ex hominis libertate ostendit Poëta, & mentem esse, & à corpore profus diverlam, 222 & seqq. Mentis humanæ vitia, non ex Deo, sed ex libertatis abuso oriuntur, 420 & seqq. Sublatâ peccandi libertate, nec bene agere homo posset, 422.

Lockii de Vacuo instantia refellunt, 67. Objicienti Lockio, ignorari materiæ naturam, ac proinde nesciri utrum cogitatio in materiam cadere non possit, responderet Poëta, 217 & seqq.

Locus cuiusque rei, quid sit, 58 & seqq. Vide *Spatium*.

Lucretius, Poëta celebris, quo se jactant Epicurei, 4. Hunc refellere sibi proponit Poëta, ibid. Illi dulce quidem melos, & gratia cantus; at mendax sapientia, fugiendaque illecebraz, 5 & seq. Quid strueret Epicurus, ipse Lucretius libens aperit, & sine pudore confitetur, 6. Postea semel Lucretii impietate, exundat nefas, 25. Secum ipse pugnat Lucretius, dum immenso superas imasque partes singit, 54. Vanus Lucretii triumphus, 130. Doctrinæ ejus conciliatrix cupidio, ib. Quam sit absurdâ ejus doctrina, 131. Secum ipse pugnat, 143. Quam longè vero dissipata sit Lucretii sententia, 167. Everfa Lucretii fundamenta, 172. Lucretius

in hortis Epicureis relinquendus, 184. Poëta nomen, non Sapientis, ipsi concedendum, 185. Sibi discors, Religionem, quibus frustra convellere tentat, armis protegit, 186. Demens pugnantis miscet, 225. Causas mundi cum Epicuro fortunæ tribuens refellit, 296 & seqq. Iis viris qui Astronomia illustrandæ insiginem dederunt operam, comparatur, 352.

Lunæ cursum explicat Poëta, 390. Lunæ & Solis eclipses, 392. Ex ipsis Lunæ constanti motu, & mirâ proportione, Mundi auctor probatur, 402 & seqq.

M.

MAGNETIS virtus, 250. Malum. Si nulla Boni Maligne natura stet ante leges, jus nil juris haber, 24 & seqq.

Mare. De iis que Terrâ Marique continentur, differere sibi proponit Poëta, 397 & seqq.

Materiem in infinitum dividi posse, variis argumentis probatur, 07 & seqq. Epicureorum ea de re solvuntur objectiones, 111 & seqq. Materiæ adventitia res est quicunque modus, quæcumque figura, 120 & seqq. Materia è nihilo creari debuit, 123 & seqq. Motum ab auctore aliquo à Materiâ diverso afflari Materiæ debere concludit Poëta, 174 & seqq. Si Matrices per se mens est, omnis pars Materiæ, pars mentis erit, 192 & seqq. Mixtura Materiæ mentem efficere non potest, 194 & seqq. Nihil est in vi Materiæ, quod non exponi possit, adductis tantum positurâ, mole, figurâ, motu & requie, 197 & seqq. Mentem nullus Materiæ efficit textus, nulla Materiæ figura, 201 & seqq. Quamvis ignota esset Materia, mentem cognoscere liceret, 204. Materiæ do-

tes cum dotibus mentis nil communne habent, ibid. & seqq. Mens motu causa Materiam necessariò prævertit, 206 Objicienti Lockio ignorari Materiæ naturam, ac proinde nesciri utrum cogitatio in Materiam cadere non possit, respondet Poëta, 217 & seqq. Materiæ non Menti natura est extendi, 219 & seqq. Mens à Materia perspicue sejungitur, et si non omnes utriusque vires liquido patescant, 221 & seqq. Ex hominis libertate ostendit Poëta mentem à Materie prorsus esse diversam, 222 & seqq. Vide *Motus*.

Menti humana libertatem frustrâ vult Epicurus ex declinatione Atomorum explicare, 137 & seqq. Mentes alias esse ex ipsis humanæ mentis officiis ostendit Poëta, 186 & seqq. Sibi quisque suæ Menti conscius est, 186 & seqq. Mens exquirit rerum causas, astrorum cursus, terrarum, distantias, æquoris tractus, 187 & seqq. Mens varias condiscit aut excoigit artes, 189. Mens occultis de rebus disputatione, vivendique leges statuit, 190. Mens corporis artus dirigit, ibid & seqq. A Mente sola petenda est motus causa, 191. & seqq. Menti corpoream non esse ipsa materia natura probat, 192. Ex humana Mente supremæ Menti natura perspicitur, ib. & seqq. Mens humana cum corpore conjuncta quidem est, at non ejusdem naturæ, 207 & seqq. Menti & corporis diversa & propria sunt officia, 209 & seqq. Mens varios simul percipit & comparat sensus, 211 & seqq. Mens una ac simplex est, nec partibus ullis constare potest, 212 & seqq. Mens res quædam una est cum corpore juncta, sed quæ sine corpore vivere possit, 214. Menti & corporis fœdus, ib. & seqq. Objicienti Lockio ignorari Materiæ naturam, ac proinde nesciri, utrum à Materiâ Mens

sejungenda sit, respondet Poëta, 217 & seqq. Materiæ non Menti natura est extendi, 219 & seqq. Mens à Materia perspicue sejungitur, et si non omnes utriusque vires liquido patescant, 221 & seqq. Ex hominis libertate ostendit Poëta, & Menti sumam, 222 & seqq. Motus in corpore voluntarii humanæ Menti jussu quidem fiunt; at & iidem & naturales motus divina Menti arte procreantur, 225 & seqq. Animantium primum semen à Mente aliquâ summè peritâ, & æternâ, procreatrum esse demonstrat Poëta, 319 & seqq. Veri & Justi certam esse regulam, Mente nostrâ priorem, 407 & seqq. Veri & Justi magistrum esse naturam, hoc est, Dei ipsis Menti, 412. Menti humanae virtutia, non ex Deo, sed ex abusu libertatis oriuntur, 420 & seqq. Ex perceptionibus nostris, & ex corporis ac Menti affectuum inter se communitate, probat Poëta Deum esse, 431 & seqq.

Metempsychosis ipsa doctrina probabilior esset, quam Epicureorum ipsum propriâ Mente carere, 260 & seqq. Si bellus propria Mens adesse, in his affulgerent quædam certi delectus vestigia, 261 & seqq. Ex variis exemplis probatur bellus non inharrere Menti, sed præesse, 264 & seqq. Vult Epicureus brutis concedere Menti humanae Menti inferiorem, 265. Mens omnis, cujuscumque sit ordinis, incorpore & immortalis est, ibid. & seqq. Varia Menti nomina pro diversis ejus officiis, 266. Si Mens concedatur brutis, humanum genus non deprimitur, sed ferinum evehitur, ibid. & seqq. Contra adversarios retorquet Poëta plurima solertia animalium exempla, quibus evincitur Menti humana præstantiorem bellus non inesse, sed adesse, 268 & seqq. An instinctus nomine Mens aliqua in bruto signari possit, 272 & seqq. Ex mirabilibus brutorum gestis, Menti illis externam præesse arguitur, 275 & seqq. Ab operum humanorum

Microscopii inventio & usus laudatur, 324.

Modorum mutatio naturam rerum non mutat, 195 & seqq. Modus rerum nihil est, nisi res hac prædicta formâ, 196. Quidquid constituit rem, sine hoc res esse non potest: quidquid verò rei modus est, sine hoc res esse potest, hoc sine re non potest, 219.

Mortis prava libido, quâ quidam volunt animo mortales esse, sicut & corpore, 218. Frustra cupit ille nfori, cui vivere fatum est, 234.

Motus corporibus tribui potest sine Inani, 67 & seqq. De Motu quærendum proponit Poëta, 131. Materies omnis mobilis est per se, non per se mota, 147. Neutronianus Motus in attractu positus refellitur, 161 & seqq. Cartesiana sententia de Motu, cum sententiâ Neutronianâ comparatur, 165 & seqq. Spinosa

sententia de Motu aeterno, & in ipsa materiæ naturâ inhærente, evenit, 173 & seqq. Motum ab auctore aliquo à Materiâ diverso affari materiæ debere, concludit Poëta, 174 & seqq. Motus continua situs est mutatio, 179. A mente solâ petenda est Motus causa, 191 & seqq. Mens Motus causa materiam necessariò prævertit, 206. Motus animalium omnes mechanice fieri posse indicat Poëta, 254 & seqq. Belluarum Motus ex eadem causa nasci posse, ac Motus nostros spontaneos, vel non spontaneos, contendit, 259 & seqq. Per solas Motus leges, animalium generatio explicari non potest, 299 & seqq.

Mulorum infecunditatis causa, 327 & seqq.

Mundi totius machinam, quâ formâ constet, & quomodo regatur, dicendum proponit Poëta, 349 & seqq. Quintum hortatur ad inquirendam Mundi causam, 350. Exponit breviter tria de Mondo systemata, 352 & seqq. Tria hæc parem vim habere dicit ad asserendum supremum Artificem, 354 & seq. Item amore veritatis Copernici opinionem defensurum, 355. Copernicanum systema adversus Ptolemaicum propugnat, ibid. & seqq. Affert Kepleri regulam, cui adversari systema Ptolemaicum, Copernicanum vero consentire demonstrat, 366 & seqq. Causam diversitatis motuum coelestium, Solis in centro vertiginem, variorum Vorticis inter se libramen explicat, 368 & seqq. Proponit eas conjecturas quas tertius Cartesianum, de periheliis & apheliis Planetarum, eorumque variâ à Sole distantia, 372 & seqq. Terræ circa proprium centrum rotationem, tum tertium ejus motum, quo Stellæ magnum 26000 annorum orbem concilere

videntur explanat, 375 & seqq. Varias de Cometis profert conjecturas, 378 & seqq. Cur Planetæ diversa velocitate diurnum orbem conficiant, cur Terra axis inclinetur, item æquinoctiorum, solstitiorum, quatuor anni tempestatum rationem signatim exponit, 380 & seqq. Terræ proprium vorticem, Lunæ cursum, Solis & Lunæ eclipses, explicat, 389 & seqq. Hæc omnia investigasse si magna sit artis, fecisse quanto sit majoris concludit, 392 & seq. De iis quæ Terrâ Marique continentur, differere sibi proponit, 397 & seqq. Mundum à Mente supremâ factum esse ostendit, 399 & seqq. Mundi auctorem ex ipso aspectu Natura fatetur, 401 & seq. Mundi auctor probatur ex ipsius Lunæ constanti motu & mirâ proportione, 402 & seqq. ex imbrum fluviorumque fecunditate, 404 & seqq. ex certis anni tempestatum vicibus, 406. Exinde ostendit Poëta, non à casu, sed à Deo petendam esse mirabilem tam multiplicis fabricæ industriam, ib. & seq. Mundi causa, non fatum, sed Dei voluntas, 412 & seqq. Proponit ea quæ ab Atheis objici solent: Mundum debere esse aeternum; multa esse in Mundi opere virtutia, 414 & seq. Respondet Mundum per se non esse, sed à Deo creatum, cum voluit, ac se propter, 417 & seqq. ea quæ in Mondo mendoza videntur, haud sine causâ ita constituta esse, 423 & seqq. Temeritatis esse carpere singula, dum universa se belle habent, 424 & seqq.

N.

NATURA. Per Naturam ad Naturæ principium surgendum est, 87 & seq. Naturæ, nisi hoc nomine, Deus intelligatur, rerum artifex esse non potest, 399 & seqq.

Mundi auctorem ex ipso aspectu Natura fatetur, 401 & seq.

Neutoni laus, 75. Vacuum ejus refellitur, 74 & seqq. Refellitur gravitas Neutonianæ in attractu polita, 161 & seqq. Cartesiana sententia de Motu cum sententiâ Neutonianâ comparatur, 165 & seqq.

Numerus. Spatiū cum Numero & Tempore comparatur, 56 & seqq. Tria hæc mera nomina sunt, & aspectus rerum, non res, ibid. Quidquid à Numero incipit, in Numerum definit, 96.

O.

OCÉANUS æstus reciprocus, 405.

P.

PHILOLAI neglecta doctrina Copernici studio rediviva, 351. Piscium mira structura, 282 & seq. **P**lanetae. Proponit Vates eas conjecturas quas fert systema Cartesianum de periheliis & apheliis Planatarum, eorumque variâ à Sole distantia, 372 & seqq. Cur diversa velocitate diurnum orbem conficiant, 380 & seqq.

Planta. Probat ab absurdo Poëta, non magis belluis animam concedendam esse, quam plantis plurimis, 247 & seqq. Exponit cur plantæ quædam ex ramo aut radice repellunt, 341 & seq. cur insitione fecundentur, 342 & seq. Ex feminis oriri eas ipsas, quæ sponte suâ ac temerè oriri videntur, 343.

Platonis laus, 88.

Panæ sôntibus semper sunt, sed interdum feræ, 422 & seqq.

Ptolemaeus, Astronomiæ studio celebris. Hujus de Mondo systema breviter exponit, 352 & seq. Copernicanum systema adversus Ptolemaicum propugnat Poëta, 355 & seqq. Ptolemaicum systema instantius impugnat, 360 & seqq. Kepleri regulam affert, cui adverlari systema Ptolemaicum, Copernicanum vero consentire demonstrat, 366 & seqq.

Pythagoræ laus, 88.

Q.

QUADRUPEDUM mira structura, 283 & seqq.

R.

RATIONIS frenum Voluptati se injecisse frustra jaçat Epicureus, quod inane vanumque putari ipse jubet, 16 & seq. Si Ratio moribus præfit, fit Voluptatis dominatrix; si Voluptras, fit Rationis domina, 18 & seq. Rationis lege peremptâ, nil justi, nil veri permanet usquam, 22 & seq. Impietas solâ vi Rationis devicta cadit, 168. Ratio sensus judex est, non serva, 246. Ratione prior stat Rationis regula, 408 & seqq. Rationis magistrum esse, non Voluptatem, sed Naturam, hoc est, Dei ipsius Mentem, ostendit Poëta, 411 & seqq.

Religio. Epicuri institutum de subvertendâ Religione, & unice colendâ Voluptate, libidini quidem est amicum ac fceleribus; at moribus, humane societati, virtuti & rationi infestum, 7 & seqq. Gaudienti vitiis alpeprima est Religio, non virtutis amanti, 21. Eversa Religione, evenit simul regula, non solùm Virtutis, sed etiam Veritatis, 22 & seqq. Quanta in mortale genus conferat bona Religionis amor, 28. Cum nil Religionis amore sit utilius, nil commentis Epicuri pejus, vincere debet Religio, 29 & seqq. Iphigenia

sententia de Motu aeterno, & in ipsa materiæ naturâ inhærente, evenit, 173 & seqq. Motum ab auctore aliquo à Materiâ diverso affari materiæ debere, concludit Poëta, 174 & seqq. Motus continua situs est mutatio, 179. A mente solâ petenda est Motus causa, 191 & seqq. Mens Motus causa materiam necessariò prævertit, 206. Motus animalium omnes mechanice fieri posse indicat Poëta, 254 & seqq. Belluarum Motus ex eadem causa nasci posse, ac Motus nostros spontaneos, vel non spontaneos, contendit, 259 & seqq. Per solas Motus leges, animalium generatio explicari non potest, 299 & seqq.

Mulorum infecunditatis causa, 327 & seqq.

Mundi totius machinam, quâ formâ constet, & quomodo regatur, dicendum proponit Poëta, 349 & seqq. Quintum hortatur ad inquirendam Mundi causam, 350. Exponit breviter tria de Mondo systemata, 352 & seqq. Tria hæc parem vim habere dicit ad asserendum supremum Artificem, 354 & seq. Item amore veritatis Copernici opinionem defensurum, 355. Copernicanum systema adversus Ptolemaicum propugnat, ibid. & seqq. Affert Kepleri regulam, cui adversari systema Ptolemaicum, Copernicanum vero consentire demonstrat, 366 & seqq. Causam diversitatis motuum coelestium, Solis in centro vertiginem, variorum Vorticis inter se libramen explicat, 368 & seqq. Proponit eas conjecturas quas tertius Cartesianum, de periheliis & apheliis Planetarum, eorumque variâ à Sole distantia, 372 & seqq. Terræ circa proprium centrum rotationem, tum tertium ejus motum, quo Stellæ magnum 26000 annorum orbem concilere

videntur explanat, 375 & seqq. Varias de Cometis profert conjecturas, 378 & seqq. Cur Planetæ diversa velocitate diurnum orbem conficiant, cur Terra axis inclinetur, item æquinoctiorum, solstitiorum, quatuor anni tempestatum rationem signatim exponit, 380 & seqq. Terræ proprium vorticem, Lunæ cursum, Solis & Lunæ eclipses, explicat, 389 & seqq. Hæc omnia investigasse si magna sit artis, fecisse quanto sit majoris concludit, 392 & seq. De iis quæ Terrâ Mariæ continentur, differere sibi proponit, 397 & seqq. Mundum à Mente supremâ factum esse ostendit, 399 & seqq. Mundi auctorem ex ipso aspectu Natura fatetur, 401 & seq. Mundi auctor probatur ex ipsius Lunæ constanti motu & mirâ proportione, 402 & seqq. ex imbrum fluviorumque fecunditate, 404 & seqq. ex certis anni tempestatum vicibus, 406. Exinde ostendit Poëta, non à casu, sed à Deo petendam esse mirabilem tam multiplicis fabricæ industriam, ib. & seq. Mundi causa, non fatum, sed Dei voluntas, 412 & seqq. Proponit ea quæ ab Atheis objici solent: Mundum debere esse aeternum; multa esse in Mundi opere virtutia, 414 & seq. Respondet Mundum per se non esse, sed à Deo creatum, cum voluit, ac se propter, 417 & seqq. ea quæ in Mondo mendoza videntur, haud sine causâ ita constituta esse, 423 & seqq. Temeritatis esse carpere singula, dum universa se belle habent, 424 & seqq.

N.

NATURA. Per Naturam ad Naturæ principium surgendum est, 87 & seq. Naturæ, nisi hoc nomine, Deus intelligatur, rerum artifex esse non potest, 399 & seqq.

Mundi auctorem ex ipso aspectu Natura fatetur, 401 & seq.

Neutoni laus, 75. Vacuum ejus refellitur, 74 & seqq. Refellitur gravitas Neutonianæ in attractu polita, 161 & seqq. Cartesiana sententia de Motu cum sententiâ Neutonianâ comparatur, 165 & seqq.

Numerus. Spatiū cum Numero & Tempore comparatur, 56 & seqq. Tria hæc mera nomina sunt, & aspectus rerum, non res, ibid. Quidquid à Numero incipit, in Numerum definit, 96.

O.

OCÉANUS æstus reciprocus, 405.

P.

PHILOLAI neglecta doctrina Copernici studio rediviva, 351. Piscium mira structura, 282 & seq. **P**lanetae. Proponit Vates eas conjecturas quas fert systema Cartesianum de periheliis & apheliis Planatarum, eorumque variâ à Sole distantia, 372 & seqq. Cur diversa velocitate diurnum orbem conficiant, 380 & seqq.

Planta. Probat ab absurdo Poëta, non magis belluis animam concedendam esse, quam plantis plurimis, 247 & seqq. Exponit cur plantæ quædam ex ramo aut radice repellunt, 341 & seq. cur insitione fecundentur, 342 & seq. Ex feminis oriri eas ipsas, quæ sponte suâ ac temerè oriri videntur, 343.

Platonis laus, 88.

Panæ sôntibus semper sunt, sed interdum feræ, 422 & seqq.

Ptolemaeus, Astronomiæ studio celebris. Hujus de Mondo systema breviter exponit, 352 & seq. Copernicanum systema adversus Ptolemaicum propugnat Poëta, 355 & seqq. Ptolemaicum systema instantiū impugnat, 360 & seqq. Kepleri regulam affert, cui adverlari systema Ptolemaicum, Copernicanum vero consentire demonstrat, 366 & seqq.

Pythagoræ laus, 88.

Q.

QUADRUPEDUM mira structura, 283 & seqq.

R.

RATIONIS frenum Voluptati se injecisse frustra jaçat Epicureus, quod inane vanumque putari ipse jubet, 16 & seq. Si Ratio moribus præfit, fit Voluptatis dominatrix; si Voluptras, fit Rationis domina, 18 & seq. Rationis lege peremptâ, nil justi, nil veri permanet usquam, 22 & seq. Impietas solâ vi Rationis devicta cadit, 168. Ratio sensus judex est, non serva, 246. Ratione prior stat Rationis regula, 408 & seqq. Rationis magistrum esse, non Voluptatem, sed Naturam, hoc est, Dei ipsius Mentem, ostendit Poëta, 411 & seqq.

Religio. Epicuri institutum de subvertendâ Religione, & unice colendâ Voluptate, libidini quidem est amicum ac fceleribus; at moribus, humane societati, virtuti & rationi infestum, 7 & seqq. Gaudienti vitiis alpeprima est Religio, non virtutis amanti, 21. Eversa Religione, evenit simul regula, non solùm Virtutis, sed etiam Veritatis, 22 & seqq.

Quanta in mortale genus conferat bona Religionis amor, 28. Cum nil Religionis amore sit utilius, nil commentis Epicuri pejus, vincere debet Religio, 29 & seqq. Iphigenia

mortem, non suasit Religio vera, sed cæca supersticio, 31 & seq. Religionis amantem, dulcia non emolliunt, aspera non frangunt, 35. Qui sincè Religionem colunt, puram habent frustraque alijs quæfitam, voluptatem, 36 & seq. in hac etiam vita, Epicureo beatiores sunt, 37 & seq. post hanc vitam, etiam si fallerentur, nullas erroris darent penas, 39. Nil Epicureo suadet dimittendum Religio, nisi quæ ipse potitus plerumque fastidit, 38. Quantum præfert Religionis amor, Voluptatis servitio, 39 & seq. Religionem non ex arte politica natam probat Poëta, 427 & seq. Deum esse, animam vero esse immortalem, hæc duo esse veræ Religionis fundamenta, 436.

Revelatio. Ad revelata veritatis indagationem adhortatio, 436.

S.

SARDANAPALI miser exitus, 35.

Semina. Ad demonstrandam divini Artificis manum, ab animalibus ad semina progradientur Poëta, 289 & seq. Probat semina, casu nec fieri, nec fecundari posse, 297 & seqq. Animantium primum semen, nec à seipso, nec casu factum esse demonstrat, 318 & seq. ergo à mente aliqua summe perita, & æternæ, procreatū esse, 319 & seq. Ex constanti generationum similitudine, earumque arte eximiā, probat, semina nisi à causâ providâ, communī, validâ & æternâ, formari non potuisse, 320 & seqq. Semina omnia animalium cuiusque generis in primo animali conclusa suisse probat, 323 & seqq. Innatum animalibus semen, 330 & seqq. in eoque tuendo Providentiæ diligentiam ostendit, 333 & seqq. Supra fidem non esse

tantum seminum numerum tantulō spatio contineri, demonstrat exemplo florū ac plantarū, 335 & seq. In cunctis vegetabilibus generis sui semina infūnt, 336 & seq. Suos esse in seminib⁹ fœtus, sua in fœtibus semina probat Poëta, 339 & seqq. Exponit cur sine solito semine plantæ quædam ex ramo aut radice repullulent, vel insitione fecundentur, 341 & seqq. Ex seminib⁹ oriri eas ipsas quæ sponte sua, ac temere oriri videntur, 343.

Senjus. An brutis concedi possit sensus à mente sejunctus, 265 & seqq. Epicureus, dum sensum concedit brutis, plus quam putaverat, concedit, 267 & seq. Solvit Poëta id quod objicitur, inutilia fore brutis sensuum organa, si sensu bruta careant, 277 & seq.

Sine. Quod apud Sinas fama quodam refert nullo mercedis amore virtutem colere, non tamen est aliquā sine Religione, speciosa hæc morum regula, 17.

Solem inter Planetas ponit Ptolemaeus, Terram in Mundi centro, 352. In centro Solem, Terram inter Planetas ponit Copernicus, 353. Solem, non Terram, moveri existimavit Ticho; at Soli Terræque comites distribuit Planetas, 354. Rursum de Sole, ex mente Copernici, tractat Poëta, 357 & seqq. Solis in centro vertiginem explicat, 371. Explicat Solis & Lunæ eclipses, 392.

Spacium cum Numero & Tempore comparatur, 56. & seqq. Tria hæc mera nomina sunt, & aspectus rerum, non res, ibid. Spacium nihil est, nisi corporis ipsa mensura, 62. Nil refert Spacium immobile ponit, 63 & seq. Si destruantur res, Spacium simul destruetur, 66. & seq. Vide *Inane*.

Spinosa

Spinosa, omnigeni Dei fabricator. Ablurdam esse ejus unitatem ostendit Poëta, 114 & seqq. Sententia ejus de Motu æterno, & in ipsa Materiæ natura inhærente, evertitur, 173 & seqq. Sententia ejus de Mente refellitur, 218 & seqq.

Sterilitatis & fecunditatis terræ caula, 337 & seqq.

Supersticio & impietas per inanē fabulas sese pariter protegunt, 292.

T.

TEMPUS. Spacium cum Numero & Tempore comparatur, 56 & seqq. Tria hæc mera nomina sunt, & aspectus rerum, non res, ibid.

Terram in Mundi centro ponit Ptolemaeus, Solem inter Planetas, 352. Terram inter Planetas, in centro Solem, ponit Copernicus, 353. Solem, non Terram, moveri existimavit Ticho; at Soli Terræque comites distribuit Planetas, 354. Terræ circa proprium centrum rotationem, tertiumque ejus motum, quo Stellæ magnum 26000 annorum orbem confidere videntur, explanat Poëta, 375 & seqq. Cur Terræ axis inclinetur, 382 & seq. Terræ proprium Vorticem explicat, 389 & seq. De iis quæ Terræ Marique continentur, differere sibi proponit, 397 & seq.

Ticho, Astronomiæ studio celebris Hujus de Mundo sistema breviter exponit, 354.

V.

VACUUM. Vide *Inane*.

Vegetabilia. In cunctis vegetabilibus generis sui semina infūnt, 336. & seq.

Veritas. Rationis lege perempta,

nihil amplius verum esse necesse est, 22 & seq. Veri & Justi certam esse regulam ostendit Poëta, 407 & seq. Veri & Justi regulam Mente nostrâ priorem esse, 408 & seqq. Veri & Justi magistram esse naturam, hoc est, Dei ipsius mentem, 412. Ad revelatae veritatis indagationem adhortatio, 436.

Virtus. Epicurus non in Virtute Voluptatem, sed in Voluptate Virtutem ponit, 19 & seq. Quæ sit Virtus, 20. Frustra Epicurus voce tenus Virtutem laudat, quam re ipsa evertit, ibid. & seq. Gaudienti vitiis asperrima est Religio, non Virtutis amanti, 21. Eversa Religione, evertitur simul Veritatis regula, 22. Eversa Virtutis regulâ, evertitur simul regula Veritatis, ib. & seq. Ad Virtutem adhortatio, 434. Unitas Spinose absurdâ esse ostenditur, 114 & seq.


Voluptas. Epicuri institutum de subvertendâ Religione, & unicè colendâ Voluptate, libidini quidem est amicum ac sceleribus; at moribus, humanæ societati, virtuti & rationi infestum, 7 & seqq. Demo Numine, nil superest quod contineat hominem Voluptati deditum, 8 & seq. Nullus pudor continet hominem Voluptati deditum, qui nil umquam se peccasse putat, 9. Voluptatem sequitur germana Tyrannis, 10. Voluptate viñā, torquetur Voluptati deditus, delectatur Religionis amans: vincente autem Voluptate, porta datur flagitio, 11. Si cui macienda Voluptas, est macienda Deo, 12. Plurima non ulli obnoxia legum patruntur crimina, in quæ omnia, si aberit Deus ultor, proruet homo Voluptati deditus, 13. Quemque trahit sua Voluptas, quam si quisque sequi debeat, fas est quodcumque lubebit, 15 & seq.

F f

seq. Frustra Rationis frenum Voluptati se injecisse jaet Epicureus, quod inane vanumque putari ipse juber, 16 & seq. Si Ratio moribus praest, fit Voluptatis dominatrix; si Voluptas, fit Rationis domina, 18 & seq. Epicurus non in Virtute Voluptatem, sed in Voluptate Virtutem ponit, 19 & seq. Si jus fasque Voluptati frenandae necessarium fuit, hinc patet quam per se exitiosa sit Voluptas, 25. Homo Voluptati deditus toti sit inutilis orbi, 27. Sum-

mum quidem bonorum est Voluptas; modo scilicet inde petatur, unde petenda est, 36. Ad sinceros divinæ mercedis amantes pura frustaque aliis quæsita venit Voluptras, ibid & seq. Quantum præster Religionis amor, Voluptatis servitio, 39 & seq. Rationis magistram esse, non Voluptatem, sed naturam, hoc est, Dei ipsius mentem ostendit Poeta, 412.

Vorticum variorum quibus constat Mundi compago, inter se libramen, explicat Poeta, 371 & seq.




UANL

UNIVERSIDAD AUTÓNOMA DE NUEVO LEÓN

®

DIRECCIÓN GENERAL DE BIBLIOTECAS

+ 2 le ro.



UANL

UNIVERSIDAD AUTÓNOMA DE NUEVO LEÓN

®

DIRECCIÓN GENERAL DE BIBLIOTECAS

ANL

ACADEMIA DE NUEVO LEÓN
DE BIBLIOTECAS

®

TEC